



Malibbi  
Gration.



BIBLIOTECA DE LOYOLA

Sala 4 Estante 2 Plúteo 3

ANTO

361

29

T 1

LC REVIS R

DE LA SALLE

EDICIONES



*Ex lib. aperto*

M. ANTONII  
M V R E T I  
I.C. ET. CIVIS. R.

ORATIONES. XXIII

Earum index statim post Praefationem  
continetur.

*Eiusdem interpretatio quinti libri Ethicorum  
Aristotelis ad Nicomachum.*

*Eiusdem hymni sacri, & alia quaedam poemata.*



VENETIIS. ∞ DLXXV

Apud Aldum



EX PRIVILEGIO  
MAXIMILIANI II  
IMP. CAVES : AVG.  
Editio Aldi Manutij  
Paulli F. Aldi N.

VIZIO SO. ZITEN  
VNDLICHA



M. ANTONIVS  
MVRETVS  
S. D.

SCIPIONI . GONZAGAE  
Marchioni, & S. R. I. Principi.

FFERO tibi munus,  
SCIPIO GONZAGA, si  
aut ex sua, aut ex tua di-  
gnitate spectetur, pere-  
xiguum; si ex uiribus  
meis, mediocre; si ex animo, magnum.  
Orationes quaedam sunt, uarijsa me tem-  
poribus habita: quas, cum partim di-  
spersae atque errantes uagarentur, par-  
tim apud me in aduersarijs neglectae ia-  
cerent, nunc in unum corpus collectas

( 2 ut



ut edi ac diuulgari paterer , amici qui-  
dam , multo mei , hac quidem in parte ,  
quam par est , & quam ego ipse uellem ,  
studiosiores , impulerunt . Satis su-  
perq. fuerat , earum partim in scholasti-  
co puluere , atque in illis eruditorum  
hominum umbraculis , non tantum re-  
cto , ut dicitur , stetisse talo , sed plau-  
sum etiam & ieronimias tulisse : par-  
tim in illo confessu , quo nullum habet  
terrarum orbis augustiorem , & silen-  
tio auditas , & principum uirorum testi-  
monio commendatas fuisse . Superar-  
rat fortuna spes meas : quam saepius  
sine causa experiri , negant esse sapien-  
tis . Neque nescius eram , morosiora  
ac difficultiora esse legentium , quam au-  
dientium , iudicia : saepeq. accidere , ut  
quae audientes mirabamur , eadem le-  
gentes rideamus . Sed quid facerem ?  
Cupienti mihi iam latere , amici obste-  
runt :

runt : quibus parendum fuit : ne , si in  
negando pertinax essem , superbiae de-  
nique id potius , quam modestiae , adscri-  
beretur . Cum igitur inibi esset , ut ede-  
rentur , libenter arripui occasionem diu  
optatam inscribendi tibi , ut nunc fit , ali-  
quid depromptum ex studijs meis , ea-  
demq. opera testificandi et iudicij de te ,  
et mirifici cuiusdam amoris erga te mei .  
Vere enim hoc dicam SCIPIO : cum  
omnes qui te norunt , ita te ament , ut  
eorum nemo sit , qui se studio atque ob-  
seruantia tui cedere cuiquam putet , ego  
tamen mihi uideor diuturna & accura-  
ta notatione & obseruatione earum re-  
rum , quae te usque eo omnibus amabi-  
lem redditur , singulare quiddam prae-  
ter ceteros . Quid est enim ,  
quod ad conciliandas ac deuinciendas ho-  
minum uoluntates ualeat , quin id in te  
omni ex parte perfectum reperiatur ?



Nihil hic de summa atque antiquissima gentis uestrae aut nobilitate aut potentia dicam: nihil de toto illo genere bonorum, quod ita tuum est, ut etiam aliorum sit. Alios et ista amatores habent. Ego in te nihil amo, nisi te ipsum. Itaque ut ille rex potentissimus ex amicis suis alium dicebat esse φιλοθεοτάτη, alium φιλαρέξαρχον: ita tu, alios esse, qui et alia in te ament, me plane et ex animo φιλοσοφίωνa esse tibi persuadeas licet. Ac te ipsum cum dico, ne illam quidem dico et oris et totius corporis dignitatem, quae tibi omnium elegantiorum hominum animos primo statim adspectu conciliat, constituens, quoad eius fieri potest, ante eorum oculos, et ingenium et mores tuos. Quamuis enim uere dixit nescio quis poetarum, gratiorem in pulchro corpore esse uirtutem: ea tamen est in te ueriorum ac solidiorum bo-

norum

norum

norum copia, quae te his secundae, ut ita dixerim, notae bonis censeri non sinit. Ingenium excellens, et in quo, tamquam in pingui ac feraci solo, omnes te dignae artes ita facile comprehendant, ut eas non ab alijs accipere, sed ex te ipse parere ac proferre uidearis. Quo tu usus ita ut decuit, a Graecae Latinaeq. linguae intelligentia, a poetarum, historicorum, rhetorum cognitione ad philosophiam, et ad eam, quam tibi ab ineunte aetate proposueras, quaeque tibi nunc in amoribus ac delicijs est, theologiam ea celeritate properasti, ut, quae honoris ac dignitatis praemia confecto studiorum curriculo tribui ac decerni solent, ea tu tunc meritissimo consecutus sis, cum adhuc maturum uideri poterat, de animo ad illas grauiores disciplinas ad iijcendo cogitare. Atque ut istius generis ingenium umquam ita

( 4 esse



esse otiosum potest, ut omnino nihil agat: quod tibi dabatur a superioribus studijs excepti ac subsecuti temporis, eo tu, quasi ludibundus, eas artes, in quibus ingenii adolescentes exerceri olim Athenis solebant, ita omnes didicisti, itaq. te in eis exercuisti, ut in earum qualibet cum summis artificibus comparari facile possis. Quid nunc ego mores illos tuos plane, ut poetae loquuntur, aureos laudem? Potuitne quisquam umquam bonus tecum biduum uiuere, tuaeq. suavitatis partem aliquam gustare, quin, ut sibi totam aetatem tecum exigere liceret, optauerit? Ita tu, quod rarissimi exempli est, summam integritatem uitae cum summa comitate ac facilitate copulasti. Sed nolo nunc plura de te: ne ipsi tibi molestus sim. Evidem cum de scriptis meis non magnopere laborare soleam, tam hunc librum praecipue cupio & celebrari

brari nunc, & ad posteros peruenire: ut exstet aliquid testimonium iudicij de singularibus tuis uirtutibus mei. In quo ne forte quis eorum, qui te non norunt, nam de ijs, quibus tu notus es, nihil tale metuo, assentationi & consuetudini datum esse aliquid suspicetur, Deum immortalem testor, nihil umquam a me uearius, magisq. ex animi meis sententia scriptum esse, quam ea, quae de tuis laudibus scripsi. A te peto, ut me ames: quo me ipsi mihi efficias cariorem. Vale. Romae. Kal. Mai. ∞ D LXXI.





## Index Orationum.

- |       |                                                                         |         |
|-------|-------------------------------------------------------------------------|---------|
| I.    | De laudibus litterarum                                                  | pag. 1. |
| II.   | Aduersus quosdam litterarum hu-<br>maniorum uituperatores.              | 16.     |
| III.  | De philosophiae & eloquentiae<br>coniunctione.                          | 28.     |
| IV.   | Cum inciperet explicare libros E-<br>thicorum.                          | 50.     |
| V.    | Cum uenisset ad eam partem, in<br>qua de temperantia agitur.            | 65.     |
| VI.   | Interpretaturus quintum Ethico-<br>rum.                                 | 79.     |
| VII.  | Cum interpretaturus esset sextum<br>corundem librorum.                  | 94.     |
| VIII. | Cum inciperet publice interpreta-<br>ri Pandectas iuris ciuilis.        | 113.    |
| IX.   | Cum ad munus docendi, quo se<br>sponte abdicauerat, reuocatus<br>esset. | 123.    |
| X.    | Cum inciperet interpretari titu-<br>lum de pactis.                      | 128.    |
| XI.   | Cum inciperet interpretari tit. de<br>iudicijs.                         | 140.    |
| XII.  | Cum, in eloquentiae profesio-<br>nis                                    |         |



- ris locum suffectus , Tusculanas quaestiones explicaturus es set . 155.
- XIII. De litterarum praefantia. 164.
- XIV. Pro Francisco II. Rege Galliarum; ad Pium IV.P.M. 185.
- XV. Pro Antonio Borbonio, Rege Nuarrae, ad eundem. 197.
- XVI. Pro Karolo IX. Rege Christianissimo, ad Pium V.P.M. 211.
- XVII. Pro Sigismundo Augusto, Rege Poloniae , ad eundem . 230.
- XIIX. Pro Alfonso II. Duce Ferrariae &c.ad Pium IV.P.M. 250.
- XIX. Pro eodē,ad Pium V.P.M. 258.
- XX. In reditu ad urbem M. Antonij Columnae , post Turcas nuali proelio uiatos. 271.
- XXI. In funere Pij V.P.M. 285.
- XXII. Pro Karolo IX. Galliarum Rege, ad Gregorium XIII.P.M. 299.
- XXIII. In funere Karoli IX. Galliarum Regis. 311.
- XL Cum tunc pectori intubicimi in illis  
inclusis. 320.
- XLI Cum in gloriamuisse huiusmodi  
in illis

*Laus Deo Patri*



M . A N T O N I I  
M V R E T I

ORATIO . PRIMA *De laudibus* *lucis*

HABITA . VENETIIS  
MENSE . OCTOBRI

ANNO . C C D . LIV



V A E singula hominibus ad  
dicendum accendentibus timo-  
rem facere consueuerunt, pa-  
tres amplissimi, uosq. cete-  
ri ciues ornatissimi, ea mihi  
sese hodierno die obijciunt u-  
niuersa. Siue enim loci amplitudo afferre per-  
turbationis aliquid potest, Venetijs dicimus: si-  
ue audientia dignitas, magna lexitissimorum  
hominum adstante frequentia dicimus: sine ipsa  
orationis materia, dicendiq. condicio, ita dici-  
mus, ut sit nobis eodem tempore de ingenio,  
doctrina, de gloria, ornamentisq. omnibus

*et in*



In hoc litterarum certamine perielitandum. Venetijs dicere, si quisquam est, qui parum putet, cum necesse est in maximarum, earundemq; toto orbe notissimarum rerum ignoratione uersari. Ecquis enim est hodie tam inaccessus, tam ab omni hominum consortio remotus in terris locus, quo non huius praestantissimae ciuitatis fama peruerteret? quis populus, quae gens, quae hominum natio uel tam immanis atque barbara, uel tam exculta disciplinis atque artibus, quam non iampridem florentissima Venetorum respublica non gloria modo & splendore nominis sui, uerum etiam admiratione compleuerit? Haec uero firmamenta reipublicae, haec ornamenta Italiae, haec uirtutum omnium, Laudandarumq; artium praeclarissima lumina intuentem, non commoueri; tantum id quidem est, ut, non dicam in meam hanc mediocritatem ingenij, sed uix in quemquam hominem, qui ceterorum de se iudica extimescat, cadere posse uideatur. Etenim si eloquentissimos olim uiros accepimus, cum ad dicendum uenissent, unius principis aspectu ita conturbatos fuisse, ut obmutescerent: quid mihi tandem animi esse oportet, qui neque comparandus cum illis omnino sum, & apud uos dico, senatores amplissimi, ad quos cum oculorum conuerto aciem, totidem mihi confessum principum uideor intueri? Ac ceteri quidem saepe

pe ad eam excusationem confugiunt, ut se, cum renuitatis suae concij essent, tamen uel necessitate, uel officio impulsos, uel amicorum sive precibus, sive tempore aliquo adductos, dicendi munus non tam appetiuisse, quam detrectare non potuisse, dicant; quam totam rationem nobis hodierno die ipsa rei natura, conditioq; praecludit. Non enim detrectantes, sed ultro nobis deponentes hanc dicendi prouinciam, ad eam non alienis precibus impulsi, sed nostra incredibili benignitate admissi sumus: ut si minus ex aliqua parte nostra uobis approbata fuerit industria, cauſa nulla sit, quin omnes accusandam potius nostram temeritatem, quam imbecillitatem subleuandam patent. Evidem cum & ab in-eunte aetate, tum domesticis excitatus exemplis, tum ipsa hortante natura, honestarum artium studia coluerim, & ubi primum per aetatem liciuit, quae mihi meo ipse labore pepereram, alijs tradere ingressus, nouem prope iam annos in hac dicendi, et docendi exercitatione consumperim; tamen superiora illa considerans, ita commouabar animo, facile ut hoc potuerim abstine-re consilio, nisi me huc summa de nostra singula-ri humanitate concepta fles, & magna quae-dam approbandae uobis, si minus eruditioris, at certe uoluntatis meae cupiditas impulisset. Ac mihi quidem, &, cuius rei cauſa in hunc locum



adscenderim, & ad quos uerba facturus sum, cogitanti, prorsus ita uidetur; nullo in argumento meam commodius orationem posse uersari, quam si, litterarum disciplina quantum non ornamenti solum, uerum etiam praefidij bene temperatis ciuitatibus afferat, tum adhibitis rationibus, tum etiam exemplis, atque ex ueteribus saeculis repetita memoria exponam: minime id quidem, quo uos, tales uiros, commonefaciam, excellentibus a natura ingenij praeditos, eruditos a studijs liberalium doctrinarum, a diuturno assidueq; magnarum rerum usu peritos: sed quia libenter facio, ut, quarum artium percepta scientia unumquemque uestrum uehementer affici constat, earum animos ueistros iucunda commemoratione delectem. Quae cum ita se habeant; mihiq; ipsa per se delectae ad dicendum materiae dignitas satis magnam audientiam factura uideatur: tamen magis consuetudine, quam quod ita necessarium iudicem, petam a uobis, ut mibi, res pulcherrimas breui oratione comprehendere medianti, exigui temporis attentionem ne denegetis. Magna omnino uis magnumq; momentum positum est in litteris, uiri amplissimi, ad conseruandas, bonisq; cumulandas omnibus ciuitates. Nam cum felicitas publica, ad quam humana omnia referenda sunt, e singulorum ciuium felicitate constet: singulorum autem felicitas in

exco-

excolenda, exercendaq; uirtute praecipue sita sit; & ad perfectam uirtutem consequendam, necessariam quandam praecursionem adhibeant litterae: illud profecto consequitur, ut, nisi in qua litterarum cultura uigeat, florere absolute ciuitas nulla possit. Ponite uobis ante oculos, omnes aetatis humanae partes; omnem publicorum temporum uarietatem, omnes instituendae uitiae rationes & uias animo & cogitatione percurrite: nullam omnino reperietis, quae non ita litterarum auxilio indigeat, ut, eas si quis sustulerit, solem ipsum de mundo sustulisse uideatur. Eae nos, ubi primum firmius incedere, atque articulatius loqui coepimus, de ipso prope nutricum acceptos sinu, titillatione quadam honestissimae uoluptatis alliciunt, allectos paeceptis saluberrimis complent: non tantum bene dicendi, uerum etiam bene uinendi commonstrant uias: excitant in animis nostris igniculos gloriae: quantus sit in uirtute splendor, quanta in uitijs deformitas, edocent: quae qui semel bene penitus imbibierint, ij numquam non postea & uitijs turpitudinem omni studio resugient, et officij honestatisq; rationem rebus alijs omnibus anteponent. Ut autem in semente posita spes messis est, ita totius reliquae uitiae expectatio ab educatione pueritiae pendet. Vbi uero infirmam illam ineuntis aetatalae teneritatem robur adolescen-

ia 3 tiae



tiae exceptit, quae tandem alia res aut animum  
praeclararum rerum studio accendere, aut effe-  
rentibus sese cupiditatibus, quibus ea pars ins-  
gniter agitari solet, frenos iniçere, praeter lit-  
terarum tractationem, potest? Themis tolem  
olim, cum somnum capere adolescens non posset,  
dicere solitum tradunt, se Miltiadis trophyo,  
quiescere uolentem, excitari: quanto eos acrius  
incendi, atque inflammati necesse est, qui quoti-  
die non unius, sed innumerabilium hominum  
uirtute praestantium trophya non e marmore  
constituta ad exigni praedicationem temporis,  
sed ad omnem aeternitatem commendata litter-  
ris intuentur? Neque uero pertimescendum est,  
ne aut labore frangantur, aut uoluptatis irre-  
tiantur illecebris ij, qui aetatis suae florem lit-  
terarum studijs dedicandum esse statuerunt. Tan-  
ta siquidem est oblectatio paullatim acquirenda  
cognitione rerum sese pascens animi, ut, ea qui  
fruuntur, ab ij, neque laboris taedium, neque  
auocantium uoluptatum blanditiae sentiantur.  
Itaque sapienter poetae, cum ceteros omnes deos.  
Veneris imperio subdidissent, in Mineruam mo-  
do, & in studiorum praesides Musas, nihil ei, ni-  
hil Cupidini iuris esse uoluerunt. Quinetiam il-  
lud ab ijdem memoriae proditum est, Iasonem  
olim, ceterosq. Argonautas, cum eam insulam,  
qua ab amoenitate, florumq. copia nomen in-  
uenerat,

uenerat, praeter nauigarent, periculumq. esset,  
ne molli, ac delicato Sirenum cantu, quae eam  
insulam incolebant, ad exitium perducerentur,  
unum in Orpheo persugium habuisse: qui cum  
assedisset in puppi, simulq. fides blandis impel-  
lere digitis, simul uocem illam, qua rupes ne-  
moraq. traxerat, explicare coepisset, tanta si-  
mul aures animosq. audientium uoluptate com-  
pleuit, ut iam Sirenum uocibus nemo nauigan-  
tium moueretur. Hoc figmento, quid tandem  
aliud doctissimi homines, nisi id, quod nos uolu-  
mus, indicarunt? Florida uidelicet illa insula, in-  
uentus est. eam qui quasi praeteruehuntur, ma-  
gno in periculo sunt, ne Sirenum, id est, uoluptu-  
tum blanditijs decepti, & a recto itinere abdu-  
eti, in uada & scopulos deferantur. Quodnam  
igitur huic tanto periculo comparatum reme-  
dium est? quod, nisi Orhei, optimi ac sapientissi-  
mi uatis, lyrae cuius suauitatem qui percipiunt,  
ij & Acheloidum cantus pro nihilo putant, &  
tandem institutum illud iter emensi, uellus au-  
reum, id est, uirtutem cum immortali conium-  
Etiam gloria consequuntur. Nimirum ut maior  
lux minorem, ita minoris uoluptatis sensum per-  
ceptio maioris extinguit. Quanto autem uolup-  
tas ea, quae discendo sentitur, ceteris omnibus  
maior, sincerorq. sit, uel illud indicio est, quod  
aliarum, etiam qui eis plurimum tribuunt, sa-



tietatem tamen quandam esse, ac taedium, contentur; huius ut quisque percepit plurimum, ita eam acris, atque audiens concupiscit. Quod si cui forte dubium est, prodeat in medium Chrysippus, qui saepe studio intentus tanta voluptate perfruebatur, ut eum tamquam extra se positum cibi potionisq. caperet obliuio. Prodeat solertissimus ille caelestium orbium non perscrutator tantum, sed etiam imitator, Syracusanus Archimedes, qui non modo earum rerum, quas natura fert, prae ea, quam capiebat e studijs, oblectatione memor non erat; sed in illa ipsa Syracuse urbis direptione, ita defixus erat in studio, ut prius hostilis gladij cuspidem corpore exceperit, quam urbem in hostium potestatem uenisse sentiret. Orem omnium saeculorum admiratione dignissimam. Diripiebatur urbs ea tempestate omnium opulentissima; effusi per vias milites, ut in quemque inciderant, sine ullo sexus, aetatis, ordinis discrimine obuios contrucidabant; undique gladiorum fulgor praesinguebat oculos; undique armorum sonitus, undique cadentium tectorum fragor audiebatur; puerorum eiulatibus, mulierum lamentis, morientium gemitibus, militum clamoribus, priuata publicaque omnia circumsonabant; ipsa urbs paene dimota & conulsa sedibus suis, suorum ciuium in caede ac sanguine natabat; cum unius hominis

hominis mens in media ciuitate, ciuitatis ipsius casum ac ruinam non sentiebat. Solonem uero acceperimus, cum in lectulo, morti proximus, decumberet, inaudissetq. assidentes amicos, de re quapiam, summisse, ne ipsi molestiam parerent, disputantes, eretto, ut potuit, iam semimortuo capite, rogasse eos, ut aliquanto loquerentur elatus; sibi, si etiam moriens aliquid discere potuisset, discessum a uita iucundiorum fore. O descendendi cupiditas; quid non efficis, ubi semel generosa ingenia occupasti. Tenebatur homo sapientissimus grauissima ui morbi defixus in lecto: uincitate iam mortis ab omnibus paene corporis partibus sensus abscesserat: egregius ille animus, mox liber ac solutus futurus, e corporeis uinculis exsiliare cupiebat: cum quidquid supererat uirium, eo contulit, ut deficiente lingua, uocibusq. interruptis, ac morientibus suum doctrinæ, cognitionisq. desiderium indicaret. Quid hunc uerisimile est firmum ac ualentem fuisse; qui ne mori quidem, nisi discendo, uoluerit? Merito igitur tam diu floruit Atheniensium resps. quam diu tam praeclarri uiri tenuit disciplinam. Sed, ut eo redeamus, unde nos facta praeclarissimorum hominum mentio paulisper abduxit; dici prosector non potest, adolescentes nobilissimi: uos enim, uos mea iam compellabit oratio: dici, inquam, non potest, ea studia, in quae



quae nunc toto pectore incumbitis, quanto olim  
uobis & ornamento, & auxilio futura sint, cum  
iustos & generis uestri nobilitas, & uestra uirtus  
ad reip. gubernacula admouerit. Etenim quibus  
artibus ciuitates praecipue conseruantur, pie-  
tate, iustitia, fortitudine, imprimisq. pruden-  
tia; earum sunt omnium artium quasi semina lit-  
terarum prodita monumentis. Neque uero haec  
a me ita disputatione, ut contendam, nisi litteris  
eruditum, ciuem patriae utilem esse neminem  
posse; sed hoc dico; nisi litteris exculti sint ij, qui  
uelut in reip. puppi sedentes, clavum tenent,  
multis eos muneris sui, ijsq. praecipuis parti-  
bus necessario defuturos. Nam, cum duo publico-  
rum temporum genera sint, unum pacis, alte-  
rum belli, quorum alterum semper optabile est,  
alterum numquam optabile, nonnumquam ne-  
cessarium; quomodo, ut hanc partem priore loco  
attingamus, in pace, ciuibus iura describere,  
quantum cuique tribuendum sit, intelligere, ci-  
uium inter se dissidia componere, uerba publice  
facere, legationes cum laude gerere, praetervita  
tenere, futura prospicere, quid in omnibus rebus  
factu optimum sit, uidere, & ex alijs alia collige-  
re poterit, nisi qui haec sibi de litterarum fonti-  
bus haurienda omnia existimauerit? Nisi uero  
eorum recipienda sententia est, qui fieri putant  
posse, ut qui reip. praest, quamvis litterarum sit  
expers,

expers, tamen ad eas res, quas modo enumeraui-  
mus, aliena opera non incommode utatur. An  
uero, T. Mantium Torquatum, memoriae prodi-  
tum est, cum consul declaratus fuisset, excusasse  
ualetudinem oculorum, & summum Imperium  
detrectasse; quod indignum duceret, ei capita ac  
fortunas ceterorum committi, qui alienis oculis  
omnia gerere cogeretur: qui alieno ingenio, alie-  
naq. lingua ad omnia uti necesse habebunt, ij sa-  
tis ad gubernandos ceteros idonei uidebuntur?  
At oculorum quidem lumine carentes, nihil pro-  
bibet acie ingenij etiam futura cerne, optimeq.  
consulere: quales in fabulis Tiresiam, in hi-  
storij Appium legimus: cuius uero doctrina-  
rum luce careat animus, quid is tandem gerere,  
quid suspicere, quid cogitare praeclarum potest?  
Sed sunt quidam homines, qui cum litterarum  
tractationem tranquillis pacatisq. temporibus  
& honestam in primis & utilem esse fateantur:  
ijdem tamen, cum occupata bello aliquo ciuitas  
est, latere eas, quasi perterritas metu, & inter  
tubarum lituorumq. clangorem, nullum sui am-  
plius praebere usum arbitrantur. Quorum nobis  
hac in parte coarguendus error est, & quantum  
uel in medio bellorum tumultu litterae ualeant,  
aperiendum. Etenim si corporis tantum, non  
etiam animi, uiribus bella gererentur, tum isti  
fortasse aliquid dicent: nunc quis est, qui cum  
mibi



mibi & maximum esse in bellis consilio ac prudentialiae locum, & eas uirtutes bona ex parte litterarum studio comparari, certe quidem insigniter augeri, confirmariq. concesserit, idem tamen earum scientiam in bello inutilem esse contendat? An ignoramus celebre illud regum regis Agamemnonis uotum, qui ut Troia facilius potiretur, non Achillis, aut Aiacis, sed Nestoris decem similes optabat sibi? Neque temporis nobis ad uiuendum a natura praescripti ea longitudo est, neque ita fert humanarum rerum ratio, ut multis admodum bellis interfuisse unus idemque possit: itaque qui unum alterumue spectarunt, multum sibi militaris prudentiae collegisse existimantur. quid eos iudicabimus, qui hoc sibi diurna librorum evolutione pepererunt, ut omnibus, quotquot post hominum memoriam gesta sunt, bellis interfuisse uideantur? Quod si quis ita bella aliquot spectare posset, ut utriusque partis consilia teneret, rerum administrandarum uiam, rationemque cognosceret, euentus animo cerneret, quid non ei postea in rebus bellicis omnium consensu tribueretur? at haec omnia, qui uersantur in litteris, aliaque plurima, ac pulcherrima otiosi ac sedentes consequuntur. Taceo, quam multa expressa sint eruditissimorum hominum scriptis de uirtute, de gloria, de caritate patriae, de animorum aeternitate, de prae-

mij,

mij, quae post mortem manent eos, qui se pro patria animose ac fortiter gesserint, quae tantam uim habent, ut neque qui ea ignorent, uerae laudis habere gustum, neque qui tractant, uerae ac solidae gloriae ullam omnino rem anteferre possint. Quid illud, an non quantiuise est, quod saepe labantes iam ac deficientes exercitus eloquentum hominum uoce legimus suisse renocatos? Citetur testis Lacedaemoniorum ciuitas, cuius exercitus Tyrtaei poetae uersibus inflamatus, pulcherrimam illam de Messenijs uictoriā reportauit. Dies me deficiet, si aut eruditos homines, qui bellicis laudibus praestiterunt, aut fortissimos Imperatores, qui eruditionis & doctrinae gloria excelluerunt, enumerare insituam. Nam & Architam Tarentinum sexies exercitum duxisse comperimus, & Melissum naualibus aliquot uictorijs insignem suisse, & terstipendia fecisse; Socratem, & Platonem, & Xenophontem egregiam in bello ciuibus suis operam praefituisse. Quid illa propugnacula Graeciae, Periclem, Themistoclem, Epaminondam loquar? Quid illa Romani Imperij columna, Scipiones, Lucullos, Fabios, Marcellos, aliosque innumerabiles proferam? quos omnes cum bellicis laudibus claros, tum praestantes doctrinae studijs suisse, historiae loquuntur. Nam Iulium Caesarē, quis nescit, utra laude praestaret, ambi-  
guum



gaum posteris reliquise? Brutus autem, quanto litterarum ardore flagrauerit, uel ex eo colligi potest, quod ea ipsa nocte, quae mortem ipsius antecessit, Platonis dialogum, de animorum immortalitate legisse aliquoties dicitur. Atque hoc praecclare olim intellexisse uidentur Mitylenaei, praincipuam esse in rep. uim litterarum, qui, quos populos bello denicerant, nullam eis aliam poenam irrogabant, nisi ut ne liberos suos litteras edocerent. sciebant uidelicet eas tantum ciuitates florere posse, in quibus litterarum studia cohererentur. Cuius rei cur tandem aliunde exempla repetamus? An uero, ciues, quod uiget hodie nostra resp. quod floret, quod beata est, quod cum ceterae orbis uniuersi partes grauissimis bellorum tempestatibus agitantur, una haec (quod ei Deus opt. max. proprium ac perpetuum faxit) in pace atque in otio conquiescit, aliunde id fieri creditis, quam quod ei & praesunt homines cum ceteris omnibus, tum hac eruditionis & sapientiae laude clarissimi, & semper eorum simillimi praefuerunt? O diuine Plato, tua sunt omnia & dilecta & cogitata praecclare. Tu dicere solebas, tunc demum resp. beatas fore, cum eas aut philosophi coepissent regere, aut qui regerent, philosophari. Tuum hoc sapientissimum oraculum perpetua iam mille amplius annorum felicitate Venetorum resp. comprobauit. Evidem quo longius

gius in altum inuehor, patres amplissimi, eo mihi amplior & patientior orationis quasi cursus ostenditur. sed & temporis me ratio, & nostra singulatis sapientia, ut uela contraham, portumque tandem aliquando respiciam, monet. Neque enim credibile est, posse aut me, aut quemquam de litterarum praefstantia, fructibusque, qui ex earum tractatione capiuntur, nobiscum melius, aut copiosius, quam unumquemque uestrum secum loqui; & mihi non tam orationis conquirenda copia est, quam nostra satietas refugienda. Itaque finem dicendi faciam, si uos prius etiam atque etiam rogauero, ut si forte minus a me ornare ac copiose dictum est, quam & huius loci amplitudo, & summa audientium dignitas postulabat, meum tamen iccirco placendi nobis Studium ne improbetis. Ego quidem, si non indignus a uobis, qui saepius audiar, iudicem; erit, quod mihi magnopere gratuler: sin forte: sed reprimam me: neque committam, ut meis ipse uotis uidear male ominari: qui tamen a tot, tam praelaris uiris, tanta benignitate auditus fuerim, magnum mihi non huius modo laboris, sed totius anteactae uitae fructum hodierno die nostro singulari beneficio uideor consecutus.



# ORATIO SECUNDA

HABITA . VENETIIS  
POSTRIDIE . NON . OCT .  
ANNO . 1550 . D . LV

**D**ERMVITOS esse intelligo , qui de his litteris , quae humaniores vocantur , eam animo imbibere sententiam , ut earum tractationem leue quiddam esse , ac nugatorium existimant : neque aut magnos admodum labores ab ijs suscipi , qui eas iuuentuti tradant ; aut eorum magnopere fructuosam esse reip . industriam : in eis denique non exquisitam ullam , ac reconditam , sed circumforaneam quandam , haustamq . de triujs ac circulis requiri doctrinam putent . a quibus ego quoniam ita dissentio , ut ex omnibus , qui se aliquid docere profitentur , horum uel grauissimum munus esse contendam : neque ullos esse ,

## ORATIO . II 17

esse , qui aut laborum plus perferant , aut maiores in rep . pariant fructus : doctrinae denique a nullo hominum genere maiorem aut copiam requiri , aut uarietatem arbitrer : constitui hodie no die , patres amplissimi , nosq . ceteri uiri ornatissimi , eam mihi ad dicendum materiam sumere , & nobilissimam studiorum partem , quantum id quidem in me positum erit , a contemptu , atque ab intolerabili eruditorum hominum insolentia vindicare . & uero quid aut huic temporis , aut omnino meo muneri facere conuenientius possum ; quam ut , quae mihi studia celebritatis aliquid cum alijs in locis , tum hac ipsa in cinitate pepererunt ; a quorum ego ueluti fontibus ad hanc quantulamcumque profluxi hominum famam ; ijs quoque uicissim oratione mea splendoris ac claritatis afferre aliquid coner ? praesertim cum , qui hoc litterarum genus aspernantur , facere nullo modo possint , quin de uestra , patres amplissimi , singulari , spectataq . in omnibus rebus , ac paene diuina sapientia non nihil eadem superbia detrahant . Etenim si haec tota res tam leuis est , quam isti eam uideri uolunt : quae uos tandem causa commouit , ut proximo superiore anno , propositis publice libellis , studiorum hominum animos ad nobilem illam ingenij doctrinaeq . contentionem excitaretis ; utque , qui uobis in eo certamine probati essent , ho-

B nestissi-



nestissimum postea praemium ex aerario decerne-  
retis? quae certe una res ad coercendam istorum  
temeritatem satis ponderis habere debebat: ut  
si hebetiores eos natura, stolidioresq. finxit, et  
quam ut peruidere harum rerum praestantiam  
possent; quod tamen uestro talium uirorum iudi-  
cio probatum foret, magnum esse aliquid, ac  
praeclarum suspicarentur. Sed quoniam cum ijs,  
qui auctoritate non mouentur, rationibus agen-  
dum est: adeste animis; mibiq. breuiter ostenden-  
ti, quam uaria, quamq. multiplex eruditio re-  
quiratur in ijs, qui litteras humaniores docent;  
eademq. opera, quantos ex eorum uuitate at-  
que industria resp. percipiat fructus; non aures  
modo, sed mentes quoque attentas, quaeso, paul-  
isper adhibete. At que adeo, ut haec tota contro-  
uersia melius dijudicetur, operae pretium est,  
initio, quae nam sit istorum contemptorum hu-  
manitatis oratio, cognoscere. qui quoniam eos,  
qui hanc litteras tractant, ad nullum fere maiori-  
ris momenti negotium adhiberi uident, non ad  
iudicandas lites, non ad agendas cauſſas, non ad  
dicendam de rebus grauioribus sententiam: fa-  
cile in eam opinionem prolabuntur, ut ab eis,  
praeter poeticas quasdam fabulas ad pueriles  
animos hilarandos compositas, & aliquot le-  
uia comendae, ac poliendae orationis praecepta,  
nihil omnino teneri putent. quid autem magni  
negotij

negotij est, inquit, in puerorum confessu de  
eiusmodi figmentis commemorare, ac modo de  
Thebano, modo de Troiano bello, modo de Vli-  
xis, aut Aeneae erroribus, molli, & ad inanem  
oblationem composito sermonis genere diffe-  
rere; identidemq. uelut e quibusdam arculis  
accommodata coloranda orationi pigmenta de-  
promere? Ecquae autem magna eruditio est, sci-  
re, quot nauibus Graeci ad oppugnandum Ilium  
accesserint; quot filios habuerit Priamus; He-  
lenam rapuerit Alexander, ut Homerus, an He-  
lenae simulacrum, ut Euripides prodidit? quod  
emolumen ex istorum omnium scientia; quod  
detrimentum ex ignoratione percipi potest?  
Nam ceterarum quidem artium professores  
quantum utilitatis afferant, per facile est ad in-  
telligendum. siue enim dialeeticos spectes; ab ijs  
certa quaedam ueri falsiq. in rebus omnibus cog-  
noscendi ratio traditur: ij se, quid cuique con-  
sentaneum sit, quid repugnans, quid ex quoque  
efficiatur; quae sit, dividendi, quae finiendi, quae  
argumentandi ratio, & tenere, & alios docere  
praeferunt. quid physici? qui rerum princi-  
pia cauſſasq. tractant; qui quomodo quidq. gi-  
gnatur, quoq. modo intereat, edifferunt; qui  
nimborum, fulminum, tempestatumq. cauſſas;  
qui corporum caelestium magnitudines, inter-  
nalla, cursus, progressiones, institutiones; qui ani-



mi naturam, qui rationem sensuum, qui animantium omnium ortus, uictus, figuræ: qui stirpium, qui omnium serme rerum, quae gignuntur e terra, naturas ita persequuntur, nulla ut pars ab eis caelo, mari, terra, ut poetæ loquuntur, praetermissa sit; haec cum tractant, medioriter ne reip. prosunt? Nam si ad eos te conuertas, qui eam suscepérunt philosophiae partem, in qua de rebus expetendis fugiendisq. differunt; iij vero sunt, quorum industriae nulla umquam poterunt præmia satis ampla reperiri. quibus enim, quamque præclaris in rebus eorum disputationes consumi uidemus? qui hoc primum docent, qui sit finis, quid extreum, quid ultimum bonorum omnium: quod unum intueri, quo omnes actiones, omnes cogitationes, omnia consilia referri oporteat: quot sint uitium, quotq. uitiorum genera; quibusq. molis illas assequi, ab his declinare possimus; quo modo exultanti, iactantiq. se, & detrectanti rationis imperium frenos iniçere oporteat cupiditati: tum quo modo quisque se in re familia ri gubernanda gerere debeat: postremo, quo nihil pulchrius, nihil præclarius, nihil denique diuinius, ne uotis quidem conceptis, optari potest, quibus moribus, institutis, legibus temperandæ sint ciuitates: quibus illæ modis fundari atque institui; quibus augeri, atque amplificari, qui-

bus

bus denique copiosissimæ, locupletissimæ, uno uerbo, beatissimæ effici possint. o res præclaras, & ardentissimo studio, summaq. corporis atque animi contentione dignissimas. o uitæ philosophia gubernatrix, o uirtutum omnium parens, uitiorum omnium expultrix. tuum est falsarum opinionum temeritatem diripere: tuum est omnem inanitatem & errorem amputare, ac circumcidere: tuum est uitiorum fibras euellere, stirpes elidere, semina extinguere. merito diuinus Plato nihil te præstantius hominum generi a diis immortalibus dari potuisse dicebat. eant nunc isti uerborum magistri, fabularum interpretes, nugarum architecti: perficent frontem, si quam habent, & se ulla ex parte cum philosophiae doctoribus conferendos esse prædicent. qui si aliquod forte paullo abstrusius loquendi genus, aut aliquam uoculam non ita peruulgatam, aut quampiam paullo reconditiorem fabulam reperire potuerunt, dignos se inaurata statua putant. nonnumquam etiam de eiusmodi tricis ita inter se digladiantur, ut pro aris & focis certamen suscepisse uideantur. haec fere est, patres amplissimi, eorum, qui studia laboresq. nostros deprimere conantur, oratio: qui quod philosophiam laudant, libentibus id nobis, atque approbantibus faciunt: numquam enim cuiquam concedemus, ut eam plus amet, pluris ue-

B 3 faciat:



faciat : quod autem nullum censem studiis atque artibus nostris cum ea esse commercium ; in eo quantopere fallantur , facile ex ipsis , quae dicti-  
rus sum , intelligetur . Nam primum omnium , si hoc ipsis concederemus , nihil aliud a nobis , quam poeticas fabulas , & exornandae oratio-  
nis praecepta tradi: non ex eo tamen efficeretur , quod isti uolunt , inanem quandam , & ludicram  
nostram omnem esse doctrinam , neque alio , quam ad puerorum animos uana quadam oble-  
ctatione demulcendos , referri . Etenim poeta-  
rum fabulae , quas isti tantopere exagitant , &  
insectantur , non leuia quaedam , & frugis exper-  
tia otiosorum hominum commenta sunt : immo  
uero sub eis , uelut inuolucris , atque integumen-  
tis , omnis doctrina elegans , omnis ingenuo ho-  
mine digna cognitio , omnis deniq. sapientia con-  
tentur . Eratosthenem quandam fuisse aiunt , qui poetice ita contemneret , ut Homerum in-  
eptae loquacitatis magistrum nominaret . at cer-  
te Plato , at Aristoteles , quorum non paullo ma-  
ior est , quam nescio cuius Eratosthenis , auctori-  
tas , ita saepe repetitis ex eo testimonij utuntur  
ad confirmanda ea , quae tradunt , ut eum non  
tantum studiosissime legisse , sed uix umquam de  
manibus depositisse uideantur . Itaque mirari  
soleo , cum quidam , qui se philosophos uideri cu-  
piunt , & quidem eiusmodi philosophos , ut tam

quam

quam Atlante caelum , ita philosophiam superci-  
lio suo nisi poterint , ita despiciunt ducunt poetas ,  
ut eorum scripta adipicere se dignari negent .  
qui quidem cuiusmodi philosophi sint , ipsi uide-  
rint ; cum eos contemnant , quos philosophorum  
coryphaeus Plato , modo sapientiae patres ac du-  
ces , modo deorum interpretes , modo deorum fi-  
lios uocat . Aristoteles autem , cuius isti se ger-  
manos esse interpretes gloriantur , non tantum ,  
ut ante dixi , in omnibus scriptis suis identidem  
poetarum testimonij utitur , uerum etiam libro  
primo de sapientia , philosophum omnem , fa-  
bularum amatorem esse confirmat . quod igitur  
Aristoteles esse se aiunt ; fortasse uerius , sine  
dubio quidem uersimilius dicerebant , si se ab Epi-  
curo esse affirmarent : hunc enim ex omni memo-  
ria unum fuisse philosophum accepimus , qui  
cum omnem elegantiam doctrinae , tum poeta-  
rum praecipue scripta contemneret . quod qui-  
dem se , negligendis poetis , ex Aristotelis dis-  
iplina ac familia censi uolunt ; in eo , meo qui-  
dem iuditio faciunt & impudenter , & imperi-  
te . At enim id mibi hoc tempore propositum  
non est , ut de poetarum laude dicam : quod si es-  
set ; facile ostenderem , omnia pracepta uitiae ,  
omnia uirtutum officia nihil ab eis deterius ,  
quam a philosophis ipsis , doceri . non igitur , cum  
poetarum libros interpretamur inanibus fabel-  
lis ,



lis, nutricum more, animos ducimus; sed semen-  
tem quandam uirtutis atque doctrinae faci-  
mus: non in leuibus, minimeq; frugiferis re-  
bus operam sumimus; sed praecepta sapientiae,  
quo facilius in animos influant, insatiabili qua-  
dam admirabilium rerum uarietate condimus.  
quid, cum ornate ac copiose loquendi praecepta  
tradimus, ludere uidemur, an ea docere, quae  
semper principem locum in omni bene instituta  
ciuitate tenuerunt? an nescimus, eloquentiam  
a grauissimis auctoribus rerum omnium regi-  
nam uocari? haec enim est illa uirtus, quae quam  
libet in partem arbitratu suo flectit audiен-  
tium animos, eos q; pulchritudinis suae splen-  
dore obstupefactos, quibusdam uelut habenis  
numerose orationis regit. haec illa est, quae  
consolatur maeuentes, afflictos excitat, iacen-  
tes erigit: quae sceleratis exitio est, innocen-  
tibus praesidio: improbis terrori; probis orna-  
mento. bac Cicero fretus Catilinae furores, &  
nefarie in patriam inita consilia dissipauit: bac  
rogatus superauit armatos: ut uel inimicorum  
confessione omnibus triumphis maiorem ade-  
ptus lauream diceretur. bac instructi qui sunt,  
maius omnibus tyrannis imperium in homines  
obtinent. siquidem tyranii possunt illi quidem  
corpora constringere; animis nullam adhibere  
uim possunt: bi uero dominantur in animis. quae

que

que ipsis honesta atque utilia uidentur, ea non  
facere modo alios, sed etiam uelle cogunt: illi in-  
uitis imperant; bi uolentibus: illi & oderunt o-  
mnes, & odiosi sunt omnibus; hos in omne homi-  
num genus beneficos, perpetua omnium beneuo-  
lentia comitatur. neque uero non qui eloquen-  
tiam contemnere se simulant, illius praestan-  
tiam intelligunt: sed quod assequi non queunt,  
inuidiose uituperare malunt, quam ingenue-  
de imbecillitate suarum uirium confiteri. Ora-  
tionis igitur meae summa eo redit denique:  
etiam si nihil aliud a nobis requireretur, quam  
ut explicaremus poetarum fabulas; & iuuen-  
tuti quasi uias, quibus ad dicendi facultatem  
peruenire posset, indicaremus: tamen neque  
mediocriter reip; prodeesse nos, neque paruis in  
rebus contemnendisq; uersari. Nunc tantum  
abest, ut ea solum requirantur a nobis; ut nulla  
sit ars digna hominis liberaliter educati stu-  
dio, cuius non aliqua cognitione oporteat tim-  
etum esse eum, qui munus hoc cum laude susli-  
nere meditetur. itaque hoc inter nos & alios  
interest, quod ali eos tractant scriptores, quo-  
rum uno aliquo de genere tota disputatio est.  
non enim sere in libris dialecticorum, physi-  
corum uec, aut in ijs quibus medicinae iuris ue-  
ciuialis scientia continetur, quidquam reperias,  
eius intelligentiam non ex illis ipsis, de quibus

inscripti



inscripti sunt, artibus repetere possis: at nobis  
q̄ quotidie sunt explicandi libri, qui cum scri-  
pti sint a uiris omni scientia exultis; ipsi quo-  
que innumerabiles locos ex omni disciplinarum  
genere depromptos habent. itaque ceteri etiam  
si eam unam artem teneant, quam docent, alia-  
rum omnium sint omnino rudes: tamen sufficere  
posse suo muneri existimantur: neque umquam  
aut medico turpe habitum est, nescire leges; aut  
iurisperito uel medicinam, uel astrorum scien-  
tiam non tenere. nos uni sumus, quibus omnis il-  
la liberalium artium uarietas non pertraetan-  
da quidem, ac pernoscenda penitus, sed degustan-  
da tamen, & delibanda necessario est. non longe  
abierimus. superiore anno Ciceronis orationes  
in Verrem interpretati sumus. quam multa ibi  
nos explicare meminerunt, qui tum aderant, in  
quibus alios propemodum omnes iuris ciuilis  
ignoratio sefellerat? libros eiusdem de finibus  
nunc ipsum interpretandos suscipimus. quam  
multa nobis ex omnibus philosophiae partibus  
depromenda erunt, quibus ignoratis, hos quo-  
que libros ignorari necesse est: quid astrorum ra-  
tio? quid terrarum situs? nisi qui haec utraq.  
utcumque teneat, satis ne se quisquam idoneum  
poetarum interpretem profiteri potest? et tamen  
usque eo alienis laboribus iniqui homines repe-  
rientur, qui ludere nos, ac iocari, & nihil in do-  
cendo

cendo aliud, quam puerilem uoluptatem, aucu-  
pari putent? nam illud quoque minime praeter  
mittendum est, quod a graniorum artium docto-  
ribus neque ornata, neque elegans, neque mul-  
tis quidem in locis, latina oratio postulatur. Ita  
que ruant licet in dicendo, & impure, impro-  
prie, barbare loquantur: suo id eis quodam iure  
licere creditur. at nobis dicentibus, sunt, qui  
quosdam quasi laqueos tendant; ut si quid exci-  
derit parum expolitum, diem nobis continuo di-  
cant uolatae latinitatis: quodque postremae  
iniquitatis est, peccare nos putant, nisi in ijs  
etiam, quae subito fundimus, plurimi illigati  
sunt & uerborum & sententiarum lepores. quae  
cum ita sint, quis est, qui non intelligat, si homi-  
num expectationi huius professionis satisface-  
recupiamus, infinitos esse nobis labores exau-  
riendos? desinat igitur, desinat isti alienae in-  
dustriae contemptores, gloriae obtrectatores:  
comprimant uocem stultitiae atque inuidentiae  
indicem. Vos nero, patres amplissimi, pergi-  
te, ut facitis, benignitate uestra labores nostros  
fouere: ut haec florentissima, & bonarum ar-  
tium studijs deditissima iuuentus, exercitationi-  
bus hisce nostris ad uirtutem praeparata atque  
praeculta, uestram olim in hac felicissima rep. ge-  
bernanda sapientiam facilius imitari queat.



ORATIO  
TER TIA  
HABITA . VENETIIS  
MENSE . OCTOBR  
ANNO . CCCC . D . LXVII

**S**i quis forte uestrum est, auditores, cui admirabile uideatur, quod cum ceteri ordinis mei homines in orationis fere aliquius, aut poematis explicatione uersari soleant, eos sibi libros, quibus abditarum retrusarumq. rerum ex uberrimis illis hausta philosophiae fontibus tractatio continetur, interpretandi quidem causa, uix esse attingendos putent: ego contra & altero ab hinc anno quinque Ciceronis libros, quibus de summo bono in contrarias partes copiosissime disputatur, explicauerim, & hoc tempore Tusculanas mihi potissimum disputationes, in quibus huins anni curriculum conficerem, elegerim:

M · ANT · MVR · OR · III 29

rim: is, si me i consilij atque instituti caussam rationemq. cognoverit, simul & id, quod facio, probabit, & me, si aliter fecisset, iustum doctorum & intelligentium reprehensionem nullo pateretur effugere potuisse existimabit. Ego enim, auditores, semper in ea sui sententia, praeclarum illam minime communium contritarumq. rerum scientiam, quam philosophi & tenere se, & alijs tradere profiterentur, ita esse cum facultate ornate copioseq. dicendi coniunctam atque copulatam; ut eas qui distrahere ac diuertere conarentur, & uel rerum cognitionem sine ullo factae ac politae orationis instrumento consecutari se dicerent, uel uerborum flosculis contenti, ne adffirarent quidem ad reconditos sapientiae fructus, pessime utrosq. tum suis, tum alienis studijs consulere, et exitiale quasi corporis & animi dissidium inducere arbitrarer. Igitur & ab ipso aetatis meae principio ita studiorum meorum rationem comparaui, ut exornandae orationis curam cum rerum inuestigatione coniungerem: & postea omnibus qui se in disciplinam mihi dederunt auctor sui, ut eandem illam uiam, quam praesertim praestantissimorum omnis memoriae hominum signatam atque impressam uestigij uiderent, ipsi quoque toto pectorre, omniq. animi contentione sequerentur. Animaduerteram enim, & eos, quorum omnis in con-



in concinnitate uocum, & in uerbis tamquam ad normam dirigendis, quadrandis, componendis consumeretur industria, ab ijs, quibus cor, ut aiunt, saperet, ut leues futillesq. contemni: & eos qui se ita penitus rerum indagationi tradidissent, ut de comparanda laute orationis supel lectile non laborasset, quasi agrestes ac barbaros quosdam ab omnibus elegantiorum hominum coetibus repudiari. Ergo simul atque mihi publice munus illud adsignatum est, ut iter uobis ad eastudia praeirem, quibus exculti, reipublicae aliquando usum aliquem afferre possetis: statim id consilium cepi, ut alternis annis modo Ciceronis orationes, modo eiusdem ad philosophiam pertinentes libros interpretarer. Itaque primus, ut meministis, annus in aliquot Verrinae accusationis librorum explicatione consumptus est. Secundo dissidentes ueterum de summo bono sententias quinque libris expositas accurate persecuti sumus. tertium Catilinariae ubi orationes vindicarunt. hoc autem quarto, quem nunc felicibus ingredimur ausscijs, quas nobis, auditores, quam exquisitas, quamq. praelatas audiarum doctrinae mentium epulas apparaui? decreui enim animos uestrros ipsa sui cognitione pascere, eorumque uim ab omnibus rebus externis anocatam, totam in seipsam colligere, & ad naturae suae contemplationem traducere,

cere,

cere, uos denique ipsos uobis ostendere, & illam diuinae aurae particulam, quae in nobis omnibus latet, considerandam, cognoscendamq. propone. Excutiendae nobis erunt omnes veterum philosophorum bibliothecae: perlustranda omnis antiquitas: replicanda omnium ueterum historiarum, monumentorumq. memoria: ut sciamus, quid homines sapientissimi de humanis animalibus senserint, quibus rationibus & argumentis adducti diuinos esse eos, & interitus expertes cum sibi, tum alijs persuaserint: exagitanda & coarguenda eorum caecitas, amentia, immanitas, qui alia in opinione fuerint: confirmandus ac muniendus animus aduersus mortis metum; proferenda exempla eorum, qui mortem partim aduentantem despiciuti habuerint, ac pro nibilo putauerint, partim etiam cunctantem cupide accersierint. Stulte illi quidem: sed tamen ut aperite ostenderent, se nullo modo de animorum immortalitate dubitare: ut corporeis uinculis exsuti ac liberi, in illas sedes, in quibus puros a sceletum contagione animos post obitum uersari accepterant, euolarent. O praeclaram disputationem & uestro omnium concursu, studio, attentione dignissimam. Etenim si uere scripsit Aristoteles, magis expetendam esse quantulamcumque praestantium rerum, et remotarum a captiuulgi cognitionem & intelligentiam, quam communium,

hunc

&amp; per



& pernagatarum quamlibet exquisitam tractationem : quis est qui non uideat, quantulam cumque cognitionem animi, quo nihil est diuinae naturae proprius aut similius, quamlibet accuratae aliarum rerum cognitioni multis esse partibus anteponendam? Et si nemo est, quem non uel nitido concepta speculo, uel periti artificis expressa manu corporis sui figura delebet : quanto iucundius, quantoq. suauius esse debet, expresam doctissimorum hominum ingenij animi sui quasi quandam imaginem contueri? Quid illud? quanti tandem faciendum putatis, quod uitam nihil magis conturbet, quam mortis metus, eas nos rationes, quibus ille pellatur, allatu-ros esse profitemur? Non sine magnis haec meis laboribus, sudoribus, uigilijs sient, sed mibi cum rerum ipsarum pulchritudo, tum flagrantissima cupiditas studia nostra modis omnibus adiuuandi, omnem laborem non modo facilem ac tolerabilem, uerum etiam dulcem iucundumq. reddit. Alios uulgaria atque obsoleta delectent: uos me cum, auditores, ad haec recondita & abstrusa contendite. Illos humilia, nos sublimia: illos procliua, nos ardua: illos in promptu posita, nos a uulgarium oculis remota delectent: illos deterreat & examinet difficultas, nos excusat & extimulet: illos frangat ac debilitet, nos confirmet ac reficiat labor: illi nihil sibi proponant, quod

quod non quilibet unus e multis consequi possit: nos quidquid ignari uel sperare audent, nostro indignum studio esse ducamus. Sed quoniam non nulli reperiuntur, qui, quod uel erroris caligine occaecati, haec philosophiae cum eloquentia coniunctio quam sit fructuosa, non uident; uel inuidiae ueneno suffusi, ad quae adspirare ipsis non queunt, ea praestare alios indignantur: uel denique, quod, si omnia aliorum consilia atque insti-tuta reprehendant, ita se demum sibi aliquam iudicij famam conjecturos esse confidunt: qua in re nobis laus ac commendatio debetur, ea in ipsa reprehendere nos atque accusare non uerentur: clamant q. regendos esse professionum fines, suisq. quamque limitibus ac terminis coercendam: neque patiendum ut aut philosophi, quae sunt eloquentium usurpent: aut diserti philosophica attingant: eiusque rei rationes quasdam affe-runt, non admodum ualidas illas quidem, sed quae tamen aliquem minus peritum in fraudem inducere posse uideantur: statui hodierno die, auditores, uobis disceptatoribus atque arbitris aduersus eos differere, & quidem ea lege differere, ut nisi eos non dicam ego, sed ipsa philosophiae eloquentiae armis instructa fregerit atque abiecerit, caussam nullam dicam, quin illi praeclare sentire, nos despere; illi considerare ac sapienter loqui, nos uaticinari atque insanire; illi stu-



dijs adolescentum optime consulere, nos iisdem  
uehementissime officere iudicemur. Intelligitis  
autem, esse mihi cum duplici hominum genere  
negotium: quorum aliij leuem & ineruditam lo-  
quacitatem, aliij inornatam & indiscernitam philo-  
sophiam colunt: aduersus quos utrosque dum dis-  
sero, peto a uobis per eas ipsas artes, de quibus  
dicere institui, quarum utramque uobis maximo  
pere cordi esse noui, ut studium meum attentione  
uestra excitetis, attentionem silentio iudicetis.  
Primum autem congregiamur cum delicatis i-  
stis & mobilibus, quos perinde ac paruos pueru-  
los, senera & torua quodammodo philosophiae  
facies ita deterret, ut ad eam propius accedere  
non audeant: efficiemus enim de duobus alte-  
rum: ut aut fusi ac fugati, molesti nobis esse desi-  
nant, aut, quod malum, confirmati, ac bene spe-  
rare iussi, socios se nobis honestissimi laboris ad-  
iungant. Vos igitur alloquor, quicumque uo-  
cum illecebris tamquam aliqua dulcedine can-  
tuum capti, ad eas, tamquam ad Sirenios scopu-  
los, adhaerescendum putatis. Ecquid intelligi-  
tis, omnem orationem ex rebus constare & ex  
uerbis: rerum autem copiam & ubertatem non  
aliunde, quam a philosophis peti posse: idcircoq.  
esse philosophiae cognitionem eloquenti futuro  
necessariam? Non enim ut luscinijs canendi, sic  
hominibus loquendi facultatem oblectationis  
causfa

causa natura concessit: nec tantum munus suum,  
tamq. praeclarum ad aures modo demulcendas  
uoluit adhiberi; sed cum eos ita fabricata esset,  
ut eis rationis societatem cum dijs immortalibus  
intercedere uoluisset, aptosq. eos fecisset ad  
rerum praestantissimarum cognitionem adhibi-  
to studio consequendam: instrumentum etiam  
largita est, quo de illis rebus inter se differere,  
easq. aliij cum alijs communicare possent. Pla-  
cket autem hoc loco huius disputationis principia  
paullò altius repetere: et ex ipsis philosophorum  
libris causae nostrae firmamenta desumere, at-  
que istis philosophiae contemptoribus, earum re-  
rum quas contennunt specimen aliquod exhibe-  
re. Interiectum quodammodo & intermedium  
est hominum genus inter animantes consilij ex-  
pertes, & inter purissimas illas mentes ab omni  
corporis societate secretas: ita ut illis quidem  
superius perfectiusque sit, his autem inferius,  
minusq. perfectum. nam illae quidem sensibus  
tantum degentes, nulla prorsus ratione ad intel-  
ligentiam & cognitionem progreedi queunt: hac  
uero sine ullo sensuum ad miniculo ac ministerio,  
simplicissimis notionibus, quaecumque ipsis ad  
intelligendum obiecta sunt, apprehendunt. Ho-  
mines autem possunt illi quidem ad rerum intel-  
ligentiam prouehi, eoq. sunt mutis animanti-  
bus superiores: sed, quoniam immortalis ipso-



rum, & simplex, & caelestis animus, mortalis, & concreti, & terrestris domicilio corporis habetur, eos fit, ut ad cognitionem & scientiam sine sensuum ministerio peruenire non possit. Itaque recte Plato mentis internuncios, quasi. satellites sensus nominauit, eodemq. duces ad ueritatem esse dixit: eius autem auditor Aristo teles pronunciauit, nihil intelligi, nisi prius aliquid sensu perceptum fuisset, quod quasi uiam strauisset ad illud intelligendum. idemq. alio loco statuit, si cui sensum aliquem a primo ortu natura denegauerit, eidem necessario aliquam esse scientiam defutaram. Cum autem duobus tam quam itineribus ad scientiam peruenire liceat: quod alia reperimus ipsi per nos, quasi. parimus, alia uero ab alijs accipimus: quorum illam inuentionem, hanc disciplinam uocant: necesse erat, ad earum utramq. sensum aliquem accommodari. Sed cum ceteri ad eam rem minus apti forent, oculorum quidem sensus ad rerum praestantissimarum indagationem, aurium uero ad earundem, cum ab alio traderentur, perceptionem ab ipsa natura constitutus est. instrumentum autem communicandarum participandarumque animi notionum eadem natura orationem esse uoluit: cumque ceteris animantibus sonos modo quosdam dedisset, quibus uoluptatem, dolorem, desideria naturae, affectus denique indicarent;

distin-

distinctam hominibus, articulatamq. tribuit uocem, unde eos Homerus uéporas nominauit: quam cum ipsi arbitratu suo flexissent atque uarias- sent, quasi. compacto statuissent, quam cuique uoci uim esse uellent, tum eo instrumento ad ea quae animo concepissent patescenda ueren- tur. Sic fit, ut res quidem ipsae singulares percipiantur sensibus: qua ex perceptione existunt in animis rerum uniuersarum notiones: ad eas uero euoluendas & in medium proferendas adhiberi debeat oratio: cuius usus cum ad eos tan- tum qui eodem tempore, ipsis in locis uiuen- rent pertineret, hoc amplius machinata est ho- minum sollertia, litteras, quae, ut uoces notio- num, sic hae uocum ipsarum essent notae; effi- rentque, ut & absentes cum absentibus, & ij, qui multis ante saeculis floruisse, cum omni posteritate quasi colloqui possent. Ex hisce li- quido constare arbitror id, quod in huius sermo- nis ingressione posueram: orationem non oble- etandarum aurium causa nobis esse a natura tri- butam: sed ut animus, cum se rerum cognitione saturasset, haberet, quo modo alios ad earum communicationem uocare posset. Quo modo au- tem poterunt aut quidquam communicare cum alijs, qui nihil ipsi, nisi loqui didicerint: aut quidquam egregium discere, nisi qui philosophorum monumenta contrinerint? Etenim qui sunt



tandem scriptores illi, qui distincte ordinateq-  
dicendi praecepta tradunt philosophi. qui re-  
rum admirabilium, quae in terris, mundoq-  
fiunt, causas aperiunt philosophi. qui herba-  
rum, qui stirpium, qui animantium, ortus, pro-  
gressus, naturas, uires, utilitates prosequuntur  
philosophi. qui de officio, qui de uirtute, qui de  
ratione instituendae uitiae, qui de moderandis af-  
fectibus disputatione philosophi. a philosophis o-  
mnis doctrina liberalis, a philosophis omnis hi-  
storia, a philosophis omnis artium uarietas su-  
mi potest; ab his oratores, ab his imperatores,  
ab his rerum publicarum rectores exsisterunt: ne-  
que quisquam umquam aut in dicendo, aut in re-  
bus gerendis excelluit, qui non prius in philoso-  
phorum officina politus ac limatus fuisset. Ac  
michi quidem saepenumero permirum uideri so-  
let, reperiri nonnullos usque eo excordes, ut ora-  
toris munus ab homine philosophiae ignaro sus-  
tineri posse credant. nam cum illi ipsi fateantur,  
tria esse, quae orator dicendo efficere debeat, ut  
fidem faciat ijs qui audiunt, ut eos suauitate per-  
fundat, & ut eorum animos aptis & accommo-  
datis ad obtainendum id quod uult affectibus con-  
citet: nullum est horum, quod mihi sine philosophiae  
auxilio perfici posse uideatur. An nero  
sciendiæ fidei erit idoneus, qui non illos a philo-  
sophis propositos fontes animo & memoria con-  
tineat,

tineat, ex quibus ad omnem disputationem in-  
credibilis argumentorum copia emanat? ratiocin-  
ationes autem contexere, & id, quod proban-  
dum suscepis, acute circumscripta conclusione  
confidere, tum ea quae ab aduersariis allata sint  
subtiliter dissoluere, quorum tandem est, nisi phi-  
losophorum? Neque nero uideo, quo modo dele-  
Etare, nisi forte pueros aut homines puerorum si-  
millimos, queat inanis & nullo librata senten-  
tiarum pondere oratio. Quid ita? nempe quod,  
ut praecclare docet Aristoteles, is denum motus  
efficit uoluptatem, qui perducit id, quod moue-  
tur ad statum naturae ipsius accommodatum &  
congruentem. Itaque corpora cum aut exinanita  
sint, aut redundant, tum perceptione cibi ac  
potioris, tum depulsione & ciectione superfluen-  
tium rerum lactantur; & in animis idem usu ue-  
nire credendum est. quid est autem, quod natura  
duce concupiscat animus, ad quod feratur, cuius  
perpetua quasi fame sitiq. teneatur? Doctrina  
nimirum atque cognitio: hic illi cibus, hic pa-  
stus proprius ac naturalis est: eo alitur ac refici-  
tur, eo saturatur ac gliscit. Ergo illi tantum  
concionis animos insatiabili oblectatione deuin-  
ciunt, quorum omnis sermo cum urbanitatis sa-  
le perspersus est, tum distinctus & illuminatus  
doctrinae notis, quorum ex ore, tamquam ex  
perenni quodam fonte, numquam intermitten-



te, nusquam insidente fluxu, nouarum usque & admirabilium rerum copia incredibilis profluit: iij demum modo clamores faciunt, modo auditores admiratione percussos silere, & uno in obtutu defixos haevere cogunt. Illud uero, quod in oratoris officio tertium ponitur, concutere audientes omni genere affectuum, eorumq. pertractare intimos sensus, & quocumque collibuit flectere, quis umquam nisi philosophia munitus consequetur? An uero uel accendere, uel restinguere iracundiam, uel incutere, uel excutere timorem, uel conflare inuidiam, uel leuare, uel ad misericordiam adducere, uel a misericordia abducere audientes, & eos quasi gubernaculo quodam linguae impellere arbitratu suo poterit is, qui non horum omnium affectuum causas rationesq. pernoverit? Sed increbuit sermo quidam hominum imperitorum, qui ita dileitant, ut ne inficiantur quidem philosophorum libri, satis magnam tamen earum omnium rerum uberenq. notitiam ex ipsis rhetorum scriptis posse desumi. quod si ita est, quid quoq. comonuit ueteres illos, qui dicendi laude ceteris antecelluisse perhibentur, ut tantam curam, tantumq. studium in audiendis philosophis & in perscrutandis penitusq. cognoscendis eorum praecipitis consumerent? Quid Periclem illum, cuius in labris persuadendi deam sessitauisse di-

ctum

Etum est, quem fulgurare, quem tonare, quem permiscere Graeciam comici ueteres tradiderunt? quid igitur illum impulit, ut Anaxagorae se physico erudiendum daret, eumq. affectaretur, si ad illam, ad quam adspicabat, eloquentiae laudem, nihil in illius doctrina intellexerat esse momenti? quid Demosthenem, quid M. Tullium commemorem? tantam in utroque dicendi copiam fuisse censemus, nisi ille Platonem, hic Philonem, Diodotum, Posidonium, aliosq. per multos nobiles philosophos studiose ac diligenter audisset? qui si ea, quae ab illis accipiebant, a dicendi magistris accipere potuissent, non ab alienis illa mutuari & corrogare potius, quam domo & a suis petere maluissent. At queruntur asperam quodam modo & salebrosum esse philosophiam, inamoenumq. illius studium, quodq. nulla dulcitudine aut allicere aut allectos detinere animos possit. O molles ac uoluptarios homines. Vos igitur in tanta rerum praestantia dignitate etiam delicias quaeritis? & quo uobis itinere ad sapientiam aditus patet, suscipere illud abnuitis, nisi uiam uideatis tum mollissimam & planissimam, tum rosis & uiolis constitutam, quamq. uiridantes omni ex parte opercent patularum arborum comae? At etiam se perpetuo per Athonis & Caucasi niues, si per seruentes Libya arenas gradiendum foret, tamen,



men, si uiri essetis, omnem laborem omnemq; difficultatem contemneretis. Sed non patiar nos diutius in errore uersari. Scitote enim, hoc suum, quod uos asperum & inamoenum putatis, ita esse dulce, itaq; incundum, ut nihil suauius, aut incundius, ne notis quidem conceptis, expeti possit. cui rei uel illud argumento sit, quod, qui se illi semel penitus tradiderunt, ij postea neque rei familiaris cura, neque honorum cupiditate, neque corporearum uoluptatum blandimentis ab eo auocari queunt. Possem hoc loco euagari latius, & id, quod dixi, tum repetitis e ueteri memoria, tum uiuis ac spirantibus exemplis confirmare, nisi me temporis ratio breuem esse admoneret. Nunc igitur, quam poterimus breuiissime, eorum refutemus errorem, qui se ita philosophiae studio contentos esse aiunt, ut omnem orationis cultum penitus negligant. quorum non unum genus est. quidam enim nihil aliud dicunt, nisi uerborum elegantiam philosopho minime necessariam esse. quidam etiam indecoram esse contendunt: sunt qui, cum eam non indecoram esse fateantur, fieri tamen negant posse, ut unus idemq; in utroque excellat; & tum rerum scientia polleat, tum dicendi facultate praeflet: iccircoq; nolle se in sequendo co, quod assequi numquam possint, operam perdere. Cum primis illis non multum nobis negotij est.

nam

nam ne nos quidem dicimus ita necessariam esse philosopho eloquentiam, ut, ea si careat, nomen suum tueri ac retincre non possit. Sed profecto sordida hominum, planeq; misera uita sit, si studia nostra necessitate tantum, non etiam commoditate & ornatu dirigantur. Casis connectis stramine & angustis tugurijs, ac gurgustijs, opertis etiam plaustris, ut Scytha, aut, ut Cynici, dolij caeli defendere iniurias possumus: idq; ad necessitatem satis est. num iccirco aedificandi artem repudiemus? In ueslitu cultuq; corporis, si nihil spectemus aliud, nisi uim umbres, ut niues, ut uentos, ut solem, ut frigus arceamus: satis fuerit, uel pellibus animalium corpus amicire: an quisquam propterea honestior ciuilem ea in re consuetudinem negligit? Sic & in hoc genere studiorum non in ijs modo, quibus nullo modo carere, uerum etiam in ijs, quibus satis commode carere non possumus, elaborandum: neque tantum necessitas, uerum etiam dignitas & pulchritudo spectanda est: præcipue cum omnibus propemodum in rebus decorum & elegantiam cum summa utilitate natura ipsa copularit. Hos igitur sine ulla contumelia dimittamus: tantum moneamus, ut, si in omnibus uitae partibus ornatus rationem habendam esse ducent, in studijs quoque eam omittendam non esse fateantur. Iste nobis acrius inse-  
Etandi



Elandi sunt, uehementiusq. repellendi, qui dedi-  
ta opera barbariem in loquendo diligunt, & non  
aliter se philosophos uisum iri putant, quam si  
dictione inquinatissima utantur, & ut sues in  
luto ac coeno, sic ipsi in orationis fôrdibus uo-  
lentur. Antiquis temporibus quoddam fulto-  
rum genus suisse proditum est, qui pedore ac  
squalore horridi, pannis obsiti, semper illoti,  
semper intonsi, semper impexi, illo ipso incul-  
tu ac neglectu corporis philosophorum nomen in-  
uulgas assequebantur. Non ualde dissimilis est  
eorum amentia, qui orationem nullo studio ex-  
cultam, nulla diligentia expolitam, nullo arti-  
ficio elaboratam, philosophiae professoribus con-  
uenire aiunt. Atque illi tamen eo tolerabili-  
ores: quod corporis colendi curam multi, ornan-  
dae orationis studium nemo olim, qui aliquo in-  
ter philosophos loco haberetur, neglexit. nisi  
forte quis Epicurum & eos qui ab eo sunt obij-  
ciat: quos ego uix in hominum, in philosopho-  
rum quidem numero, nullo modo habendos esse  
censeo. Est autem operaepedium audire, quomo-  
do hanc suam tam praeposteram, tamque absurdam  
opinionem confirment. Grauis alicuius &  
seuerae matronae philosophiam similem esse  
aiunt, quam omnis fucus dedebeat: quae natu-  
ra pulchritudine contenta, augere eam pigmentis  
& lenocinijs non laboret. ut in cultos & horren-  
tes

tes solitariosq. lucos plus habere maiestatis ac  
uenerationis, quam nitidas & uiridicatas, et di-  
gestis in quincuncem arboribus confitas silvas,  
sic squalentem, & ut ita dixerim, impexam,  
nescio quo modo angustiorem & maiestatis ple-  
niorem uideri, quam comptam, & quasi unguen-  
tis delibutam orationem. Quibus nos ita re-  
sponsum uolumus: non si calamistro intortus ca-  
pillus, & buccae minio ac cerussa fluentes, et uul-  
sa supercilia, & quaesitus arte dentium candor  
matronam dedecet: continuo illuuiem & si-  
tum, ac fôrdes decere. Est & suis non modo  
matrisfamilias, uerum etiam uiro cultus. & ut  
reprehendendus sit, si quis quotidie radatur ad  
speculum, quod tamen Africanum fecisse acce-  
pimus, & facie semenibusq. laeuatis in publi-  
cum prodeat: sic si quis Patroclum illum imita-  
ri uelit, quem cauillans Aristophanes, num-  
quam in uita lauisse dicit, ita ut numquam os,  
numquam manus abluat, numquam sudorem  
detergeat, nemo sit, qui non foedum illius adspe-  
ctum, & taetrum ac uirulentum, qui ex eo affla-  
bitur, odorem abominetur. Neque uero nos a  
philosopho exigimus, ut uerborum paritatem  
ac similitudinem aucepitur, neque ut in rotun-  
datis periodis occupetur: neque, si agrestem es-  
se illius & inconcinnam locutionem nolumus,  
effeminatam & canticorum similem uolumus:  
neque



neque tam ut rerum praestantiam uerborum splendore illuminet, quam ut ne illam orationis impuritate contaminet, postulamus. Tu mibi cum de rebus cognitu dignissimis dicere ingressus sis, ea uerborum portenta euomas, ut, qui aderunt, non hominem loqui, sed asinum rudere existiment: & tamen ea fatuitate atque impudentiasis, ut homines polite dicendi cupidos despicias, & istud, quod tu facis, noces philosophice loqui? Nam quod in eo maiestatem quandam, & quasi religionem inesse uis: uide ne potius impium sit, ut uasa Deo dicata impuris manibus, ita philosophiam impuro sermone tractare. enim uero, si ea demum sacra ac religiosa sunt, quae ornata carent: remoueatur aurum a templis: gemmae, signa, tabulae, donaria denique omnis generis remoueantur. sin hoc uel cogitare nefarium est: fateamur id, quod ratio quodam modo ipsa praescribit, neque opes usquam melius, quam in Dei cultu, neque dicendi copiam praeclarius, quam in excolenda exornandaq. philosophia collovari. Superest, ut ijs satisfaciamus, qui negant philosophiam cum eloquentia posse coniungi; necessarioq. qui alteram ex animo colat, ei esse alteram deserendam: qui ad utramque animum adiecerit, ne utraque excidat, periculum esse. Qui cum haec dicunt, si de sui tantum ingenij imbecillitate loquerentur,

tur, ferendi essent: nunc, cum ex se ipsis alios mentionantur, & quod se praestare posse diffidunt, id uniuerso ac generatim fieri non posse pronuncient, in eo quam uehementer errent, admonendi uidentur. usque eo ne rerum ueterum, & eius ipsis, quam profitemini, philosophiae imperiti estis, ut summam in philosophis ueteribus extitisse dicendi uim ac copiam nesciatis? ecquis umquam Platonem, aut philosophiae scientia aut dicendi facultate superauit? de quo Cicero bonus in primis aestimator eloquentiae ita magnifice sentiebat, Iouem ut ipsum, si Graece loqui uellet, non alio quam Platonis sermone usurum esse diceret. quid Aristoteles? non & ipse dicendi praecepta unus omnium optime tradidit, & ea dicendi copia fuit, ut eum idem Cicero auro fluentem fluuium nominarit? non Xenophontis summi philosophi ore Musas quasi locutas ferunt? non Theophrastus a loquendi diuinitate nomen inuenit? non posterioribus saeculis eam in Carneade uim suisse proditum est, nullam ut umquam rem confirmandam suscepit, quam non probauerit; nullam impugnandam, quam non euertitur? Sed quid uetera & externa exempla conquirimus, cum recentium & domesticorum copia suppetat? haec ciuitas quam multos & olim protulit, & quotidie profert, qui ut nemini, quin utraque laude praefiterint, ita omnibus,



nnibus, utra potius praefliterint, ambiguum  
relinquunt? quorum uos adolescentes, per Deum  
immortalem, exemplum imitamini, neque com  
mittite, ut Veneta ciuitas, quae semper toto or  
be terrarum habita est secundissima uirorum o  
mni uirtutis et doctrinae laude praestantium pa  
rens, per uestrā ignauiam, atque desidiam ista  
tam praeclara laude spoliatur. an uero uos, illis  
orti maioribus, qui nihil umquam sibi dulce  
praeter uirtutem, & eruditionem putarunt,  
quidquam uirtuti, quidquam eruditioni antepo  
nendum esse ducetis at exteræ nationis, non a  
lio potius, quam Venetorum hominum exem  
plio, ad eas colendas excitari atque inflammari  
solent. hic sedem uirtutis, hic domicilium litte  
rarum, hic seminarium quoddam praestantium  
uirorum esse omnes uno consensu gentes exteræ  
confitentur. hanc uos tam praeclarum, tamq.  
magnificam laudem, quae ad hunc usque diem,  
semper & crenit & floruit, uesta culpa decre  
scere ac deflorescere patiemini? non per illos Con  
tarenos, Barbaros, Bembos, Donatos, ceterosq.  
herois, consecrata ad omnem posteritatis memo  
riam nomina, qui numquam in caelum homi  
num praedicatione consendissent, nisi, quandiu  
uixere, illam, ad quam mea uos cohortatur ora  
tio, philosophiae cum eloquentia coiunctionem,  
posthabita omni alia cogitatione, coluisserit.

Hos

Hos spectate adolescentes, hos intuemini, horum  
de gloria dies noctesq. cogitate, & ad eam uesta  
industria exaequandam contendite. Habetis in  
hac ciuitate publice constitutos homines erudi  
tissimos, qui uobis in illo itinere duces optimi es  
se possint. Quorum me in societatem, licet ualde  
ipsis omnibus imparem, quando ipsa res publica  
uoauit, & eo me collocauit in gradu, unde pos  
sem in ipsis ciuitatis oculis uoluntatis erga  
uos meae quotidianas significationes dare: equi  
dem non parcam labori: abiectisq. alijs omnibus  
curis, quantum conniti atque efficere potero,  
tantum conseram ad ingenia uesta omni genere  
disciplinarum liberalium, quantum quidem in  
me fuerit, excolenda.

D IX I.

D



# ORATIO QUARTA

HABITA . ROMAE  
XVI . KAL . DECEMBR .  
ANNO . 00 . D . LXIII

**V**ETERI consuetudine receptum est, ut omnes, qui artem aliquam publice docendam suscipiunt, eam primam habeant concionem, qua rationem instituti sui cum eius, quam se tradituros esse profitentur, artis laude coniungant, eoque quidquid habent in dicendo virium conferant, ut in ea cum utilitatis & emolumenti, tum dignitatis & amplitudinis longe plurimum inesse confirment. Quae consuetudo etsi minime reprehendenda mihi quidem uidetur: quod omnia laudanda sunt, quae ad amplificandam honestarum artium dignitatem, & ad excitandum in hominum animis earum studium.

M · ANT · MVR · OR · IV 51

dium pertinent: tamen illud habet incommodum, quod, dum omnes promiscue ipsdem fere afficiuntur laudibus, eiusdemque rei gloriam diuersorum artium homines ad suam quisque traducere ac transferre conantur: fit, ut in uulgo eleuetur omnium auctoritas: & ut, quoties aliquis de quacumque arte quippiam honorifice ac splendide dicere ingressus est, circumfusa multitudine ita eum loqui opinetur, non quod ita sit, sed quod eam tunc artem ornandam celebrandamque suscepit, idem de alia dicturus, si alias sibi extollenda & exaggeranda esset. Ergo, ut qui comoedias aut tragedias spectant, cum histrionom aliquem in proscenio auro ac purpura fulgentem uiderint, facile intelligunt, illa ornamenta ipsius propria non esse: sed futurum, ut aeque illis indueretur quilibet aliis e grege, qui ad tempus eam personam sustineret: ita, qui eiusmodi orationes audiunt, cum hanc aut illam artem magnificis & exquisitis exornatam laudibus uident, statim indicant nihil magis eas in hanc, quam in illam, conuenire: futurumque ut eadem de qualibet alia dicerentur, cui orator, tamquam choragus, eas quasi partes mandare atque imponere uoluisset. Quae cum mihi de principio in mentem uenirent, propemodum in eam me sententiam adduxerant, ut eam philosophiae partem, quae ad confirmandos mores,

D 2 insti-



instituendaque uitiae rationem pertinet, quotidianis disputationibus, quantum meae uires ferent illustraturus, nihil initio, quo dignitatem ipsius uobis commendarem, dicendum arbitrarer; uerentem, ne cum suis eam modo ac proprijs laudibus extulisse, communes tamen illae nonnullis ac tralaticiae uiderentur. Simil autem illud cogitabam, si qui nondum peruidissent, assidua, & diligens harum praeceptio num tractatio quantum momenti habeat ad bene beateque uidendum, fore, ut breui eis pro meres ipsa loqueretur: ex qua mullo id eos melius, multo q. perfectius, quam aut ex mea, aut ex cuiusquam oratione cognituros. Sed ab ea me sententia abduxit amicorum aliter sentientium auctoritas, qui cum alia multa, tum hoc argumentum attulerunt: cum haec ipsa philosophia praeципiat, non esse cuiquam temere a publica consuetudine discedendum, minime conuenire, qui eam se traditurum profiteretur, eum in ipso quasi nestibulo illius praecepta migrare. Quo circa dicam hodierno die breuiter & modice de moralis philosophiae laudibus, deque fructibus, quos illa suis cultoribus pollicetur: sed philosophico magis, quam oratorio more; non ut ei quidquam alieni affingam, aut quae ipsius propria sunt, amplificandi caufsa in maius extollam: quorum alterutrum si coner, ipsa mihi philosophia, ut est

est ueritatis amans, tamquam Achilli Homerica Pallas, manum iniiciat: sed ut nudo ac simplici orationis genere, quale ueritatis proprium esse ait Euripides, ea, quae ad rem facere uidebuntur, exponam. Primum igitur non artium modo, sed omnium omnino humanarum rerum dignitatem atque praestantiam ex fine, ad quem earum quaeque dirigitur, quemque sibi proponit, pendi ac spectari arbitror oportere: ut, quanto cuiusque finis praestantior ac diuinior est, tanto ipsa ceteris excellere iudicetur. Quo posito: est enim ita perspicuum, ut probationis non indigeat: quis umquam reperietur tanta uir praeditus ingenij, tanta eloquentiae copia instrutus, qui se de philosophia, pro ipsius dignitate, uerba facere posse confidat? Non enim illa sibi opes ac copias, quae & saepe possessoribus suis exitio sunt, & tam multis casibus eripi possunt: non honores & imperia, quae, quod concupuerint, multi; quod a spernatus sit, nemmo umquam uituperatus est; non quidquam denique proponit eiusmodi, quo & carere sine pro bro, & abundare sine gloria liceat: sed eam, ad quam omnes aspirant, quam sibi uotis omnibus expetunt, ad quam omnes suas actiones, omnia que consilia referunt, felicitatem. Quanto igitur ceteris omnibus bonis antestat felicitas, tanto philosophia ceteris artibus antecellit. Quod



si tanto studio coluntur artes quaedam, quae nihil sibi aliud, quam lucrum, & rei familiaris amplificationem tum incertam, tum laboris ac periculi plenam proponunt: quanto haec studio digna est, qua parantur uerae illae opes animi, quae non furto eripi, non incendio absundi, non naufragio absorberi possunt: quaeque certam re etiamque uiam commonstrant ad persequendum id bonum, quo cetera omnia continentur? Si tanto in honore medicina est, quod habere leuationem morborum, quibus tentatur corpus, bona que ualestinis ac firmitatis tum effectrix esse, tum conseruatrix creditur: qui tandem honores excogitari poterunt ea arte digni, quae se in animis idem effecturam esse profitetur? Nam & praestantior corpore animus est; & huius, quam illius, multo plures morbi, multoque periculosiores. Quod si cui forte dubium est, excusat ille paullisper intelligentiam suam, secundum reputet, quam saepe unius hominis ambitio, avaritia, libido integras funditus euerterit ciuitates. His autem & similibus morbis medetur philosophia, eamque in suis efficit animi firmitudinem, quam non uoluptatum illecebrae, non dolorum faces, non diuitiarum splendor, non obscuria & contempta paupertas, non honorum sitis, non ignominiae metus, non uitiae cupiditas, non mortis terror conuellere ac labefactare possit. Ut enim

enim Olympi cacumen poetae semper quietum esse aiunt: propreterea quod altius sit, quam ut eo uis uentorum tempestatumq. perueniat: sic philosophorum animus sublimior & excelsior est, quam ut istos flatus sentiat furentium, & de rebus abiectissimis inter se humi digladiantium cupiditatum. Stat ille, ut in medio mari edita & altissimis desixa radicibus rupes: cuius summa fluctus ne attingunt quidem; infima sic uerberant, non ut eam commoueant, sed ut ipsi frangantur. Nouis philosophus uulgarium uoluptatum blanditias partim puerilium oblectamentorum similes esse, indignas non modo quas consequentur, sed quas respiciant uiri; partim cum dedecore ac turpitudine coniunctas, ut satius sit, quous dolore lacerari, quam uenena ta ac pestifera earum suauitate mulceri. Habet alias ex sece proprietas ac perpetuas uoluptates, easdemque sincerissimas, nullaq. ne minima quidem permissione molestiae contaminatas, quas ex ipsa uirtute, & ex honestis actionibus carpit: ijs fruitur, ijs mentem pascit, eis se oblectat, eas solas caras ac iucundas habet. Nam ut in beatorum insulis dicuntur esse arbores quaedam adspicere iucundissimae, quarum in ramis toto anni tempore cernere est alios fructus mites iam, & ad maturitatem perductos, alios maturescentes, alios pubentes adhuc, & in primum se flo-



rem induentes: sic in eorum, qui uere ac serio philosophantur, animis toto uitae tempore aliae actiones honestae ac laudabiles consecuae iam sunt, & absolutae, aliae in eo sunt ut absoluantur, aliae inchoantur adhuc & informantur, pri misque, ut ita dixerim, lineis designantur. Itaq. aliarum recordatione ac conscientia, aliarum tractatione ac praesentia, aliarum meditatione & prospicientia sic afficiuntur, nihil ut sibi præterea iucundum aut amabile existimat. Immen sa etiam illa & inexplebilis accumulandarum opum auditas, quam, incertum est, copia an inopia magis incedat, radices agere in animo philosophiae præceptis constito & excuto non potest. Quid ita? Nimirum quia haec id uel præcipue in suorum animis inserit, naturales opes & terminatas esse, & facile parabiles: eas qui adeptus sit, nihil ei amplius appetendum: non qui plurimum habeat, sed qui minimum desiderat, ditissimum esse: nihil magni faciendum, quod acque pessimus atque optimus quisque conseqñi possit. Neque tamen eorum consilium probat, qui aut aurum in mare abiecisse, aut possessiones suas in cultas ac desertas reliquise memorantur: haec enim aut ignauorum hominum uidentur, aut pecunia uti nescientium: quorum utrumque in uitio, non in laude ponendum est. Ac suere quidem ij, de quibus illa narratur, philosophi: sed rudior illa

illa quaedam, et simplicior philosophia tum fuit: politior nostra hanc, & ad usum ciuilem accomodior: quae docet, opes, si quis aut a parentibus acceperit, aut industria sua quaesierit, aut alia quapiam honesta ratione ad eas peruererit, non aspernandas aut rei sciendas esse, sed ita habendas, ut uirtutis, non ut luxuria, administras. Nam illud mihi quidem permirum uideri solet, quid ita ueteres illi iudicarint, non posse se simul & rem habere, & in sapientiae studia incumbere: qui mihi etiam uidentur, quo facto summam diuitiarum contemplationem significare ac præseferre uoluerunt, eo ipso indicasse nimiam qnandam erga eas naturae suaे propensionem, si nummos in arcam condere non poterant, ut non omnes cogitationes suas in eandem arcam includerent: neque, quamdiu patrimonium habebant, imperare sibi, ut alijs rebus contemplandis ac cognoscendis uacarent. Equidem numquam eum militem laudauerim, neque formam habendum duxerim, qui aduersarium a se quam longissime amoueat, ne cum eo manus conferat: sed eum potius, qui & congregiatur, & uincat. Neque uero video, qui minus impedimento sit egestas studij, quam diuitiae. Necesse est enim, qui, unde uiuat, non habet, eum sibi uitae subsidia aliunde quaerere: in quo quantum temporis ponit, tantum de sapientiae studijs



dijis detrahit. Melius igitur Philosophia, cui  
qui se regendos permittunt, iij opes, si non ha-  
bent, non requirunt; si habent, utuntur ut de-  
cet: neque unquam torquentur aut agendi cupi-  
ditate, aut remittendi metu. Quid ego nunc  
de perturbatrice humanarum rerum, optimi cu-  
iusque ingenij corruptrice, concitatrice bellorum  
omnium, ambitione, quam semper uirere in eo-  
rum quos semel occupauit animis, neque unquam  
conseruescere, grauiissimus auctor ait Thucydides,  
nerba faciam? Numquid illius umquam faci-  
bus accendi poterit pectus, quod infusa prius  
philosophiae praecepta irrigauerint? Immo uero  
etiam si antea subiecti ab ea ignis aliquid for-  
te conceperit, id totum instillata philosophia  
restinguet. Ea enim magistra ac praeceptorice  
cognoscimus, uerum decus, ueramq. gloriam  
in sola uirtute positam esse: eam qui consecutus  
sit, quid alij de se iudicent, non admodum la-  
borare oportere: praecipue uero despiciendam le-  
uis & imperitiae multitudinis temeritatem,  
quae ad mandandos honores caeco saepius &  
inconsiderato impetu, quam certo, & explorato  
iudicio fertur. Praeclare & sapienter Cato:  
malle se dicebat, quaerere homines, cur sibi pos-  
ta non esset statua, quam si quaererent, cur pos-  
ta fuisse. Eodem animo sunt ueri omnes philo-  
sophi: esse se, ut de Amphiarao ait Aeschylus,  
quam

quam uideri optimos malunt: honores autem &  
magistratus aut non petunt, aut alienae, non  
suae utilitatis causa petunt: neque, si adepti  
sint, exsultant: neque, si repulsam tulerint, an-  
guntur animo, sed placate id & moderate fe-  
runt: aut, si quando dolent, reip. dolent uicem,  
non suam. Caesarem ferunt, cum pontificatum  
petiturus ad comitia descenderet, matri dixisse,  
illam eo die aut pontificem habituram filium,  
aut exsulem. Iam tum prae sagire ac prae cognoscere  
licebat, ambitionem illam ingens aliquod  
malum ciuitati daturam. Itaque, quid postea ef-  
fecerit, uidemus. At Cato, in petitione prae-  
turae etiam Vatinio posthabitum, aequissimo,  
ac moderatissimo animo tulit. Ita sunt philoso-  
phi: maximam uoluptatem in praetermitten-  
dis uoluptatibus, maximas opes in quieto, ac  
contento suis animo, maximam gloriam in non  
ambienda gloria ponunt. Satis honoratum pu-  
tant esse, qui honore dignus sit: satis magnum  
regem, qui seipsum regere; satis potentem impe-  
ratorem, qui cupiditatibus suis imperare possit:  
qui uero eis plane domitis ac subattis iugum ra-  
tionis, quod illae ne conentur quidem umquam  
excutere, imposuerit, ab eo omnes aliorum uitio-  
riarum triumphosq. superatos. Quod si libidinem  
auaritiam, ambitionem pestes quasdam ac fu-  
rias esse nouimus, quae funditus humanam ui-  
tam



ram conturbent: quantus bonos habendus est philosophiae, quae se omnes earum conatus repulsaram, omnes igniculos repressuram, omnia semina elisuram, non magnificentius, quam uerius, pollicetur? uidere uos opinor, quam se latus orationi meae campus ostendat, si, quaecumque hoc loco se offerunt, persequi, & in singulis insistere atque immorari uelim. Nam cum uirtus nulla sit, de qua non splendide, & ornate dicere; nullum uitium, in quod non grauiter, & copiose inueni liceat: qui dquid de eorum utrolibet dici potest, idem ad philosophiam laudandam accommodari potest: quam uirtutis indagatricem, uitiorum expultricem Latinorum omnium eloquentissimus uere ac merito nominauit. Sed non committam, ut cuiquam uidear transilire eos terminos, quos initio pegin: potiusq. reprehendi me patiar, quod multa, quae fusi ex parte licuisset, compresserim, ac coartauerim, quam quod in ulla re dilatanda euertus sim longius iusto, neque satis mihi temperare potuerim. Nunc illud mihi etiam atque etiam considerate: ceterarum omnium artium fines, neque eos modo, sed omnia prorsus, quae bona putantur inuita, nisi quis philosophiam uitiae ducem habeat, pestifera ac perniciosa esse. Da homini non philosopho opes ac copias: da honores atque imperia: da firmam ualeitudinem: da gladiato-

rium

rium totius corporis robur: da multarum magnarumq. rerum cognitionem ac scientiam: da flexaniam illam, ut poetae uocant, & omnium rerum reginam eloquentiam: da quidquid in filiis parentum uotis optari solet: quo eiusmodi plura in talem hominem congefferis, eo illum magis & in suam & in aliorum perniciem armaueris. Opibus abutetur ad suam libidinem explendam: imperijs ad alienam libertatem opprimendam: firmitate & robore ad obeunda facinora: scientiam copiamq. dicendi ad circumueniendos ciues suos, ad perturbandam rem: ad omnia denique tum sacra, tum profana permiscenda, & euertenda conuertet. Da haec eadem, uero, mini meq. fucato philosopho: deum quendam ad bene faciendum humano generi e caelo demissum esse dices. Atque hoc illud est, quod in Alcibiade minore, siue Plato, siue Xenophon disputat, ea quae suapte natura bona sunt, sine scientia eius quod optimum est, quam eandem & philosophiam esse statuo, ad perniciem non ad salutem ualere. O praclarum laudem philosophiae, cuius ope nemala quidem nocere; qua detracta, ne bona quidem prodesse possunt. Merito dixit Plato, nullum a diis datum esse hominibus ea maius aut praecarius donum. merito Cicero, unum dien ex eius praceptis actum immortalitati antependorum. Neque uero non illud ad eius, de qua proprie



proprie sermo nobis institutus est, philosophiae laudem ac commendationem facit: quod omnia propemodum, quae a veteribus de philosophia honorifice dicta sunt, ad hanc pertinent, quae in uitiae ac morum emendatione uersatur. Non enim Plato, cum illam nobilissimam uocem, tam quam ex oraculo, edidit, tum demum beatas ciuitates fore, cum aut regnarent philosophi, aut reges philosopharentur, intellexit, tum id euenterum, cum reges aut in differendi subtilitate, aut in peruestigandis rerum naturalium caussis occupati essent: quae quamquam praeclara sunt, longissime tamen absunt ab eo, ut beatas respublicas efficere possint: sed, cum uirtutis pulchritudine incensi omnes uires suas ad eam non cognoscendam modo, sed exercendam, excolendam, propagandam contulissent. At contra quidquid inanibus imperitorum ac maledicorum sermunculis aduersus philosophiam iactatum est, quo scunque in eam aculeos scurrilis quorundam libido coniecit, quidquid ad minuendam ipsius dignitatem veteris comoediac licentia effutum, id omne, si diligentius excutiatur, ad dialecticos potius, et ad physicos, quam ad politicos, pertinere uidebitur. Quod si ullus in orbe terrarum locus est, ubi politicien florere, suamque dignitatem obtinere deceat, Romae id Rome potissimum fieri debet: cui urbi a primo

ipsius

ipsius ortu diuino permisso datum est, ut alijs imperaret: unde leges, unde iura, unde religionem ceterae notiones & olim petierunt, & nunc pertinent: unde quondam exsisterunt tam multi clarissimi uiiri, qui haec praecepta, quae nos tradituri sumus, exemplo suo comprobarunt. Nolite enim putare illa lumina, Camillos, Curios, Fabricios, Fabios, Scipiones, Laelios, ceterosq; praestantes uiros, quos olim haec urbs innumerabiles tulit, quorum quotidie nomina auditis, factis, legitis, monumenta cernitis, statuas tanta cum admiratione intuemini, quod de philosophia ne que disputatione fere, neque scripserunt, eo minus philosophos fuisse. Vita illi, non orationes, factis, non dictis; moribus, non sermonibus, philosophabantur: quod pulcherrimum ac uerissimum est philosophandi genus. Integritatem, iustitiam, fidem, fortitudinem, omnem denique uirtutem & colebant ipsi, & alios colere inebabant. eo ad tantam maiestatem atque amplitudinem peruererunt, ut pleraeq; gentes, quod ipsae olim a talibus uiris subactae ac superatae sint, quam quod ipsae alias deuicerint, praeclarissimi ac gloriostius ducant. Quantam oportet gloriam fuisse uincantium, cum uicti tot post saeculis glorientur? Eorum ego potissimum exemplis, adolescentes, incitabo nos quotidie atque exacuam: neque ullum ex Aristotele praeceptum



ceptum proferam, cuius non ex hac urbe plurima  
maximeq. illustria exempla repetantur. Con-  
stitui enim, quando PIVS optimus ac sanctissi-  
mus Pontifex, qui ipse omnis uirtutis perfectissi-  
mum exemplar est, eum mihi honorem detulit,  
ut a me uirtutis & officij praecepta uobis propo-  
ni atque explicari uoluerit, modis omnibus eni-  
ti, ut ea non arido, & inculto, & molestis impli-  
cato quaestionibus orationis genere prosequar:  
sed, quantum id quidem in me erit, florido, &  
ubere, & quasi stellis quibusdam, ita petitis ex-  
uetere historia exemplis illuminato atque di-  
stincto. Peto autem a uobis, ut, si & in ijs re-  
bus, quas tractare institui, summam dignitatem  
inesse cernitis, & me nullis uigilijs, nullis labo-  
ribus, nulli denique rei parentem, ut uestris  
commodis consulam, uidebitis, industriam meam  
diligentia ac benevolentia uestra adiuuetis.

D I X I

—ibis — ad nos peregrinari, magistrorum manib;  
— etiamque hanc regiam a rebus militariis nullo modo  
— distinxit, omnino nichil nisi salutis corporis et patrum  
— et deo amissum. — secundum anterius omnesque  
— sive eorum quae sunt in libro — etiamque dicitur  
— etiamque quod non est. — secundum aliis — dicitur  
— etiamque quod non est. — secundum aliis — dicitur  
— etiamque quod non est. — secundum aliis — dicitur

ORATIO  
QVINCTA

HABITA . ROMAE  
VII . ID . NOVEMB.

ANNO. CCCC. D. LXIV

**S**VPERIORI anno, cum in iunctum mihi Pontificis au-  
toritate munus obire incipe-  
rem, multa dixi de laudibus  
Philosophiae, cohortatusque  
nos sum quam potui diligen-  
tissime, si tranquillitatem uitae, si libertatem,  
si dignitatem atque honestatem, si salutem de-  
nique & uestram & publicam caram haberetis:  
ut, quae ars tranquillaret animos, quae eos a tae-  
rrima uitiorum seruitute in instam plenamq.  
libertatem assertos ad uerum decus, quod in uir-  
tute positum est, traduceret, quae denique & sin-  
gulos priuatim & publice totas ciuitates conser-  
uaret, eius in studium toto pectori, alia omni co-

## Egitatione



gitatione posthabita, incumberetis. Quam cohortationem meam et si non praeteruectam esse aures uestras, sed in animis plurimorum penitus insedisse uel ex eo probabiliter intelligi potuit, quod mihi postea ex hoc ipso loco philosophiae praecepta tradenti satis frequentes assiduam operam dedistis, facere tamen pro meo erga uos amore non possum, quin uos hoc quoque tempore non adhorter tantum, sed obsecrem etiam & obtestor, qui iam iter illud ingressi estis, ut constanter persequamini: qui nondum, ut id uobis, primo quoque tempore ingrediendum esse statuatis. Nulla enim uitae pars, nulla uiuendi ratio, carere fructu, qui ex eorum, quae nos quotidie tractamus, cognitione percipitur, sine maximo incommodo potest. Magnum est, fateor, rerum naturalium principia caussasq. nosse: siderum ceterorumq. corporum caelestium situs, magnitudines, interualla scientia comprehensa tenere praeclarum: illa uero etiam quam in haec inferiora uim habeant, quidque ad quamlibet multos annos effatura sint, sine ullo errore posse praedicere, prope diuinum. Sed certe, quod ne illi quidem ipsi, qui ea se docere profitentur, negauerint, eorum, in quibus nostra exercetur industria, & fructuosior cognitio est, & perniciosa ignoratio. Itaq. ut nos ijs qui abdita illa & retrusa trattant & ingenij acumine, & doctrinae

etrinae magnitudine, & rerum admirabilitate non inuiti cedimus: ita ipsi nobis, nisi ualde ini qui sunt, ea, quae disputantur a nobis, & magis necessaria esse, & ubiores hominum generi frumentus afferre fateantur necesse est. Nullus enim umquam, quod illa aut non teneret, aut etiam neglegeret, minus propterea uir bonus, aut minus utilis patriae ciuiis existimatus est: haec aut ignorata aut neglecta, non singulos modo perdiderrunt homines, sed integras funditus affixerunt & euenterunt ciuitates. Nos quae adolescentum, quae constantis aetatis, quae senum officia sint, quaerimus: nos quid domi, quid militiae, quid a priuatibus, quid ab ijs, qui cum imperio sunt, praestari debeat, disputamus: ex nobis intelligit pauper, quo modo tolerare inopiam; diues, quomodo uti dinitijs debeat: a nobis quid inter patrem & liberos, quid inter uirum et uxorem, quid inter fratres, cognatos, amicos, ciues; quid denique inter omnes homines obseruari par sit, explicatur: nos fortitudinis, nos temperantiae, nos liberalitatis, nos iustitiae, ceterarumq. uirtutum uimi atque naturam disputationibus nostris patefacere atque illustrare conamur. Sine horum praeceptorum cognitione multa conticescet eloquentia, manca & mutila erit iuris legumq. cognitio: illa ipsa domina & regina artium theologia animos requirit diligenter.



ti harum rerum tractatione praeparatos atque  
praecultos. Quae cum ita sint, quancumque  
quis uitiae uiam ingredi parat, ita statuere de-  
bet, ceterarum philosophiae partium cognitio-  
nem sibi & utilem & honorificam, huius plane  
necessariam esse. Sed sunt quidam peruerso ho-  
mines ingenio, qui causas, propter quas & ipsi  
a pulcherrimo studio abstineant, & ab eodem  
ceteros auocent, comminiscuntur. Partim enim  
communia & contrita esse dicunt, quae hic do-  
centur, ut ad ea percipienda doctore nihil opus  
sit: partim non habere eam uim, ut ad uirtutis  
studium excitent. cuius rei argumentum ca-  
piunt ex eo, quod innumerabiles & olim fue-  
runt, & hodie sunt, qui cum haec omnia se sci-  
re profiteantur, nequissime tamen & flagitio-  
fissime uiuunt. Quibus utrisque breuiter respon-  
dere institui: & efficere, si possum, ut q, qui ista  
temere iactant, cognoscant errorem suum: cumq.  
se nihil dicere uideant, sententiam mutent: sin  
minus, nihil est enim difficilius, quam uincere  
pertinaces: certe quidem, ut ne alij stultitiae  
& malevolentiae plena eorum oratione monean-  
tur. Primum igitur agamus cum istis, qui, ut  
ad cibos nimium dulces, ita ad disputationes ni-  
mium apertas & faciles naufragare se dicunt. Ex  
quibus libenter quaestierim, qui tandem fiat, ut,  
quibus rebus omnes ad alia studia invitari atque  
allici

allici solent, iisdem se ipsi ab hoc studio auerti  
absterrerique dicant. Certe enim, cum ea, quae  
docentur utilia & praeclara sunt, si eodem acce-  
dit, ut clara, perspicua, aperta, cognitu faci-  
lia sint, eo maiores concursus ad eos qui illa do-  
cent fieri constat. Quid igitur cum illis agas,  
qui, quae res ad concilianda ceterorum studia  
plurimum ualere consueuit, ea se ipsi tardari ac  
retrahendi aiunt? Ego nero, etiam si praecepta uir-  
tutis quamlibet multis obstructa difficultatibus  
forent, laborandum tamen, & sudandum, &  
numquam, nisi eis cognitis ac comprehensis, con-  
quiescendum putarem: nedum ea, quia, ut isti  
uolunt, a quolibet non tardissimo neque inertis-  
simu percipi possunt, omittenda aut minoris fa-  
cienda censeam. An de rebus ad uitam nihil  
pertinentibus inter homines eruditissimos sum-  
ma contentione disputabitur, in eisque, quia in-  
uolatae & prope inenodabiles sunt opera prae-  
clare collocari uidebitur: haec quae uitam o-  
mnem continent, ut nimis obuia & in medio po-  
sita, negligentur? Quamquam quid diutius ita  
disputamus, quasi eis concedamus, quod no-  
lunt, nihil hic doceri, quod non aut etiam uul-  
go natum sit, aut quiuis sine doctoris opera faci-  
le consequi possit? Ergo ille omnium, qui tunc  
erant, mortalium, ut creditum est, sapientissi-  
mus Socrates, qui nulla umquam alia de re,



quam de uirtutibus & uitijs disputauit, uulgaribus & satis per se notis in rebus spatiis aetatis omne consumpsit? Quid Plato? quid Xenophon? quid Aristoteles? quid ceteri suae quisque aetatis principes uiri? quid erat caussae, cur tam multa in hoc genere scripta posteritati relinquerent, si nihil egregium, nihil exquisitum, nihil excellens, sed ea tantum, quae quilibet e populo satis per se intelligeret, litteris mandaturi erant? Videlicet, quia iustitiam, fidem, temperantiam, liberalitatem omnes assidue in ore habent, neque quisquam est, ne ex ima quidem saepe uulgi, quin se de eiusmodi rebus optimo iudicare posse confidat, itcirco nullam magnam eruditio[n]em in eis cognoscendis sitam esse arbitrantur. Quod tamen longe secus est: inter est[em]que nimium quantum inter eos, qui tantum tenent nomina, & eos, qui ex eruditiorum hominum scriptis ac sermonibus de rebus ipsis uere iudicare didicerunt. Plena est exemplorum uita communis, ex quibus facile intelligi licet, quam saepe uulgas hominum in iudicandis uirtutibus uitijsque fallatur. Quod ni ita est, cedo causam, cur qui mimis, lenonis, parasitis, adulatoribus plurima largitur, & suo & multorum iudicio sint liberales: cur multi restricti tenaces, sordidi, qui facilius patientur sibi dentem unum ex ore excuti, quam nummum

unum

unum ex arca moueri: parcimoniae ac frugalitatis nomen ferant: cur tam multi ad audiendum proiecti & temerarij commendentur pro fortibus, tam multi timidi & ignavi pro canticis & consideratis praedicentur. Quid? iurisconsultorum uigiliae in quo consumuntur: quid speiant eorum labores, qua in re eorum acutissima excentur ingenia, nisi ut uidere ac dijudicare posint, quid in quaque re iustum iniustumue sit? Non igitur, ut nimium facilis, deficiente est ars ea, quae uirtutum omnium uim naturamq. pertractat, cum in una uirtute cognoscenda uideamus tandem, tanta diligentia, ab hominibus summo ingenio praeditis laborari. Informauit quidem natura & impressit in animis nostris adumbratas quasdam uirtutum & uitiorum omnium notiones: sed illae tantam uim non habent, ut quisquam eis fretus confidere debeat, se sine disciplina uere de rebus expertidis fugiendisq. iudicaturum. Quod si nos nihil aliud, nisi haec tam utilia, tamq. salutaria quamlibet nudo et inornato dicendi genere traderemus, calumniari tamen nemo nos posset, nisi alienae nimis iniquus aestimator industriae, ut in rebus nimium pernulgatis & facilibus occupatos. Nunc cum & ad salubres animorum epulas condimentum sermonis, quantum in nobis est, adhibeamus: & res suapte sponte pulcherrimas, tum

E 4 prae-



praestantissimorum omnis aeni scriptorum testi-  
monijs fulcire ac corroborare , tum insatiabili  
quadam uerum exemplorum copia exornare at  
que illustrare soleamus : tamen ne inuenientur ,  
qui eleuare labores nostros audeant : quaeque  
praeflantur a nobis ijs sudoribus , ac uigilijs , qua-  
rum ipsi nobis consciij sumus , ea quemlibet unum  
e multis ludibendum perficere posse contendant .  
Qui si periculum facerent ipsi , quam non qua-  
rumlibet uirium sit munus hoc , ita , ut nos faci-  
mus , sustinere & exsequi , sortassis , experientia  
edicti , minus de se elate ac magnifice sentirent ,  
minus de alijs maledice contumelioseque loque-  
rentur . Sed omittamus istos . nescio enim quo  
modo factum est , ut de re dicere ingressus , de me  
plura quam uolueram dixerim : quod ipsum ut fa-  
cerem , quorundam me hominum , quos nomina-  
re nihil neceſſe habeo , iniquitas coegit . Diffici-  
lior cum eis luctatio est , qui negant , sermonibus  
nostris quemquam ad uirtutem incitari : idque ex  
eo colligunt , quod saepissime contingit , ut qui op-  
time loquuntur pessime uiuant . Nos uero si dice-  
remus eam in disputationibus philosophicis ines-  
se uim , ut ex audientium animis uitia radicitus  
euellere , uirtutesque eisdem ingenerare possent ,  
merito ut uani atque inepte glorioſi reprehende-  
remur . Multas magnasq. mercedes , ut ait Theo-  
gnis , ferrent philosophi , si , quemadmodum

Circe

Circe herbis & cantibus suis homines statim con-  
uerterebat in feras , ita ipsi suis sermonibus ex fe-  
ris homines facerent , id est , homines ferarum si-  
millimos ad uirtutem a uitio , ad rationem a fu-  
rore , ad humanitatem ab immanitate reuoca-  
rent . Et tamen aliquid se aliquando eiusmodi  
effecisse philosophiae gloriari licet . Produceet  
enim Ptolemonem ab insami uita moribusq. per-  
ditissimis ad bonam frugem & ad seueritatem +  
unica Xenocratis disputatione reuocatum . Sed  
ut non peraeque in omnibus campis agricultu-  
ra , ita non in omnibus animis philosophia idem  
efficit . Illud quidem certe negari non potest , aut  
nullam omnino esse artem , quae medeatur ani-  
mis , quae quanta sit in uitij deformatas , quan-  
ta in uirtute dignitas , doceat , quae ab illis auer-  
tat , ad hanc incitet ; aut eum honorem philoso-  
phiae potissimum esse tribuendam . Quod au-  
tem obijcunt plerosq. philosophorum factis dog-  
mata sua euertere , neque ignem aquae magis  
contrarium esse , quam eorum mores orationis ita  
enim loqui , ut uitio , ita uiuere , ut uirtuti bel-  
lum indixisse uideantur : utinam tale esset , ue  
id nobis infitiari liceret . Est enim acerbissi-  
mum negare non posse , quod sit turpissimum con-  
fiteri . Sed quoniam ijs , quae omnibus nota sunt ,  
fidem abrogare uelle dementiae est : non negabi-  
mus uerum esse , quod obijcitur : tantum depreca-  
bimur ,



bimur, ne propter hominum uitia res ipsa in iniudicium uocetur, ne ue, quorum facta merito auersamur, eorundem sermonem immerito repudiemus. Ut enim quorundam ex Epicureis dogma reprehenditur, uita laudatur: sic horum uitam reprehendere, doctrinam amplexari debemus. Polycletum insignem statuarum opificem tradunt librum de artificio suo edidisse, quem Canona, idest Regulam inscripsit: quo libro omnia, quae in statua hominis fingenda obseruari conuenirent, quae singularum partium minimarum maximarum figura esset, qui situs, quae inter se proportionio, subtilissime & accuratissime persecutus est. eodem autem tempore statuam a se factam publice proposuit, in qua ea omnia diligentissime obseruata erant: ne quid praecipere alijs uidetur, quod non ipse praefaret: quam statuam ipsam quoque Canona nominauit. Vellem eandem rationem philosophi teneremus: neque tantum traderemus alijs praecepta, ad quae uitam suam dirigerent, uerum etiam uitam nostram ad ea conformatam ostenderemus. Magna sine ulla dubitatione praeceptis nostris ex eo accederet auctoritas. Sed, quando id optandum potius, quam sperandum uidetur, quod in frugibus, inseribus arborum, in corporibus animantium, quibus uescimur, facimus, ut refectis & amputatis ipsis, quae inutilia sunt, ipsis, quae prodeesse possunt,

sunt, utamur; idem in hoc genere philosophorum faciendum est, ut, reiecta eorum turpi flagitiosa, uita, grauem seueramq. doctrinam non auribus tantum, sed multo magis animis combibamus. Non enim, si qui ex medicis cibo se & potu aliquando ingurgitant, eo illis continentiam praecipientibus, qui sapiunt, minus parent: sed, illi quidem quid agant, non laborant: artis autem ipsius placitis & decretis obtemperant. Nam cum alicuius mores & praecepta congruunt ac concinunt: tunc aut utraque laudanda sunt, aut utraque uituperanda: cum discrepant & dissident: causa nulla dici potest, quin alterum retinendum sit, alterum reiciendum, horum a dictis facta ita distare constat, ut non caelum a terra longius distet: sunt autem facta turpissima: igitur sermones quibus ea ipsa facta damnantur, ac reprehenduntur, dignissimi qui audiantur. Atque, ut medici, quo maiorem auctoritatem arti suae concilient, solent interdum enumerare quosdam & praecepit auctoribus discipline sue, qui, quod ita se compararunt, ut praecepta sua non ostentationem scientiae, sed legem uitiae putarent, diutissime saluberrimeq. uiixerunt: ita nos nihil, si uolumus, impedit, quamlibet multos philosophos nominare, qui, quod decretis suis paruerint, quasque leges alijs proponebant, ipsi seruauerint, merito sunt apud omnes popu-



populos numquam intermorituram gloriam consecuti. Illi fortassis nominabunt Hippocratem, Asclepiadem, Galenum: quorum primus usque ad annum centesimum quartum aetate proueritus est. alter eo processit artis suae fiducia, ut ausus sit cum fortuna spensionem facere, ne medicus haberetur, si ullo umquam morbo tentatus esset: & uictor, cum ad extremam senectutem sine ullo morbo peruenisset, scalarum lapsu exanimatus est: tertius cum imbecilliori ualitudine usus esset adolescentis, ita eam arte correxit, ut ad septuagesimum annum peruerterit. Nos e philosophiae castris, ad repellendos ipsius uituperatores, primum quidem in aciem educemus, illud honestatis, illud modestiae, frugalitatis, innocentiae, fortitudinis, omnis denique uirtutis specimen & exemplar Socratem: qui ita locutus est, ut ex eius sermonibus omnes quae postea consecutae sunt philosophorum disciplinae fluxerint: ita uixit, ut hodie quoque nomen illius non hominis, sed integratissimae innocentiae nomen putetur. Cui succedit par illud nobile in eodem institutum ludo Xenophon & Plato: quorum uterq. summa in dissimili genere eloquentiae laudem pariuitae granitatem cumulauit. Proxime hos Xénocrates: de cuius eloquentia dicit Tolomeo: de continentia Phryne: de frugalitate & contemptione pecuniae Alexander: de fide & iustitia universus

uersus populus Atheniensis, qui eum, dicto publice testimonio, ad aras iurandi causa accedenter, una uoce renocauit, ac iurare uetus: parum sibi decorum ratus, tam spectatae fidei uiro, nisi iurato, non credidisse. Inde aeternum Alexandri crimen Callisthenes, unoq. uerbo tota uetus Academia, & Lyceum, & illa non tam Myconis & Polygnoti picturis, quam Zenonis & Chrysippi disputationibus nobilitata porticus, quibus ex omnibus quasi uirtutis & doctrinae officinis innumerabiles uiri incertum doctiores an meliores prodierunt. Agmen claudent Epictetus, Plutarchus, Musonius, ceteriq. illi aetati suppare, quos ita philosophatos accepimus, ut ipsi, quibus cum uiuebant, ad omnia recta et laudabilia, non uoce magis quam exemplo, praeirent. His copijs facile speramus fore, ut eorum, qui philosophiam maledictis incessere audent, retundatur audacia. Qui si ita uicti erunt, ut deinceps in nostrum se numerum aggregari uelint, & in eius ipsius, quam oppugnabant, castris stipendia face re incipient, uictoriam adepti erimus longe ei dissimilem, quam ueteres Cadmean nomina bant. Illa enim & uictori luctuosa erat, & uictorio: haec et uictoribus erit laetitia, & uictoris salutis. Sin, cum se fractos ac percuscos uideant, permanebunt tamen in eadem prauitate atque obstinatione animi: & ut ignavi canes, philosophiam,



phiam, ad quam proprius accedere non audent, eminus allatrabunt: nos tamen, optimi adolescentes, quorum causa hic a me institutus est sermo, quibus mei labores seruunt, quorum ad utilitatem omnes mei conatus, omnes uigiliae, omnia studia referuntur, urgete constanter propositum: neque patimini uos cuiusquam sermonibus a suscepto studio abduci. In ea aetatis parte constituti estis, in qua & ingenium ad omnia percipienda docilius, & corpus ad tolerandos studiorum labores firmius esse consueuit. Videte, ut eam ijs in studijs collocetis, quae uobis olim maximo & usui & ornamento futura esse cognoscitis. Atque, ut obtrectatoribus nostris eripiatis omnem ansam maledicentiae, connitimi, quantum potestis, ut uirtutis & officij praecepta, quae ex me quotidie audietis, non tantum excipiatis animo, uerum etiam uita & moribus exprimatis.

D I X I.



O R A T I O  
S E X T A  
H A B I T A . R O M A E  
P O S T R I D I E . N O N . M A R T ,  
A N N O . C C . D . L X V

V O D principio me, cum hos libros explicare ingrederer, dicere meministis, accuratam eorum tractationem et intelligentiam cum ad omnes uitiae partes utilissimam, tum ijs, qui in iure ciuili excellere, locumq. aliquem, non inter circumforaneos istos clamatores, sed inter ueros & graues, & ueterum illorum simillimos iurisconsultos obtainere meditarentur, necessariam esse: id & aliqua iam ex parte, quam uerum sit, iudicare potuistis, & ex ijs praeципue, de quibus in hoc libro disputabimus, intelligatis. Ingrediendum enim nobis est duce & quasi mystagogo Aristotele in augustinum & reliquum



giosissimum iustitiae templum; lustranda oculis  
omnia illius adyta: contemplanda in primis i-  
psius deae forma: & tum quae quantaque uis il-  
lius potestasq. sit, tum quibus ipsa se rebus, qui-  
bus ritibus coli gaudeat, cognoscendum est. Haec  
illa est, auditores, omnium domina & regina  
uirtutum: a qua in omne hominum genus leges  
& iura manarunt: quae benefactis honores &  
praemia, malefactis ignominias & supplicia  
proponens, studia bonorum excitet, malorum im-  
probitatem coeret: qua sublata, non domus ul-  
la, non ciuitas, non hominum inter se societas,  
non ipsa denique uniuersitas rerum flare ac tue-  
ri se punctum temporis posset. Etenim, quoniam  
hodiernus dies ceterae disputationis prolusio-  
nem modo quandam habiturus est: dabitis mihi  
hanc ueniam, ut, paullo altius huius sermonis  
principia repetens, percurram ea, quae, priscis  
temporibus, summa sapientia praediti homines  
de Iustitia tradiderunt. Iustitiae originem a  
caelo esse dicebant: illic eam & uigere, & ex o-  
mni aeternitate uiguisse: certo illuc ordine at-  
que immutabili quadam lege gubernari omnia:  
ideoque aeterna atque immortalia esse. In ijs  
autem, quae sub orbem lunae subiecta sunt, abso-  
lutam quidem illam & omni ex parte perfe-  
ctam iustitiam materias uitio cerni non posse:  
esse tamen aliquam caelestis illius imaginem,

alibi

alibi expressiore, alibi minus expressam: fu-  
turum enim alioqui, ut permiscerentur ac cor-  
ruerent omnia. Atque ut quaeque res plura &  
certiora illius negligia retineret, ita esse eam per-  
fectiore, stabiliorem, immortalitati uicinio-  
rem: ut pauciora minusq. certa, ita minus per-  
fectam, minusq. constantem, pluribusq. casibus  
atque interitui denique obnoxiam. In elemen-  
tis hoc primum notari uolebant: eaq. dupliciter  
considerabant: quatenus unumquodque eorum  
totum quiddam atque integrum est: & quatenus  
ad compositionem, quasi coagulationem  
ceterorum corporum particulae qu.edam illo-  
rum assidue permiscerentur ac temperantur. To-  
ta igitur elementa, nisi sedes ac regiones sibi a  
natura datas atque attributas obtineant, si ir-  
ruere in alienas & migrare conuentur: si ignis  
proxime sibi suppositam animalem spirabilem q.  
naturam depascat, & absumat: si aqua non con-  
tentia ijs terminis, quos pegit Deus, terram ope-  
riat & obruat: quis non intelligit, peritura fun-  
ditus omnia, & talem quandam confusionem,  
qualem poetae ante orbem conditum fuisse fin-  
gunt, consecuturam? Quid cum partes eorum  
copulari ac coalescere ad alia corpora progignen-  
da & constituenda oportet: nonne iustitia qua-  
dam temperationis illius moderatrice opus est:  
ut tantum cuiusque pro rata portione, quantum

F satis



satis est, admisceatur? In illa etiam quadriperi-  
tita tempestatum uarietate, qua distinctus est an-  
nus, idem obseruari posse dicebant. quae cum ita  
eunt, ut quadam ipsius naturae quasi lege sanc-  
tum est: hoc est, cum & tellus conceptis semini-  
bus hiberno frigore adstringitur, & uernis mo-  
dicas imbribus ac tempore laxatur; cum & fru-  
ges fructusq; arborum aestiuis caloribus probe  
percoquuntur, & eodem sub autumnum remit-  
tente se paullatim ac frangente mitescunt: tum  
& saluberrimus annus est, & maxima rerum  
ad uictum necessiarum ubertate ac copia insi-  
gnis. cum contra fit, tum & caritas exsilit anno-  
nae, & uarijs morborum generibus omne genus  
animalium tentari solet. Cumq; unusquisque  
nostrum duabus ex partibus coniunctus concre-  
tusque sit, corpore & animo: earum partium ex  
utraque quae iustitiae iniustitiaeque uis effet, li-  
quido perspici posse adseuerabant. Omnia enim  
mala, omnia dama, omnem perniciem & corpo-  
ribus & animis ex iniustitia euenire: iustitia sa-  
lutem, incolumitatem, bona denique omnia effici  
ac contineri. Nam cum in corporibus quattuor  
sint, quae quattuor elementis proportione respon-  
deant, igni flaua bilis, animae sanguis, aquae pi-  
tuita, bilis atra terrae: quamdiu haec cum ae qua-  
bilitate quadam inter se permista sunt, ualemus  
ac uigemus: cum eorum aliquod aut potentius,  
aut

aut infirmius, aut plus aut minus iustio est, aut se  
a communione ceterorum segregauit: conflictar-  
ur uarijs morbis, tandemq; interimus. Qua  
de re principis medicorum Hippocratis in libel-  
lo de natura hominis haec uebasunt. Corpus  
hominis habet in se sanguinem & pituitam &  
bilem duorum generum, flauam & nigrum: ex  
ijs omnibus ipsius corporis natura est: eis fit, ut  
& doleat, & bene ualeat. Bene igitur ualeat,  
cum ea moderate inter se affecta sunt & tempe-  
ratione & potestate & copia: maximeq; si per-  
mixta sint: dolet autem, cum eorum aliquod aut  
plus aut minus est, aut in corpore secretum, ne-  
que cum ceteris omnibus temperatum. Haec Hip-  
pocratis uerba ipsa expressi: ex quibus intelligi-  
mus, in aequabilitate, cuius effectrix iustitia  
est, sitam esse bonam corporis constitutionem.  
Sed ne ali quidem corpus utiliter ac salutariter  
sine aliqua imagine iustitiae potest. Nisi enim  
uis aliqua sit, quae & siccum & humidum ali-  
mentum ubi iam coctum atque confectum & in  
succum ac sanguinem conuersum est, aequabili-  
ter distribuat, ac dispertiat, atque id quod cui-  
que parti aptum & accommodatum est, et quan-  
tum opus est tribuat, neque alias partes tumidas  
& redundantes, alias exhaustas & enectas esse  
patiatur: facile intelligimus, haec tam admirabilis  
fabrica corporis nostri quantam deformitz-



tem habitura & quam cito ruitura sit. Atque  
haec in corporibus. Quid in animis? quantum  
bonorum a iustitia, quantum malorum ab iniu-  
stia effici creditis? In quibus cum pars una sit,  
qua intelligimus, qua ratiocinamur, qua proxi-  
me diuinam naturam accedimus: altera, quae ra-  
tionis ipsa quidem per se particeps non est, sed  
obtemperare tamen rationi potest: cum quod fieri  
ius est, id sit, hoc est, cum pars illa superior in-  
perat, & tamquam habens tenens, currum re-  
git: paret altera, & quo illa cumque dicit sequi-  
tur: tum omnis honestas, omnis dignitas, omnis  
officij ac uirtutis splendor elucet. at cum excusso  
ac depulso rationis iugo, cupiditas, quasi seditio  
sus aliquis ac turbulentus ciuis, fasces arripit,  
in arcem inuadit, mentem de sua sede contra ius  
fasq. deturbat: tum, ut nauis discordibus acta  
uentis, sic hominis uita contrarijs & inter se  
pugnantibus foedissimarum libidinum flatibus  
agitata, in omnem scelerum ac flagitorum tur-  
pitudinem praeceps ruit. Ipsijs igitur & ani-  
morum & corporum nostrorum inter se parti-  
bus, ut utrisq. bene ac beate sit, iustitiam quan-  
dam intercedere necesse est. Sed idem in societa-  
tibus coniunctuq. hominum multo evidentius mul-  
toque illustrius, cernitur. Quo modo enim pa-  
trifamilias cum uxore, cum liberis, cum ser-  
uis, quae primae coniunctiones sunt, conuenire  
pote-

poterit: quae in omnibus uita erit, nisi & ille  
iuste imperet, & hi iuste pareant? Si uir in uxo-  
rem iniurius ac contumeliosus esse uelit, neque  
eam pro comite indiuidua uita, pro diuinorum  
humanorumq. omnium socia, sed pro scorto aut  
pro ancilla habere: si uxor sua domestica cura-  
tione non contenta, implicare se alijs rebus &  
uiri partes praeripere conetur: neque se ei mori-  
geram praebeat: si uterque liberos in seruorum,  
seruos in pecudum loco ac numero habeat, durio-  
rique eos quam ius est imperio premat: si liberi  
parentum, serui dominorum imperium detre-  
ctent, eisque obtemperare ac dicto audientes es-  
se abnuant: quis non uidet nullam in domo ita  
instituta concordiam, nullam benevolentiam,  
nullam animorum uoluntatumq. confociatio-  
nem, plena perpetuo omnia rixarum, discordia-  
rum, querellarum, contentionum fore? ut in qua  
libet solitudine, in quamlibet uastis ac desertis,  
& ab omni hominum cultu ac consortio remotis  
locis suauior uita, quam in ea don.o, unde iusti-  
tia exsulet, esse uideatur. Ita omnem fructum,  
omnem dulitudinem, omnem amabilitatem ui-  
tae, uitam denique ipsam tollit e uita, qui iusti-  
tiam tollit. Egregiamur, si uidetur, domo: &  
in forum ac publicum prodeamus. Quis est o-  
mnium, qui eum, quem iniustum esse opinetur,  
aditu, congressione, sermone dignum iudicet?



qui eum, quasi maleficum aliquod & noxiūm  
animal, refugiat, aueretur, odio habeat? qui  
eius concursum dirum sibi ac taetrum atque omī  
nosum putet? Quamvis enim omnia uitia bonis  
uiris odiosa atque iniuisa sunt: tamen iniustitia  
praecipue alienat ab ijs, in quibus est, aliorum  
animos: omniumq. sibi odia constat, conciliat,  
colligit. Ceteris uitijis affectos aliquo modo fe-  
rimus: quibusdam ignoscimus: quibusdam non ni-  
mis offendimur: quibusdam in hac uitiae ac mo-  
rum corruptione etiam oblectamur: prodigos  
multi amant: amaros tolerant: multos aliena in  
temperantia non offendit: qui uoluptates nimis  
refugiunt, etiam seueritatis ac castimoniae lau-  
dem ferunt: audacium in bello interdum aliquis  
usus est: timidis & nimis cupidis uitiae ignosci-  
tur: iniustus communi omnium mortalium odio  
flagrat: suis, alienis, ciuibus, peregrinis, notis,  
ignotis iuxta omnibus iniuisus, exosus, intoleran-  
dus est. Itaque et si illud omnibus hominibus a na-  
tura tributum est, ut raro sua uitia agnoscant,  
eaque modis omnibus tegere & occultare conen-  
tur, aut etiam eis uirtutum nomina imponere:  
ut se prodigi pro liberalibus, auari pro parcis  
ac frugi, timidi pro cautis ac consideratis, au-  
daces pro fortibus haberi & praedicari uelint:  
facilius tamen reperias, qui se auarum, timi-  
dum, audacem, libidinosum, quam qui iniustum  
esse

esse fateatur. Quinetiam ceteris uitijis suis  
hanc aut desensionem, aut excusationem praetendere ac praetexere consueverunt, se in nemini-  
nem iniurios esse. Auarus sum, fateor: sed ita,  
ut mea conservem, suo neminem fraudem. Pro-  
digus: sed cui, ut largiar, eripio? in quem con-  
tumeliosus sum? Indulgeo, uoluptati, hilare  
uiuo: quidquid animo meo collubitum est, facio;  
sed quid tum postea? meae libidines nemini no-  
cent. Et ita ille apud Terentium homo impu-  
rissimus.

Leno, inquit, sum, fateor: pernicies commu-  
nis adolescentium:

Periurus, pestis; tamen tibi a me nulla est or-  
ta iniuria.

Videte, quam odiosa, quamque abhorrens a natu-  
ra sit iniustitia: quam turpe atque iniuidiosum  
iniuriam facere: cum qui negare non possunt a-  
lijs se uitijis implicatos atque illaqueatos teneri,  
dum hoc careant, ferri se non posse tantum, sed  
propemodum etiam de bere arbitrentur. Ciui-  
tates uero & regna & imperia quae res alia nisi  
iniustitia aut initio fundare ac constituerre, ac po-  
stea tam multa saecula conservare ac propagare  
potuisset? Nam & conuenerunt homines, &  
uitam una colere decreuerunt, cum se aequo iure  
usueros, & quod suo sibi labore peperissent, eos si-  
ne metu fruituros esse, neque moenibus magis,



quam legibus a ui atque ab iniuria tutos fore considerent : & quamdiu id obseruatur, tamdiu amice inter se ac concorditer uiuunt : simul atque ab aequitate disceditur, partes, factiones, secessiones, seditiones, & bella ciuilia exsistunt . Praeclare, ut omnia, Euripides,

Custodia legum ciuitates continet.

Idemque alio loco ait, iustitiae neglectum plerisque ciuitatibus exitiosum esse. Iustitia ciuitates a paruis & humilibus prosectoriae principijs breui tempore ad magnam potentiam peruerterunt : iniustitia florentissimae & opulentissimae breuiori tempore funditus conciderunt . Neque enim adamantinis illis vinculis, quae Dionysius senior crebro in ore habebat, ui atque metu, sed iustitia & aequitate magna imperia retinentur. Quare sapienter Persae ei ex regijs liberis, qui natu maximus erat, quiq[ue] in spem regni educabatur, cum alios ad uirtutem magistros dabant, tum unum in primis, a quo iustitiam doceretur . Paedalios etiam Indicam gentem litteris proditum est in sacris publicis nihil aliud a dijs, quam iustitiam petere solitos esse: quod eam si consequerentur, affatim sibi bonorum omnium putarent fore . Iustitiam enim & perpetuas illius : ut poetae loquuntur, siue comites, siue sorores, ueritatem & fidem pax & amicitia, et bonarum artium cultus, et omnium rerum expertendarum

darum abundantia consequitur. Eam si colerent omnes, numquam tubae, numquam litui audirentur : arma aut exederentur rubigine, aut in ligones ac uomeres conflarentur : belli, dissensionis, inimicitiarum ne nomina quidem hominibus cognita essent. Quod scite sane, & ex patriae suae consuetudine Agesilaus expressit : ex quo cum quae situm esset, utra esset uirtus praestantior, iustitiae an fortitudo: haec, inquit, sine illa tantum ad perniciem ualet : at, illi si pareant omnes, huius usus nullus futurus est .

Tutus bos etenim rura perambulat.

Nutrit rura Ceres, almaque faustitas :

Pacatum uolitant per mare nauitae :

Culpari metuit fides .

Nullis polluitur casta domus stupris :

Mox & lex maculosum edomuit nefas :

Laudantur simili prole puerperae :

Culpam poena premit comes :

quemadmodum suauissime cecinit Horatius : ubicumque iustitia dominatur, illinc fraudes, illinc doli, illinc periuria exsulant : non adulteri, non raptiores, non fures, non sicarij, non uenefici, non latrones, non testamentorum subjectores, non obfessores itinerum reperiuntur : ea denique propemodum eueniunt, quae aureae aetatis hominibus euenisce memorantur .

Nam



Nam ne tum quidem aliam ob caussam  
Ver erat aeternum, placidiq. teperitibus auris  
Mulcebant zephyri natos sine semine flores:  
Nec renouatus ager grauidis canebat aristis,  
quam quoniam homines

Sponte sua sine lege fidem rectumq. colebant.  
Neque enim debemus illa poetarum figmenta  
tamquam inania modo quaedam aurium oblecta  
menta accipere: sed ex eis discere, deum ipsum  
fauere hominibus iustis: eorum labores fortuna  
re: eorum conatus ac consilia ad bonos exitus du  
cere. Nam neque dictu neque cogitatu fas est,  
eum, qui summe iustus est, aut ipsa potius iusti  
tia, non esse amicum, beneolum, propitium  
ijs, qui ad iustitiam omne suum studium conse  
runt, eamque toto pectore sequuntur. Itaque  
Hesiodus quoque, non tantum aureus & ad uer  
bum ediscendus poeta, uerum etiam philosophus  
in primis bonus, multis uersibus persequitur ac  
percenset ea bona, quae a deo tribuuntur culto  
ribus iustitiae, contraque eas, quae ab iniustitia  
ciuitatibus inferuntur, calamitates. Illorum  
enim urbes laetas florere populis, numquam  
bello, numquam fame, numquam alijs eiusmo  
di pestibus conflictari: hos & fame, & peste,  
& bello, & alijs innumerabilibus malis iniusti  
tiae suae poenas dare. Recitarem uersus ipsos:  
nisi graeca quidem huic sermoni admiscere no  
lem:

lem: Latine autem me in affectatam quandam il  
lorum iucunditatem pari grauitate coniunctam  
assequi posse diffiderem. Quod si haec non es  
sent, siq. iniusti quidem abundant omnibus  
copijs, in summa opum atque honorum affluen  
tia uiuerent, fortunam sibi arbitrio suo finge  
rent ac temperarent: iustos autem odium, con  
temptus, egestas, exsilia, orbitates, damna o  
mnia sequerentur: tenere tamen mordicus debe  
remus id, quod a Platone diuinitus & religione  
nostrae conuenienter traditum ac disputatum est,  
iustos, etiam si omnes fortunae acerbitates exci  
piant, semper beatos, iniustos etiam in maxi  
mis prosperitatibus secundissimisq. rebus infeli  
cissimos esse. Dixi de iustitia, non quaecumque  
poteram: neque enim id tempus tulisset: neque  
omnia in unum locum congerenda ac semel effun  
denda erant: sed ex infinita copia eorum, quae di  
ci possunt, quantum satis esse hodiernae disputa  
tioni iudicavi: quotidie autem, ut spero, plura  
& meliora dicentur. Nunc, quod interdum di  
sertos homines facere animaduerti, ut, cum ad  
clausulam orations uentum est, illa, de quibus  
egerunt, breuiter ac summatim colligant, quo  
ea in uno conspectu posita altius in audientium  
animis ac memoria infigant: id eo quoque fac  
re cupio: sed quia eius artis magistri singularis  
cuiusdam artificij eam rem indigere aiunt, quod  
mibi



mibi deest, ab alio mutuabor, recitaboq. uobis  
uerba quaedam Poli Lucani nobilis philosophi,  
unius ex illis ueteribus Pythagoreis, qui tenuerunt  
eam partem Italiae, quae magna Graecia uo-  
cabatur. quibus uerbis summa eorum omnium,  
quae a me hodie dicta sunt, continetur. Inflitia,  
inquit, ceterarum omnium uirtutum parens &  
altrix uocanda mihi uidetur: neque sine ea fieri  
posse, ut quisquam aut temperans sit aut fortis  
aut prudens. est enim harmonia quaedam & pax  
totius animi cum apto & composito motu. Illius  
autem quanta sit uis, magis ceterorum habi-  
tuum inspectione cognosci potest. Nam ceterorum  
utilitates ad unum modo pertinent: huius  
ad omnia, quae composita sunt & ad multitudinem.  
Ea igitur in mundo quidem prouidentia  
uocatur, & harmonia, & iudicium, & mens  
deorum, qui ita statuerunt. In ciuitate autem  
pax & bona legum constitutio merito dicitur.  
In priuata domo, uiri quidem & uxoris mutua  
concordia, seruorum autem in dominos bonus  
animus, & uicissim in dominis amica & bene-  
uola seruorum procuratio: in corpore autem &  
animo, primum quidem ea, quae omnibus carissima  
sunt, uita, & bona ualeudo, & integri-  
tas uirium: tum autem sapientia omnisq. scien-  
tia. Quae igitur una & totum & partes ita re-  
git & seruat, efficiens omnia inter se concordia  
& ami-

¶ amica, quid ni communis omnium parens &  
altrix omnium suffragij praedicetur? Haec ille.  
Ego autem ad huius uirtutis tractationem  
& cognitionem, & ad has pulcherrimas animo-  
rum epulas nobis omnibus ab Aristotele para-  
tas uos, auditores, uoco. Cogitate, quid aga-  
tis. Virtus, qua de agitur, praestantissima est.  
Qui de ea scripsit, philosophus praestantissimus.  
Vtinam ex me quoque tertium argumentum su-  
mi posset ad animos uestrros excitandos. Sed quo  
minus doctrina & ingenio ualeo, eo plus labo-  
ris ac diligentiae afferam. Nullus autem est,  
quin adhibito labore efficere aliquid & nauare  
possit. Multum a me operae iampridem in hoc  
libro positum est: multae noctes uigilate, ut  
ad illius intelligentiam peruenirem: praecipue  
olim, cum in iuris ciuilis fluidia incumberem:  
ad quae hunc librum mirifice utilem esse intelli-  
gebam. Non puto me usque adhuc ualde se fel-  
lis uestram de me opinionem: neque saepe id,  
quod pollicitus sim, non praestitisse. Mibi cre-  
dite: si quantum ego ad docendum, tantum uos  
ad discendum diligentiae afferetis, efficiam, ut  
multos magnosque fructus ex huius libri cogni-  
tione capiatis.



# ORATIO SEPTIMA

HABITA . ROMAE

XVI . ID . NOVEMB.

ANNO . 80 . D . LXY

**R**OESVM olim Lydorum regem opulentissimum, petendi oraculi caussa, Delphos misse accepimus, qui sciscitarentur ex Deo, non leue quidam & nugatorium, ut antea, cum clam in eodem abeno testudinem simul & agnum coquens, experiri uoluerat, numquid eorum quae agerent homines deum lateret: neque quid facere oporteret, ut ex se procrearet liberos: neque ecquid aduersus Persas bellum suscipere deberet, neque denique quidquam simile eorum, quae prius quaesuerat: sed rem omnium multo maximam, multoque dignissimam, in qua cognoscenda plurimum ab omnibus

M . ANT . MVR . OR . VII 93

bus operae ac studij collocetur: quomodo felicitatem consequi, & quid agens, id quod supererat aetatis beatissime transigere posset. Sapienter hoc quidem, & non pro ea, qua plerisq. in alijs rebus usus est, inconsiderantia & termeritate: quod de uia, quae ad summum bonum ferret, neque statuendum sibi ipse, neque cuiusquam hominis fidendum consilio, sed deum consulendum iudicauit. Responsum autem ei redditum est plane paeclarum, & illa, quae cum de Apollinis sapientia erat, opinione dignissimum: non si maximos auri argentiique aceruos exstrueret, non si multos exercitus aleret, non si terminos imperij sui longe lateque proferret, sed si se ipse cognosceret, ita demum beatum fore. Iam, etsi apud nos, qui uera religione imbuti sumus, nihil Apollinis ualere debet auctoritas: tamen eiusmodi oracula, quae praeceptum aliquod utile ad instituendam uitam continent, amare & magnificere debemus. Constat enim, ea nibil esse aliud, quam insignes quasdam & eximias sapientissimorum hominum sententias, quae quoniam diuinatus immiscae in eorum animos uidebantur, ad deum referebantur auctorem. Quoties igitur audimus, Apollinem respondisse Croeso, beatum eum fore, si se cognosceret: quoties praeceptum eadem de re in templo Delphico inscriptum suis se legimus: toties illud cogitare debemus, magnum



gnum quoddam bonum esse cognitionem sui: cum inter omnes omnium aetatum sapientes viros conuenerit, in eo positum esse fundamentum felicitatis: neque ulla re unumquemque nostrum in plura aut grauiora mala, quam sui ipsius ignoratione, prolabi. Quod cum ita se habeat, omnibus viribus elaborandum est nobis, ut cognitionem nostri, quando tantum in ea momenti appetoris ad beatam uitam situm est, consequamur. Sed in hac re illud primum uidendum est, quid sit nosse: ne, eo secus quam oportet accepto, errore aliquo implicemur. Fieri enim propositus non potest, ut recte id faciamus, quod iubemur, nisi prius, quid iubeatur, intelligamus. Hoc autem non alius melius nos, quam Plato docuerit: apud quem Socrates in Alcibiade primo multa disputationem, quibus hominem animum esse, non corpus ostendat. Semper enim id, quod aliqua re utitur, ab eo, quo utitur, aliud esse. Vt autem homines & partibus corporis sui, ut manibus pedibusque, & toto corpore: ex quo effici, ut, quantum inter artificem & instrumentum intereat, tantum inter hominem & corpus interest: quam sententiam & Aristoteles libro decimo ethicorum comprobauit, & apud Ciceronem libro sexto de rep. his uerbis Africanus expressit. Mens cuiusque is est quisque: non ea figura, quae digito demonstrari potest. Quod si homo

non

non corpus est, sed animus: qui iubet, ut nos ipsos noscamus, illud uidelicet iubet, ut noscamus animum nostrum. Atque hoc a Platone acceptum ita extulit idem Cicero libro primo Tusculanarum disputationum. Est illud quidem uel maximum, animo ipso animum uideare: & nimis hanc habet uim praceptum Apollinis: quo monet, ut se quisque noscat. Non enim, credo, id praecepit, ut membra nostra, aut statu ram, figuram ue noscamus: neque nos corpora sumus: neque ego, tibi haec dicens, corpori tuo dico. Cum igitur, Nosce te, dicit, hoc dicit, Nosce animum tuum: nam corpus quidem quasi uas est aliquod animi aut receptaculum. Duo sunt, quae hactenus probare studuimus: eximium quoddam bonum esse cognitionem sui, & nosse se nihil esse aliud, quam nosse animum suum. Nunc antequam progrediamur ulterius, illud admonendi estis, unam eandemq. rem non uno eodemque modo a diuersis artificibus considerari. Angulum rectum, aiebat Aristoteles primo horum librorum, alia ratione considerat Geometres, alia faber. Sic & hominem aliter medicus, aliter pictor; & animum hominis aliter physicus considerat, aliter politicus. Physici, quae sit animorum natura, quaerunt: simplex, an composita atque concreta: corporea, an expers corporis: mortalis & caduca, an immortalis &

G aeter-



aeterna: sit ne totus animus in qualibet parte corporis, an unaquaeque illius facultas suam in corpore sedem quasiq. domicilium habeat a ceteris secretum ac separatum. Nos quaecumque de ijs & talibus ab eis, dumtaxat religioni nostrae consentanea, traduntur, tamquam uera & indubitata ponentes, animum ea tantum ratione consideramus, qua uel deprauari & corrumpi uirijs, uel uirtutibus perfici & ad Dei similitudinem, quantum natura patitur, perduci potest. Quare cum hodie nobis illud propositum sit, ut ex Aristotelis, in ijs libris qui ad moralē philosophiam pertinent, sententia, de animi humani partibus, deq. uniuscuiusque illarum perfectione uerba faciamus, ( hoc enim potissimum modo praeparandos esse uos duxi ad cognitionem & intelligentiam eorum quae in huīus sexti libri explicatione tradentur ) certos quasi cancellos circumdabimus orationi nostrae, eamq. suis regionibus ac terminis circumscribe-mus: ut ab ijs quae physicorum sunt abstinentes, ea tantum quae ad munus nostrum proprie pertainent explicemus. Hoc loco prope superuacuum esse indicō, petere a uobis, ut me attente audiatis. Certe enim ea uobis causa hac ueniendi fuit. Et ut ridiculus fuerit balneator, si, quos lauandi causa in balneas ingressos uidet, ab eis multis precibus petat, ut lauent: ita ego mihi uideor

uideor ridiculous fore, quod facturi huic conueni-stis, id si, ut faciatis, nos, rogem. Oratorum iste mos est, qui, etiam cum exploratum habent, se at-tentissime auditum iri: tamen attentionem pe-tunt: non quod opus esse eo putent, sed quoniam, si aliter fecerint, aduersus artis suae praecepta fecisse se putant. Meum est conari, ut auditu di-gna adferam; uestrum, ne ea praeteruolare pa-tiamini, sed singula diligenter expendentes, pe-nitus demittatis in animos uestrros. Mihi, ut ne ad id, quod mearum partium est, praestandum imparatus uenirem, prouisum est: uos quoque ad me qua soletis benignitate & attentione audiendū satis uestrapte sponte paratos esse confido. Animi nostri siue partium siue facultatum biper-tita diuisio est. partim enim ipsarum ratione praeditae sunt, partim rationis expertes. Ac ratione quidem praeditas eas uocamus, quae ex-omni animantium genere in solis hominibus; ra-tionis autem expertes, quae etiam in bestijs at-que ex aliqua parte in stirpibus reperiuntur. Ra-tionis expertes ( ab eis enim exordiri & ab insi-mis quasi per gradus ad summa contendere de-creuimus ) duplēcē ipsae quoque habent varie-tatem. Aliae enim sunt, quae uitam conti-nent; aliae, quae animal confitunt. Quae ui-tam continent, tres sunt: quas illa & in rebus inueniendis acutissima, et in eisdem appellandis



disertissima Graecorum natio uocat τὸ Ὀπτικὸν,  
τὸ ἀξιτικὸν, τὸ γεννητικὸν. Nos quia uetera  
quidem Romana uocabula, quibus haec exprima-  
mus, non habemus; ijs autem, quae postea cusa-  
sunt, uti propter quandam, ut uerum fatear, stu-  
tam & ineptam religionem non audemus, unum  
in plura spargere ac diducere cogimur, dicimusq.  
uim nutriendi, uim augendi, et uim procreandi.  
Hae omnes non in animalibus modo sunt, ue-  
rumetiam in stirpibus. Quae autem constituant  
animal, duorum ipsae quoque generum sunt, par-  
tim enim cognitione quadam & apprehensione,  
partim appetitione & declinatione cernun-  
tur. Illas γνωστικὰ Graeci, has Ὀπτικὰ uocant.  
γνωστικὰ in animalibus sunt duae, sensus &  
phantasia: utendum enim est hoc, quando latino  
caremus. Sensibus apprehenduntur singula tan-  
tum non etiam uniuersa, nisi quatenus sunt in  
singulis. non enim lapidem aut lignum proprie-  
ac per se uidemus, sed hunc lapidem & hoc li-  
gnum: aut potius neque hunc lapidem neque hoc  
lignum, sed huius lapidis aut ligni colorem. Sen-  
sus enim non percipit essentiam, ut Ciceronem  
locutum esse aiunt, siue, ut posteriores locuti  
sunt, substantiam: sed ea tantum, quae ei adiun-  
cta sunt: neque rosam aut uidemus aut olfaci-  
mus, sed rosae odorem olfacimus, colorem uide-  
mus. Sensus autem sunt, ut notum est, numero  
quinque:

quinq: quorum tactus in omnibus est animali-  
bus, ceterum alijs in alijs desiderantur. Phan-  
tasia rerum sensu perceptarum formas quasdam,  
& ut Graeci loquuntur, typos recondit ac conti-  
net: ac praeterea iudicat de quibusdam, de qui-  
bus sensus exteriores iudicare non possunt: ut  
hoc flauum esse dulce: & hunc, qui accedit, esse  
Socratem. Sensus in eo, ad quod proprie percipi-  
endum aptus est, numquam fallitur: dum &  
interuallum moderatum sit, & instrumentum,  
& id, quod interiicitur, probe affectum. at phan-  
tasia saepe fallitur: ut cum in picturis eminere  
uidentur quae plana sunt: ut cum remus in aqua  
inflexus uideatur: ut cum cani Aesopeo imago  
carnis in aqua caro uidebatur. Hanc inesse in  
bestijs uel ex eo cognoscimus, quod earum ple-  
raeq. & meminerint & somniant: ut equi, ut  
canes: quorum neutrum sine ea de qua loquimur  
facultate facere possent. Ex eis nascuntur illae,  
quas in persequendo fugiendoq. cerni, & Graece  
διατικὰ uocari diximus. Nam cum omnem sen-  
sum uoluptas aut molestia comitetur: quarum al-  
tera naturae consentanea & amica est, altera ad-  
uersa & inimica: sit, ut nullum animal sit, in  
quo non insit naturalis & appetitio eorum quae  
incunda & fuga eorum quae molesta esse uidean-  
tur. Optikas διωδέου Aristotelis interpretes  
Hammonius, Eustratius, & alijs uulgo, duas



tantum faciunt, ἐπιθυμούσαις θεραπεύειν. Sed intelligendum est, in omnibus animalibus existere & ex bono praesenti laetitiam, & ex eo quod nondum adepta sunt cupiditatem, & aegritudinem ex praesenti malo, & metum ac declinationem, si mali quid imminere uideatur. Haec Stoici, ut me tertio ab hinc anno ex hoc ipso loco dicere memini, propria hominis, non ei cum ceteris animalibus communia esse uoluerunt. Neque enim metuere bestias, sed quasi metuere: nec cupere, sed quasi cupere: eodemque modo neque uera ipsas laetitia, neque uera molestia affici: sed utriusque imaginem modo quandam assimilitudinem habere. Quam opinionem, ut sultam & deliram, exagitant Plutarchus, Galenus, Porphyrius, alijsq. Sed Stoici, si dogmatum suorum constantiam ac conuenientiam retinere ac conservare uellent, ita dicere necesse habebant. Haec enim omnia ita definiebant, ut ex opinione nasci dicerent: ex opinione boni praesentis, laetitiam; ex opinione mali praesentis, molestiam: ex opinione boni imminentis, cupiditatem; ex opinione mali imminentis, metum. Cum igitur opinio in solis sit hominibus; sequebatur, ut ea quoque hominum propria essent. Sed uerius est haec omnia conuenire etiam in bestias: neque ex opinione tantum existere, sed etiam ex sensu aut phantasia boni

boni mali ue aut praesentis aut imminentis. Omnes igitur illae facultates, de quibus hacce-nus diximus, in mutis quidem animalibus ita sunt rationis expertes, nullam ut prorsus cum ratione habeant aut communionem aut societatem. In homine eae quae Graecorum lingua ὀπέτηριδι nominantur, et si ratione praeditae non sunt, rationem tamen audire, & eius obtemperare imperio possunt. Quorum utrumque nobis paulo enucleatus explicandum uidetur. In eis igitur non inesse rationem, ex eo quiuis facile intelligat, quod ratio ipsa secum pugnare non potest: at saepenumero laetitiam, molestiam, cupiditatem, metum rationi aduersari uide-mus. Rursus, esse ijs omnibus aliquam cum ratione communionem, id indicio est, quod suscep-ti praeter rationem animi motus, ratio-ne adhibita, aut deponuntur aut mitigantur. Itaque recte ex Aristotelis sententia dicitur, τὸ τὸν ἡμετέρας φυχῆς ἄλογον διῆπον εἶναι τὸ μὲν γὰρ αὐτὸς ἀπλάτης ἄλογον εἶναι, καὶ πατέρεντός τοις λόγια κοινωνεῖν: τὸ δὲ ἄλογον μὲν εἶναι φύσει, μεθέξει δὲ τὴν λογικὴν. Haec latine ita expedite, & ut ita dixerim, rotunde explicari non possunt: Sed nihil difficile amanti.

Libenter hoc & omne militabitur  
bellum, in uestrae spem gratiae. Conabor si qua ra-tione possim haec ita latine eloqui, ut intelli-



gantur. Earum animi nostri facultatum, quae ratione carere dicuntur, duplex ratio est. Quaedam ita sunt rationis expertes, ut nulla prorsus eis intercedat cum ratione communio: Tales autem sunt quinque, uis alendi, uis agendi, uis generandi, sensus, & phantasia. Nam hae omnes & communes nobis sunt cum mutis animantibus, & ratione nullo modo dirigi possunt. At eae duae, quarum in altera uis est concupiscendi bonum propositum, eiusq. adeptione gaudendi, in altera declinandi malum immensus, & eo, cum iam urget, dolendi, suapte quidem natura rationis expertes sunt, sed quodam modo tamen rationis participes dici queunt. Quibus eas argumentis rationis expertes esse cognoscimus? Primum, quod his omnibus modis afficiuntur etiam bestiae. nam & concupiscunt, & laetantur, & metunt, & dolent. Deinde quod saepenumero cum ratione pugnant: ut cum incontinentem alio ratio, alio cupiditas trahit. qualis est Ouidij Medea, quae se ait uidere quidem & probare meliora, deteriora autem sequi. Nullo autem modo fieri potest, ut eadem animi pars eodem tempore in contrarias partes trahat. Quare cum alio ratio, alio cupiditas trahit, facile intelligitur, aliam a ratione esse cupiditatem. Vnde igitur colligimus eas esse tamen in homine rationis quodammodo parti-

participes? quoniam eas rationis audire imperium, eq. parere interdum uidemus. Agamemnoni apud Homerum irascitur Achilles: multa iratus dicit, quae neque eum, cui dicuntur, neque eum, a quo dicuntur, decent. Hinc cognoscas licet, iram a ratione aliam esse. Cum iam eo processisset, ut stricto gladio impetum in Agamemnonem facere pararet, prohibet ratio: quam enim aliam accipiamus Pallada? Atque ibi Achilles diuinam illam & numquam delendam ex animis hominum sententiam profert:

Χρὴ μὲν σφι τερόν γε θεὰ ἔπος ἐρύσαθαι.

Καὶ μάλα περ δυμῷ πεχωλωμένον. ὡς γαρ ἀπεινον.

Homini quantumlibet irato, rationem tamen audiendam, eiusque obsequendum imperio dicit: id enim satius esse. Poteſt igitur irae furientis impetus ratione cohiberi: uereq. dictum est ab antiquo poeta, morbis hominum rationem mederi. Sic qui gaudent dolentue quibus non oportet, aut plus minusue quam oportet: eo demq. modo qui aut cupidi sunt aut timidi, aut contrarijs uitij laborant, rationis imperium ac cipere & conformare se ad illius praecepta possunt. Atque hoc est, quod Aristoteles primo horum librorum dicebat, illam animi partem ratione quidem carere, sed tamen quodammodo partcipem esse rationis. In ea igitur sunt omnes eae

virtus-



virtutes, de quibus in superioribus libris disputatum est: quae usitato iam & recepto uocabulo Morales nominantur. Sequitur, nunc ut eam animi partem consideremus, quae suapte natura ratione praedita & hominum propria est: cuius etiam ipsius uires ac potestates antiqui duorum generum esse dixerunt: Appetitionis duas, uoluntatem & appetitum, quam uulgo electionem uocant. quarum uoluntas semper tendit ad bonum; appetitus uariat, & modo bona malis, interdum etiam mala bonis anteponit. Sed hac de re & diximus multa, cum librum tertium explicaremus, et in librum septimum, ubi de continentia incontinentiaq. disputabitur, plura dicenda erunt. Tres cognitionis, δοξα id est opinionem; διάνοια, quam mentis agitationem, Cicerone, nisi fallor, auctore, uocare institui: & νόημα, quem aut mentem aut intelligentiam uocemus licet. Mentis cum sensu ac praeципue cum sensu oculorum magna quaedam similitudo est: unde et saepe Aristoteles oculum mentis uocat: & dictum est id esse mentem in animo, quod oculum in corpore; et, ut suo loco ostendimus, sensum ac mentem interdum confundit. Ut enim sensus, ita mens quoque extremorum est: sed sensus eorum quae sunt inferiora demonstratione, mens eorum quae supra omnem demonstrationem. Mente apprehenditur Deus: apprehenduntur mentes illae ab omni contatione

gione materiae separatae: apprehenduntur mundi & eorum quae illius ambitu continentur primordia, ceteraque eiusmodi, quae multis magnisq. obscuritatibus inuoluta & in intimis rerum omnium parentis naturae recessibus abdita & retrusa ijs demum perfecte patent, qui puro & ab omnibus libero cupiditatibus animo caelestem quandam in terris uitam agunt. Ad illud mentis lumen cum se applicuit & admonuit dia-  
xīa, in qua ineſt uis ratiocinandi, et ex alijs alia colligendi, ex eorum complexu ac coniunctione exſilit, & exoritur illa omnium uirtutum prema, quam magnificentissimo uocabulo Sophian Graeci, Latini Sapientiam nominarunt. Ea perfecta cadere in hominem non potest: recteque indicauit siue Thales Milesius, siue quis alius, non enim inter omnes conuenit: ſolum Deum esse sapientem. Sed tamen priscis temporibus qui de Deo rebusque diuinis, qui de mundi origine, qui de abditis rerum cauſis differebant, earumque rerum cognitione ceteris excellere uidebantur, eos Sapientes uocabant. Sapientiam autem esse dicebant cognitionem diuinarum humanarumq. rerum, et cauſarum quibus eae continentur. Primus Pythagoras arrogantiam uerbi fugiens, non sophon se, id est sapientem, sed philosophum, id est sapientiae amantem esse professus est: ab eoque deinceps qui ſe ijsdem quibus ille studijs dederunt, philosophorum appellationem retinuerunt.



runt. At mente in rebus tam sublimibus tamque arduis uti paucissimis hominibus datum est. Pleraque pars in foedissimo eodemq. tenacissimo corporearum cupiditatum coeno haerentes, & quasi clavis quibusdam, ut Plato loquitur, terrae affixi, ad diuina & caelestia ne adspirare qui dem possumus. Quod cum ita sit, in omnibus tam hominibus lucent quasi scintillae quaedam illius luminis quibus sit, ut principia disciplinarum, & communes illas sententias, quas εξισηματα aut κοινας ερωτας uocant, ita uideamus, quasi ea quae cernuntur oculis, eisq. sine caussa firmius etiam ac certius, quam usq; quorum caussam tenemus, assentiamur. Ad quas cum se admouit νη διάνοια, & ex illis alia quaedam necessario collegit, efficitur επιστήμη, id est scientia, quam esse aiunt cognitionem rei per primam, propriam, & necessariam caussam. Quid mens proprie, quidq. διάνοια sit, diximus, simulq. paucis tum sapientiae, cum scientiae originem ostendimus. Quarum utraque ad eam uim mentis pertinet, quam Graeci ducto a contemplatione uocabulo νόου θεωρητιδης uocant. Est enim & altera quae ab eis dicitur οὐ πάντι κός νέος, aut latiori nomine & aptiori ad omnia cōlectenda, οὐ νέος οὐ ερεχάτη, quasi tu dicas mentem, quae non simplicem, ut illa, ueritatem sibi propositam habeat, in eaq. acquiescat, sed referatur praeterea alio, ut ad actionem, aut ad operis alicuius molitionem et effectio-

sectionem. Hac aut uidemus duce natura, aut certe facile percipimus communes quasdam sententias de rebus bonis & malis, expetendis & suigiendis: cuiusmodi sunt, tuendam esse hominum inter ipsos societatem: colendam esse iustitiam: ab iniuria abstinentiam: uim ui repellere ius fasq. esse: itemq. alias quae quasi principia sunt ac semina artium ad uitam necessariam. Ad haec principia cum accessit primum διάνοια, quae ut dixi alia cum alijs comparans, alia ex alijs nētens progradientur ac prouehitur paullatim longius: deinde diuturnus usus & experientia cum accurata et diligentia animaduersione ac notacione eorum quae eueniunt in uita, exsistit illa magistra uitae, omnium bonorum consiliorum praeceptrix, omnium honestarum actionum moderatrix, omnium moralium uirtutum dux gubernatrixq. prudentia. eademq. illa uia excogitatae, auctae, & ad summum perducētae sunt artes illiae, quibus aut nullo modo, aut certe non satis commode carere poteramus. Reliqua est opinio, uarium & multiforme monstrum: quoq. non Proteus aut Vertumnus plures induerit species. quamquam enim in rebus incertis & fortuitis proprium illius munus est: non tamen eis se finibus continet: sed indomita quadam & effrenata licentia per omne genus rerum temere ruens, omnia permiscet atque perturbat. Interdum etiam sese pro sapientia, pro scientia, pro prudenteria



## PIO M · ANT · MVRBTI

tia uenditans, homines nimium fidentes sibi, in grauissimos ac perniciosissimos inducit errores. Huic igitur, quoniam fallax, incerta, et instabilis est, nullius uirtutis origo tribuitur: nisi quod bona opinio de ijs quae sciri possunt praeparatio quaedam est ad scientiam: bona opinio de rebus agendis, utiliter ad comparandam prudentiam antecedit. Immo uero, ut in disciplinis quaedam ponuntur, quibus sine uila dubitatione credendum est: ita ait Aristoteles opinionibus ac sententijs senum & eorum quos longa & multiplex rerum experientia cautos ac prouidos efficit, in consilio capiendo & in instituenda uita maximam fidem habendam esse: eas enim eandem uim ad prudentiam, quam illa principia ad scientiam, obtinere. Dixi breuiter, ut proposueram, de omnibus humani animi facultatibus: et quamquam hanc totam disputationem quotidianis uerbis & inornato dicendi genere contexui, tamen confido eam uobis non minus gratam fuisse, quam si omnes undiq. flosculos colligens, omnes dicendi lepores ac festiuitates aucupans, concinno quodam ac modulato uerborum sono aures uestras demulcere studuissem. Potestis autem facile perspicere ex ijs quae dicta sunt, quibus de rebus in hoc sexto libro explicando disputationi simus. Nam cum in superioribns libris, earum uirtutum, quae sunt in illa parte animi, quam per se ratione carere, sed rationi tamen parere posse diximus,

## ORATIO · VII · III

mus, natura pertractata sit: in hoc de uirtutibus illius superioris ac diuinioris partis, hoc est de intelligentia, sapientia, scientia, arte, prudentia, sed potissimum de prudentia differemus. Quid igitur est finem ne statim faciam, (id enim a me iam expectari uideo) an priusquam desino, ad haec rotto pectore amplectenda paucis uos cohortabor? Ego uero ita faciam, neque committam, ut aut ad inerundam aut ad persequendam pulcherrimam & fructuosissimam studiorum uiam, ullo aut loco aut tempore mea uobis cohortatio defuisse uideatur. Dubitatis igitur, adolescentes, quin ad baruum rerum cognitionem adipiscendam omnis uobis diligentia suscipienda, omnis labor perferendus, omnis corporis uoluptas negligenda, omnis aliarum rerum cura ex animo eiycienda sit? Vbi, quo, istam egregiam indolem, qnam in plerisque uestrum uidemus, ubi istud ingenium ad omnia summa natum, ubi istam partem aetatis ad concipienda doctrinae uirtutisq. semina omnium aptissimam, aut honestius, aut suauius, aut fructuosius collocare poteritis? Quid enim est, quo quisquam oblectari; quo ad discendum inuitari atque allici possit; cuius non in hisce quotidianis disputationibus nostris copiam reperire aliquam liceat? Est, quem arduarum rerum & remotarum a cogitatione uulgi accurata tractatio capiat? Talia nobis plurima in animi partibus excutiendis, in principijs humanarum actionum euoluen-



112 I M · ANT · MVR · OR · VII ·

enoluendis, in patefacienda sapientiae, scientiae  
que natura, necessario tractanda erunt. Est quem  
non tam ardua & sublimia, quam in quotidiano  
usu posita, et ad instituendam uitam accommoda-  
ta, delectent? Ut ilissimis ad uitam praeceptis au-  
res eorum qui me audient quotidie personabunt.  
Est cui antiquitatis cognitio & veteris historiae  
commemoratio iucunda sit? At nos quidem sci-  
tis uix illum praeceptum tradere solitos esse,  
quin ei illustrando repetitam ex Graeca Roma-  
naq. historia exemplorum lucem adhibeamus.  
Poetarum aliis amoenitate dicitur? Nos uero  
ex optimis utriusque linguae poetis pulcherrima  
quaque libantes, perpetuo disputationes nostras  
eius quasi salis adspersione condimus. Graecam  
linguam amat aliquis? Aristotelem hic quotidie  
Graece loquentem audiet: qui ea lingua dictus est  
aureum orationis flumen fundere. Latinam ante  
ponit aliis? Dabimus nos quidem operam, ut ex  
optimis Graecis non pessima Latina faciamus:  
neu quis a nobis audiendis, tamquam in latine lo-  
quendo non satis diligentibus, absterratur. O-  
mninoq. quicunque tamtam hac animorum alacri-  
tatem tantamq. discendi cupiditatem adferent,  
quantam ego rerum optimarum varietatem, &  
quantum perspicue docendi studium adseram, fa-  
xo, numquam eis ueniat in mentem, quod docen-  
ti mihi assiduum operam dederint, paenitere.

D I X I .



O R A T I O  
O C T A V A  
H A B I T A . R O M A E

A N N O . C C . D . L X V I I

**N**ON eram nescius, cum hanc  
Pandectarum interpretanda-  
rum prouinciam susciparem,  
fore, ut multis sermonem da-  
rem: quibus mirum ac nouum  
uideretur, me, qui tot annos  
in hoc docendi munere ita consumpssem, ut eos  
modo libros attingerem, qui aut ad eloquentiam  
aut ad philosophiam pertinerent, mutata subito  
uoluntate, ad tractationem iuris ciuilis tam lon-  
go interuallo redire: a quo me plerique iam pri-  
dem animum omnino auocasse, & ad mitiora stu-  
dia, tamquam ad Sirenum scopulos, adhaesisse,  
aut quasi loti cuiusdam Homericae, ita illorum  
dulcedine, ac suauitate captum, huius iam ne  
per somnum quidem meminisse arbitrarentur.

H Quibus



Quibus ut satisfaciam, simulq. uobis omnibus  
huius consilij atque instituti mei rationem red-  
dam: et si non libenter facio, ut de me loquar,  
tamen antequam progediar longius, pauca qua-  
dam de toto studiorum meorum cursu breuiter  
commemorare constitui: quae si audire ac cognos-  
cere graue non erit, spero fore, ut grauissimi qui-  
dem & eruditissimi homines, quos hic adesse ui-  
deo, factum meum non improbent: nos autem o-  
ptimi & studiosissimi adolescentes etiam fru-  
etum aliquem ex hac narratione capiatis. Cum  
enim, quae praecipue res progressus meos retar-  
dauerit, meq. decurso iam spatio a calce ad car-  
ceres, ut dicitur, reuocauerit, cognoscetis: forsitan,  
exemplo meo edocti, melius ipsi uestris ra-  
tionibus consuleatis. Ego igitur, ut primum puer  
grammaticorum & rhetorum praceptoris uisus  
sum ut cumque imbutus esse, leuiter gustatis dia-  
lecticae principijs, ceteris autem philosophiae  
partibus ne a limine quidem salutatis, nulla  
Graecae linguae intelligentia, nullo rerum usu,  
nulla antiquitatis cognitione instructus, ani-  
mum ad ius ciuile appuli: & ijs doctoribus, qui  
tum illis in locis optimi putabantur, annos ali-  
quot operam dedi. Iamque eo processeram, ut,  
quae tum praecipuae laudes habe bantur, et in ar-  
gumentando satis acutus, & in respondendo non  
incautus, & quacumque de re ageretur, abunde  
loquax

loquax essem: & quod multis palmarium ui-  
debatur, multarum legum non intellectarum  
principia uno spiritu citare, multorum interpre-  
tum nomina recensere, multos uersus, multas  
paginas, multas columnas, porticus etiam,  
ut opinor, & peristylia, & intercolumnia, nul-  
lo negotio, numerare quamlibet multa possem.  
Cum ipse me eo nomine circumspiciebam, me-  
que pulchrum, ac beatum putabam, tum uno  
ore omnes, ut ait Comicus, omnia bona dicere,  
& laudare fortunas meas, qui tantula aetate  
tantam mihi, ut ipsi putabant, sapientiae; ut  
res ipsa docuit, stultitiae & inanum opinio-  
num supellecilem comparasse. Iam omnes  
me mei foro & cancellis & subsellijs destina-  
bant: magnamq. in spem uenerant, rabulam  
me aliquem non in postremis fore, confidem-  
tem, acrem, contentiosum, praesertim cum &  
natura essem firmis lateribus, & uoce magna,  
&, quod caput est, illi me quos dixi magistri,  
si non multum sapere, at certe, quod apud eos  
pro eodem erat, multum audere multumq. cla-  
mare docuissent. Quid uerbis opus est? Inibi  
iam erat, ut illud uitiae genus ingrederer, cum  
Deus (Deus enim fuit: neque hoc mihi ex animo  
excuti potest) Deus igitur effecit, ut quaedam  
Budaei & Alciati et aliorum eiusdem notae ho-  
minum scripta, quae numquam ante illud tem-



pus adspexeram, in manus meas uenirent. Quae cum euoluere coepisse, passimque in eis multa reperiem, quae de magistris meis numquam audissem: multas sententias, quas illi me ratas ac firmas esse docuissent, grauissimis argumentis conuulsa ac labefactata, multa ex Graecis scriptoribus deprompta, multa ex antiquitate repetita, quibus in omnibus mibi tenebrae es-  
sent: nolite quaerere, quid mibi animi fuerit. Visus mibi sum de caelo decidisse: aut in aliud quandam orbem delatus esse: neque aliter affe-  
ctus sum, quam egeni & inopes homines inter-  
dum solent, qui cum totam noctem somnia-  
runt se diuites repente factos esse, ubi diu gem-  
mas, aurum, purpuram dormientes contrecta-  
runt, experreffi, omnia domi suae obtenta te-  
lis aranearum uident. Quid facerem? ego ille  
paullo ante tumidus & ferox, cum mibi de re-  
pente uultus, animus, uerba cecidissent: iamq.  
suffusus pudore, uerecundarer inter eos uersari,  
qui de me ita magnifice senserant: subdux i me  
clamculum ex illis, in quibus diu merueram, ca-  
stris, & in Graeciam nauigauit: id est, ad Graeca-  
rum litterarum & disciplinarum magistros me  
contuli: eademque opera perlustrauit etiam ue-  
tus illud Latium: id est, omnes ad unum ueteres  
linguae Latinae scriptores diligenter & accura-  
te peruolutauit, sedulo undecumque omnia colli-  
gens,

gens, quibus mihi iurisprudentia instructior &  
ornatior fieri posse uideretur. Atque in hac  
peregrinatione, tum in Lycei ambulationibus,  
tum in Academiae spatijs saepe me exercui: ne-  
que aut illius e Gargetto delicati atque otiosi se-  
nis hortos inuisos praeterij, quamquam ueneno-  
rum, quam salubrium herbarum feraciores, ne-  
que disiectas ueteris illius Poeciles, non tam Po-  
lygnoti manu, quam Zenonis ingenio nobilita-  
tae, reliquias neglexi. Et ut magnam uolupta-  
tem capiunt, qui ad magnorum ac nobilium flu-  
minum, Euphratis puta aut Nili, fontes ac ca-  
pita ipsa uenerunt: ita iuuit me incredibiliter,  
cum apud illos sapientissimos senes cernerem,  
quibus ex fontibus manasset amplissima illa iu-  
ris ciuilis flumina, per quae, toto orbe sparsa  
atque diffusa, tam multi assidue summo homi-  
nes ingenio nauigarent. Interea, ut paterfami-  
lias, qui, mercaturaе cauſa in longinquas ter-  
rarum oras profectus, dulcem eximieq. animo  
caram domi uxorem reliquit, saepe de ea cogi-  
tans, sicubi aut gemmam aliquam, aut scite  
tornatum anulum, aut monile bacatum, aut  
segmentatam uestem, aut talia mundi mulie-  
bris ornamenta confexit: studiose omnia com-  
parat ac seponit, quibus eam, domum reuer-  
sus, muneretur: sic me per omne scriptorum  
genus uagantem numquam ea cura ac cogitatio-



deserebat, ecquid decerpere ac delibare ex eorum unoquoque possem, quod, cum ad iurisprudentiam reuerterer, ad eam expoliendam & exornandam accommodatum esset. Sciebam enim quam turpe haberetur, & diu manere, & inanem redire. Quod autem Homerus ait, *Vlixem in illo diurno errore crebro spectare solitum Ithacam uersus: itidem ego ad iurisprudentiam identidem reflectebam oculos: & ab ea tamdiu abesse me, uix satis aequo animo serebam.* Quinetiam, ne me amoeniores illae discipline usi quodammodo suum facerent, multa saepenumero faciebam usucaptionis interrumpendae gratia: quod & mea qualiacumque scripta declarant crebris iurisconsultorum adspersa sententijs, & quotidiana disputations, quibus, quoties erat occasio, aliquid ex hac disciplina petitum intexebatur, non obscure indicabant. Nunc, cum mibi uidear non ea quidem omnia, que animo conceperam, perfecisse, sed usque eo tamen progressus esse, ut ijs, qui iuris civilis cognitionem ex ipsis fontibus haurire cipiunt, opis aliquid adferre possim: putauit tempus iam ipsum postulare, ut prodirem, & nautae in hoc genere studiorum operaे specimen aliquod darem. Cur autem Pandectas potissimum extra ordinem interpretari uoluerim, causa haec fuit. Videbam cruditissimos in hac scho-

la uiros, quibus docendi iuris munus mandatum est, ita se in eo gerere, ut, ipsa si loqui posset iurisprudentia, non certius, aut copiosius, aut maiori cum dignitate uideatur explicatura sensus suos, quam ab illis quotidie explicantur. Omnia ex eorum ore profluent, quae in hac arte, aut cogitari prudenter, aut disputari acute, aut certo definiri ac statui possunt. Itaque cum in omnibus habeam quod admirer, in nullo habeo quod desiderem. Sed illi tamen, quid dignitati suae, eique, quam meritissimo obtinent, auctoritati consentaneum sit, intelligentes, perpetuo in grauium & arduarum quaestzionum tractatione uersantur: exquisitam singularum uocum explicationem, ut humile quidam, neque satis dignum, in quo tempus conterrant, aut praetermittunt, aut modice attingunt. Planeq. si ad eos audiendos ij tantum accederent, quos oporteret, id est, qui prius in grammaticorum, rhetorum, philosophorum scholis diu multumq. exercitati essent: nihil amplius, quam quod ipsi cumultatissime praestant, requireretur. Nunc, quod ego me principio fecisse dixi, ut ad ius audiendum aliarum omnium artium rudis accederem, in eo uereor ne etiam hodie a plerisque peccetur. Cogitauit igitur, si pro mea uirili parte huic incommodo mederi stunderem, neque inuidiosum id mihi, neque inuti-



lē alijs fore. Nam neque inuidiam habet ullam, quod ab alijs neglectum iaceat, id sumere: & in exercitu non tantum imperatorum & tribunorum ac centurionum, sed & gregarium militum, & calonum quoque ac lixarum aliquis usus est. Neque, si gubernatorum in nāui regenda praecipuum est munus, non iij quoque utiles sunt, quorum in sentīa exhaudientia omnis consumitur labor. Quamquam, si id quod res est fateri, si recta & uera speciosis ac sūcatis anteponere, si, quanti res quaeque sit, non quanti uulgo fiat, spectare uolumus: multo plus est in hac pura & simplici uerborum explicatione momenti, quam plerique fortasse suspicarentur. Nam cum uerba, ut ait Aristoteles, sint eorum, quae animo concepimus, nō tae: fieri nullo modo potest, ut, qui uim uerborum non percepit, eam sententiam, quae illis uerbis expressa est, assequatur. Itaque & idem Aristoteles alibi ait, eos, qui, quid quoque uerbo proprie indicetur, non satis intelligent, in rebus iudicandis saepu numero falli: & apud Platonem Cratylus ex uerborum intelligentia cognitionem rerum pendere dicit. Et quis tandem est, qui nesciat, patrum auorumque nostrorum memoria, cum peruersa quaedam ac p̄stifera opinio inualuisset, nihil cultum orationis, nihil historiae ueteris notitiam, ad eos, qui

graues

graues ac serias disciplinas tractarent, pertinere, Graecas uero litteras etiam impedimento esse, quanta & quam densa caligo uniuersum prope terrarum orbem obtexerit? quantaque uerborum neglectum rerum ignoratio consecuta sit? Sed, quid necesse est huic rei aliunde argumenta petere? Illi ipsi, quorum libros quotidie terimus, ueteres iurisconsulti, in explicandis legibus, senatusconsultis, edictis praetorum aut aedelium, constitutionibus, decretis, epistolis principum, quam quaeſo uiam rationemque tenerunt? Nempe in patefacienda singularum uocum uia ac proprietate tam multi tamq. assidui sunt, ut magnam industriae suae partem in eo consumere uideantur. Quod prolatis ac productis ipsorum locis probarem, si, quam facile, tam necessarium esset. Antistitium Labeonem iurisconsultum nobilissimum cum alicubi ualde commendasset Gellius, ad postremum addit: Latinarum uocum origines rationesque percalluerat: eaque praecipue scientia ad enodandos iuris laqueos utebatur. Hos me sequentem duces, nemo, ut opinor, merito culpauebit. Quam igitur interpretandi uiam nobis Vlpianus, Paullus, Gaius, Marcellus, ceterique iuris antistites praeiuerunt, eam sequemur, & eorum ueſtigij, quantum uires nostrae ferent, insistentes, summa ope conabimur, effere,



122 M · ANT · MVR · OR · IIX

cere, ut neque praetermittamus necessaria,  
neque inutilia consecremur: & quotidie tamen  
aliquid minime uulgare minimeq. contritum  
adferamus. Quod ut iam nunc perspicere pos-  
fitis, dum ad titulum de iustitia & iure in-  
terpretandum accedo, quaeſo, diligenter at-  
tendite.

D I X I.



# ORATIO NONA

HABITA . ROMAE

PRID . KAL . MARTII

ANNO · CXX · D · LIX



VOD antiquitus a sapien-  
tissimis uiris dictum est, non  
licere cuiquam mortalium,  
quid facturus, aut non fa-  
cturus sit, certo pronuncia-  
re: quod in uita multa eue-  
niunt, tum ut ea ne facias, quae facere decre-  
ueris: tum ea ut facias, quae numquam facere  
constitueris: id ego & saepe antehac in alijs, &  
in meipso nuper uerissimum esse cognoui. Nam  
in hoc publice docendi munere quinquennium  
iam cum aliqua hominum approbatione uersa-  
tus, eo me, ut scitis superioribus mensibus spon-  
te abdicaueram: idque eo animo, ut, quod ex  
me saepe auditum est, numquam me postea ean-  
dem



dem prouinciam suscep<sup>t</sup>orum, numquam eosdem labores denuo subiturum putarem. Cogitabam, satius esse desinere quam desicere: me, siue placuisse, satis iam spectatum esse; siue displicuisse, plus satis: satius esse cum desiderio, quam cum sa- tietate discedere: utcumque esset, tradendam qua- si cursu alijs lampada, qui & laboris patientio- res, & doctrinae copia instructiores, institutam hic & inchoatam a nobis, maiore animo, quam uiribus, uiris prudentiae cum eloquentia & cum antiquitatis cognitione coniunctionem exaedifi- carent, ad summumque perducerent. Mibi ad nominis mei commendationem abunde uide- batur, tanti ac tam praeclari operis aliqua sal- tem fundamenta iecisse, & praefando, quod pos- sem, alios qui plus possent, ut experiri uellent ex- emplo meo excita<sup>s</sup>e. Iamque totus in eo eram, ut me non languori quidem ac desidia<sup>e</sup> dederem: qui semper ignauorum uitam mortemq. iuxta acstimass<sup>e</sup>: sed ad eas artes mecum recolendas ac celebrandas referrem, quibus usque a puero deditus fui: & ad mandandas litteris cogita- tiones quasdam meas, quibus efficerem, conarer quidem certe, ut, quod mihi otium Hippolyti Cardinalis Ferrariensis studiorum ac fortuna- rum mearum patroni summa liberalitate conce- ditur, eius aliquis fructus non ad praesentes mo- do & eos qui nunc sunt, sed & nunc ad exterios,

&amp; olim

& olim ad posteros perueniret. In hac me cogi- tatione defixum, & tamquam in portu, compli- catis uelis, ceterisque armamentis omnibus com- positis, quiescentem, uestra, Cardinales amplissi- mi, auctoritas expurgisci denuo, & subductam iam nauim, mutato consilio, deducere, & uela- uentis pandere coegit. Quae mibi res eo mira- bilior uisa est, quod non deerant homines & in- geniosi, & erudit<sup>i</sup>, & exercitati, qui uobis ad hoc munus obeundum ultro studium atque ope- ram profiterentur suam: quorum etiam unum a me ipso uere atque ex animo commendatum esse memini. Itaque, ut in historijs est, eos, qui M. Catonem in praeturae petitione superarant, i- psosmet mirari solitos, quod se tali uiro populus Romanus praetulisset: sic fateor, mihi mirum uisum esse, quid ita uobis potius libuerit, me a- lia iam omnia cogitantem, etiam cum aliqua ad uetus honorarium accessione reuocare, quam in locum meum aliquem ex ijs sufficere ac substitue- re, qui id, in beneficij loco, petebant. Quod ego neque ita me ignoror, ut mihi tribuam, ac non ue- strae potius humanitati, quam ulli merito meo acceptum feram; & tamen non debo esse aut ad- uersus dignitatem meam, aut aduersus uestra iu- dicia improbe curiosus. Nam, siue aliquid es- se in me, cur hic honos mihi habendus esset, iudi- castis, potius eniti ac contendere debo, ut ue- stram



Stram de me opinionem rebus confirmem, quam ut uerbis refellam; sive, quod magis credo, uestra tantum in eo humanitas, & quaedam erga me uoluntatis propensio ualuit, non minus optabile aut honorificum duco, a uobis amari, quam magna aliqua sive eruditione, sive eloquentia prae-ditum iudicari. Illud quidem neque reticere, neque dissimulare possum, recentem istam uestrae erga me uoluntatis significationem magnum mihi onus imposuisse, magnam curam & sollicitudinem, magnam uigilandi, laborandi, contendendi omnes industriae meae neruos necessitatem attulisse. Non enim mihi tantum elaborandum est, ut si quam mihi existimationem superiorum annorum labores uigiliaeq. pepererunt, eam conseruem ac tuear: sed multo magis, ut uestra de me iudicia sustineam, & aliqua saltē ex parte respondeam illi exspectationi, quam de me, ut uerisimile est, in multorum animis pondus auctoritatis uestrae concitanuit. Quod quidem me studio-sissime constantissimeq. facturum uobis omni adseueratione confirmo, daturumque operam, ut haec, qua nunc cincti ac circumfusi es, studiorum adolescentium multitudo, si nulla alia re, at certe industria & adsiduitate uix alium quemquam a uobis ad rationes suas accommodatiorem huic muneri praefici potuisse fateatur. Sed iam tempus esse uidetur, ut spe-

cimen

cimen uobis aliquod exhibeam eius rationis ac uiae, quam & usque adhuc in docendo tenui, & nisi nos aliud iubebatis, deinceps perpetuo tene-re decreui. Quod dum facio, date mihi obsecro hanc ueniam, ut auertam a uobis orationem, atque ita differam, quasi ij tantum adessent, quorum causa me, rude iam, ut arbitrabar, donatum, in hanc arenam denuo renocandum censiustis.



# ORATIO

## DECIMA

HABITA . ROMAE

PRIDI E. NON. NOVEMB.

ANNO . CC . D . LXIX

**M**AIOREM in dies fructum capio ex hoc consilio atque insituto meo, exornandi iuris ciuilis, neque lautius modo ac nitidius, sed distinctius etiam & ad rudiorum captum accommodatius, quam plerique uulgo solent, explicandi. Nam etsi satis intelligo, non tantum mihi esse uel uirium uel auctoritatis, quantum ad hoc, quod animo concepi, quodq. omnibus uotis expeto, plane perficiendum, requireretur: iuuat tamen, tanti ac tam praeclarri operis qualiacum que fundamenta iacere, experiri si forte alios rebus omnibus instructiores commouere & ad eandem cogitationem suscipiendam excitare possem:

M . ANT . MVR . OR . X 129

sim: efficere denique ut quicumque olim de hoc meo conatu uere iudicare et poterunt & uolent, quiduis mibi potius, quam aut in diligenda recte docendi ratione ac uia iudicium, aut in eadem alijs commonistranda uoluntatem defuisse fateantur. Quibus enim rebus eius, qui quamcumque artem docere instituit, officium contineri arbitror, eas ut praefarem, & alias semper, et prae cipue ex quo libros Pandectarum explicare ingressus sum, magno mibi studio elaboratum est. Ac ne quis forte quaerat, quae tandem illa sint, in quibus et multum opera posuisse me dico, et multum ponendum esse omnibus, qui docendi munus ita ut oportet obire ac sustinere meditan tur: exponam ea, ut potero, breuiter, uobisq. potestatem faciam, ex ijs quae hodie no die de doctoris officio dicam, existimandi quid a me in posterum non expectare tantum, sed etiam exigerre debeatis. Existimo igitur duabus uerbis comprehendendi posse munus eius qui docet: uidendum enim ei esse, quid doceat, & quomodo. Prius il lud eam uim habet: curandum esse ei, primum ut uera doceat; tum ut propria eius artis, in qua uersatur, aut certe cum eo quod agitur coniuncta & cohaerentia. Modus autem docendi is est, ut perspicue doceat: quod duabus rebus conficitur, ordine, & genere sermonis ad res enodandas & enucleandas accommodato. Haec omnia

i qui



qui praeflet, ut in docendo et uera tradat, & per  
tinentia ad eam artem quam docet, & ea ita di-  
stinguat, ut suo quidque loco digerat ac collocet,  
& uerbis proprijs, significantibus, ab eorum qui  
pure ac nitide loquuntur consuetudine non ab-  
borrentibus efferat, atque eloquatur, ei ego nihil  
omnino ad summi ac perfecti doctoris laudem de  
esse statuo: qui autem cum ea plene quidem & ab  
solute praestare non posse se agnoscat, eo tamen  
quidquid habet uirium consert, ut ad eas laudes  
quam potest proxime accedat, dignissimum esse,  
cuius honestissimos conatus, & industriam ad  
praeclara tendentem bonorum omnium perpe-  
tuus applausus approbatioq. comitetur. In his  
omnibus narie peccatum esse uideo a multis eo-  
rum, qui quadringentos sere abhinc annos ius ci-  
uile tractarunt: quorum etiam nonnulli tanto  
apud multos in pretio sunt, ut, quasi Atlantis hu-  
meris caelum, ita eorum auctoritate huius artis  
dignitas sustineri putetur. Nam & multa saepe  
pro ueris falsa docuerunt: & reserferunt libros  
suos alienissimis quaestionibus: & sine ullo ordi-  
ne omnia tradiderunt; & cum latine loqui ne-  
scirent, nouum quoddam & monstrosum sibi con-  
finxerunt loquendi genus, ut si ueteres illi Paul-  
li, & Vlpiani, & Papiniani & ceteris uiris an-  
tiquitatis reuiviscant, multis interpretibus eis o-  
pus futurum sit, ad eos qui scripta sua interpre-  
tati

tati sunt intelligendos. Ac cur falsa quidem  
pro ueris tradiderint, non negauerim alias quo-  
que fuisse causas: duas tamen praecipuas fuisse  
arbitror: ignorationem antiquitatis, & peruer-  
sum quoddam studium contradicendi. Etenim  
cum tota reipublicae atque imperij Romani fa-  
cies ita uersa atque immutata esset, ut nullum re-  
tineret ueteris formae uestigium, aliae consue-  
tudines essent, aliae leges, alia religio, alijs ma-  
gistratus, alia iudicia: exsilio autem lumine  
latinorum & graecarum litterarum, omnia den-  
sissimis ignorantiae tenebris sepulta atque obru-  
ta tenerentur: fieri nullo modo potuit, quin ho-  
mines eius reipublicae ignari, cuius leges &  
iura tractabant, tamquam in illuni nocte si-  
ne lumine errantes, saepe offenderent, saepe la-  
berentur, saepe quoniam potius, quam quo insti-  
tuerant, peruenirent. Ad quod incommodum  
cum aliud accessisset ex prava quadam ambitio-  
ne, quae multorum ex illis animos occuparat, ut  
indecorum putarent, cuiquam adsentiri, ac tum  
demum sibi pulchri ac beati uiderentur, si supe-  
riorum placita labefactare ac subuertere, ipsi au-  
tem aliquid, quod ante se nemo dixisset, adserre  
potuissent: quasi clauum clavo, sic opinionem opi-  
nione trudentes, eo tandem rem perduxerunt, ut,  
cum receptum sit, in rebus iudicandis commu-  
nem interpretum sententiam sequendam esse, sac-



penumero, quae in plures probata sit, in tanta dis-  
crepantia ac uarietate dubitetur. Scitum au-  
tem est quod ait Plato, semper inter se consenti-  
re eos qui aliquid sciunt: nam neque sciri potest  
nisi quod uerum est: neque in quaque re uerum es-  
se amplius uno potest. Iam, quod secundo loco  
posui, multas saepe ab eis inculcatas quaesicio-  
nes, neque iuris ciuilis proprias, neque ad id  
quod in manibus erat ullo modo pertinentes, id  
quin uerum sit, dubium nemini umquam futu-  
rum est, qui eorum scripta uel per transennam, ut  
dici solet, adspexerit. Nisi forte quaerere, quae  
sit potestas ablatiui, ut loquuntur, absoluti, aut  
gerundi, aut relatiui QVI, QVAE, QVOD, et  
similia, quae uel referre piget, grammaticorum  
non est potius quam iurisconsultorum: aut quae  
sit ratio definiendi, quid intersit inter definitio-  
nem & notationem uocabuli, quando liceat ar-  
gumentari ab enumeratione partium, non diale-  
ctici potius, quam iuris ciuilis professores, do-  
cere debent: aut denique innumerabilia, quae  
eorum commentarios legentibus passim occur-  
runt, non melius & uerius ab ipsis artificibus quo-  
rum propria sunt explicantur. Nam de ordine  
quid dicam? quem semper sapientissimus quisque  
plurimi fecit: cui tantum tribuerunt quidam  
ex ueteribus philosophis ut sumnum ac supre-  
num huius uniuersitatis parentem atque opifi-  
cem

cem Deum dicerent in orbe condendo nihil aliud  
praeftisse, quam quod confusas & permistas in  
ter se rudis materiae partes discreuisset certoq-  
ordine suis quamque in sedibus collocasset. Im-  
pia opinio, fateor. omnia enim non tantum diges-  
sit ac dispositi, sed ex nihilo effecit ac procreauit  
Deus. Sed tamen ex eo intelligi potest, quae illo-  
rum de ordine opinio fuerit, quantumq- uim in eo  
inesse crediderint: cum a quo nihil amplius quam  
confusas mundi partes in ordinem adductas esse  
dicebant, eum tamen ipsi quoque cum ceteris ue-  
rissimo nomine parentem ac conditorem omnium  
rerum uocarent. Exstat paeclarra sententia  
apud Xenophontem in Oeconomico, nihil esse aut  
pulchrius, aut ad usum commodius quam ordi-  
nem: nihil contra aut adspicatu foediis ac desor-  
minus, aut quod plura omnibus rebus incommo-  
da adferat, quam confusione ac perturbatio-  
nem. At nostri illi cum dialecticen aut non didi-  
cissent: aut ita didicissent, ut non didicisse pae-  
staret: quibus, quae so, modis omnia miscue-  
runt? qualem nobis cuiusque generis paecepto-  
rum faraginem reliquerunt? Ut si quis rusticus  
bordeum, triticum, uiciam, leguminas in unum  
aceruum conserat, non illius aceruum horum com-  
mentariis existimet perturbatiorem fore. Mihi  
quidem, cum in eos inspicio, saepissime Ouidia-  
na illa de Chao in mentem ueniunt,

I 3 Quaque



Quaque erat & tellus, illuc & pontus & aer.  
Non aliter enim apud hos, ubi uerbi cauſa de au-  
toritate magistratum agitur, dicetur etiam a-  
liquid de testamento: ubi de emptione & uen-  
ditione differitur, aliquid de poenis aut de au-  
ritate tutorum inseretur: nihil est denique quod  
certam sedem ac domicilium habeat: nihil quod  
non alienissimo aequaſile ac ſuo loco pertracta-  
tum reperiatur. Inde illae crebrae ex uno in a-  
lium locum reiectiones: cum te, quod hic agen-  
dum ac traſtantum erat, id iubent ex alio pete-  
re, in quo tale quidquam agi, numquam, niſi ad  
monitus, diuinare potuſſes. Prorsus ut ſi quis  
paterfamilias uestem non in uertiario, ſed in ar-  
ca panaria conderet: panem ex puto hauriret,  
pifces in nemore, lepores in pifcina inclusos babe-  
ret. Apud Aristotelem primo physicorum re-  
cenſetur opinio ueterum quorundam, in quibus  
fuit & Anaxagoras, qui quilibet in quolibet  
ineſſe dicebant: idque exprimebant hemiſtichio  
quodam, ut opinor, Empedoclis, μένεντα πάντα  
μέμινται. Hoc an in physicis uere dicatur,  
uiderint qui illa traſtant: in talium certe inter-  
pretum commentarijs ueriffime dici potest. At  
que hoc ſunt etiam qui eos de industria feciſſe di-  
cant, ut artem iuriſ obſcuriorem, ac diſſicio-  
rem cognitu redderent, & ad ceteros labores  
illum quoque adderent, quo excarnificarent di-

ſcentium

ſcentium ingenia, peruolutandi ſaepe illas in-  
gentes librorum moles, & omnia alieno loco po-  
tius quaerendi quam ſuo. Quod ſi uerum eſt,  
nam ego quidem aliam potius uifſam ſu-  
ſpicor, neque ita de eis male ſentio, ut, cum me-  
lius poſſent, uoluiſſe credam: ſed tamen ſi ita eſt,  
non obſcurum eſt, quam eis pro tam ſancto atque  
honeſto proposito gratiam debeamus. Ultimus  
locus erat de genere dicendi, quo dixi eos, qui  
quid docent, uti debere nitido, perſpicuo, uita-  
to, tali denique ut ſine illis ſalebris, ſine illa  
asperitate influat in aures animosque diſcen-  
tium, eisq. ſe non adſcita fuciſq. ac pigmentis  
quaſita, ſed naturali pulchritudine ac ſuauita  
te commendet. A quo ij quos dico quam longe  
omnes abſuerint, quis non uidet? Et ſunt tamen  
qui eos defendant: ut nulla eſt tam mala cauſa  
quae patronos non iuueniait: dicuntq. eloquentiam  
in eo qui ius docet, non requiri: ſatis eſſe ſi  
artem ſuam teneat: eius pracepta dum tradat,  
quibus ea uerbiſ pronunciet, nihil intereffe. Ci-  
tant etiam in eam rem uerba quaedam Cicero-  
nis, quibus ait ſe in philofopho eloquentiam,  
ſi adſerat, non adſpernari; ſi careat, non admo-  
dum requirere. Niſium delicatos eſſe, qui in  
tanta praeclarissimarum rerum copia etiam uer-  
borum concinnitatem requirant: & perinde fa-  
cere, ac ſi optimos & ſaluberrimos cibos fasti-  
dirent,

I 4



dirent, nisi in auro aut in gemmis apponenteretur. Tum praeterea facilius intelligi ac percipi quae qualibuscumque uerbis sine delectu efferuntur, quam si quis in eisdem pura ac latina oratione exprimendis elaboraret. Postremo usū hoc iam & experientia, compertum esse, quibus uerborum cura est, eos exsuccos sere, & aridös, & exsangues, & grammaticos potius aut ludi magistros, quam ueros & solidos iurisconsultos euadere: cum contra, qui magno & fortí animo contempserunt sermonis delicias, & illud horridum, incomptum, agreste, rusticatum dicendi genus adamarent, ij demum iuris ac legum cognitione impleant pectus, in consultationibus, in foris, in subsellijs regent, in omnium maioris momenti controversiarum disceptatione ac dijudicatione dominantur. Qui bus ut respondeam, primum dico, non existimare me eloquentiam, neque ad ius, neque ad ullam omnino artem tractandam, necessario requiri: ne ad illam quidem ipsam, qua fieri eloquentes putantur. Multos enim accepimus, cum ipsi eloquentes non essent, optimos tamen alijs ad eloquentiam duces ac magistros suisse: qualem in Graecia Hermogenem, in hac urbe Quintilia num suisse aiunt. Et Aristoteles, si se ad dicendum contulisset, fortasse multos habuisset superiores, quo tamen eloquentiae praexcepta nemo

umquam

unquam melius aut perfectius tradidit. Munditiam quidem sermonis non in artibus modo docendis, sed etiam in congressibus & in familiari colloquio ab omnibus ingenuis & paullo liberalius institutis hominibus requirendam puto. Non gemmas, non aurum, non emblemata requiro. fictilibus aequo animo cenare possum: praesertim si epulae sint, ut ais, exquisitae: sed illa ipsa fictilia terfa sint, nitent, appetentiam potius quam uomitum concident. An tu conuiuatorem seras, qui quamlibet lautos cibos in uasis coeno ac luto consumuratis apponat? Nam quod aiunt facilis intelligi quae ita dicuntur: credo equidem hoc inter ipsos uerum esse. Balbi enim balbos, ut est in proverbio, melius intellegunt. Ingenui quidem adolescentes, in Ciceronis, Caesaris, Plauti, Tcrentij & simillium libris exercitati, & Latinae linguae intelligentes, nouos sibi de uerborum significatione commentarios conquerirant oportet, cum accessu sunt ad illas mixobarbaras cantiones. Neque enim una saltem lingua est qua loquuntur, sed taeterrimus quidam cinnus ex foedissima barbararum, peregrinarum, inauditarum uocum colluione, olens, ut seruus ille Plantinus ait, alium, hircum, haram, suem, canem, capram commistam: ut quemadmodum odor qui ex Auerno afflabatur, superuolantes aues necare solitus dicitur,



dicitur, ita illud pus, illa sanies, illud virus optima quaeque ingenia exanimet. Ego quidem certe multos noui optimo adolescentes & acutissimo ingenio praeditos, qui cum in alijs disciplinis exercitati, ad artem se iuris accingerent, talium magistrorum incondita uoce perterrefacti, refugerunt, retulerunt pedem:

Impronisum aspris ueluti qui sentibus anguem  
Pressit humi nitens, trepidusq. repete fugit.  
Quod autem quasi firmamentum defensionis  
suae ponunt, non posse quemquam magnum iuri-  
sconsultum euadere, cui nulla facienda ac po-  
liendae orationis cura sit, pro Deum immorta-  
lem, etiamne hoc tam eruditio saeculo, in hac  
tanta luce ac splendore disciplinarum omnium  
cuiquam se persuasuros putant? Quemquam ne  
ex illo suo grege inquinate at contamine balbu-  
tientium potius quam loquentium proferent,  
quem cum Alciato, cum Duarenco, cum Connano  
comparare audeant? Sed hos omitto: ad id,  
quod institueram redeo. Dixi quattuor esse,  
quae qui ius docent praestare debeant: ut uera  
doceant, ut ad rem pertinentia, ut ordine, ut  
genere dicendi apto ad docendum, Id qui non  
praestarent, culpani. Dicet aliquis: Quid tu  
te igitur ea praeflaturum esse profiteris? Non  
ausim tantum de me aut mihi aut uobis police-  
ri. Illud quidem non dubitanter adfirmo, ne-

que

que plane imparatum esse me ab ijs, quae ad id  
efficiendum necessaria sunt, & ut aliquid olim  
praestitisse dicar summam diligentiam adhibi-  
turum. Sed, ut diei tempus est, diutius detinen-  
di non estis. Diecastini conabor uiam uobis mu-  
nire ad titulum de Paetis minore negotio intelli-  
gendum. Dicam cur de paetis agatur hoc loco:  
tum quid sit paetum, quae paetorum diuisiones:  
qui quibus pacisci possint: quique sint paetorum  
effectus. Haec castinae disputationis capita fu-  
tura sunt. Inde ad ea iuriſconsultorum uete-  
rum fragmenta, quae in hunc titulum relata  
sunt, sigillatim interpretanda ueniemus.



# ORATIO VNDECIMA

HABITA . ROMAE  
POSTRIDIE. NON. NOVEMB.  
ANNO . 80 . D . LXXI

**O**NSTITVERAM hodie, nulla, ut Gaius noster loquitur, praefatione facta, ad tractationem earum rerum, quas hoc anno docere instauri, accedere: idq. et uobis utilius, et mihi conuenientius fore arbitrabar, nisi me amici quidam, quorum & iudicio, et auctoritati plurimum tribuo, de fixa iam statutaq. sententia deductum, sibi potius quam mihi, hac in re morem gerere coegissent. Neque tamen eis plane ad sensus sum; sed, ut Homericus Iuppiter, partem eius quod petebant concessi, partem negauim. Nam quod a me contendebant, ne statim in ea quae huius artis propria sunt ingrederer,

sed

M VANT MVR . OR . XI 141

sed hoc anniuersarij laboris quasi uestibulum opulari aliqua & magis ad omnium sensus accommodata disputatione exornarem, in eo non grauare ipsorum uoluntati acquieui: quod auctores erant, ut aliquod mihi undecumq. argumentum sumerem, quamlibet remotum & alienum ab eo quod ageretur, populare modo, & plausibile, & in quo ostentare uim ac copiam dicendi licet, id ut ipsos a me obtinere sinerem, ipse a me non potui obtinere. Vix ista faciebam adolescens, cum & omnes uias perueniendi ad aliquam eloquentiae famam studiose conquererem, & ijs in artibus exercerer, quas qui tractant, in eis haec non ferri modo, sed & requiri solent. Hac uero aetate, & hac qualicumq. hominum opinione de me, & hoc suscepito munere, quod ab omni uanitate longissime abesse debet: si puerorum aut sophistarum in morem de comenda ac pingenda oratione solicitus sim, & sine ulla necessitate eas mihi ad dicendum materias diligam, in quibus belle ac commode aliquid dicere posse uidear, ineptis fortasse gratum faciam: quos semper fucata & inania omnia, magis quam uera & solida delectant: grauium certe ac cordatorum hominum non effugiam iustam ac meritam reprobationem. Obsequamur igitur amicorum petitioni: sed ita, ut ne obliuiscamur, quid deceat. Explicaturus sum eam partem



tem Digestorum, in qua de iudicijs disseritur. Sed prius dicam nonnulla de ipso munere iudicandi, quantum in eo sit auctoritatis, quantum ponderis & momenti ad totius reip. felicitatem: tum qualem esse eum oporteat, qui ei muneri recte & pro dignitate praefuturus sit: quae in iudicando seruanda, quaeq. fugienda uideantur: quae omnia a nostris quidem partim modece attinguntur, partim ut certa & indubitate ponuntur: a philosophis autem, unde nostra fluixerunt, accurate ac copiose pertractari solent. Dicam autem non oratorio more: sed hoc nostro scholastico, & umbratili, & sedato, non ad permouendos animos sed ad docendos, non ad faciendo clamores, sed ad silentium potius & attentionem obtinendam idoneo. Ita me duas res consecuturum esse confido, ut et amicorum petitioni, si minus plene, at certe aliqua ex parte satisfiat: et hoc quamvis ex alia arte accessitum disputationum mearum caput cum cetero corpore satis apte ac concinne cohaerere uideatur. Tanta igitur est, ut hinc potissimum exordiar, in omni ciuitate eorum qui iudicijs praesunt auctoritas, ut ex eis potissimum reip. felicitas aut infelicitas pendeat. Etenim uere dixerunt ueteres, legem esse animam ciuitatis, & perinde felicem aut infelicem euadere unamquamq. ciuitatem, ut bonis malisue legibus temperata est.

Vtor

Vtor hic legis nomine magis ad populi consuetudinem, quam ad ueritatem: scio enim, si qua mala lex sit, eam ne legis quidem nomine dignam esse. Sed si tantum positum est in legibus: legum autem ipsarum nullus est usus, nisi sint quae exsequantur ac custodiant: & legum ministri ac custodes magistratus, unde eos nomophylacis Plato uocat: magistratum porro praecipua uis in exercendis iudicijs cernitur: constare opinor, qualia in ciuitate iudicia sint, talem esse totius ciuitatis statum. Immo uero ea prima fuit antiquissimis temporibus cauſa congregatorandarum ciuitatum: ut essent, qui uim coercerent, tenuiores a potentiorum iniurijs defendarent, suum cuique tribuerent, iuris aequabilitatem inter omnes pro portione tuerentur. Hanc originem creandorum regum fuisse, quod uetustissimum in terris imperij nomen est, Herodotus, & ab eo mutuatus Cicero, tradunt. Itaque reges ipsi antiquitus iudicabant, ut Minos, cuius singularis iustitia iudicem eum, ueterum opinionem, etiam apud inferos fecit: ut Tenes, cultus apud Tenedios pro Deo: quem cum securi in sulam ex se dictam obambulare solitum tradunt: eaq. percutere, quos, cauſa discussa, iniuriam fecisse cognosset: ut Philippus Macedo, quem etiam patienter tulisse accepimus, obiungatum ab anicula, cui audienda sibi esse otium negauerat:



negauerat : cum illa retulisset , ne regnaret igitur , si audiendis ac diiudicandis causis uacare nollet . Et perdiu , qui Hebraeorum populo summo cum imperio praeerant , non reges , sed iudices vocabantur : ut intelligamus nihil esse tam regium quam iudicare . Sive enim priuata iudicia inspiciamus : uere ait Cicero , omnes omnium pecunias positas esse in potestate eorum qui iudicant : sive publica , omnium ciuium non fortunae modo , sed dignitas , existimatio , salus , eorum , qui iudicia publica exercent , fidei , religioniq. commissa est . Sapientissimus homo Democritus duabus rebus remp. contineri dicebat , poena & praemio : earum autem rerum utraq. in eorum manu est , qui munus sustinent iudicandi . Magna igitur adhibenda cautio est in iudicibus deligendis : eorumq. & singularis quae-dam prudentia , & spectata probitas esse debet : ne si , aut errore ducti , aut cupiditate abrupti , permisso sibi potestate secus quem decet utantur , ipsa ciuitatis fundamenta subuertant . Ac ueteres quidem illi paucissima uerbis iudicis officium concludebant : cum ita dicerent , legem esse mutum iudicem , iudicem autem legem loquenter . A bono enim iudice ita prorsus omnia iudicari oportet , ut lex ipsa , si loqui posset , iudicaret : atque ita legem & iudicem inter se con spirare , ut sit lex quasi anima iudicis ; index ,

quasi

quasi vox legis . Et , quaemadmodum Aristoteles ait , legem esse mentem cupiditatis exper-tam , ita optandum esset , ut eiusmodi iudices re-perirentur , qui , omni cupiditate spoliati , mente tantum ac ratione in disceptandis controuer-sis uiterentur . Sed talia optare licet , sperare non licet . Nimis enim uerum est , quod in quodam rantico posuit Simonides , per difficile reperiri hominem τεργά γενοντα φύσιν . Huic incom-modu sapientissimi quique ueterum quaecumque potuerunt remedia compararunt . Inter quos Aristoteles censuit , in bene instituta ciuitate , omnia , quoad eius fieri posset , legibus comprehen-denda ac definienda : quam paucissima autem in potestate atq. arbitrio iudicum relinquenda . Cu-ius rei tres ab eo sane graues causae adferuntur . Una , quod multo maior numerus necessarius est iudicum , quam eorum qui leges ferant . Facilius autem est paucos bonos et prudentes uiros re-perire , quam multos . Altera , quod longius tem-pus datur legem aliquam laturis , quam de cer-to aliquo negotio ac contiouersia cognituris . In maiori autem temporis diuturnitate maior est penitus peruidendi ueri facultas . Tertia , quae omnium potentissima est , quod leges & in futu-rum proficiunt , & uniuersae ac generatim fe-runtur , ut neque gratiae , neque odio locus esse possit . At iudicia & de praesentibus negotijs ,

ETIENNE

K &amp; de



¶ de certis personis exercentur: ut & gratia, & odio, & inuidia, & miseratione, & ratione proprij alicuius commodi, aut incommodi, facillime abduci a uero iudicis animus queat. In iudicibus autem deligendis illud praecipue obseruandum est, ut boni uiri elegantur: in quo ueteres ita diligentes fuerunt, ut saepe in libris nostris uiri boni nomine non alius quam index intelligatur. & Horatius narrat patrem suum, cum sibi uirtutis & officij pracepta traderet, laudandarum actionum exempla ex iudicibus potissimum sumere solitum esse. Sic me, inquit, Formabat puerum dictis: & siue iubebat, Ut facerem quid: habes auctorē, quo facias hoc. Vnum ex iudicibus selectis obieciebat. & alibi cum uiri boni quasdam quasi notas enumerrando percenseret, banc inter praecipuas ponit. Quo multae magnaeq. secantur iudice lites. Ac uidete, quantopere ueteres illi Romani, eos qui res iudicabant ab omni improbitatis suspicio ne pueros esse voluerint. Notationi atque animaduersioni censoriae non tribuebant auctoritatem rei iudicatae: neque si quis a censoribus senatu motus esset, propterea ei aditum ad honores negabant. Quinimmo quasdam a censoribus etenim electos, ipsos postea censores fuisse legitimis. Sed tamen, ut omnis etiam leuissima suspicio abesset a iudicium moribus, lege Iulia repetundarum

tundarum qui senatu moti essent iudices non poterant dari. Aetasetiam in iudicibus consideranda est: neque enim idonei sunt adolescentes ad tantum munus sustinendum. cuius rei tres fere caussae adserri solent. Una, quod de moribus adolescentium nihil adhuc certo sciri potest. mutantur enim, ut ait Horatius, in horas. & improbum quidem esse aliquem ut cognoscas, uel unus dies sufficit, ut ait Theognis: at diu uixerit opportet, de cuius probitate certum iudicium fiat. Altera, quod in iuuenibus magnae & uehementes sunt animi commotiones, quas illi saepius quam rationem sequuntur. Postrema, quod longus rerum usus in iudice requiritur, qui cadere in adolescentem non potest. ε νέον, ait Plato libro tertio de rep. ἀλλὰ γέρωντα δεῖ τὸν αγαθὸν κριτὴν εἶναι. Neque uero quilibet senex ad indicandum aptus est. Non enim ut prudentia necessario aetatem requirit: ita actas necessario prudentiam adserit. sed is demum, cui anteaetiae uitae cursus & integritatis & prudentiae opinionem comparauit. Obseruabatur & illud antiquitus, ne egeni & exhausti homines facile ad indicandum admitterentur. Cum enim plerique a Theognidis sententia non abhorreant, & paupertatem omni ratione fugiendam putent, uerendum uidebatur, ne saepe tales iudices non tam rationem muneris sui, quam magnitudinem



tudinem munerum alienorum considerarent: ne  
ne libentius in nummorum quam in argumento-  
rum quae utrumque adferrentur ponderibus ex-  
pendidis occuparentur: & utrius grauior es-  
set manus, eius caussam quoque meliorem uide-  
ri pronunciarent. Atque ob eam caussam iudi-  
ces non tantum ex moribus & ex aetate, sed et-  
iam ex sensu legebantur: quod Romanis alicubi  
objicit Tertullianus. Cumq. iuris iurandi re-  
ligio maximum & sanctissimum fidei vincu-  
lum merito apud omnes existimetur, iudicaturi  
prius iurabant se ex legum praescripto indica-  
turos: cuius rei frequens apud Demosthenem,  
& alios mentio est. ne ue legum uerbis callide,  
& subdole interpretandis ab earum sententia  
& uoluntate discederent, addebat, τὸν γνῶμην,  
τὸν διαιρόταν, ut apud Demosthenem, aut, quod  
idem uabet, τὸν ἀπλόταν, ut apud Aristotelem in  
rhetoricis, & apud Iullium Pollucem libro octa-  
uo relatum est: quo significabant, se ita leges  
interpretaturos, ut rationi & aequitati maxi-  
me consentaneum uideretur. Quin etiam, ut ma-  
iore diuini numinis metu persunderentur, iudi-  
cabant in loco sacro. Quamvis enim Deus o-  
mnibus locis praesens est, eiusq. ut ait Aratus,  
omnia plena sunt: in consecratis tamen locis  
magis omnes nescio quo modo illius praesentia  
commouemur. Atque hanc consuetudinem an-  
tiquissi-

tiuissimam fuisse, Homerus ostendit, qui iudi-  
ces in Achillis clypeo sculptos & senes fuisse  
ait, & in sedilibus lapidis sacro in loco conse-  
disse. οἱ δὲ γέροντες, inquit, εἴτε ἐπὶ ξεσοῖς  
ἀθροίζεποντες, Summa autem in eo adhi-  
benda diligentia est, ut tollantur omnes occasio-  
nes, quae possunt efficere aliquem animi motum,  
quo iudex abducatur a uero. Nam quod de amo-  
re ait Theocritus, pulchra ei uideri, quae pul-  
chra non sunt, idem absolute de toto talium com-  
motionum genere dici potest: prout quisque af-  
fectus est, ita res eis alias atque alias uideri.  
Arquatis, ait Varro, & ueternosis omnia lu-  
tea uidentur. febricitantibus amara, quae dul-  
cia: aliter omnibus de rebus ebrij, aliter sobrij  
iudicant. Idem putandum est euenire ijs omni-  
bus, quorum animus aut amore, aut odio, aut  
ira, aut inuidentia, aut deniq. aliquo πάθει oc-  
cupatus est. Docent philosophi, si sensus de re-  
bus sibi obiectis uere indicaturus sit, oportere  
ipsum sentiendo instrumentum, quod illi εἰδότες  
pro uocant, ἀποτινεῖ id est omni qualitate, earum  
saltēm, de quibus iudicandum est, vacuum esse.  
sic & iudicis animum in sola ueritate desixum  
ab omni perturbatione purum ac liberum esse o-  
portet. Male uerum examinat omnis corruptus  
iudex: ait Horatius. Quoniam ergo nemo, ut  
omnia moliatur, exsuere ac deponere insitum at



que ingeneratum omnibus sui amorem potest: ideo ueteres neminem rei suae idoneum iudicem esse voluerunt: quod & apud iuris nostri auctores saepe legitur: & ante eos ab Aristotele & in ethicis, & in politicis dictum erat. Ne defiliij quidem negotio idoneus index est pater-amat enim eum ut patrem sui. & quamuis reperiuntur patres quidam, qui de filiis seuverissime iudicarunt, ut in externa historia Zaleucus, in Romana Brutus, Manlius, alij: usitatius tamen est: patres in filiorum peccatis connuere. Sed bac de re alio loco plura dicentur. Corrumpuntur indices etiam donis: & ea causa fuit, cur ijs legibus, quae de pecunijs repetundis latae sunt, punirentur, qui ob rem iudicandam pecuniam accepissent. Narrat Plutarchus, Thebis olim positas in publico fuisse iudicum statuas, easq. sine manibus: quod indicio esset, nihil eos a quo quam accipere debere: eius autem, qui iudicio praesideret, etiam sine oculis: quod ipso personarum adspictru iudices interdum a recto abduci arbitrarentur. Antonius certe apud Ciceronem gloriatur, M. Aquillium, in manifesto repetundarum criminis, hoc potissimum a se artificio liberatum, cum eum maestum ac sordidatum produxisset, tunicamq. eius a pectore discidisset, & cicatrices aduersorum vulnerum, quae ille pro rep. acceperat, ostendisset. Ita indices, quem ab

sentem

senzem forte damnassent, eum, adspictru ipsius commoti, liberarunt. Eodem artificio multis ante annis usus erat Hyperides, qui, ut narrat Athenaeus, cum Phryne meretrix pulcherrima rei capitalis argueretur, atque ita teneretur, ut argumentis purgari non posset: cum multa pro ea dixisset, ad postremum statuit eam in conspectu iudicium, & pectus eius papillasq. nudauit: qui adspictrus tantum potuit, ut, quam omnium sententijs damnatum iri opinio erat, omnium suffragijs absoluta discesserit. ex quo institutum est, ut Ariopagitae noctu indicarent. cuius rei praeter ceteros auctor est Lucianus. Sed et quo iudicia integriora et incorruptiora esent, nomina ipsa eorum, de quibus ageretur, in Ariopago reticeri solita, quidam tradiderunt. ut, nulla prorsus personarum ratione habita, de rebus tantum ipsis iudicaretur. Multum etiam in iudicijs peruerterendis potest eloquentia: neque prorsus mentiebantur ueteres illi magistri, qui se docere profitebantur, quo modo causa inferior dicendo superior fieri posset. Cui enim nota non sunt uerba Ciceronis in causa Cluentiana, obiectas a se iudicibus tenebras gloriantis? Ideoq. rectum erat illud eundem Ariopagitarum institutum, apud quos oratores praeconis uoce nihil uerborum extra rem facere, & neque promisijs uti, neque epilogis inbebantur. Sapien-

K 4 ter



ter quoque Anastasius & alij posteriores Imperatores conflituerunt, ne cuiquam administratio patriae suae sine speciali iussu principis permetteretur. Arbitrati enim sunt id, quod est, unumquemq. necessario in patria sua multis cognitionibus, ad infinitatibus, necessitudinibus implicatum teneri: ijsq. omnibus rebus iudiciorum religionem ac severitatem impediri. Eodem pertinebant permissae antiquo more alternae iudicium reiectiones: ut e iudicijs omnis omnino suspicio inclinati, ac propendentes in alterutram partem animi tolleretur. Neminem, ait Cicero pro Cluentio, uoluerunt maiores nostri non modo de existimatione cuiusquam, sed ne pecunaria quidem de re minima esse iudicem, nisi qui inter aduersarios conuenisset. expediret etiam in eos iudices, qui se corrupti suissent, grauisimas poenas constitui: ut fecisse Cambysen ait Herodotus, qui, utinam non singulari, sed in omnem posteritatem duraturo exemplo, supra iniusti iudicis corium in loca dissectum, eius filium ac successorem sedere iussit: ut cum a paternae improbitatis imitatione paterni supplicij memoria renocaret. Omniro autem iudicibus tria in animo perpetuo habenda esse arbitror: unum, ut cogitent, quemadmodum ipsi de alijs iudicant, ita de se non alios tantum homines, sed ipsum Deum indicaturum. Alterum,

ne

ne prius sententiam ferant, quam diligentissime utriusque partis iura cognoverint. Merito laudatur a Platone illud Hesiodi, Μηδε δίκου δικάσθε φρίδιμον μῆθον ἀκόντων. Et elegans est illud Philippi, ut opinor, Macedonis, qui cum altera aure occlusa accusatorem audiret: interrogatus, cur id faceret, dixit se eam seruare integrum reo. Postremum illud est, debere quidem iudicem plane medium esse: ideo enim prætra, ut ait Aristoteles, vocantur. Sed tamen, si in alterutram partem inclinandum sit, ut Circe dicebat minus periculi esse, si nauis ad Scyllam potius paullum inclinaret, quam si ad Charybdim: ita in hominibus puniendis minus mali esse in clementia ac lenitate, quam in saevitia, & acerbitate. Nam et si laudata est apud ueteres praetoris cuiusdam severitas, cuius tribunal scopulum reorum vocabant, multo tamen maiorem laudem haberet illa uox Neronis, si ex animo prolata esset, aut si ipse in eadem mansuetudine perslitisset, qui subscripturus sententiae capit is quendam, Utinam, inquit, numquam didicissem litteras. Et M. Antonini illud praecipue commendatur, quod poenas legibus definitas semper usque ad aliquem modum mitigabat. Pleni sunt libri nostri talium sententiarum: Benignius interpretandae sunt leges, quo uoluntas earum conservetur.



154 M . ANT . MVR . OR . XI

netur. Et, Interpretatione molliendae sunt poe-  
nae potius, quam exasperandae. Non possum  
hoc loco praeterire dictum quoddam uetusissimi  
oratoris Antiphontis. Ei dicit te amartrēn, τὸ  
ἀδίκως ἀπλούσασι διώτερον, οὐ τὸ ἀδίκως ἀπολέσαι.  
τὸ μὲν γεράμαρτημά εἰσι. τὸ δὲ ἀδίκως ἀποκτᾶσαι,  
ἀσέβημα. cuius sententiae similem quandam ex  
libris nostris suo loco proferemus. Dixi de au-  
toritate et officio iudicium, non quaecumque po-  
teram: neque enim id aut res postulabat, aut tem-  
pus patiebatur: sed ea tamen, quae dixi, neq; alie-  
na, neque inutilia fuisse confido. Quid praestite-  
rim, uos ipsi iudices eritis. Si quis erit, qui me  
contendat debuisse statim ad ea, quae iuris ciuilis  
propria erant, accedere: ab eo peto, ne mibi ue-  
niām neget, quod ego amicis rem non magni mo-  
menti petentibus negare non potuerim: ne ue sit  
ita difficultis creditor, ut in crastinū exspectare  
nolit: cum praeſertim ipsi iuris consulti sub eo e-  
quem explicaturi sumus, titulo tradant, in mora  
modici temporis non magnum damnum ines-  
ſe censi.

I X I D



O R A T I O  
D V O D E C I M A  
H A B I T A . R O M A E  
N O N . N O V E M B .  
A N N O . C C C . D . L X X X I I

**I**us ciuile me non uulgarī uia,  
sed noua quadam, et ante me  
in his quidem scholis inuista-  
ta ratione tradere ingressum,  
et in opere institutoq; pul-  
cherrimo quartum iam an-  
num, magna auditorum frequentia, magna a-  
nimi contentione uersantem, nostra, Cardinales  
amplissimi, in medio cursu insistere, aliudq; mu-  
nus suscipere coagit auctoritas. Nam, cum ho-  
mo eruditissimus, qui tradendis eloquentiae  
praeceptis in hac urbe consenserat, et adficta  
uiletudine, et ipsa iam aetate otium ac quietem  
postulante, missionem a uobis honestissimam im-  
petrasset, nec ei facile successor idoneus reperi-  
posse



posse uideretur, mibi potissimum mandandum  
esse ab eo derelictam prouinciam censuisti. Pa-  
rebo libens, ut debeo, auctoritat<sup>e</sup> nostra: ne-  
que mibi quidquam umquam a uobis imponetur  
aut laboris aut oneris, quod non ego prompto  
atque alaci animo subeam: quaeq. mibi a uo-  
bis imperata erunt, numquam aut aspernabor  
ut nimis humiliia, aut ut nimis ardua extine-  
scam. Vestrum est, decernere ac statuere, quam  
a quoque nostrum huius quasi reip. litterariae  
partem administrari ac procurari uelitis: no-  
strum, parere, & mandata nostra subsequi, ne-  
que umquam ita nobis placere, aut tantum no-  
bis tribuere, ut de uestro iudicio iudicemus.  
Evidem quod ad me attinet, neq. ullam ar-  
tem, quae quidem hominis ingenii studio digna-  
sit, sordidam & abiectam esse duco: & hanc, ad  
quam tradendam nunc uocor, semper nobilissi-  
mam existimauit: &, si aliter sentirem, for-  
taffis tamen non uererer imitari Laconem il-  
lum, qui in coniuio, extremo loco iussus ac-  
cumbere, coniuinatoris ingenium, ac iudicium  
commendauit, qui rationem exigitasset, qua  
illi quoque loco dignitatem compararet. Non  
enim tantum, ut uulgo dicitur, magistratus ui-  
rum ostendit, & in luce hominum collocat: sed  
etiam saepe magistratum is qui eum gerit exor-  
nat. Epaminondam ferunt, cum a ciuibus suis te-  
learchus

learchus creatus esset: erat is apud Thebanos  
non magni momenti magistratus: non detrecta-  
se, sed dixisse gesturum, ut deinceps telear-  
chia honoratior haberetur. Atque ita effectum  
est. tantum enim Epaminondae ualuit auctorita-  
tas, ut post eum telearchi perpetuo creati sint  
ex principibus ciuitatis. Haec & talia dice-  
rem, si in eloquentiae professione parum inesse di-  
guitatis existimarem. Sed & de re ipsa, & de  
me longe mibi alia opinio est. Quamuis enim  
non infitior, magnum me semper amatorem at-  
que admiratorem disertae atque ornatae oratio-  
nis fuisse, studioseq. in eam rem operam dedisse:  
etiam, si nultis, aliquando imposuisse populo,  
& apud eos, qui me cum deterioribus compara-  
bant, in aliquam non infantis neque indiserte  
hominis opinionem uenisse: uereor tamen, ne ex  
emplo meo comprobem id, quod tradunt rei mi-  
litaris scriptores, etiam ueteranos milites pro-  
tironibus habendos, cum diu a pugnando cessa-  
runt. Sed quoniam id tantum a me exspectari ac  
requiri puto, primum, ut uobis, adolescentes,  
indicem ac commonstem eas vias, quibus ad  
eloquentiam posse arbitror perueniri: deinde ut  
ad superendam earum difficultatem, quantum  
in me erit, si quid modo erit, neque autem mul-  
tum, neque tamen nihil omnino fore confido, aii  
xilio sim: suscipiam, ac subibo paullo maiore  
cum



cum fiducia onus id, quod mibi, si meum perpetuum publicae utilitatis studium diuinæ benignitatis aura comitetur, ut cumq; posse videor sustinere. Ut enim, si quis homo egens ac tenuis, alios se colloqupletaturum esse profiteatur, ridiculus sit: sin id tantum pollicetur, ostensurum se quam uiam insistere debeant, qui rem facere cupiunt, nihil tamen alienum atque abhorrens a fortuna sua suspicere videatur: sic ego, si ea me traditurum dicere ausim, quibus eloquentes fieri possint, merito irridear, cum ipsi mibi eorum perexigua pars suppetat; sin id tantum dicam, posse me ijs, qui eloquentiae studio tenentur, uias quae ad illam ferant ostendere, & ad id quod adamarunt consequendum aliquid opis afferre: caussae, ut opinor nihil sit, cur me quisquam aut nimium mibi adsumere, atque arrogare dicat, aut ea polliceri quae praestare non possim. Nolite autem auditores existimare me uulgare aliquid uobis & in medio positum polliceri, cum pollicor me uobis itineris ducem ad eloquentiam fore: neque ita eloquentiae nomen accipite, ut uulgo accipi consuevit. Hodie enim ut quis uulgaria rhetorum praecepta utcumq; didicit & in Ciceronis scriptis tantum posuit operae, ut, adhibito Nizoli libro, possit orationem aut epistolam scribere, cuius tum singulae uoces, tum ipsa etiam structura & colloca-

tio

rio Ciceronem oleat, protinus magno eorum consensu, qui nihil altius aut sublimius cogitant, eloquentis nomen assumit. Itaque, si de quopiam istorum percunctere, num Platonem, Aristotelem, Theophrastum legerit, deniq; num philosophiam attigerit, negabit: se enim, reliquo alijs philosophiae studio, eloquentiae gloria contentum fuisse. Quid Herodotum, Thucydidem, Xenophontem quam diligenter, studioseq; uersauerit. Aliquid se fortasse ex eis libasse dicet, sed properantem & aliud agentem, & qui unam modo spectaret eloquentiam. Certe igitur Homerum, quem ut ceterarum ingenuarum artium, ita eloquentiae quasi fontem quandam esse dicunt, Sophoclem, Euripidem, a quo optime ali eloquentiam, ipsi eloquentiae magistris prodiderunt, ceteros deniq; Graecos & Latinos poetas accurate peruolutasti. Quem tu mibi, inquit, Homerum, quem Sophoclem, quas nugas nominas? quasi ego poeta, non orator, esse uoluerim. Nimirum igitur, cum a te omne aliud scriptorum genus abdicasses, in illis eloquentiae luminibus Lysia, Hyperide, Andocide, Isaeo, Isocrate, Demosthene, quamplurimum olei consumpsisti, in eis egregium aliquod studium collocasti, eos saepe relegens in succum ac sanguinem conuertisti tuum. Immo, inquit, quorundam ex ipsis uix ipsa nomina agnosco: alios



alios a Cicerone meo commendari memini, qui mihi solus in amoriibus ac delicijs fuit, quem ego, admirabili quodam eloquentiae studio inflammatus, numquam ex oculis, ex manibus, ex sinu depositi: cuius in scriptis ita diligens ac sollicitus fui, ut, quemadmodum nummi aurei aut argentei a plumbeis tinnitu ipso dignoscuntur, ita ego noxes Ciceronianas ab ijs, quae Ciceronis non sunt, sono ipso discernere ac dijudicare possim. Bene sit, inquam, istis auribus tuis tam delicatis, tamq. eruditis: sed cur, quae so, cum Ciceronem tanti facias, eos, quos tantopere ab eo laudari uidebas, non attigisti. Ilos, inquit, legissim, si Graece eloquens esse uoluisssem. Latinae quidem eloquentiae laudem affectanti satis esse unus Cicero uisus est. Quae ista, malum, Latina eloquentia est, aut quando quisquam ueterum istud iter ad eloquentiam tenuit? Mibi quisquam eloquentiam uocat, cum genera caussarum, et nomina figurarum, et vulgaria quaedam praecepta de conformandis orationis partibus, & huiusmodi nenia didiceris, uoculas ex Cicerone collectas coniungere, & ex eis quasi tessellis ieinam ac famelicam orationem contexere, sedulo cauentem ne quid dicatur, quod non ante Cicero dixerit? Pictorum et psittacorum ista eloquentia est, auditas uoces iterare ac reddere, neq. quidquam umquam dicere quod sit nere ac proprie tuu. Aliud antiqui uocabant

2010

bant eloquentiam: qui nisi qui de ciuilibus negotijs ornate ac copiose loqui posset, qui dicendo animos audientium flecteret, qui admirationem concitaret, qui modo clamores faceret, modo circumfusam multitudinem stupore desigeret, neminem eloquentem uocabant. Itaque qui se dicebendi magistros profitebantur, multa de ratione argumentandi, multa de uirtutibus ac uitiis, multa de permissionibus animi, multa de ueterum institutis, ac legibus, multa de ratione instituendarum ac gubernandarum ciuitatum disputabant: seq. proprerea non rhetoras, aut, quae tum usitata erat ipsorum appellatio, sophistas, sed glorioiore ac magnificentiore nomine politicos nominabant. In quo etsi eos Aristoteles coarguit, ipse tamen docet rethoricon quidam esse ex dialectica, & ex politica conflatum atque commixtum: & opus rhetorices esse ait ijs in rebus omnibus, quae in consultationem cadunt, omnia uidere, quae ad fidem faciendam ac commodata sunt. Tribus autem praecipuis capitibus hoc contineri ait, si ita dicamus, ut, qui audiunt, bonos uiros esse nos opinentur. si eorum animi motus quosdam concipient ad id quod uolumus efficiendum atque obtinendum ac commodatos: si id quod probare uolumus, aut demonstremus, aut demonstrare uideamur. Ut autem dialecticus, non illo ex scholastico pulue

L re



re clamator odiosus ac molestus, sed uerus ac ger-  
manus dialecticus duobus ad probandum instru-  
mentis utitur, syllogismo & inductione: sic ei  
compar ac geminus & in dissimili genere similli-  
mus orator duo alia habet, quae duobus illis ex  
altera parte respondeant; enthyphema, quod syl-  
logismo; exemplum, quod inductioni. His duo  
bus armatus est, his pugnat, his & suam & a-  
liorum dignitatem tuetur: neq; sine magna co-  
pia enthyphematum & exemplorum ad omnem  
dicendi materiam comparata, eloquentis no-  
men sustinere quisquam potest. Enthymematum  
copia a philosophis, exemplorum a poetis et histo-  
riarum scriptoribus petitur: neque quisquam o-  
ratoris, aut eloquentis nomine dignus euaserit,  
qui non prius omnia philosophorum scripta,  
quae quidem ad formando mores & ad tractan-  
dam rem p. pertinent, omnem historiam ueterem,  
omnes antiquos & Graecos et Latinos poetas di-  
ligenter & accurate peruvolutarit. Magnus la-  
bor, dixerit aliquis. Fateor: sed magnum est  
& id, quod hoc labore petitur. Et uerum est,  
quod ait Horatius: nil sine magno uita labore  
dedit mortalibus. Ad hanc facultatem conse-  
quendam ego me uobis auditores, quantum ui-  
res meae ferent, ducem ac comitem profiteor.  
Uestra res agitur: uobis, ut ille ait comicus se-  
nex, seritis, uobis occatis, uobis eisdem meti-  
tis,

tis, uobis denique iste pariet laetitiam labor.  
Videbitis me quotidie causa uestra efficientem,  
quaecumq; potero; conantem etiam ea quae non  
potero. Alite uos quoque studium meum atten-  
tione uestra: &, dum aetas apta est ad labo-  
res perferendos, dum animus nullis alijs cu-  
ris occupatur, dum cetera, quae ad capiendum in  
genij cultum requiruntur, assiduim suspetunt, no-  
lite committere ut utilitas uestra, quae & Gre-  
gorio Pontifici Maximo, & amplissimis Cardi-  
nalibus, quibus ille munus hoc demandauit, &  
nobis omnibus tantae curae est, a uobis, a qui-  
bus minime decet, negligatur. Evidem pro mea  
uirili parte nullo loco uobis deero: docebo, ad-  
monebo, instabo, urgebo, excitabo, nonnum-  
quam etiam, si res ita poscere uidebitur, obiur-  
gabo atque increpabo. Nolite exspectare, dum  
uobis aduler. Contemnam uos, si uos litteras  
contemnetis. si eas amabitis: & amabo ipse  
commoda uestra ex animo, &, ut uos me uicissim  
merito ametis, operam dabo. Sed, ut diei tem-  
pus est, diutius detinendi non estis. Secundum li-  
brum Tusculanarum disputationum explicare de-  
creui. Cras id facere incipiam. Policeor au-  
tem uobis, qui me attente audient, curaturum  
me, ut eis operaे suaе ratio constet.



# ORATIO

## DECIMATERTIA

HABITA . ROMAE

XV . KAL . NOVEMB.

ANNO . CC . D . LXXIII

V M mihi a summis uiris,  
quorum auctoritate, atque im-  
perio nostra omnium studia  
ditiguntur, mandatum esset,  
ut hodierno die, quo, ut sci-  
tis, more maiorum, noster hic  
quasi Musarum exercitus quotannis lustrari so-  
let, de praestantia litterarum, & earum artium  
quae litteris continentur, aliquid publice di-  
cerem, quo iuuenum animi ad earum amorem  
incitarentur: quod prius facere debueram, sed  
inconsueto quodam obsequendi studio abruptus  
non feceram, coepi oneris suscepti magnitudi-  
nem cum uiribus meis sollicite comparare. At-  
que interdum quidem ita ratiocinabar, ut mi-  
hi

M. ANT. MVR. OR. XIII 165

bi nihil arduum, aut difficile impositum crede-  
rem. Nam, ut Cyrenaeus poeta facile ait esse  
omnibus Apollinem laudare, in quo tot, tan-  
taq. laudum argumenta sint: ita facile uideba-  
tur homini quamlibet infanti atq. indiserto lau-  
dare eas artes, quas uere, ac merito bonorum son-  
tes nominare possumus. Neque enim dubita-  
bam, quin omnium concessu multo iustius arti-  
bus nostris, quam illis, de quibus id Xenophon  
dixit, honos huius nominis tribueretur. Cogita-  
tabam etiam tum demum in summa me difficultate  
uersaturum fuisse, si eas aut, quod nefas est,  
uituperare iussus essem, aut earum dignitatem  
abijcere & extenuare dicendo: nullum enim sa-  
ne argumentum, quod quidem alicuius momenti  
esset, ad eam rem reperire potuissim. Quod si  
Socrates praesente Phaedro amorem uitupera-  
turns, facere id non audet, nisi sibi prius pallio  
caput obnupserit: multo me magis uerecondari  
par fuisset, in tanto eruditissimum hominum  
coetu declamantem aduersus eas artes, quarum  
omnes dignitate, ac pulchritudine, ita incensi  
estis, ut sine earum tractatione ne uitam qui-  
dem ipsam iucundam putetis. Nunc, ut idem  
ille sapientissimus senex factu facile esse ait A-  
thenienses Athenis laudare, quod, quae quisque  
amat, ea libentissime laudari audit: sic & ipse  
mibi uidebar facilem & expeditam prouinciam

L 3 susce-



suscepisse commendandi ac celebrandi apud nos  
ea, quae nobis omnibus in amoribus ac delicijs  
esse constaret. Sed interdum occurrabant alia,  
quae me commouerent, nec quieto esse ac seculo  
animo sinerent. Nam & in tam ubere ac co-  
piosa materia necesse est, unicuiq. audientium  
multa in mentem uenire, quae commode dici  
queant: neque fieri potest, ut, quidquid omnes  
cogitant, dicat unus: & ea est hominum natu-  
ra, ut, cum quis, quod ipse dixisset, id ab eo,  
qui dicit, omissum uidet: non hoc quoque dici  
potuisse, sed hoc potissimum dici debuisse con-  
tendat. Ita dum pro suo quisque captu quid i-  
psé dicturus fuerit cogitat, & alia prope o-  
mnia fastidiens, dum id unum dicatur, anide  
exspectat: quidquid dixeris, semper uideberis  
omissoe praecipua: et omnia communia ac contri-  
ta dixisse, quod ea non dixeris, quae si dixisses,  
ipsa quoque alijs obsoleta & vulgaria uideren-  
tur. Ut melior hac in parte sit eorum condicio,  
qui aridis, ac sterilibus in argumentis uersan-  
tur: quorum, siue abundantur, laudatur inge-  
nium; siue desecerunt, materiae ieunitas accu-  
satur: cum contra, ubi ampla dicendi seges est,  
quidquid allatum est, ubertati materiae adscri-  
batur; quidquid omissum est, tibi. Ego uero quo  
modo aut quidquam allaturum esse me sperem,  
quod nouitate audientium animos teneat, cum

ijs in

ijs in rebus mea uersatura sit oratio, in quibus  
praestantissima se omnium aetatum ingenia ex-  
ercuerunt: aut ita dicturum, ut non innumerabi-  
les alijs ijsdem de rebus ornatis ac copiosius di-  
xerint? Sed mihi neque ualde laborandum est,  
ut noua conqueram: non enim cantileneae sunt  
hae, quibus nouitas, ut ait Telemachus, conci-  
liat gratiam: sed praecepta, quibus uetus ad  
dit auctoritatem: & si uera, utilia, apta ad id  
quod mihi propositum est, digna huius loci auto-  
ritate, digna uestris auribus attulero, quibus ea  
cumq. uerbis extulero, hoc ipso me satis ornata  
dixisse arbitrabor. Agite igitur, uiri praestan-  
tes, & cum alijs nominibus, tum praecepit ha-  
rum de quibus dicere ingredior artium cultu &  
tradtatione clarissimi: agite studiosi adolescen-  
tes, quorum mollis adhuc, & tenera aetas in  
eiusdem gloriae spem eodem quasi lacte Musa-  
rum educatur, cognoscite mecum felicitatem ue-  
stram, qui instinctu quodam, afflatusq. diuino ad  
eas potissimum artes animum appulisti, qui-  
bus, siue quis utilitatem sequatur, nihil fructuo-  
sius; siue oblectationem, nihil suauius ac incun-  
dius; siue splendorem ac pulchritudinem, nihil  
illustrius, aut ad struendam nominis immorta-  
litatem firmius ac stabilius reperiri potest.  
Nam si ueteres illi, qui errore ducti pluris esse  
Deos opinabantur, quem cuiq. eorum diem con-

L 4 secrarant,



seclarant, eo laudes ipsius commemorare ac concinere solebant: multo nobis iustior causa est, quicumq; iisdem honestissimarum artium studijs, quasi quibusdam sacris iniciati sumus, cum hic nobis anniversarius dies, maiorum sapientia & autoritate, ad intermissam per aliquot menses earum exercitationem deintegro repetendam constitutus sit, cur ab earum commendatione principium ducere debeamus, easq; celebrare, quas nobis uicissim aliquid celebritatis allatras esse confidimus. Meminisse autem debemus idcirco hunc sanctum, atque augustum locum ad hanc rem delectum esse, ut & in laudandis artibus Deum ipsum laudemus, qui, ut alia omnia bona, ita eas quoque hominum generi dedit: & publice contemperemus, ac profiteamur studia omnina, laboresq; nostros & Deo auctore, atque auctoritate suscipi, & ad ipsius gloriam, tamquam ad finem nobis omnibus praecipue propositum, referri. Vnde igitur, in tanta eorum quae se ad dicendum offerunt copia, potissimum exordiar? An ab eo, quod semper apud grauissimos quosq; grauissimum fuit, antiquitatis testimonio? Quae cum artes omnes bonae sint: nam si quae malae artes dicuntur, immerito eis artium nomen tribuitur, has tamen nostras proprio ac peculiari nomine bonas artes vocavit: easdemq; artes ingenuas, artes liberales, quod alias aut a seruis,

aut

aut ab hominibus seruili praeditis ingenio exerceri, has unas ab ingenuis ac liberis excoli consentaneum iudicaret. Quinetiam cum Graeci earum cognitionem, sua lingua, tali quodam uocabulo affectissent, ex quo id modo intelligeretur, statim a pueritia dandam eis operam esse: maiores nostri hoc, ut pleraq; melius ac sapienter: qui totum hoc artium genus humanitatem uocarunt: credo, indicantes, non multo minus inter homines talibus disciplinis expolitos, & uulgas aliorum quam inter ceteros & pecudes interesse. Homines enim duabus praecipue rebus a ceteris animantibus discernimur, ratione, & rationis interprete oratione: quarum utraque in eis, qui harum artium expertes sunt, rudis quodammodo & inchoata: qui eas bene penitus combiberunt, perfecta in illis, atque absoluta est. Aristippus quidem, cum quaesiisset quidam ex eo, quid boni filio suo allatura eruditio esset: Si nihil aliud, hoc certe, inquit, quod in theatro lapis in lapide non sedebit. Idemq; alteri, qui cum sibi nimium magnam mercedem posci pro institutione filij uideretur, dixerat; Ita pecunia seruum mihi emere possum: Tu uero, inquit iocans, etiam hoc amplius: si unum emeris, duos habebis. Significauit uidelicet, quorum collustratus doctrinarum luce non esset animus, eos lapidum, non hominum, aut, si forte, inter homines, seruorum,



rum, non ingenuorum, loco ac numero esse haben-  
dos. Ac mibi quidem hac tota de re cogitanti,  
quattuor omnino esse viae uidentur, quarum u-  
nam aliquam a principio aetatis capessere, ac  
postea persequi prope necesse sit: ex quibus ne du-  
biuum quidem esse potest, quin ea, quam ipsi in-  
gressi estis, longe multumq. alijs omnibus ante-  
ponenda uideatur. Nam qui ista aetate sunt,  
partim otio se atque ignauiae dedunt, mollemq.  
uitam ac uoluptariam sequuntur, ij praesertim  
quibus amplum patrimonium est: partim si an-  
gustior sit res, quam ut nihil agentes ferat, dant  
se ad artem aliquam factitandam: alijs, qui ex-  
celiore sunt animo, armorum tractationem. Et  
militaris rei gloriam sibi proponunt: alij deniq.  
animum ad litteras Et ad haec mitiora studia  
appellunt. Quid igitur istis turpius aut abie-  
ctius, qui, torporem ac desidiam amplexi, ui-  
tam luxu atque inertia transfigunt, nihil agen-  
tes, quo se homines esse testentur? Qui, ut Phaeac-  
es illi Homerici,

Non pugnis, dura ue exercet mēbra palestra:  
Sed mēsa Et citharae strepitū, dulcesq. choreas,  
Seragulaq. et molles curant post balnea lectos:  
Margitae illius simillimi, de quo idem Homerus:  
Non fodere ille bonus, duris ue ligonibus arua  
Vertere, non ulli uiuebat idoneus arti.  
Sic enim Et bi neq. domi, neque militiae, neque

priua-

priuatim, neque publice, neque sibi, neque alijs  
utiles, ita uitae curriculum conficiunt, ut, uelut  
i naues, nullum sui uestigium relinquant. Qui  
mibi, si dijs placet, quod nihil agant, quasi non  
pudere parum sit, etiam gloriabantur. Alij, in-  
quiunt, in opere occupati sint: nobis maiorum  
nostrorum uirtute est, unde otiosi laute splendi-  
deq. uiuamus. Quid maiores uestros nominatis?  
qui si uestri similes fuissent, uos hodie in postre-  
mis iaceretis. Si quales uos estis, tales ipsi fue-  
runt, indigni sunt qui nominantur: sin alij, uos  
indigni, qui eos nominaretis. At uidete, quanto-  
pere a sapientissimi poetae Hesiodi iudicio uestra  
ratio discrepet. Laborem ille Et industriae ne-  
mini, languorem Et ignauiam omnibus turpem  
esse confirmat. Praeclare Cicero. Mibi quidem,  
inquit, qui nihil agit, esse omnino non uidetur.  
Nam Et physici docent, quae cuiq. rei caussa est,  
ut sit, eadem ei esse caussam, ut aliquid agat.  
Sed omittamus hos molles Et delicatos, neq. eos  
ex somno, cui tam libenter indulgent, excite-  
mus: teneamusq. id quod a sapientissimis uiris  
proditum est, nihil esse inertia foediū: otio ali  
uitia: otium, ut non grauiissimus poeta grauissi-  
me tamen cecinit Catullus, non priuatis modo ho-  
minibus, sed Et regibus, Et prius beatis urbibus  
exitij caussam suisse. Cum igitur otiosa Et igna-  
ua uita ne uita quidem habenda sit, uideamus,

num



num ad aliquam potius aliarum artium, quam ad litteras, animum adjicere praeflet. Evidenter cum mente ac cogitatione perlustro eas artes, quibus cum hisce studijs nostris, aut nulla, aut non magna communio est, ex ijs quidem quae ita necessariae sunt, ut eis ciuitas nullo modo carere possit, duas praecipuas iudico, agriculturam, & mercaturam: ex ijs autem, quae ad ornamentum ciuitatis, et ad animos honesta voluptate perfundendos pertinent, duas minime sordidas, minimeq. illiberales, picturam, et statuariam. Nam quod boni unaquaeq. ciuitas percipere ex suo & patrio solo potest, id agricultura educit, atque elicet; quo eget, id aliunde mercatura comportat. Ita ciuitas sine alterius ope ne suis quidem opibus fruitur; alterius beneficio, fruitur etiam alienis. Pictorum autem, & statuorum opera, et voluptatis atq. admirationis habent plurimum, & quae liberalium artium nota est, ingenij, non corporis, uiribus constant: & ad conseruandam clarorum uirorum memoriam, ceterosq. ad eorum imitationem incitandos non immerito magnam uim habere creduntur. Sed tamen quis auget harum artium ullam cum litterarum studio comparare? Nisi forte maius est agrum, quam ingenium, colere, aut iacta in terram semina, depactine surculi, quam ingenia praecepsis philosophiae consita, ampliores, aut ubiores fructus ferunt.

ferunt. Mercatura autem uel si tenuis est, sordida est; uel si ampla, tot exposita periculis, ut merito ille olim Lacó negauerit, optabilem sibi uideri fortunam, quae rudentibus apta esset: cuiusmodi autem sit, tota fere ad quaestum, & ad lucrum refertur. At litterarum tractatio & dignitatis plenissima est, & quietis; & eas opes consecutatur, quae nec furem, nec praedonem timent, nec incendijs, ruinis, naufragijs obnoxiae sunt, nec ullis deniq. casibus eripi possunt. Iam uero quae Apellis aut Protogenis tabulae, cum Homeri pictura; quae Phidiae, aut Praxitelis statuae, cum litterarum monumentis conferri queant? Quos ipsos hodie ignoraremus, nisi solidiorem ac diuturniorem gloriam essent commendatione scriptorum, quam artis suae operibus, consecuti. Nam quae illi artificio suo elaborarant, & solius corporis effigiem ex primebant, et uno tantum spectabantur in loco, & eam natu ram habebant, ut ea, si nihil aliud, ipsa certe longinquitas temporis conjectura, ac consumptura esset. At eruditorum hominum lucubrationes et clarorum uirorum non formam modo corporis, sed ingenia, mores, consilia, res gestas, subiiciunt oculis, & iisdem, quibus orbis ipse terrarum, terminis ac regionibus continentur, & tantam uim habent, ut illa ipsa aliorum omnium humanae operum confectrix uetus sitas his unis

non



non modo nibil detrabat, sed maiorem in dies comparet, ac conciliet dignitatem. Trecen-  
tas sexaginta Demetrio Phalereo statuas aereas  
populus Atheniensis anno uno, eoq. non toto po-  
suerat: quibus omnibus Demetrius ipse super-  
stes fuit. At quae ipse sibi monumenta inge-  
nij ac doctrinae magnitudine exstruxerat, ea &  
multis post ipsum saeculis uigerunt; &, cum  
postea densa quaedam & opaca nox omnem pro-  
pe disciplinarum lucem extinxisset, & oculis  
erupta, incredibile desiderium sui in omnium  
eruditorum animis reliquerunt. Elate & ma-  
gnifice de se, ut solet, Pindarus, sed tamen ue-  
re. Statuarium esse se negat, qui mutas sta-  
tuas edolet una defixas in basi: sed quos ipse can-  
tribus suis celebrat, eorum famam, terra mar-  
iq. spargi ac disseminari. Sed erunt fortasse  
qui uitam militarem huic nostrae pacatae, atq.  
umbratili anteponendam putent. Mihi qui-  
dem fortium uirorum uirtutem detrectare, aut  
conari, ut quidquam ex eorum gloria deteram,  
neque propositum est, neque fas uidetur. Po-  
tius omnibus, qui dicendo aliquid possunt, o-  
mnem industriam ad eos celebrandos conferen-  
dam censeo: & hoc ipsum numero inter praeci-  
pua bona, quae ab artibus nostris in uitam ho-  
minum manat, quod earum ope praeclara illo-  
rum facinora ad immortalem posteritatis me-  
moriam

moriam consecrantur. Sed tamen si quis secum  
in animo reputet, quae uita sit eius hominis;  
qui, modicis opibus instructus, in litterarum stu-  
dio molliter ac placide consenescat, et quae eius,  
qui ab adolescentia armis tractandis assuetus,  
sub dio saepius, quam sub te<sup>ce</sup>zo, sub pellibus  
saepius, quam domi somnum capiat, uix dubium  
fore arbitror, utra melior & magis expetenda  
sit. Alterius aves tubarum & litorum, &  
cornuum clangore, alterius Musarum concentu  
& Apollinis fidibus adsidue personant: illius  
oculi caede & sanguine, & incendijs; huius ad-  
mirabilium naturae operum adspectu et contem-  
platione pascuntur. Ille aut in ipso aetatis flo-  
re hostili gladio transuerberatur, aut mancos  
ac debiles artus et insignem cicatricibus uultum  
referens, domum reddit; hic ut animo ita & cor-  
pore integer, uultum, nisi quantum rugae, ca-  
niq. uenerationis addiderunt etiam nutrici ag-  
noscendum, perfert ad ultimam senectutem.  
Neque uero minus glorioса, aut minus homi-  
num generi fructuosa huins quam illius opera.  
Occupatur ille in finibus imperij proferendis,  
hic in finibus cupiditatim regendis ac coercen-  
dis: nouit ille quemadmodum urbes expugnen-  
tur, hic quemadmodum gubernentur: ille quem  
admodum iniuria aut repellatur, aut repona-  
tur, hic quemadmodum & accipiatur aequo ani-  
mo,



mo, & negligatur: dicet ille, quam multos homines manibus suis trucidauerit, hic quam multos a caede facienda, oratione sua renocauerit: ille quam multos in seruitutem abduxerit, hic quam multos a seruitute uitiorum in ueram libertatem perduxerit: illius usus nisi in bello nullus est, huius opera, & in bello, & in pace salutaris. Itaque si homines inter se amice, ac concorditer uiuerent, si Dei ac naturae iussa sequerentur, si deniq; ij essent, qui esse deberent, iacerent omnes artes belli, ut quarum inter iustos iustus usus esse non possit: nostrae uero tum demum florent, ac uigerent; tum demum eas optimus quisq; summa corporis & animi contentionе sequeretur. Neque uero quemquam ita esse arbitror sanguinarium, cui non praeoptanda uideatur nullius empta lacrumis gloria, neque ullo, nisi puro illo ac limpido Aganippes rore irrigata, quam tabo & cruore oblitera, & multa strage ac cladibus comparata. Multa consulto praetereo: quod mihi, non tam, ut copiam & uarietatem consecuter, laborandum est, quam ut effugiam satietatem. Quis enim umquam tanta ubertate ingenij, tanta dicendi copia praeditus reperitur, qui litteras ita laudare possit, ut non semper, cum plurima dixerit, plura tamen omisisse uideatur? Omnia, quae homines in uita expetunt, cuiuscumque tandem generis illa sint,

illa sint, nulla re certius, aut facilius, quam eruditione ac litteris, acquiri, conservari, amplificari queunt. Est qui rei familiaris angustia pressus, ex ea expedire se, & ad moderatas opes sine ulla turpitudine peruenire cupiat? Quae ad id conficiendum uia aut honestior, aut expeditior, ac facilior est? Quam multos ex tenui & exsili patrimonio, aut juris scientia, aut medendi arte fretos, ut eas potissimum nominemus, paucis annis ad maximas diuitias peruenire uidistis? Nam quod plerique vulgato iam proverbio dictitant, ex omni nostrarum artium numero duas modo illas frugiferas esse ac fructuosas, ceteras cultoribus suis decoquere, ac decollare: in eo uanitatis illos, ac mendacij facile res ipsa coarguit. Nota est historia de Thalete Milesio, qui cum a propinquis obiurgaretur, quod omne tempus in sapientiae studio poneret, quod ad faciendam pecuniam, in qua illi posita putabant omnia, nulli usui esset: uultis, inquit, ostendam uobis, posse hominem huic studio deditum, si ei commodum sit, diuitem fieri, & hanc esse, si quis uelit, ad quae sum, ac compendium uel maxime compendiariam uiam? Cum illi se uelle dixissent, homo, qui ex astrorum scientia, magnam eo anno olearum ubertatem praeuideret fore, multo ante, exiguo pretio, cum contra licitaretur nemo, omnia Chiorum ac Milesiorum



lesiorum praelaē trapeta conduxit: quae cum postea suo tempore, quanti uoluit, elocasset, magnamq. ex eo uim pecuniae collegisset, ostendit, philōsophos non tam rem facere non posse, quam maioribus, ac praestantioribus cogitationibus occupatos, de ea facienda non laborare. Quid Leontius Gorgias? non ne rhetorices professione, & maximas sibi diuitias peperit & tantam gloriam, ut ei uiuo ac uidenti honoris ergo aurea statua in Apollinis Pythiū templo constituta sit? Quid ille qui eloquentiae quasi mercator, atque opifex quidam habitus est Isocrates? non & summa gloria fuit, & ijs opibus, ut ter ad trierarchiam uocatus, cum eam bis effugisset, ad postremum splendidissime ac magnificentissime obierit? ad eam autem non ferre nisi opulentissimus quisque ac locupletissimus adigebatur. Neque medicus erat optimus pessimi principis magister Seneca, neque de iure consulebatur. Et tamen quantum sibi opum uim homo externus, & alienigena eloquentia & eruditione consecit? Scio, hoc, quod dicam quibusdam incredibile uisum iri. Sed tamen, si uera sunt, quae litteris prodita sunt, haud scio an nullus hodie tota Italia princeps tantas opes habeat, quantas in Senecam quadriennio Nero concessit. Nam cum ex ueteribus illis Romanis M. Crassus opulentissimus suisse dicatur: Sene-  
cae

cae opes Crassi opibus duplo maiores fuerunt. Prope est ut pigeat, in hac parte tamdiu immoratum esse: sed tamen dicendum fuit aliquid aduersus stultitiam eorum, qui aiunt, si quis iuris scientiam, & artem medendi excipiat, ceterarum artium nostrarum sterilem esse culturam. Qui error ex eo potissimum natus est, quod doctrinae mediocritas magnos efferre fructus non potest. Itaque excellendum est ijs, qui magna & praeclera concupuerunt. At nos simul atque paullum ultra prima elementa progressi sumus, falsa de nobis opinione tumefacti, quia non in nos continuo opes, & honores congeruntur, iacere litteras clamitamus. Non iacent litterae: non iacent: neque iaccuerunt umquam: et, si antea iacuissent, GREGORIO XIII. Pontifice non iacobunt. An ille, cum & omni doctrina instruētissimus sit, & ad illos ueteres atque usitatos nostros & litterarum patronos, Io. Moronum Sacrosancti Collegij Decanum, priscae maiestatis absolutissimum exemplar, cuius in ipso nutu plurimum auctoritatis residet, cuius et uultu ipso, atque oculis elucet grauitas humanitate condita: Aloysium Cornelium Camerarium, hominem plenum officij, & ad omnium animos ac uoluntates deuinciendas ipsis Gratiarum manibus factum: & illa duo ornamenta saeculi, firmamenta litterarum, domi-



cilia uirtutis, & eruditionis, Gulielmum Sirletum, & Franciscum Alciatum, ad eos igitur, quorum iam pyidem in fide, ac clientela erramus, cum proxime eum, quem pleno gradu per sua uestigia incidentem uidet, quemq. optimo iure cordi suo carissimum habet, fratris filium Philippum S. Sixti Cardinalem addiderit, eumq. florentis aetatis commendationem a litterarum patrocinio ducere uoluerit: qui tali argu-  
mento declararit uoluntatem erga nos suam, is, metuimus, ne litteras aut egere, aut iacere pa-  
tiatur? Sed ut unde digressus sum redeam, at-  
que id quod institui absoluam: & ad facultates  
ac copias sine dedecore parandas accommodatae  
sunt litterae, & multo magis colendae ijs, qui  
opibus abundant: ne, si id facere neglexerint,  
instrumentis sibi a Deo ad uirtutem datis per  
inertiam abusi esse dicantur. Eademq. ratio  
est & eorum quibus clari, & eorum quibus ob-  
scuri parentes obtigerunt. Nam neque illi ullo  
maiori, aut illustriori ornamento condecorare,  
&, ut Homeri uerbo utar, coronare possunt no-  
bilitatem a maioribus acceptam: neque hi ex  
tenebris ulla ratione faciliter emergere, seq. in  
luce, atque in oculis omnium collocatos, a con-  
temptu, atque ab obliuione in perpetuum uindi-  
care. Rex erat ac regis filius Alexander Mace-  
do: & uiam sibi ad summam claritatem ac po-  
tentiam

tentiam armis quotidie muniebat. At is et plus  
se debere Aristoteli, a quo eruditus, quam Phili-  
lippo, a quo genitus fuerat, & cuius in regnum  
successerat, praedicabat: &, cum ab illo diuul-  
gatos esse libros quosdam arduis de rebus scri-  
ptos accepisset, aegre tulit: ac generosa qua-  
dam indignatione motus, epistolam ad eum scri-  
psit, in qua haec uerba sunt: Nam qua re post-  
hac ceteris praestabimus, si quae a te edoceti su-  
mus, ea omnium communia erunt? Ego autem  
malim optimarum rerum scientia, quam opibus  
& potentia ceteris anteire. Haec igitur ille  
regum stirpe ac sanguine editus. Obscurissimo  
autem genere ortos quam multos nominare pos-  
sumus, quos supra omnes omnium famosas imagi-  
nes litterae collocarunt? Obstetricis filius erat So-  
crates. Num igitur eo Alcibiades nobilior?  
Euripidis matrem uendendis oleribus uitam to-  
lerasse accepimus. At ipse & regum familia-  
ritae usus est, & ita clarus fuit, ut hodie magis  
Archelaus ex Euripidis, quam Euripides ex  
Archelai familiaritate noscatur. Tympanis  
fuit Aescinus mater, etiam, si Demostheni  
credimus, uulgati corporis. At eum rex Ma-  
cedonum Philippus quantopere coluit? Quid ti-  
bicinis filius Pindarus? quanta in gratia apud  
Syracusarum regem Hieronem fuit? Sed quid hu-  
ius rei plura exempla conquiram? Signantur



eruditorum hominum nominibus tempora: ut minus saepe, quibus illi regnibus uixerint, quam qui eis florentibus regnauerint, quaerere soleamus. Neque tamen haec precipua sunt eorum honorum, quae percipiuntur ex litteris: sunt alia longe maiora, longeq. diuiniora. Litterae inditos nobis a natura honestatis igniculos excitant: luxuriantes, quasiq. fruticantes cupiditates stringunt ac coerecent, easq. rationis finibus regunt: abducunt a uitijs, duces & magistræ sunt ad uirtutem: prosperis rebus ornamento sunt, solatio aduersis, neque illis exultare atque efferriri suos, neque his frangi ac deprimi sinnunt: eam denique tranquillitatem animi efficiunt, quam multi finem bonorum esse dixerunt. Crates quidem Thebanus interrogatus, quid sibi superesset ex philosophiae studio, notissimo uersu respondisse dicitur; Choenix lupinum, & mentis a curis quies. O magnum & excelsa animo praeditum uirum. Quod alijs regna & imperia non adferunt, ut soluto ac libero animo sint, id ipsi, propter litterarum, & philosophiae commercium, choenix lupinorum adserebat. Quod si tam multa, tamq. praeclara bona litteris ac disciplinis continentur: si ipsis nominibus ac uocabulis testata est uetus las, earum cognitionem & hominibus, & liberis atque ingenuis hominibus dignissimam esse: si & ignaua uita homine

indi-

indigna est: & nullo in studio melius, quam in litteris, industria collocari potest: si ad opes ac potentiam, si ad honores ac dignitates uia optime litteris sternitur: si eisdem & animi tranquillitas, & nominis aeternitas comparatur: quid statis adolescentes, aut cur oblatum uobis tanti boni consequendi occasionem effugere atque euolare patimini? cur non, alijs omnibus curis & cogitationibus ex animo abiectis atque abdicatis, in hanc unam toto pectore incumbitis? Non hoc sedendi, ut ait Pacchylides, ac cunctandi tempus est. Non enim ex plano ac facilii gloria haec petitur: neque lata, ut ait Propertius, uia currere ad Musas datur. Non frustra eas antiqui in arduo atque edito monte habere dixerunt. Laborem & sudorem & uigilias in earum atrio ac uestibulo excubare uoluit Deus: qui, ut dicebat Epicharmus, labore omnia prope bona hominibus uenalia proposuit. Ego autem, ut libere uobiscum agam, ualde ureor, ne, cum plerisque nostrum alia omnia abundent, mollitia multi et laboris odio a studijs auocentur. Itaque quibus uerbis Homerica Palas Nausicaan e sommo excitat, quam segnem, & ignauam uocat, quod uales magni pretij, sibi emptas a parentibus, neglectui habeat, easq. illatas ac sordidas iacere patiatur: surgere igitur eam iubet, & ad eas abluendas cum prima

M 4 luce



184 M. ANT. MVR. OR. XITI

luce proficisci, praesertim cum instet tempus nuptiarum: ijsdem merito multos e uobis aliquis quotidie obiurgauerit. Surge quamprimum miser, & ex animo torporem atque ignauiam excute. Quid tu istud ingenium, quod tibi a communione omnium parente Deo, multo qualibet ueste pretiosius datum est, situ ac sordibus obsolescere quasiq. rubigine obduci pateris? cur non potius diluculo ad illos proficisceris omnibus obuios & expositos doctrinarum fontes, quibus te mersans, ex quibus arbitratu tuo hauriens, perclus & purgatum uitiorum maculis, & multa praeclarissimarum rerum cognitione madidum referas? praesertim cum puerulus amplius non sis, sed ea iam appropinquet aetas, qua tibi in lucem atque in conspectum hominum prodeundum est. Hinc enim demum, multo magis quam unde illa dicit, & tibi paries gloriam, & parentum pectus gaudio laetitiaq. complebis. Sed iam longior, quam par erat, fui. Cogitate, obsecro uos, languidis, ac remissis omnia difficultia, nauis & industrijs omnia peruia, ac facilitia esse. Deus optimus maximus, cui quaecumq. hic acta dictaq. sunt, grata et accepta esse cupio, uobis omnibus eum animum inspirare, ut haec, ad quae uos hortatus sum, tam sequi uelitis, quam consequi potestis.

D I X I.



## O R A T I O

### DECIMAQVARTA

H A B I T A . R O M A E

P O S T R I D I E . K A L . M A I

A N N O . C C . D . L X



MNES quidem Christianos principes, PIE Pontifex maxime, credibile est, accepto delati tuis maximis uirtutibus honoris amplissimi nuncio, admirabili quadam laetitia perfusos esse: nec eorum fuisse quemquam, quin, sublatis in caelum manibus, omnium rerum moderatori Deo singularibus uerbis gratias egerit, quod sacrosancto Cardinalium Collegio eam mentem dedisset, ut te potissimum diligenterent, quem in ista dignitatis sede celsissima concordibus suffragijs collocarent. Sed quanto nostri Reges obseruantia erga Romanam Ecclesiam, et insigni atque assiduo defendendae ornandaeque illius studio ceteros ex omni antiquitate superant:



runt: tanto Francisci 11. Regis, te Pontifice declarato, maius quam pro uirili parte gaudium fuit. Quare, et si non dubitabat, quin tu de clarissimo uiro, Episcopo Engolismensi, Oratore apud te suo, cuius fidem & integritatem tibi plana perspectam esse nouit, animum suum erga te, & erga hanc orbis terrarum principem Ecclesiam, & optime, & libentissime cognitus es- ses: tamen ut illustriorem etiam, & expressio- rem significationem uoluntatis suae omnibus hominibus daret, iudicauit, sibi faciendum esse, ut ad te de suis eo proprio nomine eiusmodi quempiam mitteret, in quo & dignitas inesset ea, quae ad tantum munus obeundum requiri- tur, & aliae praeterea caussae, propter quas cum tibi unum ex omnibus gratissimum atque acceptissimum fore consideret. Misit igitur clarissimum, & nobilissimum equitem, Ioannem Babonem a Burdaesia, eius quem modo nominaui Episcopi fratrem, arcanorum regni, & regiorum omnium consiliorum participem, cuius in maximis rebus gerendis uirtutem, & si- dem exploratam habet, quiq; praeterea pietate, & obseruantia erga hanc Sedem, neque fra- tri, neque cuiquam mortalium cedit. Quo- rum ego amborum permisso, regiae uoluntatis bodierno die apud te constitutus interpres, gra- tular non tam equidem tibi Beatissime pater,

quam

quam uniuersae Christianae reipub. quae pri- stinum illum splendorem suum, qui magno bo- norum omnium maerore, apud plerasque gen- tes prauis opinionibus corruptas, magis ac ma- gis in singulos dies obsolecebat, breui se, tuo ductu atque auxiliis recuperaturam, non dubi- tanter sibi de tua praestanti bonitate ac sapien- tia pollicetur. Summa plane omnia, ac pro- pe diuina in eo requiruntur, qui clauum in Ec- clesiae naui teneat: cuius a natu pendeant le- ges: cuius ad pedes Reges ipsi suppliciter se abiijcant: cuius arbitrio pandatur caelum; qui denique; supra omne humanae dignitatis fasti- gium euectus, Dei personam inter homines suslineat. Nam si diuinae litterae a quolibet Episcopo tantam integritatem ac uirtutis perfectionem exigi uolunt, nullus ut in o- mni eius uita reprehensioni pateat locus: ne- que grauitatem eius munera digne a quoquam sustineri posse tradunt, nisi quem pietas, pru- dentia, iustitia, uno uerbo, uirtus suis omni- bus numeris absoluta commendet: quid in eo, qui omni tempore cum summo imperio traetta- re gubernacula Ecclesiae debeat, cuius uita ce- teris omnibus pro exemplo, uoluntas pro lege, uox pro oraculo futura sit, quanto haec omnia requiri maiora, & diuinitati propria censemus? Itaque, ut alia, sic hoc quoque sancte ac sapien-



sapienter institutum est a maioribus, ut quoties de summo Pontifice in demortui locum eligendo ageretur: interea dum ea de re amplissimus Cardinalium ordo deliberaret, nullus intermitteretur dies, quo non omnes, & priuatum & publice precarentur a Deo, ut eum ipse gregi suo praeficeret, quem dignissimum, quem ad publicam concordiam, & tranquillitatem aut constituendam, aut conseruandam aptissimum, quem denique, quantum humana condicio fert, sui simillimum iudicaret. Quod si eiusmodi Pontificem ulla umquam tempora desiderarunt, nostrorum certe is status est, ut numquam magis ex istius Sedis auctoritate universi orbis salus peperisse videatur. Non enim Petri nauis, ut solebat, placido mari, secundis conspirantium ventorum flatibus impulsa fertur. horribiles eam procellae, & turbinum uis uel exercitatissimis metuenda rectoribus agitat: ut, quamquam a naufragio quidem nullum periculum est, non mediocris tamen animos teneat metus, ne tam saeva tempestas multos mortales, nouarum opinionum fluctibus inuolutos, in ea brcuia praecipites abripiat, unde postea nec enatare ipsi, nec euadere atque emergere alieno auxilio possint. Quo nos omnes diuinae bonitati maiores agere gratias conuenit, quae, depositis prope iam rebus, certe

te quidem in summum discrimin adductis, & extrema spe pendentibus, eum gubernatorem dedit, quo meliorem, & ad haec omnia in melius convertenda accommodatiorem, non dicam reperire, sed ne optare quidem, aut etiam cogitando informare poteramus. Iam nunc igitur praecipimus mentibus eius diei laetitiam, quo gentes illae, quae tum fallacibus improborum hominum sermonibus in laqueos erroris inductae, tum fortassis etiam, quorundam e nostris licentiori, & dissolutioni uiuendi genere offendae, abscederunt seipsas a corpore Ecclesiæ, & aduersus eam impium ac nefarium bellum suscepérunt, mutato consilio, ad sanitatem redeant, & erroris sui ueniam petentes, deposita omni contumacia, sanctissimis pedibus tuis osculum figant. O praelarum illum triumphum, & cum omnibus, tum ijs praecipue, de quibus agetur, optabilem. Non enim tu illos opprimere, sed oppressos erigere; non in seruitutem abducere, sed a taeterrima seruitute in ueram libertatem afferere; non perdere, sed servare uis: non eorum sanguinem sundere, sed, ne sanguis IESV CHRISTI frustra pro eis fuisse sit, efficere: non retortis post tergum manibus, collo catenis granato, ante currum ducere, sed ijs ipsis uinculis, quibus impediti tenentur, exsoluere meditaris. Quibus igitur ipsis, nisi in eo



in eo ut uincantur, nulla spes salutis est: credimus usque eo praefractos ac peruvicaces fore, ut ad extremum perire, per obstinationem animi malint, quam cedendo, & obsequendo seruari? Immo uero certa spes est, cesseram tandem aliquando rationi temeritatem, luci tenebras, mendacium ueritati. Quantam ille dies non terris modo, sed caelo ipsi hilaritatem allaturus est? Nam si, cum unus aliquis, qui a recto uiuendi tramite deflexerit, in uiam redit, innumerabiles illas legiones angelorum exultare ac gestire gaudio credimus: quid tandem facturas esse auguramur, cum tot hominum miserabiliter nunc in suam perniciem ruentium millia resipuerint, & unde satanae instigatione discesserant, eo se Sancti Spiritus afflatus instincta receperint? Age igitur optime maxime Pontifex: praeripe posteris tuis hanc gloriam: &, quod aliquando fieri necesse est, id ut te potissimum Pontifice fiat, emitere. Addatur decus hoc annalibus nostris, ut in eis olim legatur, pestilentissimas opiniones, quae, quasi contagione quadam paullatim serpentes, per omnes propemodum Christiani nominis prouincias peruerasent, auctoritate tua disiectas, dissipatas, extinctas, exterminatas fuissent. Damnentur uotorum suorum per te omnes uerae pietatis fuldiosi, qui multos iam annos nihil ardentius a

Deo,

Deo, quam concordiam, & harum dissensionum finem efflagitant. Signetur hoc praecipue titulo Pontificatus tuus: ut, si quis quondam non expresso nomine Pium quartum intelligi uelit, eum Pontificem dicat, qui affectis, & aegrotis Ecclesiae membris tam salubrem medicinam adhibuerit; ut etiam ea, quae desperata uidebantur, integra, & incolumia conseruari. O nos beatos, cum illa, ut speramus, euenient. O te Pontificem modis omnibus maximum ac beatissimum. Quae futura est tam barbara, aut tam longinquana, quo non, tam dinini beneficij a te in totum hominum genus collati, fama perueniat? Quae tam ingratiae litterae, quae de tuis laudibus conticescant? Quae tam surda posteritas, quae clamores nostros admiratione uirtutis ac felicitatis tuae excitatos non exaudiat? Magnam uero tam praeclarae rei & suscipiendae occasionem, & ex animi sententia conficienda spem tibi offerre tempus ipsum uidetur. Nam superioribus annis, cum duo Christianorum maximi potentissimi reges graui, & diurno bello inter se contendenter: ceterorum autem principum non sere quisquam esset, qui non ad alterutram partem aut suapte uoluntate inclinaret, aut aliqua officij ratione adduceretur, aut etiam necessitate traheretur: cum undique armorum fulgor,



gor, strepitus, terror, omnium oculos, aures, animos, praestinguaret, obtunderet, conster-  
naret: cum quibusdam locis, pauciores iam re-  
perirentur, qui fructus ex agris perciperent,  
quam qui agros ipsos aut sua, aut aliena caede  
quotidie cruentando pinguiores efficerent; eue-  
niebat, ut in illa rerum omnium perturbatione  
& improbi ac conselerati homines opinionum  
suarum uenena per omnes populos fidentius at-  
que impunius spargerent, & principes, alijs co-  
gitationibus occupati, ad coercendam illorum  
audaciam animum conuertere non satis commo-  
de possent. Habet in se bellum cum alia mala  
plurima, tum illud in primis, quod & male a-  
nimatis hominibus afferit peccandi facultatem,  
& plerumque principibus conniuendi necessita-  
tem. At nunc, cum, diuino numine, atroces  
illi bellorum impetus resederint: cum illa tam  
diu exoptata pax, caelo demissa, eorum animos,  
qui odijs, ut uidebantur, implacabilibus dissi-  
debant, aeterno, ut speramus, foedere coniun-  
xerit: quis non intelligit fore, ut principes, alijs  
curis soluti, ad purgandas prouincias suas, &  
ad omnes impiorum dogmatum fibras eliden-  
das, omnes radices euellendas, atque exciden-  
das toto pectore incumbant? Quod quidem  
Franciscus, rex Christianissimus, & iam nunc  
diligentissime facit, & diligentius atque ani-  
mosius

mosius in dies facturum se esse profitetur. Me-  
minit enim, eis se maioribus editum, qui, ut  
sectas religioni nostrarae inimicas extirparent,  
ut Christiani nominis fines quam longissime pro-  
pagarent, ut apostolicae sedis auctoritatem san-  
ctam atque inuolatam praestarent, nullam si-  
bi umquam difficultatem pertimescendam, nul-  
lum periculum detrectandum, nullam dimica-  
tionem refugiendam putarunt. An ille cum  
uetera illa Christianae pietatis columna, Chil-  
debertos, Martellos, Pipinos, Carlomannos,  
alijsq. innumerabiles heroas, haeresum extin-  
ctores, uerae fidei assertores, Pontificiae digni-  
tatis uindices ac propugnatores memoria repe-  
rat: eorumq. se sanguinem ac progeniem esse  
cogitet, quorum pro Christi doctrina expeditio-  
nibus, bellis, uictorijs totus terrarum orbis no-  
bilitatus est: & ut uetera taceantur, cum se  
Francisco primo prognatum, Errico secundo na-  
tum recordetur, duobus post hominum memo-  
riam praestantissimis regibus, quorum utrius-  
que tanta tamq. insignia extiterunt in Eccle-  
siam promerita, maximo animo maiorum suo-  
rum uestigia non persequatur? Ille uero faciet:  
nec adaequare modo eorum gloriam, uerum et-  
iam, si fieri possit, superare conabitur: quique  
se principem inter Ecclesiae filios locum obti-  
nere intelligat, ut illo se honore dignissimum

N. praeſet,



praestet, omni studio elaborabit. Tu modo, pater Beatissime, pro tua singulari, & eximia sapientia, quid ad compescendos tumultus, & ad statum Ecclesiae componendum utilissimum sit, statuio. Notum est, maximas saepe, & perniciosissimas in Ecclesia dissensiones rite conuocato ex omnibus Christianae ditionis partibus Episcoporum Concilio sedatas fuisse. Eodem remedio si tibi nunc quoque aegrotis exulceratisq. rebus subueniendum esse uideatur: nihil est, quod regi gratius, aut optatius possit accidere: neque tibi dubium esse debet, quin ipse omnes uires suas eo collatus sit, ut quaecumq. ab eiusmodi Concilio decreta fuerint, pie inuolateq. seruentur. Omnino autem, Beatissime pater, quaecumq. obedientia ab optimo, et obsequentijsimo filio praestari potest, eam tibi rex summa fide summaq; constantia praestiturus est, id que se semper facturum esse, per hos clarissimos, & ornatissimos uiros, oratores suos, sanctissime pollicetur. Tu uicissim perge, ut facis, & regem ipsum, & uniuersum Galliae regnum paterna caritate complecti. Multae sunt causae, quae te, ut id facias, excitare debent. Primum ipsa munieris amplissimi, quod te Deus in terris sustinere uoluit, ratio. deinde ardentissimum illud studium, quod semper usque a Clodovaeo uiguit in regibus nostris, adiuuandi Romanam

manam ecclesiam: ut, quoties ita tempora tulerunt, se, regnumq. suum in apertum discrimen obijcere maluerint, quam Ecclesiae laboranti deesse. qua ex re illud affsecuti sunt, ut, & ipsis, & eorum posteris primus inter Ecclesiae filios locutus, nemine dissentiente, tribuatur. Valere etiam apud te debet illa nominis sanguinisq. coniunctio, quae inter te, & lectissimam, omniq. laude ac praedicatione dignissimam seminarum Catharinam regis matrem intercedit. Nam cum ei, neque quidquam umquam optatius fuerit, ut tu ipse omnium optime nosti, quam ut tertium e gente sua summum Pontificem uideret: neque maiorem laetitiam attulerit, quam cum intellexit, se id, quod tantopere optauerat, consecutam: aequum est, tanto illius erga te studio parem a te uoluntatem referri. Possemus, & alia eodem pertinentia proferre, nisi ea iam mutuae inter te, & regem uoluntatis testimonia utrimque data essent, quae neminem dubitare patiuntur, quin & ipse tibi dicto audiens futurus sit, & tu eum paterna benevolentia prosecuturus.

Haec habuimus, Beatissime pater, quae tibi Francisci II. Christianissimi regis nomine exponeremus. Nunc, cum idem Scotiae regnum obtineat, una ipse cum Maria uxore, a qua illud dotis nomine accepit, omnes tibi eius, &



196 M · ANT · MVR · OR · XIV

opes, & copias deferunt, seq. omnibus in rebus auctoritati tuae libentissime obtemperaturos, omnemq. tibi, quae a filiis debetur, obedientiam praestituros pollicentur. Nos, ne rursus orationem a capite accersere necesse sit, quae cumque de Galliae regno diximus, eadem, ut de Scotiae quoque regno dicta esse existimes, obsecramus.

D I X I.



O R A T I O  
DECIMA QVINCTA  
H A B I T A . R O M A E  
POSTRIDIE . ID . DEC .

A N N O . C C . D . L X

Quo tempore Ioanna missis ad summum Pontificem litteris sua manu subscriptis se & catholicam esse profitebatur, & se numquam a S.R.E. obedientia descituram policebatur.

**I** quantum laetitiae Pontificatus tuus Antonio Regi Narrae, & Ioannae ipsius uxori attulit, Beatissime Pater, tantum eis commoditatis ad eam laetitiam, nulla interiecta mora, tibi significandam tempora tribuisse: nihil omnino habuissent antiquius, quam ut ad testatum mitterent, qui tibi summum ho-

N 3 norem,



norem, huic amplissimo Cardinalium Collegio  
summam prudentiae ac iudicii laudem, uniuersae  
Christianae Reip. magnam & prope explorata  
tam antiquae dignitatis recuperandae spem suo  
nomine gratularetur. Sed quoniam, quantum  
ex optimi, & ad sedandas horum temporum dis-  
cordias aptissimi Pontificis creatione gaudium  
caperent, in ipsorum probitate, ac fide positum  
fuit: quam uacuum tempus, & ad legationem  
eius rei causa subito decernendam idoneum ha-  
berent, non fuit: iudicarunt, si temporibus suis  
parerent, & quod recenti re facere, cum ma-  
gnopere cuperent, non satis commode poterant,  
id in diem different, nibilo minus ea causa te-  
stificationem uoluntatis suae aut sibi honorifi-  
cam, aut tibi iucundam, atque acceptam fore.  
Et uero, Beatissime Pater, si apud te, & apud  
hoc sanctissimum, augustissimumq. concilium  
non ex uulgi opinionibus, sed ex ueritate una-  
quaeque res penditur: gratulatio paullo serius  
facta non tam propter tarditatem aliquid de illa  
nouitatis suauitate, ac dulcedine deperdere,  
quam propter maturitatem aliquid auctorita-  
tis, ac fidei acquirere uidetur. Etenim qui tibi,  
cum primum ad ipsum caelo proximum in terris  
locum diuino consilio sublatus es, gratulaban-  
tur, eam tantum gaudii sui cassam afferre pote-  
rant, quod certo sperarent fore, ut qui te per to-  
tam

tam uitam omnibus maximis honoribus dignissi-  
mum praebuisses, eum consecutus, quo nullus am-  
plior exoptari potest, tantam dignitatis ampli-  
ficationem pari uirtutis accessione cumulares.  
Magna prorsus illis, & illustria suppeditabant  
argumenta, cur ita crederent: neque non firmissi-  
mis fundamentis nitebatur incredibilis illa spes,  
quam de futura Pontificatus tui felicitate con-  
ceperant. Sed quantum interest inter ea quae fu-  
tura creduntur, & ea quae iam sunt: quanto ex-  
perta iam & explorata, quam sperata, & exspe-  
cta, maiorem laetitiam in animis hominum  
commouent: quanto certius & uerius homines  
praeterita, & presentia commendare, quam de  
futuris affirmate pronunciare possunt: tanto  
plus ponderis ac fidei habere debet ea gratula-  
tio, quae tibi fit, annum prope iam integrum ex  
ista sanctissima sede uniuersum orbem sapientissi-  
me gubernanti, quam illae, quae tum fiebant,  
cum homines, qualem esse te plus plusq. in dies  
experiuntur, talem futurum esse proficerent,  
quasiq. augurarentur. Neque uero haec in eam  
sententiam iccirco a me disputantur, quod non li-  
bentissime facturi fuerint. Antonius Rex & Io-  
anna Regina Navarrai, ut, quemadmodum nulli  
Christianorum Principum concedebant, qui mai-  
or ex tua dignitate gaudium percepisset: ita ne-  
min i, quantum per locorum interualla licuisset,



concederent, qui tibi citius de illius adeptione  
gratularetur: si quam solutae ipsis & liberae  
uoluntates, tam soluta etiam, & nullis impedi-  
ta difficultatibus tempora fuissent. Sed ita cogi-  
tarunt: si rerum suarum incommodo matura-  
rent id facere: ipsi tibi, cui maxime probare stu-  
dium suum cuperent, pro tua in se paterna ca-  
ritate, ubi rem cognosset, insuauem fore celerita-  
tem sine ulla necessitate cum ipsorum incommo-  
datione suscepstan. Nunc autem miserunt ad te,  
clarissimum, & spektatissimum uirum Petrum  
Albrechtum, propinquum suum, qui genibus tuis  
suppliciter aduolutus, tibi, uero IESV CHRI-  
STI in terris Vicario, certissimo Petri Apo-  
stolorum principis successori, communi totius  
Ecclesiae Christianae Pastori, ac gubernatori,  
debitam obedientiam suo amborum nomine praes-  
taret, atque exhiberet: tibiq. atque huic Sacro-  
sancto Collegio confirmaret, Antonium Regem,  
et Ioannam Reginam Nauarrai, uti ueros Eccle-  
siae filios decet, tibi semper dicto audientes fu-  
turos: neque ullam euenire posse rem tantam,  
quae ipsos ab huius sanctae & apostolicae sedis  
obseruantia, & ab ea, quam sibi per manus a  
maioribus traditam, summa firmitate ac con-  
stantia perpetuo retinuerunt, persuasione diuel-  
lat. Hic ego, Beatissime Pater, si orationis uela  
pandere, & quasi aperto inuestus mari, per eo-  
rum

rum principum laudes, quorum nomine apud te  
uerba facio, decurrere instituam, uereor, ne, cum  
dicendi principium uel facillime reperero, exi-  
tum reperire non possim. Nam quae tandem  
nominari potest ullo in genere uirtus, quae non  
in eorum utroque ita emineat, ut ad quamcum-  
que se quis animo & cogitatione conuerterit, ea  
demum excellere ac praestare uideantur? Sed  
quoniam & ipsi nos hoc tempore suaue modo no-  
luntatis interpretes, non et iam suarum laudum  
explicatores esse uoluerunt, & eorum uirtus ex  
celso atque illustri sita loco, satis ipsa per se nul-  
lo adhibito alienae praedicationis lumine in ocu-  
los omnium incurrit: laudandis ipsis, quod ue-  
rissime ac copiosissime facere possem, supersede-  
bo: tantum ex ueteribus historijs nonnulla pro-  
feram, ex quibus intelligatur, & ab ijs illos ortos  
esse maioribus, & in eorum opes atque im-  
peria successisse, qui sibi posterisq. suis amplissi-  
mam gloriam nulla re magis quam frangendis,  
ac domandis nostrae religionis hostibus, defen-  
dendaq. apostolicae sedis dignitate pepererunt.  
Quis est enim ita ueteris memoriae ignarus, ita  
in superiorum temporum historijs peregrinus at-  
que hospes, qui non Dini Ludouici Gallorum Re-  
gis optimi, ac sanctissimi res pro Ecclesia forti-  
ter gestas, si minus e scriptorum monumentis cog-  
noverit, at auditione certe aliqua acceperit?

Cuius



Cuius uiri per omnem uitam domi forisq. spectata uirtus, & uiuum maxima laude cumulauit, & confecto huius uitae curriculo in caelestium concilio collocatum ad diuorum religionem & sanctimoniam consecrauit. Ab eo igitur, & Antonius Rex, & Ioanna Regina Nauarrai, duobus quasi riuis ex eodem capite manantibus originem ducunt: ut non sine diuino consilio sancti Regis soboles in plures familias sparso atque diducta, post trecentos propemodum annos, matrimonij foedere copulata, in unam eandemque domum denuo coluisse uideatur. Etenim & tanti herois progeniem quam latissime fundi ac propagari oportebat, ut a stirpe generis, ac seminis quamplurimis populorum rectoribus integra illa & incorrupta religio, quae in eo fuerat, ingeneraretur; & aequum erat, ex ea prosectorum tandem aliquando rursum inter se coniungi, ut exstant, qui utraque stirpe possent Diuo Ludouico generis sui auctore ac principe gloriari. Quod si mihi fas est, Beatissime Pater, audiente te, in hoc augustissimo religionis antisilitum confessu res diuinas attingere, & de diuorum sensibus, ac cogitationibus aliquid dicere: credo equidem Diuum Ludouicum, pro caritate illa, quae beatos ne tum quidem deserit, cum spes, & fides finem suum consecutae deficiunt, credo, inquam, eum e caelo in suos intuentem, horum de quibus

quibus loquimur principum coniunctione laetari, & assiduis hoc a Deo precibus exorare, ut a se orti per sua uelitia gradiantur, utq. in uero Dei cultu non tantum ipsi se populosq. suos continant, uerum etiam illius propagationem primam sibi omnium rerum putent. Inde fit igitur, ut & Galliarum Reges eius gloriae, quae conseruanda, et propugnanda religione paritur, principatum sibi praeter ceteros appetant; & qui eis genere proximi sunt (arctiori autem eos, quam Nauarrai Rex, & Regina, necessitudine attingit nemo) nulla in re magis elaborent, quam ut se perpetuo eiusdem laudis societate dignissimos praestent. Nam quid ego nunc Ludouicum, Philippi et re et cognomine Animosi Galliarum Regis filium, Diui Ludouici nepotem, Eburouicum Comitem, Regem Nauarrai, a qua per multos gradus numquam interrupto successoris ordine, hereditas regni ad Ioannam Reginam peruenit, eum igitur cur mihi pluribus uerbis commendandum putem? Quid eius Philip- sum filium? qui non tantum regni, uerum etiam patritiae atque auitae uirtutis heres, pro Christianae pietatis defensione cum Granatae Rege, acerrimo per id tempus Christianorum hostie, magnum & diuturnum bellum, summa & fortitudine & prudentia administrauit. Theobaldi uero Campaniae Comitis, qui & ipse Nauarri regio



regio imperio praesuit, uirtutem quis se umquam satis pro dignitate laudare posse confidat? qui cum totam prope aetatem in oppugnandis CHRISTI aduersarijs consumpsisset, eiusque rei cauſa, usque in Africam inuictum exercitum duxisset, multa proelia commisisset, multas uictorias reportasset, tandem e sacro bello, ad quod Diuum Ludouicum comitatus fuerat, rediens, paucis post eum diebus ad superos euolauit. Fuit, fuit illa semper, & adhuc est, in Nauarrorum Regibus uirtus, ut religionis defensioni alia omnia posthaberent: pro ea, quoties ita res ferret, non fortunas modo suas, uerum etiam sua capita sine ulla cunctatione in quodlibet periculum offerrent. Ne que nero ita eos animatos esse mirabitur quisquam, qui cognoverit numquam eos ipsa regni sui insignia adspicere posse, quin recordentur antiquae maiorum suorum uirtutis, & laborum, quos illi pro religione nostra maximos maximeq. memorabiles pertulerunt. Ita enim memoriae proditum est, Castellae Regnum in Hispania quondam a triginta barbarorum Regibus, duce, atque imperatore Smaragdo, occupatum suisse. Unde cum illi magnum omnibus Christianis terrorem iniicerent, breuiq. se tota reliqua Hispania, quae Christianorum erat, potituros esse confiderent: Sanctum Nauarorum Regem, collecto forti magis quam numeroſo

numeroſo exercitu, aduersus eos profectum esse, cum prius pulcherrimum clarissimumq. iuſiuran dum iurasset, numquam se ex eo bello, niſi parta uictoria, reuerſurum. Excogitauerant barbari cum alia multa ad prohibendas nostrorum incurſiones aptissima, tum catenas quaſdam ferreas, quibus ita uias omnes occluſerant, ut equitatui, quo plurimum ualebant nostri, omnis adempta ſpes facienda in hostem irruptionis uideretur. Sed nihil uirium habent aduersus prudentiam subdola, & astuta consilia: debiles ſunt omnes aduersus constantiam machine: imbecilla & inutilis aduersus fortitudinem multitudo. Deo duce per medios hostes ſibi & ſuis uiam ferro faciens Sanctius non prius deſtitit, quam barbaros fuſos, fugatos, caſtris exſutos docuit uictoriā non in munitionibus operibusq. bellicis, ſed in cauſae bonitate poſitam eſſe: qui pro CHRISTI nomine dimicarent, eorum imperium non poſſe ne collatis quidem in unum aliorum omnium uiribus ſuſtineri. Superatis igitur, & in potestatem redactis hostibus, omnium noſtrorum & imperatorum & militum incredibilis concuſſus ad Sanctum factus eſt: aliud amplexari eum, aliud ad genna adcidere, aliud fortē illam dexteram barbarorum domitricem, Hispaniarum liberatricem, uictoriae conſecrīcēm, exofculari: qui propter multitudinem propius



pius accedere non poterant, uultu, oculis, manibus, corpore, quascumque poterant, animi sui significaciones dabant: una omnes uoce, & bellatorum fortissimum, & imperatorem inuictissimum consultabant. Inde cum de diuidenda prae da agi coeptum esset: quae tanta erat, quantam triginta potentissimorum Regum collatae unum in locum opes coaceruare potuerant: nemo erat in uniuerso exercitu, qui non ita sentiret, itaque praedicaret, quantamcumque sibi partem ex ea uel depositeret, uel etiam suo iure sumeret San. Etius, numquam tantum ad eum peruenientrum esse, ut non multo plus ipsius uirtuti praeclarisque factis deberetur. Erat in castris barbarorum auri, argenti facti, infectiq. permagna uis: gemmarum maximi pretij admirabilis multitudo: multum tapetium, multum conchyliatae uestis, multum peristromatum: ut est illa etiam in bellis luxuriosa gens: armorum omnis generis optimorum & exquisitissimo artificio fabricatorum infinitus prope numerus: equi praestantes permulti: phalerarum, ephippiorum, ceterorumq. ornendorum equestrium incredibilis copia: captiui longe plurimi: ex quibus ingens pecunia confici posset: quibus omnibus ex rebus, Sanctum, ut quantum uellet sibi ipse sumeret, summo omnes consensu obsecrabant. Ille, alacri uultu, cum gratam sibi esse illam exercitus

tus uoluntatem significasset: Non me, inquit, barbaricarum opum cupiditas, ut in hoc bellum ingrederer, aut in prima acie stans corpus meum telis hostium obijcerem, induxit. Christianae mihi pietatis ardor, & huius pulcherri mae regionis ab iniusto immanium belluarum dominatu uindicandae studium, faces ad eam rem, & stimulos subdiderunt. Nunc, cum id, quod uolui, diuino beneficio, & uestra milites uirtute consecutus sum: non committam, ut maiori animo uidear armatorum et sanctum copias, quam inermium & iacentium spolia contempisse. Ornamento sint ista primum immortalis Dei nostri Diuorumq. templis ac delubris: ut partim in sacrarijs reposita, partime tholis pendentia, propagent in omne tempus memoriam nostri: posterosq. nostros ad suscipiendam semper magno animo religionis nostrae defensionem exsuscent. Ditent cetera egenos & exhaustos, pro suis quemque meritis, milites: ut, cum iuuentutis sua firmitatem in periculis & laboribus consumperint, habeant olim, quo senectutis infirmitatem in tranquillitate atque in otio sustentare possint. Ego quidem, quod ad me attinet, praeter has catenas, quas spectantibus adiuuantibusq. uobis perfregi atque perrupi: & praeter illam gemmam, illam, quam meis manibus deieci,

Etiam,



Etiam, illic iacentem uidetis ( haec autem dicens, ostendebat illis prostratum, & in sanguine suo inuolutum exanimem Smaragdum ) nullam omnino mihi mercedem, nullum praemium, aut postulo, aut appeto. Ergo ad conservandam tam nobilis uictoriae memoriam, simulq. ad incitandos successorum suorum animos, & ipse postea catenas pro insignibus gestauit ; & instituit, ut iisdem insignibus ceteri post se Reges utearentur . Ac quoniam eo in proelio praecipuum quem dixi barbarorum ductorem Smaragdum sua ipse manu obruncauerat: eiusdem nominis gemmam medio illarum catenarum complexu uoluit contineri . Quinetiam propter hanc aliasq. similes uictorias, Regibus Na- uarrai honoris ergo tributum est, ut inungantur, coronentur, consecrentur . O beatum illud saeculum, cum Christiani & principes, et populi sine ullis discordijs, sine ulla opinionum uarietate ac discrepancia, summo consensu, omnes uires suas ad proferendos Christianae ditionis terminos conferebant . Nostra aetas & Christianos principes alios aliorum viribus collisos attritosq. uidit, & in populis, ne quid abefset miserijs nostris, grauissimas pestilentissimasq. seditiones ab improbis hominibus, qui cupiditatibus suis falso religionis nomen praetezerent, concitatas . Quibus malis finem per te impositum

impositum iri, PIE Pontifex optime & sanctissime, omnes ita confidunt, ut, si haec spes sellerit, omnia quae possunt euenire miseria, maximeq. detestanda uereantur . Erexisti animos omnium, indicto, quod tanto opere optabatur, uniuersali Concilio . Inieciſſpem, fore, ut, haeretum peſte ſublata, ſacrosanctum IESV CHRISTI nomen eodem animo, eadem uoce, iijdem ritibus ab omnibus inuocetur . Agedum Beatiſſime pater, ita te Deus ille, cuius tu personam in terris ſustines, quamdiu tiffiſſime, & quam felicissime Ecclesiae ſuae praefeffe uelit, urge conſtanter, ut facias, illud propositum: omnemq. diligentiā adhibe, ad prohibendum, ne tam taetri malii contagio latius ſerpatis . Memento, te noſtrum omnium communem patrem, & paſtorem eſſe: noſtram omnium ſalutem ab eo tibi commiſſam, ac creditam, qui cum Deus eſſet, humana natura auſumpta, quin ſanguine ſuo uiā nobis in caelum panderet, non recuſauit . Omnia ſperamus a te excitatum iri, quae iacere ſentis, tantis tamq. diuīturnis diſſenſionib⁹ perculta atque proſtrata . Videre iam uideamus illud tempus, cum per te conſtituatur ecclaiſtici ordinis auſtoritas, conſirmentur ueteres ritus, prauae opiniones aboleantur, concordia, ne umquam poſtea diſſolui poſſit, ſeu eris legibus uinciatur. Muſta perdidit ecclaiſticus ordo & ornamenti

O dignitatis,



210 M · ANT · MVR · OR · XV

dignitatis, & praesidia stabilitatis suae: quae nisi per te recipiat, a nemine sibi restitui posse censet. Ad ea autem recuperanda cum ceteros Principes Christianos tibi affuturos esse credimus: tum Antonius Rex, & Ioanna Regina Narrae, se, Regnumq. suum, et Bearniam, & quas cumque denique summo cum imperio obtinent provincias in tua potestate semper fore, seque, ut par est, obsequentissimos Ecclesiae filios, auctoritati tuae numquam non libentissime obtemperaturos esse, sanctissime pollicentur.

D I X I.



O R A T I O  
DECIMASEXTA  
HABITA . ROMAE

ANNO . C C D . L X I V



I eorum, quae oratione tractantur, magnitudo & praestantia non aliunde, quam ex eius, qui de eis differit, ingenio & dicendi copia pendetur: magnopere mihi uerendum esset, Beatisse Pater, ne hodierno die, in hoc augustinissimo & ad dicendum amplissimo orbis terrarum loco, splendor ac dignitas maximarum pulcherrimarumq. rerum, quarum explicandarum munus mihi mandatum est, ingenij mei tenuitate & orationis inopia imminueretur. Dicturus enim, huius clarissimi uiri Orationis ad te regij iussu, quantum gaudium Rex Carolus nonus, te Pontifice declarato, perceperit, intelligo mihi faciendum esse, ut ueteri at-

O 2 que



que usitato eorum qui ante me idem munus obie-  
runt, instituto, de singulari atque eximia pietate,  
qua Reges nostri, multis abhinc saeculis prae-  
ceteris omnibus perpetuo floruerunt, breuiter  
differam: Et non omnia quidem, quod infinitum  
esset, sed aliqua tamen eorum, quae illi tum pro  
religione, tum pro huius sanctae Sedis defensio-  
ne pie fortiterq. gesserunt, commemorem: osten-  
dam deinde, quanto studio atque ardore animi  
Rex noster iam nunc in hoc ineuntis adolescen-  
tiae flore per illorum uestigia gradiatur: quam-  
que sibi huius praecipue laudis principatum ap-  
petat ac concupiscat: quibus expositis, illud  
quoque facile intelligetur, quantae ipsi curae  
esse debeat Ecclesiae status: qui cum, secundum  
Deum, ex Pontifice potissimum pendeat: quam  
opere te tali uiro his turbulentissimis tempori-  
bus diuinitus Pontifice creato sibi praeter cete-  
ros gaudendum arbitretur. Quae omnia si quis  
ita se tractare posse confidat, ut rerum magni-  
tudini orationis pulchritudo respondeat: eum  
oportet aut ita exercitatum esse in dicendo, ut  
facultate sua fretus, nihil sibi difficile atque ar-  
duum putet; aut ita inexercitatum, ut, errore  
ductus, rerum pondera & momenta satis acute  
atque intelligenter perspicere ac dijudicare non  
possit. Neque mihi nunc alia ulla res percul-  
sum ac debilitatum hac cognitione animum eri-

git

git ac confirmat, quam quod apud te dicendum  
est, Beatissime Pater, qui & ea sapientia es,  
ut, quanti quaeq. res sit, ex natura ipsius,  
non ex ijs, quae de ea dicuntur, pondere; &  
ea lenitate ac mansuetudine, ut eis, qui, po-  
tius quam officium deserant, eius onere opprimi  
malunt, facile ac libenter ignoscas. Mihi uero  
memoria uetera repetenti, & mentis oculos  
per antiqua Regum nostrorum decora circumfe-  
renti, non unde incipere, sed ubi desinere de-  
beam, statuere difficile uidetur. Tanta est e-  
nim rerum ab eis gestarum magnitudo, tanta co-  
pia, ut neque possit quisquam, ne si mentiri qui-  
dem uelit, maiora confingere; neque, uera con-  
secans, omnia tam breui temporis spatio per-  
sequi: sed aut ab ipso multa, aut ipsum a tem-  
pore deseriri necesse fit. Nam quae tandem gens  
toto orbe terrarum nominari potest, quae semel  
susceptam IESV CHRISTI salvatoris nostri re-  
ligionem maiore constantia puram incorruptam  
que seruauerit? quae plures atrociores ue illius  
hostes aut extinxerit, aut bellica uirtute  
domitos errorem suum deponere, seque ad Ec-  
clesiae societatem recipere coegerit? quae Apo-  
stolicae Sedi laboranti tam saepe subuenerit,  
eamq. tyrannorum iniuitate & iniuria op-  
pressam non in pristinam modo dignitatem re-  
stituerit, sed tam multis ornamentiis afficerit,

O 3 tam



tam firmis praesidijs muniuerit? Omnia, quae ab alijs regibus, aut gentibus in hoc genere gesta sunt, si unum in locum collata cursus ijs quae nostri gesserunt comparentur, & numero eorum & magnitudine obruentur. Mille iam anni sunt, & aliquanto amplius, cum Hlodouenus, qui postea Hlodouicus vocatus est, primus Regum nostrorum, salutari aqua ablutus, nomen in Christi militiam dedit. Neque diu cunctatus, suscepto bello in Visigothos, pertinacissimos haereseos Arianae defensores, eos commisso in Pictonibus proelio uicit, regemque eorum Alaricum manus sua interfecit. Neque multo post haud procul Burdigala reliquias eorum consecit in campo, qui ex eo etiam hodie Campus Arianus vocatur. Itaque ob id factum Anastasius Imperator, honoris causa, tunicam ei purpuream, sive, ut tum loquebantur, blateam misit, simulq. coronam auream magni ponderis, admirabili opere perfectam, multis ingentis pretij gemmis unionibusq. collucentem: atque eum per legatos non consulem modo ac patricium, sed defensorem Christiani nominis, sed liberatorem imperij, sed generis humani patrem vocauit: felicem praedicans, cuius potissimum manu diuina prouidentia illos urbis Romae euersores, prouinciarum uastatores, Dei hominumq. hostes cadere uoluisse.

Ille,

Ille, ut principem uere magnanimum decuit, muneva quidem Imperatoris non repudianit: sed illam, quam dixi, coronam augustius quiddam & magnificentius esse duxit, quam ut cuiquam mortalium conueniret: dignam rem sacrario, dignam quae non humano usui, sed diuino cultui addiceretur: itaque eam summa cum ueneratione, in templum Lateranense missam, diuino Petro Apostolorum principi consecrauit. Nisi mirum ut belli principia ex solo diuini cultus Studio exstiterant, ita uictoriae insignia non alibi, quam in celeberrimo aliquo templo, collocari par fuit: ut omnibus saeculis in illo nobili munere, non tam illa clarissimarum gemmarum multitudo, quam Hlodonei regis pietas, religioq. fulgeret. Neque se tanto patre parum dignum praeslitit Childebertus: qui Almaricum Alarici filium, cui etiam, sancienti foederis causa sororem Hlotildem in matrimonium dederat, cum in paterna impietate persestare, ideoque in uxorem, quam abducre a Catholica religione non poterat, iniurium ac contumeliosum esse cognosset: bello eum persecui non prius destitit, & tyrannum ipsum obtruncauit, & populos, qui ei paruerant, ab Arianae opinionis prauitate reuocauit. Q. sancta bella, quae non ad unius hominis ambitionem, aut auaritiam explendam, sed ad ue-

O 4 ram



ram & catholicam religionem latius spargendam suscipiebantur. Ofelices uictorias, quae & uictoribus immortalem gloriam, & uictis aeternam salutem afferebant. Sed ita magna & memorabilia sunt, quae mihi se ad dicendum offerunt, ut cum singula intueor, nihil eorum sine flagitio praetermitti posse existimem: ita multa rursus, ut cum uniuersa contempnor, plurima mihi necessario omittenda esse cognoscam. Dagoberti tamen primi singularē eximiamq. pietatem tacitus prætirire non possum: qui, & edictō proposito, omnes qui fidem catholicam non amplectentur, intra certam diem, aut Galliae finibus excedere, aut capitis supplicio affici iussit; & in reliquis uitae partibus ita se gessit, ut, qui honores more nostro relatis in diuos haberi solent, eos illi post mortem Ecclesia decreuerit. De Carolo autem Martello quid primum, quid postremum eloquar? Ille Sarracenos, ferocissimam, & Christiano nomini inimicissimam gentem profligauit, quorum infinitam quandam multitudinem uno ad Ligerim proelio cecidisse, cum e nostris paucissimi desideratis sint, historicorum monumenta testantur. Ille Fritios, impio falsorum deorum cultui deditos, & a Christiana religione abhorrentes; repudiata superstitione, Christo initiari coegit.

Ille

multa regeant  
etari fpo.

Ille Visigothos & Saracenos coniunctis copijs bellum renouare & Narbonensem prouinciam occupare ausos aggressus, agros eorū cadaueribus struit, fluios eorum sanguine infecit. Ille, cum Gregorius tertius pontifex maximus, rebus suis dissidens, opem eius implorasset, Luit prandum, Longobardorum regem, ab hac urbe obsidenda, sola nominis sui auctoritate deterruit. Sed non omnia persequenda sunt. Vocat enim nos ad se Pipinus, neque me diutius de rebus suis tacere patitur. Hic ille est Pipinus, Beatusissime Pater, ille inquam Pipinus, Patres amplissimi, a quo est Pontificum maximorum auctoritas a contemptu vindicata, opes auctae, potentia stabilita. Etenim, ut ab optimis auctori bus memoriae proditum est, cum Aistulphus rex Longobardorum uniuersam Italiam sub imperium suum subiungere meditaretur, iamq. Rauen nam, et magnam præterea Flaminiae partem occupasset, Stephanus secundus pontifex, cum prius opem ab imperatore Constantino petisset, atque ab eo neglectus esset, consilium coepit eundi in Galliam ad Pipinum: illum unum & ea pietate esse, ut auxilium sibi libentissime laturus esset; ijs uiribus, uti facile posset. Neque eum sua frustrata est opinio. Nam Pipinus & illum exceptis ijs omnibus honoribus qui maximi poterant excogitari, usque eo ut ei obuiam prosectorus, tria millia.



millia passuum pedibus confecerit, manu frenum equi quo ille uehebatur tenens; & cum Alpes incredibili celeritate superasset, transportato in Italianam exercitu, tantum terrorem intulit Aistulpho, ut, collatis signis depugnare non ausus, Ticini se moenibus tueretur. Vbi tam diu obseßus est, dum se omnia quae abstulerat, restituturum, neque umquam Pontifici molestiam exhibiturum, interposito etiam iureiurando, fidem daret. Qua postea neglecta, cum, longe lateq. omnia populatus, postremo hanc ipsam urbem obsidione cinxisset Pipinus, qui tamquam re confecta, in Galliam redierat, in Italianam denuo reuersus, uirtute & armis perfecit, ut Aistulphus supplex easdem condiciones denuo acciperet; neque prius pedem ex Italia mouit, quam praefectura Rauennatum, finibus longe maximis, ut pote quibus & Flaminia & Aemilia tota contineretur, Pontifici restituta est. Exstat adhuc tabula marmorea in ea turri, cui Borgiae nomen est, in qua haec omnia olim honoris ergo incisa & perscripta fuisse constat. Ita enim in ea adhuc legitur. PIPINVS. PIUS. PRIMVS AMPLIFICANDAE. ECCLESIAE. VIAM APERVIT. ET. EXARCHATVM. RAVENNAE. CVM. AMPLISSIMIS. Pars tabulæ, in qua reliqua scripta erant, aut casu aliquo, aut temporum, aut hominum iniuria confracta est.

At

At aenea quidem & marmorea monumenta conficerre ac consumere longinquitas temporis potuit: Pipini certe gloriam nulla umquam delebit uetus, nulla inobscurabit obliuio. Sentio tantas res multo breuius multoq. exsilius a me tractari, quam dignitati atque amplitudini ipsarum conueniret. Sed quis modus futurus erat, si quae sic quoque uix a me percursa sunt, ijs in singulis immorari, atque insistere uoluissem? Nunc quoque si de Caroli Magni laudibus differere uellem, quantus se mihi campus aperiret? Dicerem Aquitaniam, in qua haereses denuo efferre se & subcrescere cooperant, ab adolescentulo per purgatam. Dicerem immannissimam Saxonum gentem, semper uictam, semper rebellantem, cum inter se constantia Caroli, & illorum peruicacia certarent, uix tandem continuo triginta trium annorum bello perdonitam, & abiecto idolorum cultu Christi leges accipere coactam. Dicerem Italianam uincenda peragratam, dignitatem Hadriani Pontificis vindicatam: Desiderium Aistulphi successorem, cum eadem, quae ille moliretur, oppressum: additam ditioni Pontificiae Corsicam: additos ducatus Spoletanum & Beneuentanum, additum quidquid Lucam et Parmam interiacet. Ne que praeterirem redditum in Italianam, & Leonem tertium Hadriani successorem in sedem suam,

fractis

*qui non pos  
e regna res  
rei magnitudi*

*qui agre  
puzzauerit*

*per precerit*



D. Aeneas  
Salomon  
Ceraverie

fractis & obtritis hostium Ecclesiae uiribus, restitutum. Illa uero quanto pleniore ore laudem: relicto amplissimo & florentissimo regno, suscepsum iter impeditissimum, & difficultatis ac periculi plenum, & ducto per tam uarias gentes ualidissimo exercitu, terram illam quae uagitus IESV CHRISTI nascentis exceptit, quae eum concionantem audijt, admirandis operibus certissima diuinitatis suae signa dantem obstupuit, spectauit sublatum in crucem, & suo sanguine peccata nostra expiantem, ex impiorum manibus erectam & recuperatam. Talia quam libet multa dicerem, multa tamen necessario praeterirem, summa omnia, & illo nobili Magni cognomine maiora. Quod si uellem ulterius progredi, & tum quae priscis temporibus Hludo uicus Pius, Philippus primus, Hludouicus Crassus, Philippus Augustus, Diuus Hludouicus, alij reges, tum recenti memoria Franciscus primus, Henricus secundus, Franciscus secundus religiosis & Sedis Apostolicae causa fecerunt, expone re: commemorare, quam multi ex eis ad eam defendendam in Italiam cum exercitu uenerint: quam multi Pontifices laborantibus rebus suis in Galliam confugerint: quam multa Concilia, cum alibi nusquam possent, in Gallia tuto ac libere celebrauerint: multorum dierum multorumq; uoluminum, non unius horae & unius oratio-

rationis negotium esset. Ob quae omnia semper summi Pontifices et quoſcumque potuerunt honores habuerunt regibus nostris, & ex omni antiquitate in scriptis suis eos omnibus exquisitissimis laudibus extulerunt. Exstat epiftola diui Gregorij ad Childebertum regem cuius hoc principium est, Quanto ceteros homines regia dignitas antecellit, tanto ceterarum gentium regna regni ueſtri culmen excellit. Innocentius tertius reges Gallorum, p̄ae ceteris totius orbis regibus, ait semper Apostolicae sedi, ut ipsius uerba ponam, obsequiosos, & deuotos exſlitifſe. Honorius tertius eosdem oppoſuisse se tam quam murum inexpugnabilem pro populo Christiano. Gregorius nonus regnum Galliae ait esse quasi pharetram quam Christus ſibi circa femur accinxit, ex qua ſagittas electas extrahens, ipsas, ut ſibi gentes, & regna ſubijciat, in arcu, ita enim loquitur, brachij potentis emittit. Regem Galliae Gregorius primus regem Catholicum, & praecellentissimum filium ſuum; Gregorius nonus Christianiſſimum inter omnes Christianos; Innocentius quartus Catholicum principem, & Christianiſſimum regem; Urbanus quartus principem inclyta deuotione praeclarum, principem Christianiſſimum, praecellentium meritorum, athletam Christianum, & ſolicitudinē fidei Christianae defensorem uocat.

Quae



Quae omnia honoris & dignitatis plenissima nomina, & illum, quem tot saeculis obtinuerunt, atque obtinent, inter omnes reges principem locum, reges nostri, non aut ambitione sua aut aliena assentatione consecuti sunt, sed ipsi suis sibi laboribus, suis periculis, suo sudore ac sanguine compararunt. Ab ipsis igitur maioribus ortus Carolus nonus nihil aliud sibi studio habet, nihil aliud dies noctesq. curat ac cogitat, quam quomodo possit eorum quam simillimus euadere, & quam nobilitatem a maioribus accepit, eandem tradere posteris suis insigni aliqua accessione cumulatam. Quam ad rem diuinus adolescens & ipse per se naturali quodam impetu animi fertur, & assiduis Catharinae matris, omnium, quas hodie sol adspicit, sapientissimae, ac praestantissimae mulieris uocibus incitatur. Itaque in ipsis acerbitatibus, quas superioribus annis pertulit Gallia, habuit tamen aliquod solatium ex pulcherrimo spectaculo, matris omnia recta & salutaria suadentis, et filij omnibus maternis consilijs libentissime obsequentis. Quam multae ex eo adhuc puerulo auditae sunt

*D multa dixerit uoces, erumpent foras, seq. iam tum patefan-  
tia. nuper ciente natura, quae & excellens acumen inge-  
niij, & indolem uirtutis omnia mox egregia ex-  
empla editurae indicarent? quarum ego si non  
nullas proferre instituam, facile conuincam, ne  
que*

que Cyri illius ueteris, neque Alexandri Magni dicta quaedam in pueritia, quae in admiratione sunt, ullo modo esse cum Caroli dictis comparanda. Sed nihil dictis opus est, ubi facta ipsa loqui quodammodo uidentur. Quis est enim hodie in terris locus, qui non audierit, quibus haud ita pridem Gallia procellis, ac tempestatis agitata sit? Nam cum inaudita quadam ante hoc tempus calamitate multorum ex nostris hominibus animos nefariae quaedam & exacerbante opiniones occupassent, atque ita in eis insedissent, ut ipsi nihil sibi non tentandum putarent, quo nobilissimum regnum ab Ecclesiae communione & ab huius sanctae Sedis obedientia abducerent: tanta ex eo consecuta est rerum omnium perturbatio, ut toti Galliae ultimum, quod impiorum potius capiti sit, uenisse exitium uideretur. Videre erat eadem in domo filios a patribus, fratres a fratribus, viros ab uxori bus, propter hanc de religione dissensionem, capitali odio dissidentes. Neque se priuatis parietibus continuit mali uis. initia occulta pri-  
mum, mox etiam aperta aduersus Deum, aduersus regem, & reginam, aduersus omnes recte sentientes scelerata consilia. Perditi quidam ac nefarij homines, quos illa furens turba, quasi nuper caelo delapsos non euangelij doctores, se quebatur, conuocatos suos, nocturnis concioni-  
bus



bus, ad contemnendos magistratus, ad regium imperium tollendum, ad occupanda opida, ad caedem & sanguinem, ad rapinas & ad praedas incitabant. Horum uocibus, quasi quibusdam furiarum facibus, cum accensa impiorum pectora essent, itum est ad arma: occupatae impriso opulentissimae ac munitissimae urbes: interceptae regiae pecuniae: direptae bonorum fortunae: ipsi aut expulsi, aut occisi: antiquissima & religiosissima templo partim spoliata, partim inflammata, partim diruta & solo aequata: quae deiecta non sunt, in ijs ea patrata, quae commemorari sine horrore non possunt. O illorum temporum uel memoriam ipsam acerbam ac luctuosam, cum de legum auctoritate sceleratorum audacia triumphabat: cum prostratae religioni uictrix insultabat impietas: cum tremefactis omnibus bonis, & optimo quoque pessimam omnia metuente, uolitantium hic illuc, & in publicis ruinis bacchantium improborum uoces undique audiebantur. In his tantis malis ac difficultatibus Carolus rex plura se & diffici liora, propugnandae religionis causa, fecisse, ac praestitisse, quam quemquam alium ex omni memoria principem, uere ac merito gloriari potest. Omnes enim aliij in externos bella gesserunt; hic suis bellum inferre coactus est. Alij & a suis, & ab alienis adiuabantur; hunc & sui, & alieni

*de Lycenis causa  
la genere et  
miseris sedauerit.*

alieni oppugnarunt. Alijs, si uincerent, propria sita erat, praeter gloriam, imperij ac potentiae suae amplificatio; si uincerentur, erat, quo se reciperent. huic, siue uinceret, spectanda magna strages suorum, cum insigni uirium suarum imminutione; siue casu aliquo uincetur, regno fortassis carendum fuit. Et haec tamen omnia eum non deterruerunt, quominus urbes suas ob sideret, earum moenia tormentis bellicis quateret, agros popularetur, ob sessos commeatibus intercluderet, proelia, in quibus multi fortissimi imperatores militesq; ceciderunt, committeret: omnia denique in solo suo face ret, quae in hostili fieri solent. Neque, ut opinor aliud bellum aetate nostra gestum est, in quo, quidquid ex utraque parte periret, uni peri ret. Quamquam autem messes se suas, ut dicitur, urere intelligebat: tamen, quoniam integritas religionis aliter conseruari non poterat, omnia sibi perferenda esse statuebat. Reginae autem in illis tumultibus quod studium, quae solicitudo, quae concursationes fuerunt? quid non illa tentauit, quid non molita est, ut omnia quam minimo danno componerentur: ut et consernaretur Catholica religio, quod semper ei praeципuum fuit, & quam minimum sanguinis funderetur? in quo fecit rem gentis suae nomini mirifice congruentem. Medicata enim

P est



est consilio ac prudentia sua communibus totius Galliae malis; & eam se difficillimis temporibus praesiliit, ut non iam uerius mater regis, quam mater regni nominari mertissimo possit. Eius enim praecipue, & aliorum regni sui procerum, consilijs, & virtute fortissimorum imperatorum ac militum suorum, quorum alij occubuerunt, alij adbuc superstites sunt, Carolus rex Galliam ex atrocissima tempestate seruauit, & in eum, in quo nunc est, statum redegit. Quod si nondum omnia, quo uellemus plane perducta sunt: cogitare debemus, bene agi cum ijs, qui tam grauiter aegrotarunt, cum, etiam si nondum recuperarunt pristinam firmitatem, salus tamen eorum in tuto est. Etiam prudentes medici solent ex male affectis corporibus uitiosos humores paullatim educere: ne, si semel uniuersos exhanuire uoluerint, quos sanare conantur occidant. Non est uerendum, ne facilitiora non perficiatis, qui iam difficilliora perfecit. Idem tandem erit exitus horum tumultuum, qui sicut eorum, quos olim Albigenes D. Hludonici temporibus concitarunt. Duodecim annos natus erat D. Hludonicus, cum ad regnum vocatus est. Carolum, aliquanto etiam minorem natu, fratri mors in regio solio collocauit. Tum Blanca regis mater, & filium sanctissime educabat, &, propter teneram illius aetatem, ipsa Galliam ad ministrabat.

Horum munerum utroque ita Catharina perfuncta est, ut omnes nihil perfectius fieri potuisse fateantur. Tum Albigenes, pueri tiam regis occasionem suam rati, omnia in Gallia permiscere tentarunt. Albigenibus multo taetiores nostrorum temporum haeretici, eadem spe delusi, regem regno, regnum religione spoliare studuerunt. Illi cum saepe uicti, neque quiescere, neque ad sanitatem redire uellent, existi tandem, deleti. sunt. Non alia hos quoque fortuna, nisi resipiscant, consequetur. Ad errores Albigenium confutandos, & ad multorum animos eis liberandos, D. Dominici conciones & uitae sanctitas incredibiliter profuerunt. Non minus te, Beatissime Pater, qui & in D. Dominici familia educatus es, & illum moribus resers, & singulari in nos Dei beneficio summam in terris auctoritatem obtines, Carolus rex ad hos exitiosos errores tollendos profuturum esse confidit. Nouit enim eximiā integratatem uitae tuae: nouit perpetuum purgandae Ecclesiae studium: nouit labores in extir pandis haeresibus ab ineunte aetate susceptos: nouit animum nihil nisi de Deo & de utilitate publica cogitarem. Neque nostris ignota sunt, quae tu ad mores hominum corrigendos, & ad auferendam improbis omnem maledicendi occasionem, & iam fecisti, & quotidie facis.

aces diligenter  
enū gestanter



Refrenatas libidines, repressam & cohibitam luxuriam, expulsa nequitiae instrumenta, sublatam penitus omnem ecclesiasticarum rerum nondicationem, compositos, & iussu, & exemplo tuo aliorum mores, mutatam in melius urbis faciem, nos uidimus, illi audierunt. His omnibus ex rebus Carolus rex incredibile gaudium capit: & ut quod facias quandiu tissime facere possis, a Deo optimo maximo uotis omnibus petit. Quem animum suum ut tibi patfaceret, legauit huc clarissimum & nobilissimum uirum Iustum Turnonium, comitem Rus-silionis, magni illius Francisci Cardinalis Turnonij, cuius memoriam & tibi, Beatissime Pater, & uobis omnibus, Patres Amplissimi, grantam esse ac iucundam scio, fratris nepotem, hominem, ut omnia uno uerbo complectar, suo genere dignissimum: cuius egregiam uirtutem & saepe alias, & proxime in illo memorabili aduersus haereticos proelio spectatam, rex ipse amplis & honorificis praemijs prosecutus est, cooptato eo in equites ordinis sui, & quinquaginta cataphractis equitibus praeesse iusso. Per eum Carolus rex, Beatissime Pater, sibi, & toti Ecclesiae de tuo Pontificatu gratulatur: te uerum IESV CHRISTI uicarium, uerum Petri successorem, non dubitanter agnoscit: tibi, & huic sanctae Sedi uere, atque ex ani-

mo

mo quam debet obedientiam praestat ac desert: & ut certo sperat, se, in omnibus quae a te prae-stari poterunt, a te adiutum, atque ornatumiri: ita se omnes uires suas ad Ecclesiae & Sedis Apostolicae defensionem semper promptissimo animo collaturum, neque hac in re cuiquam mortalium concessurum pollicetur.

D I X I.

P 3



# ORATIO

## DECIMASEPTIMA

HABITA . ROMAE

XIX . KAL . FEBR.

ANNO . CC . D . LXVII

**V**ANTO opere gaudius sit uniuersus orbis Christianus, posteaquam auditum est, summum honorem, iam pridem summis uirtutibus tuis debitum, tandem aliquando tibi diuinitus delatum esse, PIE quinte Pontifex maxime, uel ex hoc intelligi potest, quod concepti ex ea re gaudij uis non uicinarum se regionum, ac prouinciarum finibus continuit, sed solis instar, omnia, simul ut exortus est, sua luce complentis, ad remotissimas gentes, & posita in ipsis Christianae ditionis finibus regna admirabili celeritate penetravit. Neque uero ei contigit, quod uentis soleat, qui cum, unde oriuntur, ibi uehementissimi sint, ad longinqua fracti fere,

M . ANT . MVR . OR . XVII 231

fere, debilitatiq. perueniunt; sed quod ingenti- bus, uastisq. fluminibus: quae cum ab ortu ipso magna sint, perpetuo tamen aucta, & tumefacta progressu, eo maiores undas uoluunt, eo amplioribus, ac capacioribus feruntur alueis, quo a fontibus ac capitibus suis longius recesserunt. Ut cum alijs permultis nominibus beatissimum te omnium mortalium praedicare liceat, tum hoc non minimum sit, quod ex honore tibi habito, & ad illos qui eum tibi decreuerunt, immortalis gloria, & ad omnes bonos, qui eum tibi delatum audierunt, incredibilis laetitia redundarit. Ac ceteri quidem uiciniores principes, ac populi quanta omnes animorum alacritate recentem Pontificatus tui nuncium accepterint, ex legatis, quos ad te, gratulandi causa, suo quisque tempore miserunt, cognoscere potuisti: hodierno autem die intelliges, etiam in illis regionibus, quibus Christianorum imperium terminatur, quanto gaudio p[ro]i omnes exultaerint, quas inter se gratulationes fecerint, quanto consensu meliora, & prosp[er]iora omnia sperare cooperint, cum, quo iam pridem sanctitatis tuae fama peruennerat, eodem te in istam celsissimam dignitatis, atque honoris sedem ascendisse, perlatum est. Potentissimus enim, idemq. religiosissimus Princeps, Sigismundus Augustus Rex Poloniae, quam incundus, & exoptatus si-

P 4 bi



bi suisq. populis eius rei nuncius acciderit, testari cupiens, ea de causa legavit hic illustrem virum Petrum Barzium, Senatorem Regni, ex quo haec omnia non minus certo cognosceres, quam si Regis ipsius non os modo intueri, & sermonem audire, uerum etiam penitus perspicere intimos sensus animi posses. Is cum mihi mandauerit, ut hodie apud te, in hoc dignitatis maiestatisq. plenissimo coetu, & de regni antiquitate, atque amplitudine, & de rebus, quas, multis abhinc saeculis, Polonorum Reges ad Christiani imperij fines tum tuendos, tum propagandos, sine ulla propemodum intermissione gesserunt, & de ipsius Sigismundi Augusti Regis pietate, animi magnitudine, fortitudine ac constantia, deq. quotidianis pro Christiana republica laboribus ac periculis dicerem: quae-  
so obtestorq. te, Beatissime Pater, tribue mihi hoc beneficium, ut, dum haec summam persequor, orationis meae cursus aura lenitatis ac facilitatis tuae adiuuetur. Maximas res, memoratuq. ac cognitu dignissimas afferam, & quamquam notas atque illustres, tum suoperte splendore ac magnitudine, tum propter regiae fortunae sublimitatem, quae magnorum & potentum regum actiones obscuras esse non patitur: tamen eo minus peruulgatas, quod Polonorum gens semper in praeclaris rebus gerendis,

quam

quam in ijs quae gessisset memoria prodendis, occupatior fuit: semperq. maiorum suorum uirtutem imitari, quam celebrare, glorioius duxit. Atque ut, unde proposui, exordiar, & Poloniae Rex quam longe lateq. dominetur, expediā: tota illa Germaniae pars orienti soli propior, quae est inter fluvios Guttalum, quem hodie Odram uocant, & Vistulam, qui antiquis temporibus Germaniam a Sarmatia diuidebat, & Sarmatiae quantum est a Vistula ad Borysthenem, & a ponto Euxino usque ad sinum Venedicum, inter quos plus mille Italica passuum millia interiecta sunt, illius imperio continetur. Regio prope tota aqua, & plana, multis magnisq. fluminibus & ad fertilitatem & ad mercaturas commodissimis irrigua, rebus ad uitam necessarijs usque ad abundantiam diues. Habitatorum autem ea multitudo, ut, cum equitatus regius ex solis nobilibus conflet, centum quadraginta equitum millia armare, & in aciem secum, si res ferat, educere Rex Poloniae possit. Homines natura fortes & animosi, quiq. non facile aut uoluptatibus moliantur, aut periculis terreatur. Mortem per decus obitam, immortalitatis instar; uitam per dedecus retentam, quavis morte peiorem putant. Ignominiam, ut fugiant, nihil non fecerint: ut mortem, nihil. Haec hominum, haec locorum ingenia.



genia. Cinguntur autem omni propemodum ex parte ferocissimis gentibus, & partim ab Ecclesiae communione dissociatis ac diremptis, partim apertis & capitalibus Christiani nominis hostibus, ut in illo confinio, tamquam in communi quadam arce ac propugnaculo, fortissimi uiri ad sustinendam ac propulsandam barbarorum immanitatem, & ad agendas perpetuas pro Christianis omnibus excubias diuino consilio constituti ac collocati esse uideantur: quo esent ceteri Polonorum uirtute tecti, Polonorum laboribus quieti, Polonorum periculis tuti. Neque mihi uideo quidquam a suscepto munere facturus alienum, si breuiter exposuero, quemadmodum illos Deus, ante sexcentos abhinc annos, discussis errorum, quibus inuoluti erant, tenebris, ad euangelij lucem perduxerit. Quod dum facere ingredior, adesse quaeſo animis, quicunque corporibus adeſtis, & in remaximi momenti diuinæ bonitatis ac sapientiae magnitudinem considerate. Omnes fere magna & memorabiles in rebus humanis mutatio nes aliquanto antea aut uno, aut pluribus illustribus ac notabilibus signis diuinitus portendi ac praesignificari solent. Cum igitur tempus illud appropinquaret, quo se Deus Polonis patefcere, eosq; impia superstitione purgatos caeleſti doctrina imbuere statuerat: aduentantis iam,

&amp; in-

& instantis salutaris illius mutationis hanc, quam mox audietis, significacionem dedit. Imperabat Polonis Ziemomilus Leski filius, Princeps (quatenus haec conuenire in hominem non Christianum queunt) & iustitiae, et clementiae, & beneficentiae, & aliarum uirtutum laude cumulatus: & in quo nihil praeter Christi cognitionem desiderares. Huic, cum multos annos sine liberis esset, graniterq; ea re angeretur, tandem natus est filius, sed oculis captus: ita ut non facile dijudicari posset, maiorem ne dolorem percepisset ex orbitate, an perciperet ex unici filij caecitate. Omnia remedia, omnes medicorum conatus mali pertinacia elusit. Iam ad septimum annum peruererat puer, eq; patrio quodam ritu primam comam tonderi, nomenq; imponi oportebat: cum praeter omnium spem subito oculis uiti coepit. Incredibili laetitia perfusus pater conuocatos ad se harioles consulit quid ex tam admirabili successu filio suo, quid toti Poloniae portenderetur. Respondent, eo imperante, Poloniam mirabiliter illustratum iri. Ex ea spe atque omni pueru nomen inditum Mieciſlao, quod gentis lingua significabat eum qui ſibi gloriam gladio pariturus effet. Nullo enim alio modo illustrari posse Poloniam, quam bello, & armis cogitabant. Iam adoleuerat Mieciſlaus: iam ad uirilem aetatem peruererat: iam mortuo



mortuo patre rerum potiebatur : & ceteris quidem uirtutibus patri non absimilis, nihil cetero qui bello egregium aut memorabile gerebat : ita ut tota Polonia, & se credulitatis, & uanitatis uatum suorum responsa damnaret . Sed maius quiddam quam quod illi suspicati erant, parabat Deus . Mieciſlaus, ductis barbarico more septem uxoribus, nullos tamen ex ulla eorum liberos procreare poterat . Interea fundente se, ac spargente quotidie latius Christiana religione, peruererant & in Poloniam sancti quidam uiri : qui aut solitariae uitae, ut quietioris, & ad res diuinas sine ullo impedimento contemplandas aptioris, studio ducti, aut periculorum metu, in abditis, & remotis siluarum recessibus delitescentes, Christo, ut poterant, seruiebant . Horum quibusdam in animum immittit Deus, ut ad principem adeant, eq̄ polliceantur & liberos, & alia multo maiora, si, repudiato falsorum numinum cultu, Christum uerum Deum agnoscere, & traditam ab eo doctrinam suscipere uellet . Ipse quoque diuini spiritus repentino tactus afflatu, promptum se, ac facilem salutibus illorum monitis praebuit . Neque longius res ducta est, quam dum prima ac praecipua religionis nostrae capit a edoceretur . Quae ut percepit, magna pompa, ac celebritate publice baptizatus, breui tempore totam Polonium ad Christia-

Christianam pietatem et exemplo suo incitauit, & cohortationibus, ac praemijs allexit ; & minis, ac supplicijs aduersus pertinaces propositis perpulit . Tum demum cognitum est, quod Mieciſlaus totos septem annos caecus fuisset, significatam esse hoc modo diuturnam Polonae gentis caecitatem : quod omnibus humanis auxilijs frusta tentatis, tandem diuino beneficio lucem adspexit, fore ut populi quoque caecitas nulla humana ope sanabilis diuinitus de pelleretur . Neque uana fuit hariorum praedictio . Eo enim rerum potiente, Polonia splendore diuini lumen illustrata est . Notum est autem, interdum fieri, ut etiam superstitioni & impii homines, Deo permittente, uera uaticinentur . Neque temere inditum nomen . Gladio enim sibi & suis gloriam peperit, non quidem ferreo, aut ultra ex alia materia confecto, sed gladio illo utrumque acuto, gladio spiritus, quod, ut ait Paulus, est uerbum Dei . Ut autem ab ea Ecclesia, quae ceterarum omnium mater ac magistra est, Christiane uiuendi leges acciperent, & ex eo fonte haurirent, unde nihil non purum & incorruptum hauriri potest, legatos miserunt ad Ioannem Pontificem eius nominis tertiumdecimum, per quos & eum, ut communem totius Ecclesiae pastorem uenerarentur, & ab eo sibi peterent Episcopos mitti, a quibus regi, & quae sibi credenda,



denda, quaeq. facienda essent, cognoscere accuratius possent. Misit ille Italorum hominum spectatae probitatis & eruditionis idoneum numerum: qui primi nouellas illas ac teneras nuper in horto Christi depactas ac confitas plantas, copiosis sanctorum praceptorum imixibus irrigarunt. Huius Mieclslai soror Adleida, cum Geisae Vngarorum Principi nupta esset, cohortationibus suis perfecit, ut ipse quoque cum tota Vngaria Christi sacramento adigeretur. Neque uero eius filius Boleslaus primus Poloniae Rex, aut maioribus suis laude bellica, aut patri propagandae religionis studio cessit. Qui suscepto aduersus Saxonas bello, & ea, quae illi dum Polonis ademerant, recuperavit, & cum uniuersam illam oram ad Albim & Salam fluvios, & Chersonesum Cimbricam, quae hodie Danianocatur, sub Imperium suum subiunxit, ut ostenderet, eam se uictoriā Christo quaesiisse non sibi, nihil in uictis acerbe, aut crudeliter statuit: sed cum eos ad accipiendam Christi doctrinam compulisset, fixis memoriae caussa in Salae ripa tribus ferreis columnis, in Poloniam se recipit. Numquid igitur, ea laude contentus, otio se postea tradidit? Immo uero declarauit, num quam desideratque ignauam esse uirtutem: nullas ei esse a paeclaris actionibus ferias: fortis & constantes uiros honestorum laborum ac mune

ahibus

rum

rum perfunctione, non ad quietem iuinitari, sed ad alia ex alijs assidue suscipienda incitari. Nam cum Prussi aliquot ante annis diuum Adalbertum intersecissent: eiusq. corpus quidem ipse aequo auri pondere a barbaris redemisset, ( mirum hoc quoque pietatis argumentum: sed in tanta temporis angustia multa necessario praetermittenda sunt ) caedis autem ultionem in aliud tempus distulisset: tunc demum ratus aduenisse tempus illud, cum & punienda eorum audacia, & armis frangenda pertinacia esset, bellum eis intulit, neque magno negotio uictor, non aliam eis poenam imposuit, quam ut erroribus suis de positis Christo initiantur. Hic mihi, Beatissime Pater, uenit in mentem, quod olim a quodam Graeco imperatore dictum est, qui a suis in exercitu pulsus, cum apud hostes, ad quos confugerat, multo lautiū ac magnificenter haberetur quam apud suos, Perieramus, inquit, nisi periremus. Ita enim & qui ab illo principe uincebantur dicere poterant, se nisi ab eo uicti essent, perituros fuisse. Quid ego iam, ut Pomerania & Boleslao tertio, Prussi a Boleslao quarto ad Christum, a quo defecerant, renocati sint, persequare? Rerum me copia, Beatissime Pater, inopem consilij reddit. Quod si in me illa dicendi uis ac facultas esset, optarem equidem aliquam mibi non tam uberem ac copiosam ad dicendum materiam dari;



dari: ut in singulis eius partibus accurate percensendis, copiose exornandis, artificiose exagrandis iactare atque ostentare me possem. Nunc enim, ut pictor, cui in exigua tabella ingens aliqua multitudo hominum exprimenda est, nonnullorum uultus tantum atque ora, multorum summa modo capita ostendit, totum reliquum corpus abscondit: ita me, cui innumerabilia Polonorum regum ac populorum aeternis dignissima laudibus facta, in angustum unius breuissimae orationis curriculum concludenda sunt, multa quae si pandi explicari possent, quasi spectanda proponi, incredibilem admirationem excitarent sui, delibare modo, & attingere, multa etiam significare potius, quam ostendere, necesse est. Ideoq; ne de bello quidem quod Boleslaus quintus cognomento Pudicus aduersus Iazigas, qui hodie partim Valachi, partim Vngari sunt, gessit, copiosius dicam: tantum quasi præteriens admonebo, eum, cum gentem illam ferocissimam denicisset, illos omnes, quorum uirtuti, ut ait uetus poeta, fortuna belli pepercerat, quasi opima quaedam spolia Christo consecrassæ, neque aliud eis, quam ut Christiani fierent, imperasse. Ad Iagellonem enim Sigismundi Augusti proaum festinat animus, cuius admirabili insitataeque uirtuti utinam para me adferri posset orationis genus. Sed ita prorsus existim:

omnes

omnes qui ubique sunt eloquentissimos homines, si communis studio ad eum celebrandum quidquid habent in dicendo virium conferant, omnia tandem illius dignitate inferiora dicturos. Id ita se habere, eos, qui me attente audire non grauabantur, facile cognituros esse confido. Lituania, Beatissime pater, amplissima, & fortium virorum feracissima regio, ceteris finitimiis populis ad religionem Christianam adductis, in veteri superstitione perstabant. Colebant autem eius prouinciae homines ignem pro deo, ei aras, ei tempora ponebant, eum summa diligentia in celeberrimis quibusque opidis perpetuum asserabant. Fulmini quoque diuinitatem quandam inesse credebant, idque sua lingua Deum Percunum nominabant. Sed & lucos & selectas quasdam in silvis eximiae proceritatis arbores uenerabantur ut deos. Viperis quoque & alijs serpentibus eundem tribuebant honorem. Qui quid horum uiolasset, inexpiable ab eo scelus conceptum putabant. Cum hoc per se miserabile erat, talem tantamq; prouinciam tanto tempore in tanta errorum foeditate uersari, tum illud accedebat incommodi, quod gens bellicosa, & ferox finitimus sibi Christianos quotidianis incursionibus lacefens numquam quiescere patiebatur. Ei genti annos ab hinc amplius ducentos uiginti imperabat Iagello, idemq; præ-

Q terea



terea & Samogitiam, & magnam Russiae partem obtinebat, fortis & strenuus princeps, & quamquam religioni s nostrae mysterijs nondum initiatus, tamen, ut qui Christiana matre genitus esset, animo ab ea non prorsus alieno. Cum igitur per id tempus mortuo Hludouico Vngariae & Poloniae rege, regni proceres de Heduigi eius filia, ad quam regnum delatum erat, in matrimonium collocanda deliberarent, ecce ab Iagellone legati, qui renunciarent, eum cum omnibus suis nelle Christianum fieri, petere ut sibi Hedwigis uxor daretur: hoc si fieret, paratum esse omnes ditionis suae provincias cum Poloniae regno ea lege coniungere, ut numquam dinellerentur. Quam lubentibus animis Poloniae proceres eam legationem audierint, nihil opus est dicere. Sustulerunt manus ad caelum, & gratias egerunt omnium bonorum auctori Deo, qui tandem illorum populorum misertus, eam mentem immisisset Iagelloni. Ipsa tamen Hedwigis, in qua eximiam formae pulchritudinem singularis modestia aequabat, nihil de matrimonio suo sine matris auctoritate statuere uoluit: totamque rem ad illius uoluntatem reiecit. Missi ad eam oratores in Vngariam, quo se mortuo uiro contulerat, quibus illa responsum dedit pietatis et prudentiae plenum. Longe a se abesse eam mentem, ut quidquam impedire uellet, quod & ad amplifi-

amplificandum regnum Poloniae, & ad religionem latius spargendam pertineret. Cogitarent Poloni, & in commune consulerent, req. matre deliberata id facerent, quod & Deo acceptissimum, & regno utilissimum putarent fore. De procerum igitur sententia, constituto ad nuptias celebrandas die, Cracouiam magno saeptus comitatu uenit Iagello: & quia sortassis a matre puer accepérat, sanctos illos reges, quorum memoriā nuper Ecclesia recolebat, ad adorandum Christum recens natum non sine muneribus uisse, ne ipse quidem immunis ad Christum uenire uoluit, eq. pro munere non thus, non aurum, non myrrham, sed fratres suos, quos secum baptizari uoluit, sed Lituaniā, sed Samogitiā, sed Russiam, sed omnes, uno uerbo, quos in potestate habebat populos obtulit. Quam iucundum illud non hominibus modo, sed angelis ipsis suis spectaculum credimus, cum uir fortissimus ad sacros fontes incredibili alacritate properaret, cum se in uas ad eam rem praeparatum cupidissime immergeret, cum magna & clara uoce Deum & homines testaretur, ut in se aqua illa spargeatur, ita se pro Christo sanguinem suum ubi res ferret sparsurum esse. Baptizatus igitur & nouo nomine, Vuladislaus Iagello dictus, postridie idus Februarias, eodem die reginam in matrimonium duxit, neque multo post consecratus



¶ inunctus, ac coronatus rex Poloniae, totum eum annum in pacando regno consumpsit. Eo autem anno, qui proxime secutus est, cum ei nihil longius uideretur, quam dum populos suos in Christianorum numerum aggregatos uideret, comitatus uxore & multis principibus uiris, multis item Episcopis ac sacerdotibus in Lituaniam profectus, quam multis, quam certis, quam insitatis documentis pietatis suaee magnitudinem testatus est? Nam cum populum aegre ab iniuerata superstitione auelli uideret, ipse omnibus inspectantibus, manu sua illis quas aliquando coluerat arboribus magna uiu secures impingens, easq. ab radicibus deturbans, tum ingentem uim aquae profundens in illos tamdiu adoratos ignes, Non est, clamabat, non est Deus quod ex cindi ac deici, non quod extingui potest. Omnis ricos deos, quorum alter alteri pro pabulo est, alter alterum absunit. In uenenatis autem & mortiferis animalibus quae potest esse diuinitas similitudo? Agnoscite, agnoscite misericorem uestrum, & resipiscite et tandem aliquando mentis oculos ad Deum omnium rerum effectorum conuertite: ne, dnm aeternum (ut falso putatis) ignem colitis, in aliud ignem uere aeternum incidatis. Simul haec, simul eis religionis nostrae principia, ut poterat, edisserebat: ut eodem tempore & uetus ille ignis pro deo habi-

tus

tus extingueretur, & nouus ignis diuini amoris in eorum pectoribus accenderetur. Cumque neque sacerdotes, quos secum adduxerat, Lituanię linguam, neque Lituanię ullam aliam intelligerent, ipsem et eos summatam fidem nostrae ab apostolis traditam, quam symbolum uocamus, ipse formulam precandi a Christo Iesu institutam, ipse cetera quae discere solent ij, quos catechumenos uocamus, in Lituanicum sermonem convertens, neque illum in ea re laborem subterfugiens, edocebat. O regem rari, & singularis exempli. O ardorem animi commemorabilem. O pietatem omnibus saeculis praedicandam. Ita igitur inflammatuuit Lituaniorum animos, ut ad danda Christo nomina, & ad sacrosanctam illum aquae adspersionem simul omnes factio agmine concurrerent, seq. longiorem moram pati non posse clamarent. Ideoq. solis nobilibus singulatim baptizatis, cetera multitudo idem sacramentum cateruatum distributa suscepit. Quid ego nunc exstructarum ab eo sacrarum aedium multitudinem, quid diuinitarum ecclesiastici ordinis hominibus attributarum magnitudinem exponam? Quid susceptos in Samogitia ad Christianum traducenda labores, & obita eadem illa munera, quae in Lituania obierat? Illud uero minime praetereundum est, quod ne regnandi quidem suauitas, maxima illecebra peccandi, quae

Q 3 saepe



Saepenumero multos aduersus alia omnia satis firmos abstulit, ullam uim habuit, ad Vuladislai fidem ac constantiam labefactandam. Nam cum Bohemi, quorum animis paullo ante Ioannes Hus & Hieronymus Pragensis pestiferum opinionum suarum uirus afflauerant, mortuo Vencislao rege suo, legatos ad eum misissent, per quos ei regnum deserebant, multisq. precibus obsecrabant, ut id aut ipse, aut Vitoudus frater ipsius patruelis susciperet, maximo uterque animo eorum preces repudianit, addita illa nobili, & numquam satis celebrata uoce: Religionem sibi esse haereticis imperare. Non patitur temporis breuitas, ut aut plura de hoc dicam, aut de eius filio Vuladislao tertio Poloniae & Ungariae rege, qui, ut Pontificis maximi auctoritati pareret, cum Turcis, quos diu nexauerat, multis que proelijs fuderat, fregerat, afflixerat, redintegrato aduersus pacas cum eis indutias bello, tum quoque magna eorum edita strage, in ipsa tandem acie fortissime dimicans interfectus est. Eademq. me caufsa cogit, tum aliquot reges silentio inuoluere, tum in Sigismundo primo Sigismundi Augusti patre laudando esse breuiorem. Cuius pietatem quidem ac religionem magnificenter tempora partim instaurata, & refecta, partim ditata, partim etiam a fundamenis excitata, & perpetuum prohibendarum

are-

a regno suo nouarum opinionum studium; bellum uero fortitudinem tam militae, tamq. memorabiles de Moschis, Valachis, de Tartaris, de Turcis uictoriae, et, ut cetera taceam, octoginta Tartarorum millia uno ad Boryslaben proelio profligata testantur. Qui cum octoginta duos uixisset annos, carus suis, metuendus hostibus, utrinque uenerandus, satur uitae, satur gloriae, moriens, Sigismundum Augustum non regni magis quam uirtutum suarum heredem reliquit. Hic si praesens adesset, Beatissime pater, sanctissimos pedes tuos deosculatus, hac ad te oratione uteretur. Magno gaudio affectus sum, Pater sanctissime, cum te ad Ecclesiae gubernacula admotum, & in isto celsissimo inter mortales solio collocatum esse cognoui. Qualem enim iamendum certa & constanti fama esse te acceperam, tali gubernatore nauim Ecclesiae in his turbulenta tempestatibus egere intelligebam. Quem in locum Christiana resp. deductasit, eisi dubitandum non est, quin tu ex ista edita ac prae celsa specula optime uideas, nos tamen qui ab hostibus undiq. circumfessi sumus, certe propius intuemur. Et ab hostile immanissimo ac potentissimo inuidimur, & domesticis seditionibus laboramus. Neque illa res maiores ei animos facit, quam quod intelligit, graueri, & implacabili odio Ebrhistanos a Christianis, quam

Q 4 Chri-



Christianos a Turcis diffidere. Ita qui coniuncti ac conspirantes terrori effemus, diuisi ac dissentientes ludibrio & despectui sumus. Iamque mali uis, inuitissimis, & nequidquam retinentibus nobis, nou obscure per partes usque adhuc integras serpit. Et alia hoc regna nuper magno bonorum omnium maerore senserunt; & nos, quamquam omnia prohibendi causa facimus, peruincere tamen non possumus, ut nihil populis nostris uicinitate ac contagione noceatur. Em, numquam ne his tot, tam grauibus, tam diuturnis calamitatibus remedium aliquod reperiatur? At tu, Beatissime pater, cuius & apud Deum preces, propter sanctitatem, & apud homines iussa, propter auctoritatem plurimum ualent, per illam qua genus humanum complecturis caritatem, per illam curam, quam Christianis omnibus & debes & praestas, per illum ipsum, cuius in terris uice fungeris, Iesum Christum, succurre ac subueni communibus malis, & ones cogitationes, omnia consilia, omnem auctoritatem ac potentiam tuam confer ad Christianos populos & purgandos ab erroribus, & firma ac stabili concordia inter se devincendos. Quod igitur rex ipse per se facere propter locorum distantiam non potest, id per hunc clarissimum uirum oratorem ad te suum facit: per eum tibi gratulatur: per eum ad te omnes uiires ac copias

copias suas desert: per eum tibi & huic sanctae Sedi obedientiam praestat: quamq. laudem a maioribus suis hereditariam accepit excubandi assidue pro Christianis, & quicumque hostes Christi atque Ecclesiae fuerint, eosdem semper habendi pro suis, eam se diligentissime, ut semper fecit, conseruaturum, neque umquam ab eorum uirtute degeneraturum esse promittit. Tibi autem, Beatisse pater, cum omnia frausta & prospera precatur, tum quo facilius ea quae a te exspectantur perficere possis, illud a Deo notis omnibus petit, ut publico Ecclesiae bono non minus diu Pontifex uinas, quam te Pontificatu dignum uixisse, omnes, qui uere & incorrupte iudicant, confitentur.

D I X I.



# ORATIO DECIMA OCTAVA NON. EST. HABITA

**S**i quis est qui scire cupiat,  
Beatissime Pater, quanto gau-  
dio perfusus sit Alfonius II.  
Ferrariae Dux, posteaquam  
te in summum istum & caelo  
proximum dignitatis, atque  
amplitudinis gradum communipatrum omnium  
uoluntate ac iudicio sublatum esse cognouit: is, si  
orationem meam cognitione sua subsequi, quaque  
ille gaudendi caussas habuit, earum unaquaque  
quantum ponderis ac momenti habeat, dili-  
genter expendere uoluerit, simul & id quod cu-  
pit intelliget, & mihi, si forte illius gaudijs ma-  
gnitudinem uerbis exaequare non potuero, igno-  
scendum potius, quam succendendum putabit.  
Nam cum ea dicendo tractanda sunt, quae nullo  
ueborum genere satis exprimi possunt, acris  
& intelligentis aestimatoris est, non dicentis  
imbe-

imbecillitatem accusare, sed eo ipso potius ar-  
gumento uti, ut id quod agitur singulare quid-  
dam & eximum esse indicet, quod ad id expri-  
mendum nulla potuerit satis uehemens, atque  
illustris oratio reperiri. Alfonius autem secun-  
dus ut insignem quandam laetitiam percipe-  
ret ex eo, quod sapientiae tuae summa totius Ec-  
clesiae gubernatio delata esset, cum ijsdem illis  
caussis adductus est, quae ceteros quoque princi-  
pes Christianos admirabili ob eam rem uolupta-  
te cumularunt, tum alijs etiam quibusdam ad se  
propre pertinentibus, quae in communi o-  
mnium gaudio gaudium ipsius maius, & insi-  
gnius redditum. Ac primum quidem gratissi-  
mum ei, atque optatissimum accedit, illi potissi-  
mum summam rerum concreditam esse qui per o-  
mne anteactae nitiae statum se praestitif-  
set, ut tamquam perfectum & absolutum anti-  
quae illius innocentiae, & integratatis exem-  
plum omnium praedicatione commendaretur.  
Quis enim per illum, cuius in locum in terris ob-  
tines, rerum omnium praepotentem Deum, mul-  
tos iam annos ad istam sanctissimam sedem pro-  
uectus est, te uno ijs omnibus uirtutibus, quas  
bonum, & omni ex parte absolutum principem  
habere decet, ornatori? Qui cum intelligeres,  
animum humanum duabus praecipue rebus per-  
fici, & ad illud, ex quo ductus est, diuinitatis  
exem-



exemplar proxime accedere, cognitione primum,  
et intelligentia earum rerum quae dignae sunt  
in quibus studium collocetur, deinde procuran-  
dis hominum commodis, ijsq. actionibus susci-  
piendis, ex quibus quam maximus fructus ad  
quam plurimos perueniret: iam inde a principio  
ita uitam instituisti tuam, ut perpetuo ad eos,  
quos dixi, fines omnia retulisse, neque umquam  
ullum temporis punctum mentis aciem ab eis de-  
flexisse uidearis. Itaque totum illud adolescen-  
tiae tempus, cui et communi hominum consuetu-  
dine, et quadam prope ipsius naturae tacita le-  
ge maior quaedam licentia tribui ac permitti so-  
let, a te, non in remissionibus animi, neque in eis  
uoluptatibus, quibus aetas illa plerumq. etiam  
sine reprehensione capitur, positum, sed in assi-  
dua praestantium doctrina uirorum consuetudi-  
ne, diligentissimaq. cum omnium honestarum  
artium, tum earum praecipue, quae populorum  
rectoribus necessariae sunt, peruestigatione con-  
sumptum est. Neque uero te ab eo, quod tibi  
proposueras, curriculo aut deterrere postea labo-  
ris asperitas, aut auocare uoluptatem blandi-  
menta potuerunt. Qui semel ad solidam et im-  
mortalem gloriam recto itinere contendere peni-  
tus imbibisses, omnia tibi, dum eo quo institue-  
ras, peruenires, contemnenda, et pro nihilo pu-  
tanda esse duxisti. Nimirum illam tu uirtutis  
pulchri-

pulchritudinem, quam Plato, si cerneretur, mi-  
rabiles sui amores exitaturam esse dicebat, non  
corporis, sub quos illa non cadit, sed ijs, qui, si  
nulla cupiditatum nubes opposita est, multo per-  
spicacius et acutius cernunt, animi oculis uide-  
ras: eiusq. desiderio incensus, nisi adepta ea, ui-  
tam ipsam tibi acerbam, atque insuauem fore  
statuebas. Igitur cum Patauij primum, dein-  
de Bononiae, defixus in praefantissimarum ar-  
tium studio, primam aetatis partem exegisses, ijs  
que adolescens egregie nauatae in studijs operae  
insignibus atque ornamentis affectus essem, quae  
amplissima in eis ciuitatibus tribui solent: indi-  
casti tibi iam esse ex domestico illo, et umbratili  
uitae genere, quod ad illud usque tempus, fla-  
grantissimam illam cognitionis et doctrinae si-  
tim expelere cupiens, necessario colueras, in so-  
lem, quod dicitur, et in puluerem prodeundum:  
tempus esse, ut praeclera illa semina, quae dili-  
genter subacto ac praeparato animo colueras,  
omni ratione foueras, alueras, auxeras, effe-  
rent tandem ipsa se, et fructus exspectatione di-  
gnos hominum generi afferrent. Nec enim te  
fugiebat, omnem cognitionem, quam nulla conse-  
queretur astio, mancam quodammodo et inchoa-  
tam esse: qui se ita studijs abdidissent, ut nihil  
ex eis ad utilitatem publicam protulissent, eos  
numquam magnopere commendatos, saepe etiam  
repre-



reprehensos ac uituperatos fuisse. Quapropter in patriam reuersus, ut, quae te prima urbs nascentem gremio, & sinu suo exceperat, eadem quoque primos perciperet industriae tuae fructus, non tantum magnas controvexas, inter principes ciuitatis ortas, cum illi te communi consensu iudicem sumpsisserent, sapientissime diremisti, uerum etiam sedatis graibus illis inter Franciscum Sforiam Mediolani ducem, & Ioannem Iacobum Medicem fratrem tuum discordijs, pacem, pacem inquam, qua nihil optabilius est, nihil salutarius, ciuibus tuis insperantibus reddidisti. O felix, & auspicatum principium. o praecclare positum rudimentum: Quid non honorum ab eo sperare poterant ciues, qui primum uirtutis suae specimen pace, & priuatim, & publice componenda dedisset? Sed uidelicet illa tanta uirtus maiorem aliquem campum in quo excurreret, maius theatrum in quo spectaretur, requirebat. Roma te, Roma urbium princeps iam tunc ad se uocabat, & sub cuius olim imperio beata futura erat, eius praesentis uirtutem tanto ante gustare, ac cognoscere cupiebat. Romam igitur uenisti, ubi uirtutis tuae tam multa, tamq. luculenta testimonia, & pace, & bello dedisti, ut Paulus III. P. M. quem & omnes confitentur, & res ipsa loquitur, cum in ceteris rebus

rara

rara quadam & exquisita prudentia, tum miro in pernoscendis hominum ingenij acumine, & acerrimo in ponderandis cuiusque meritis iudicio praeditum fuisse, cum in plurimis maximi momenti negotijs prudentiam, fidem, magnitudinem animi tuam expertus esset, primum quidem te Epidauro Archiepiscopatu cohonestauerit, deinde uero absentem reipublicae causa in angustissimum et sanctissimum Cardinalium Collegium adsciuierit. Hic ego, si, quod poetae solent, idem nobis quoque facere liceret, Nestorem mihi aliquod, aut Vlixeum eloquentiae flumen optarem: ut quemadmodum una cum honoris amplificatione, tua semper uirtus acreuit, ita mea quoque in explicatione laudum tuarum, quasi per gradus attolleretur, & seipsa grandior, ac sublimior fieret oratio. Vix enim fas uidetur de rariss inusitatissq. rebus dicentem, usitato, et quotidiano genere sermonis uti. Sed in hac conscientia tenuitatis meae una me cogitatio subleuat, quod apud eos me dicere intelligo, qui rerum a te diuinatus gestarum non testes modo ac spectatores, sed existimatores etiam & exornatores fuerunt. Nam quo die tot amplissimi & illustrissimi Cardinales, non inconsulto aliquo & subito auimorum impetu, sed post accuratam in Conclavi aliquot mensium deliberationem, ad deferendam tibi summam in Ecclesia potestatem consenserunt,



Serunt, eodem die apertissimum iudicium de perspecta sibi & explorata tua omnis generis praestanti & eximia uirtute secerunt. Quare non est mirandum, si, te tali Pontifice creato, Alfon-  
sus II. Ferrariae Dux, qui studium quoddam in-  
credibile erga hanc sacrosanctam Sedem a maio-  
ribus suis quasi hereditarium accepit, tanto ea  
ex re gaudio affectus est, quantum neque mea,  
neque cuiusquam oratione exprimi potest. Nam  
ad eas laetitiae causas, quae communes ipsi sunt  
cum ceteris omnibus Christianis principibus,  
non parui quoque ponderis aliae accedunt. Pri-  
mum quod, Ecclesiae cliens cum sit, omnes opes,  
ac facultates suas huius sacrosanctae Sedis au-  
toritate nixas & fundatas esse non ignorat: ut et-  
iam hoc nomine impendio magis omnibus, quae  
ad eius dignitatem pertinent, affici debere uidea-  
tur. Deinde, qui & patrem habuerit amplitudi-  
nis tuae studioissimum, & ipse non paterni ma-  
gis imperij quam illius in te obseruantiae her-  
editatem creuerit, sciatq. praeterea e suis omni-  
bus neminem esse cuiuscumq. ordinis, qui non eo  
dem plane animo sit semperq. fuerit, quiq. ho-  
norii tuo ex animo, atque ex illa summa uolunta-  
te non fauerit, cui dubium est, quin is, facta ad  
gloriam tuam ea, quae maxima fieri potuit, ac-  
cessione, incredibilem quandam ex eo hauserit uo-  
luptatem? Postremo, qui se se haud ita pridem

cum

cum Illustrissimo principe Cosmo Florentinorum  
& Senensem duce, gentili tuo, ducta in matri-  
monium illius filia, affinitate denixerit, cur-  
son immortaliter gaudeat, qua ex gente ipse  
uxorem acceperit, ex eadem qui uniuersam Ec-  
clesiam cum summo imperio regeret exstitisse? Il-  
le uero statim accepto nuncio se se in uiam dedis-  
set, neque ullam moram interponendam putaf-  
set, quin praesens tibi gratularetur, pedibusq.  
tuis suppliciter aduolutus in tua potestate esse se  
ac semper fore ostenderet, nisi prius perculsis &  
afflictis nec opinata patris sui, optimi ac praef-  
stantissimi principis morte, suorum animis ali-  
quid consolationis adhibendum esse duxisset.  
Quam quidem excusationem partim ineuitabi-  
li necessitate, partim naturali pietate subni-  
xam, a te, Beatissime Pater, aequo animo ac-  
ceptum iri confidit: quodq. multo ante, si licuif-  
set, fakturus erat, ad pedes tuos prostratus, te pa-  
trem ac dominum agnoscit, tibi se suaq. omnia  
in fidem & clientelam tradit: ut una cum sen-  
tentia uerborum quoque formulam apud maio-  
res hanc in re usitatam retineamus, DEBITAM  
TIBI . OBEDIENTIAM . PRAESTAT : seq-  
semper non ad fortunas modo suas, uerum ad san-  
guinem quoque & uitam pro huius sanctissimae  
Sedis dignitate profundendam paratissimum fo-  
re, omni asseueratione confirmat.

D I X I .

R



ORATIO  
DECIMANONA  
HABITA . ROMAE  
V . KAL . QVINCTIL .  
ANNO . CC . D . LXVI

**D**N communi omnium Christianorum principum gaudio, quo eos optatissima summi honoris ad te concordibus horum amplissimorum patrum suffragijs delati fama cumulauit, Pie V. Pontifex Maxime, si praecipuam quandam ac prope singularem Alfonsi secundi Ferrariae Ducis laetitiam extitisse dixero, ueror ne quis id magis ex ueteri, & quotidiana omnium consuetudine, quam quod ipsi praeter certos gratum id ac iucundum acciderit, a me dictum arbitretur. Ita enim iam usitatum est, ut omnibus Pontificibus, omnium principum nomine eadem illa dicantur, ut & eos qui audiunt ueristi-

M. ANT. MVR. OR. XIX 259

uerisimile sit ea modo sibi uideri audire, quae cuilibet aliij eundem adepto honorem dicerentur: & ij qui dicunt non tam ex suo sensu orationem depromere, quam ex ueteri aliquo libro sollempnem, & certis conceptam uerbis gratulandi summis Pontificibus formulam recitare uideantur. Neque uero dubitari potest, quin aequissimum atque honestissimum sit, quemcumque hic amplissimus ordo ad Ecclesiae gubernacula admouerit, quando totum illud negotium non humanis consilijs, sed diuini spiritus instinctu atque astutu administrari certissimum est, eius ut ceteri quoque principes libentissimis annis imperium accipient, auctoritatem agnoscent, leges obseruent, se suaq. omnia eius potestati tradant ac permittant: eum denique, quia Deo maxime placuit, sibi quoque gratissimum acceptissimumq. esse profiteantur. Sed tamen & longe alia illa est animorum alacritas, cum homines eum quicumque sibi rector diuinatus datus est libenter accipiunt: alia cum, quem semper ipsi eo munere dignissimum iudicarant, quemq. semper toto pectore optauerant, eum diuino quoque iudicio probatum uident: et quamquam omnium publice interest, qualis sit Pontifex: non est tamen obscurum esse quosdam populos quosdamq. principes, quorum id priuatum multis de causis maxime interfit. Ex qui-

R 2 bus



bus ut unum esse Alfonsum secundum Ferrariae  
Ducem omnes homines intelligant: neque uulga-  
rem illam, aut mediocrem laetitiam fuisse, qua  
ipse accepto Pontificatus tui nuncio perfusus  
est, idq. eo dici, non quod ita dici soleat, sed  
quod uerissimum sit: constitui, si per te liceat,  
Beatissime Pater, primum quidem breuiter ex-  
ponere, cur tibi potissimum boni omnes commu-  
nibus uotis istum honorem mandari & optauer-  
int, & optare debuerint; deinde uero quas pri-  
uatim cauas Alfonsi habuerit, propter quas  
eximiam quandam ex eo perceperit uoluptatem.  
Sed quoniam prior orationis meae pars explicati-  
ri aliter non potest, quin de tuis laudibus non-  
nulla dicantur, idq. cum aliqua tua molestia  
fieri necesse est: propterea quod, ut quisque lau-  
de dignissimus est, ita minime libenter laudes  
suas audire consuevit, supplex x a te etiam, atque  
etiam peto hanc ueniam, Pater optime ac san-  
ctissime, ut quae de uirtutibus tuis toto orbe  
iam pridem sparsa ac disseminata sunt, ea mestri  
tim ac modice attingere, ac deliberare patiaris.  
Nos autem, patres amplissimi, oro, atque obte-  
stor, ut si me sublimia humiliter, ampla tenui-  
ter, illustria inornate tractantem, & ex innume-  
rabilibus, quae ad dicendum sufficiunt, plurima  
praetermittentem, pauca proponentem, uerius  
quam exponentem audietis: cogitetis cum ani-  
mis

mis uestris, neque posse quemquam in tam ube-  
re materia omnia perseguiri, neque ea quae satis  
per se splendida, & magnifica sunt, ornatu uer-  
borum indigere, & mihi eam in primis cautio-  
nem adhibendam fuisse, ne sanctissimi eiusdem  
que modestissimi Principis patrisq. nostri au-  
res quamquam uerissimis, & omnium sermone  
celebratissimis, inuisitatis tamen, & longe mul-  
tumq. supra exempla uulgaria positis landi-  
bus suis offendenterunt. Atque equidem, Bea-  
tissime pater, ut mea tibi quantum in me situm  
est minime molestia oratio, abducam, & a-  
uocabo eam a persona tua, & de te reticens rem-  
tantum ipsam excutiendam considerandamq.  
proponam. Si quis igitur reperiretur, qui ab  
ipso ineuntis aetatis principio illud arduum ac  
cum labore ad uirtutem derectum iter ingressus  
hoc robore animi, atque hac indole continentiae  
esseret, ut omnia blandimenta uoluptatum re-  
spuens, & aspernans, nihil in uita expeten-  
dum, aut magnificiendum putaret, nisi quod  
esseret cum laude, & cum dignitate coniunctum,  
seq. iam tum a corpore quam maxime ab-  
strahens ad diuinarum rerum cognitionem cu-  
ra omni studioq. raperetur: quis non facile  
auguraretur ex illa herbescenis adhuc, seq.  
paullatim exserentis ingenij teneritate magnas  
aliquando uirtutis ac sapientiae fruges exstitu-



ras? Quod si idem, cum se paullum iam corroborasset, ut plane liber ab omnibus impedimentis iter sibi destinatum expeditius conficeret, secederet, segregaretq. se a commercio uulgi, & solitariam uitam amplexus nomen daret in eam sodalitatem, quae ex quo primum instituta est perpetuum quoddam inexhaustae secunditatis seminarium hominum & doctrina, & uirtute praestantium fuit, quis non in ea spe, quam iam antea concepisset, magis, ac magis confirmatur? Iam uero, si multos annos in eodem ordine ita uixisset, ut non aequalibus modo suis, aut minoribus natu, sed ipsis senioribus exemplum innocentiae, & integritatis esset, nullam umquam ullius turpitudinis aut flagitiij ne tenuissimam quidem suspicionem dedisset, neque in castigandis aliorum delictis remissus esset, & tamen alijs omnibus facilius ignosceret, quam sibi: pium ac iustum bellum indixisset cum omnibus uitjs, tum praeципue prauis, & uerae, ac Catholicae religioni contrarijs opinionibus, multos mortales aut errore lapsos aut ab alijs in fraudem inductos reuocasset in viam; obstinatos, & pertinaces, ne eorum contagio bonis obesset, repressisset legum habenis, & omnes uires suas ad eos exterminandos contulisset, eiusq. rei causa nullam offensionem, nullam simultatem, nullum odium, nullam denique capit is dimicationem si-

bi

bi umquam defugiadam putasset: nemo, ut opinor, inueniretur qui non tantum illud uirtutis & constantiae lumen in excelso aliquo, & illustri loco collocandum arbitraretur. Ad haec omnia si iudicium & auctoritas acris alicuius, ac seueri Pontificis accederet, qui nulla prorsus alia re quam illa praestanti uirtute commotus eum uirum, de quo loquimur, nihil tale ambientem ac ne cogitantem quidem, in sacrosanctum Cardinalium Collegium adsciceret, isq. se in illo dignitatis gradu constitutus eundem toto decennio praeflaret, quem in alijs uitiae partibus praestitisset, quis non ei bonus Pontificatum maximum spe & uotis omnibus destinaret? quis non omnes Christiani nominis & animi prouincias gaudio triumphaturas, florentesque, ac beatas futuras, tali sibi dato gubernatore consideret? Si haec in extremis Galliae, aut Hispaniae, aut etiam remotioris alicuius prouinciae finibus dicerem, pro certo tamen haberem cognitum iri ab omnibus, te, Pie Quinte, eū esse, quem mea iam dudum notaret, ac designaret oratio. Nam quae tandem uitiae tuae pars non eiusmodi fuit, ut in ea cum semper reperirent boni, quod imitarentur, nihil reperire possent improbi, quod calumniarentur? Maiori tu & tranquilliori anno paupertatem tulisti, quam ceteri dinitias ferunt. Numquam tu honores secutus es: sed re-

R 4 Etq



do semper itinere gradientem, & de sola uirtute sollicitum, de alijs rebus non laborantem, ipsi te ultro sunt honores consecuti. Nihil te Cardinalatus dignitas immutauit; nisi quod ut tua uirtus a pluribus cognosceretur effecit: eandem quam priuatus comitatem, atque affabilitatem, eundem cultum, eandem uitiae ac disciplinae severitatem retinuisti. Una erat omnium uox, neminem esse, qui maiori libertate sententiam diceret, qui minus ad gratiam loqueretur, qui quae uera recta, erant constantius, aut animosius tueretur. Itaque non in sermone tantum, sed in uultu ipso ac nutu tuo magna inesse putabatur auctoritas. Tanto igitur, & tam repentina omnium consensu Pontifex renunciatus es, ut si cui forte adhuc dubium fuerat, hominum ne iudicio, an diuino numine summi Pontifices crearentur, quod tamen nemimi umquam bono dubium fuit, ea tota dubitatio proximis comitijs sublata esse uideatur. Non enim sumosae maiorum imagines, non inuidiosa diuiniarum magnitudo, non eblanditiae principum commendationes uiam tibi ad Pontificatum munerunt: eadem illa uirtus, quae te ab ipsis incunabulis suscepit perpetuo comitata erat, serius omnino & uotis nostris, & meritis tuis, sed tamen in isto te tandem celsissimo dignitatis inter homines Deo proximae folio suis ipsamet

manibus

manibus collocauit. At haec quidem omnia omnibus Christianis, & principibus & populis ingentem laetitiam attulerunt: quas autem caussas habuerit Alfonius secundus cur ex eo praecipuum quoddam gaudium caperet, sequitur ut exponam. Non est dubium, quin totius Christianae Reipublicae intersit, quam optimos Pontifices creari, sed tamen id magis quodammodo pertinet ad eos populos qui reguntur ab ipso Pontifice, quam ad illos qui procul positi, et iam si in ijs, quae ad religionem pertinent, Pontificis imperio parent, in ceteris tamen a regibus alijs ue principibus gubernantur: itidemque inter principes, magis ad eos, qui sunt in fide ac clientela Ecclesiae, quam ad eos quibus nulla talis intercedit cum hac sancta, & apostolica Sede coniunctio. Cum igitur antiquissima, & nobilissima principum Estensium familia & antiquitus a Pontificibus Romanis Ferrariam acceperit & ab eisdem ducale nomine, atque auctoritate decorata fuerit, semperq. ex eo in huius sanctae Sedis patrocinio permanserit: constat, cuiusmodi Pontifices sint, quam amantes religionis ac iustitiae, eorum magis, quam multorum aliorum principum interesse. Deinde cum ex alijs multis & praecipue ex Illustrissimo Cardinali Ferraviensi patruo suo Alfonius secundus de tua praestanti uirtute cognosset: neque ne-  
scius



scius esset quanto opere & eis, & frater suis Il-  
lustriſſimus Cardinalis Eſtenſis dignitati tuae ue-  
re atque ex animo fauerent, fieri nullo modo po-  
terat, ut non & ipſe idem euenire cuperet, quod  
& patrum quem ſemper meritissimo plurimi  
fecit, & fratrem quem aequē amat ac ſe ipſum,  
tanto ſtudio procurare intelligebat. Poſtremo,  
cum ita natura comparatum fit, ut eos quiſque  
ornatiſſimos ac florentiſſimos effe ciuiat, quorum  
cauſa plurimum laborauit, in plurimaq. ſe ac  
maxima pericula expoſuit, neceſſe eſt in igniter  
earam eſſe Alfonſo Ferrariae Duci huius ſanctae  
Sedis dignitatē, pro qua maiores ipsius tot la-  
bores ſuſcepert, tot diſcrimina adierunt, to-  
ties de uita fortunisq. omnibus dimicarunt.  
Nihil augendi aut amplificandi cauſa loquar  
Pater Beatissime: ſed id tantum optimā fide te-  
ſlabor, quod, ſi opus fit, certiſſimis ac locupletiſ  
ſimiſ auctoribus probare nullo negotio poſſim: ſi  
ea minutatim persequi uelim quea a principibus  
Eſtenſib⁹ pro apostolicae Sedi auctoritate, ac  
totius Italiae ſalute fortiter facta ſunt, non  
dies modo me, ſed uox ipſa uiresq. defiſcent.  
Sed, ut omittam ea quae nimis antiqua uideri  
poſſunt, (ſi quidem mille iam anni, & eo am-  
plius ſunt, cum haec nobilissima familia flo-  
ret, aliosq. affidue ex alijs principes perpetua  
quadam ſerie propagat) illud certe praetermis  
ti non

ni non poſteſt, quod cum Fridericus Abenobabus  
a Gregorio nono damnatus atque hostis iudica-  
tus, ob idq. implacabili aduersus Eccleſiam Ro-  
manam odio flagrans, per Italiam immaniſſimi  
latronis more baccharetur, uafaret agros, opi-  
da diripe et, depopula etur, incenderet, non fe-  
xui, non ordini, non aetati ulli parceret, caede ac  
ſanguine compleret omnia, adminiſtrumq. ac  
ſatelliſtem crudelitatis ſuae haberet Eccelinum,  
quem non tam inter ſceleratos tyrannos, quam  
inter taetras, & immanes belluas numerare me  
rito poſſumus, utriuſque copias non tam numero-  
ſo, quam ualido exercitu fudit, ac fugauit Azo  
nonus Marchio Eſtenſis. Quinetiam cum Salin  
guerra Taurellus, qui Eccelini ſororem in matri-  
monio habebat, eq. in omni ſcelere geminus  
erat, Ferrariam uī & armis occupatam & op-  
preſſam teneret, miſerorumq. ciuium cernicibus  
praedo crudeliffimus incubaret, eiusdem Azo-  
niſ uirtute, & armis Ferraria ab illius tyranni  
de uindicata eſt. Cuius rei cauſa primum qui-  
dem uniuersus populus Ferrariensis Azonem ip-  
ſum dominum, ac principem ſuum conſalutauit,  
deinde uero Pontifices, habita ratione & ſum-  
ptuum quos ipſe in liberanda Ferraria fecerat,  
& beneficij quod ab eo Apostolica Sedes acce-  
rat, eandem illam urbem ei posterisq. eius ha-  
bendam ac regendam conſeſſerunt. Neque um-  
quam,



quam, quoties aliqua sese obtulit occasto, recusarunt Principes Estenses, dum pro Ecclesia propugnarent, se suaq. omnia prompto animo in discrimen opponere. Quac omnia aliaq. eiusdem generis plurima non Ferrariensium tantum amalibus, quorum hac in parte fides alicui fortassis suspecta esse possit, sed optimi cuiusque illorum temporum aut etiam inferiorum scriptoris monumentis prodita, et testata sunt. His uirtutibus dominus Estensis ad tantam gloriam iampridem peruenit, ut summi Pontifices, ut Imperatores, ut Hungariae, ut Galliae Reges, alijq. potentissimi principes pulchram sibi ac decoram illius affinitatem iudicarint. Hae caussae sunt, Beatissime Pater, cur Alfonsus secundus, qui neque pietate in Deum, neque obseruantia erga Sedem Apostolicam, neque ulla denique uirtute cuiquam ex maioribus suis cedere meditatur, te Pontifice declarato, incredibile quoddam ex ea re gaudium ceperit. Neque quidquam libentius fecisset quam ut ad te primo quoque tempore ueniret, & sanctissimis pedibus tuis aduolutus quantopere tibi, et huic sanctae Sedi deuotus addictusq. sit, modis omnibus declararet, ac patefaceret, nisi id temporum ratio prohibuisset. Sed cum ita euenisset ut felicissimi Pontificatus tui principium in id tempus incidisset, quo ipse uxorem domum duxerat: iudicauit te pro tua singulari clementia

tia non iniquo animo laturum, si prius coepta nuptiarum sollemnia celebraret, ac cum uxore unum, aut alterum mensem commoraretur: deinde ad debitum officium tibi praestandum ueniret. Nunc autem aliud interea multo grauius obiectum est impedimentum. Nam, cum sceleratissimus ille religionis nostrae hostis Turcarum tyrannus numerosissimo exercitu Hungariae immineat, generosissimus princeps, qui admirabili studio ardeat incedendi assidue peruestigia maiorum suorum, Maximiliano Imperatori uxoris suae fratri sponte se in belli, ac discriminationis societatem obtulit, eq. pollicitus est, simul atque accersitus esset, sed ad eum nulla interea. Et a mora cum quantis posset copijs esse uenturum. O quis uirtutis, quid non in pectoribus uestris generosis effici? Non dulcedine patriae, quam abitu suo maestam & pauentem relinquit, non nuper ductae uxoris caritate, quae sibi co descendente a uisceribus suis distrahi ac diuelli uidetur, non hostis feritate, non periculi magnitudine retineri fortissimus Princeps potest. Valeant, inquit, ualeant alia omnia. ubi Christianae Rei publicae defensio agitur, indignus sum maioribus meis, si quidquam ei anteponendum putem. Verebatur autem, si huc iter cepisset, ne interea accideret aliquid, ut statim regredi, atque in Hungariam proficisci neceesse haberet: neque dubitabat



bitabat fore aut haec excusatio sua a te quoque,  
Beatissime Pater, non modo acciperetur, uerum  
etiam commendaretur. Sed quod ipse si licuisset  
praesens facturus erat, idem nunc per hunc illu-  
strissimum Principem ac Marchionem Franci-  
cum Estantem patruum suum facit: quo deligere  
neminem poterat in quo plus inesset uel fidei uel  
auctoritatis. Per eum igitur, Beatissime Pater,  
Alfonsus secundus Ferrariae Dux eam quam de-  
bet tibi, et sanctae Sedi Apostolicae obedientiam  
praestat, se suaq. omnia tibi tradit ac consecrat,  
Semperq. se in tua, atque huius sanctae Sedi  
potestate fore sanctissime pollicetur. Tu eum ui-  
cissim, Beatissime Pater, ut ipse te sine ulla dubi-  
tatione facturum esse confidit, paterna beneu-  
lentia complectere: & quemadmodum ipse sem-  
per omnes uires suas ad defendendam tuam, &  
Apostolicae Sedi dignitatem studiosissime conse-  
ret: ita tu eum totamq. una familiariam Estantem,  
eximium nobilitatis Italicae florem, non  
tuendam modo tibi, ac conseruandam, sed ampli-  
ficandam etiam in dies ac cohonestandam iudi-  
cato.

D I X I.



O R A T I O  
V I G E S I M A  
M A N D A T V . S . P . Q . R .  
H A B I T A . I N . A E D E . S A C R A  
B . M A R I A E . V I R G I N I S  
Q V A E . E S T . I N . C A P I T O L I O  
I N . R E D I T V . A D . V R B E M  
M . A N T O N I I . C O L V M N A E  
post Turcas nauali proelio  
uictos

IDIB. DECEMB. ANNO 1100. D. LXXI



I uilla post hominum memo-  
riam parta uictoria est, in  
qua & admirabilis se diuini  
numinis potentia ostenderit;  
& quid fortium uirorum uir-  
tus, quid singularis ducorum  
prudentia ualeat, cognitum ac declaratum sit:  
in hac certe, quam superioribus diebus impera-  
tores



tores ac milites nostri ex immanissimo ac taeterimo Christiani nominis hoste retulerunt, ita haec omnia patefacta sunt, ut numquam maioribus, aut illustrioribus argumentis aut illustrata esse, aut in posterum illustrari posse videantur. Quare & immortali ac praepotenti Deo, huius tanti boni, ut aliorum omnium, auctori, gratiae, quintas maximas animus noster capit, agendae sunt; & fortissimis, ac clarissimis uiris, qui periculum a nobis omnibus uitae suae periculo depulerunt, qui barbaris in nos irruentibus iter corporibus suis occluserunt, qui pestem ac perniciem, quam illi nobis machinabantur, in ipsorum capita conuerterunt, qui illorum temeritatem consilio, furorem fortitudine, audaciam uirtute superarunt, noui atque inusitati honores pro noua ipsorum atque inusitata uirtute tribuendi. Quod enim tantum ac tam singulare honoris genus reperiiri, aut ex cogitari potest, quod non & in alijs, qui egregiam in hoc bello Reip. Christianae operam nauarunt, & tuae in primis M. ANTONI COLVMNA virtuti rebusq. gestis, & ab alijs Christianis populis, & praecipue a Populo Romano debeatur? Cuius uniuersi quod sit erga te studium, quae uoluntas, neque tibi umquam aut dubium, aut obscurum fuit; & tamen nuper apertissime cognoscere potuisti, cum, tuo in urbem ingressu, tantus

ad te

ad te omnium aetatum atque ordinum concursus factus est, tanta effusa omnis generis multitudo, ut ipsi septem colles, ipsa urbis moenia, si natura peteretur, sedibus suis relicta, obuiam tibi prodire cupere uiderentur. Quacumque incesseras, faustis acclamationibus omnia persona bant: omnes redundantem & foras erumpere gemitum laetitiam ore, oculis, manibus indicabant: omnium in te uno figebatur obtutus: omnes te, non ut unum ex principibus ciuitatis, sed ut firmissimam ac solidissimam Romani nominis ac dignitatis columnam intuebantur. Caelum ipsum manifesto fauit honori tuo: cum quod, aliquot dies ante a triste ac nubilum fuerat, ingressuro te, ita derepente nitere coepit, ut illa subita serenitas facile omnibus indicarit, honores, qui tibi haberentur, etiam caelestium iudicio comprobari. Nunc quoque, quanta hoc augustissimum templum frequenter hominum compleuerit uides: qui omnes eo animo buc conuenerunt, ut Christo Iesu uictori & uictoriarum datori, ut beatissimae virginis, ut ceteris caelitibus, quorum auxilio hauc uictoriam sine ulla dubitatione acceptam ferre debemus, tum propter fusos ac fugatos hostes, tum propter te saluum ac sospite in patriam reducendum, rite, ac pie, ut debent gratiae agunt. Beatum te M. Antoni, propter cuius & abensitis periculum & redeuntis salutem

S. templa



tempora complentur. Meminimus omnes, superioribus mensibus, te ad bellum profecto, quae tota urbe fuerit trepidatio, quae sollicitudo, qui paucor. Quamuis enim & duces delecti erant fortissimi ac sapientissimi, & ex toto propemodum orbe Christiano flos ipse nobilitatis conuenierat, & praecipua Italiae atque huius urbis ornata ac columina in exercitu uersabantur: tamen eo magis metuebantur uarij bellorum & anticipates casus, quod si quid aut propter uim tempestatum, aut propter hostilium copiarum magnitudinem, aut quo alio euentu grauius accidisset, nulla reliqua spes erat, ullum amplius aetate nostra tamen exercitum posse denuo comparari. Vagabatur autem toto mari infinita quaedam latronum multitudo nostro sanguine cruenta, nostris spolijs onusta: qui & semper alias suopte ingenio ferocius, & tum maxime propter recentes uitiorias sive atque auimis inflati, tantos sibi spiritus, tantam arrogantiam sumpserant, ut classem quidem nostram a se spiritu ipso difflatum iri; ea uero disticta, quasi ianua quadam effracta ac reuulsa, omnes sibi Christianorum portus, omnes insulas, omnem oram maritimam apertam fore arbitrarentur. Augebat timorem nostrum, quod anno superiori eos Deus alienatae a nobis propter peccata nostra voluntatis suae significaciones dederat, ut non iniuria trepidaremus, ne ille

ille merito nobis iratus, per hostes nominis sui & populo suo poenas repere de creuisset. Sed o caeca hominum iudicia. o abstrusa & recondita Dei consilia. o bonitatem ac clementiam ipsius perpetuo praedicandam. Vere dominus est qui uulnerat & medetur; percutit & manus eius sa Iob 5. nabunt: qui mortificat & uiuiscitat; qui deducit 1. Reg. 2. ad inferos & reducit. Pro paterna sua misericordia, castigans castiganit nos: sed morti non PG. 117. tradidit nos. Respexit ad lacrymas, ad ieunia, ad eleemosynas, ad preces Ecclesiae suae: ad quae omnia PIVS. V. & nomine & re sanctissimus Pontifex, toto illo tempore, alios omnes & praecepto & exemplo suo incitabat. Em senex sanctissime & ueterum illorum Pontificum simillime, scelerum ultior, iustitiae cultor, ueteris disciplinae restitutor, cui, bono publico, his miseris ac turbulentis temporibus, Ecclesiam suam gubernandam commisit Deus: hic est fructus lacrymarum atque obsecrationum tuarum: tui fletus pepererunt nobis hoc gaudium: tua quotidiana sacrificia hanc nobis a Deo uictoriem impetrarunt. Metis exultans, quod lacrymans seminas ti. Te nuno Moyse manus in caelum tollente, PG. 125. nouis hic Iosue superabat Amalechitas. Tu Exo. 17. mentem in Deo, nostri milites in barbarorum corporibus tela figebant. Confirmabant illorum dexteras preces tuae, & hostilium gladiorum cuspidem



cuspidem retundebant. Itaque quanto plus nobis dedit Deus quam petebamus? Nos timida faciebamus, ut hostium classis, cum, aduentare nostram, auditum esset, quam celerrime se ad suos recipere: quo post tot editas strages, timuisse tamen, & exspectare ausa non esse nostrorum impetum uideretur. nam illud prope immo dicum uidebatur optare, ut & congrederentur, & se barbari, nostrorum uirtute cognita, in fugam darent. quod si ad efficiendam aliquam imaginem speciemq. victoriae, aliquot illorum natus depressae, aliquot captiae, numerus aliquis captiuorum liberatus esset: abunde omnes non exspectationi modo, sed optatis quoque nostris satisfactione fore arbitrabamur. Ut autem sine magna nostrorum clade, amplius quadraginta hostium millia caederentur: ut decem & eo amplius millia caperentur: ut centum nonaginta quinque illorum triremes, aliaq. complura nauigiorum genera in nostrorum potestatem uenirent: ut plus quindecim captiuorum nostrorum millia liberarentur: ut ex tanta illorum multitudine uix unus perfidus pirata, & unus item saeuissimi praedonis Ariadieni filius fugae elaberentur, qui ad superbas immanis illius tyranni aures acerbissimum minimeq. ab ipso exspectatum tantae cladis nuncium adserrent, quis umquam nostrum, non dicam sperare, sed propemo-

dum

dum optare ausus est? Praecucurrit fortitudo nostra spes nostras: quaeq. nos ne frustra optaremus uerebamur, ut ea frustra hostis optaret, admirabili Dei benificio & nostra singulari uirtute perfectum est. Illud uero memorabile & animaduertendum, neque fortuito accidisse, sed iustissimo Dei iudicio effectum esse credendum est: quod qui duo ex illa impura foedissimorum mancipiorum colluicie maximas minas iactare, qui uni ex omnibus Christianorum vires maxime despicer soliti erant: ut etiam apud illum stolidum ac furentem dominum suum ausi essent gloriarri, se centum triremibus, quidquid usquam Christianorum esset, undique exterminaturos: ij potissimum, cum ad manus uentum est, ita subito perterrefacti sunt, ut mare ipsum angustum eis esse ad fugam uideretur. O nonae Octobres, quam faustam ac felicem nobis posterisq. nostris uestrri memoriam reliquistis. *Quis non eorum, qui proelio non interfuerunt, ut sibi liceret spectasse quae illo die gesta sunt, annum unum de consequentis uitae sua spatio, si fieri posset, ademptum uelit?* Solem ego ipsum, ita uiam, in tam pulchro spectaculo, ut Iosue olim aduersus Amoraeos pugnante, substiturum fuisse arbitror: nisi tanta fuisse uincendi celeritas, ut, qui nihil metuebant, id unum metuere uiderentur, ne prius aduerseret, quam omnes hostes

S 3 aut



aut caesi, aut capti, aut fugati essent. Quaenam igitur statuae, qui arcus, quae columnae, quae trophyea uobis excitari poterunt, uiri fortissimi, quae, non dico paria esse meritis uestris, sed eorum partem adumbrare aliquam possint? qui futuri sunt usque eo disseri ac copiosi historiarum scriptores, qui, cum ad Naupacteam uictoriam uentum erit, non potius metuant, ne quid de illius magnitudine deterant, quam eam se uerbis exaequare posse confidant? Semper enim iustum minuendi metum faciunt ea, quae amplificandi spem sua magnitudine sustulerunt. Vos exultantem barbarorum audaciam compressistis: nos maria illis clausisti, nostris aperiuitis: uos flammam atque ferrum, uos caudem, incendia, rapinas, libidinem, a Christianorum uita, tectis, fortunis, corporibus arcuisti: uos a templis sacrilegia, ab opidis direptionem, ab agris uastitatem depulisti: per uos cruentata ac tepefacta maria illorum sanguine redundarunt: per uos uincina litora illorum, aut sauciorum, aut morientium inconditis ululatibus per sonarunt: uobis magistris didicit noster miles uincere, barbarus uinci: uobis Christianorum alij uitam debent, alij libertatem, omnes securitatem. Durum, fateor, fuerat, audire, tam multa opida a nefarijs latronibus capta, tam multa incensa: tam multas regiones uastatas: abducta

abducta in seruitutem tam multa hominum millia: sed, si Christi potentia, si Christianorum fortitudo aliter apud barbaras gentes illustrari, quam post tot acceptas calamitates, non poterat, prope est, ut exclamem, tanti fuisse. Certe quidem ut uerni temporis clementia & amoenitas minus hilararet animos nostros, nisi eam bie mis rigor & asperitas antecessisset: ita minus omnes huius uictoriae iocunditatem ac dulcedinem sentiremus, nisi eam cum superiorum temporum tristitia, & acerbitate compararemus. Neque uero eos tantum, qui ex illo nobis omnibus salutari proelio, re bene gesta, incolumes reuerterunt, omnibus maximis honoribus debemus afficere: sed eorum quoque memoriam grato animo amplissimisq. laudibus prosequi, quos in illo conflitu fortiter dimicantes, non tam uis hostium perculit, quam ille ipse, pro quo pugnabant, sibi pigneras est Christus. Qui si, ne credibile est, prius Christiano ritu expiati, ac culpis omnibus soluti, tunc uero in Deum tantum intuentes, & in eo mente ac cogitatione desixi, uitam pro illius gloria proiecerunt, eodem illo temporis puncto, angelorum legionibus stipati, triumphantes in caelum euolarunt. O nos beatissimos, qui sanguinem uestrum pro eo fudistis, qui prior ipse pro uobis suum sanguinem fuderat: qui mortem naturae debitam, pro uitae au-



etore potissimum reddidisti. Illi impij, quos  
tum concidebatis, cum concidisti, et mortem op-  
petierunt cum ignominia, & mortui poenas  
nunc ad inferos luunt: uos uero & extremum spi-  
ritum uictores cum gloria effudisti, & mortalit-  
condicione uitae in immortalitatem commuta-  
ta, piorum estis aeternam sedem & locum conse-  
cuti. Beata uita, quae tali morte conclusa est:  
beata mors, quae tali uitae principium dedit.  
Sed ut ad te M. Antoni mea iam reuertatur ora-  
tio, neque Populus Romanus ignorat, neque um-  
quam ulla ignoratura est aut gens, aut aetas, hu-  
ius immortalis gloriae multo tibi plus quam pro-  
uirili parte deberi. Tu iam inde a principio,  
cum a sanctissimo Pontifice Pio Quinto huius  
saluberrimae principum Christianorum coniun-  
ctionis fundamenta iacerentur, ad eam rem ex  
ipsius sententia conficiendam, plurimum labo-  
ris, operae, auctoritatis contulisti. Tu cum classi  
Pontificiae summo cum imperio praefectus es-  
ses, in Siciliam proiectus, interea dum Ioannes Au-  
strius non mea tantum, sed omni omnium prae-  
dicatione maior adolescens, cuius in totam Chri-  
stianorum classem summa erat auctoritas ac po-  
testas, eodem perueniret, et milites et classarios  
studioſissime exercuisti, & ui omnium rerum ad  
maritimum bellum necessiarum copia suppate-  
ret, perfecisti. Tu, quoties de summa re delibe-  
ratum

ratum est, eas sententias dixisti, quae summam  
prudentiam cum summa animi excelsitate con-  
iunctam indicarent. Tu cum offensiones quae-  
dam interuenirent, quae rem in summum pericu-  
lum adduxerant: iratorum animis, sapientissime  
capti consilio, & graui, atque accommodata ad  
tempus oratione mitigatis ac compositis, nascen-  
tis mali occasionem sustulisti. Tua cohortatione  
inflammati milites ad pugnam exarserunt:  
tuum in ipsa pugna exemplum secuti, omnia pro  
Christo pericula contempserunt. Peruenit, ac  
perlatus est usque huc tuorum immortalitate di-  
gnarum uocum sonus: optimis auspicijs geri quae  
cumque pro Christiana religione gererentur: bar-  
baricam audaciam cedentibus instare, instanti-  
bus cedere: nostrorum & uictoriae & morti im-  
mortalem gloriam propositam esse: illo duce at-  
que auspice, cuius brachia in cruce pendentes effi-  
gies, e summo regiae triremis eminens, nostros  
animaret, terroreret hostes, de secundo proelij exi-  
tu nemini esse dubitandum. Audiui, audiui ipse  
de fortissimo uiro, cuius eximia uirtus & saepe  
alias, et in hoc bello uel maxime spectata est, qui  
que tuorum in hac expeditione consiliorum, ac  
laborum particeps fuit, quam praeclarum tibi,  
quamq. honorificum testimonium tribuerit dini-  
nus adolescens Ioannes Austrius, postridie eius  
diei quo debellatum est: cum aperte praedicaret,

tuum



rium in hac sancta bellī societate conflāda p̄ae-  
ter ceteros laborem ac studium ; in deliberando,  
prudentiam et altitudinem animi ; in re gerenda,  
fortitudinem et alacritatem exstis̄e : te & com-  
mittendi proelij consuasorem , & comparandae  
victoriae adiutorem sibi praecipuum fuisse .  
Quae cum omnia magna & p̄aeclara sint , mul-  
to tamen a te maiora , & p̄aeclariora Populus  
Romanus exspectat . Properant M. Antonii no-  
stra omnium uota : quiq. animis p̄aesentis  
gaudij magnitudinem capere uix possumus , re-  
rum a te gestarum p̄aestantia , quasi quibusdam  
alis , sublati , cognitione & spe multo iam ul-  
terioris prouolamus . Non satis est impulisse ho-  
stem : prosterndus & opprimendus est , ante  
quam se nouis opibus copijsq. renouarit . Extor-  
quenda sunt uobis ex illius belluae faucibus im-  
pioq. dominatu ampla illa & opima regna , in  
quae , a Romano imperio distracta atque diuul-  
sa , nullo iure , iniustissimus possessor inuasit .  
Tendit uobis Iudea supplices manus : & pal-  
mas , quarum feracissima est , uestris uictorijs  
triumphis q. despondet : obtestaturq. uos per eum  
quem ex purissimae matris utero mirabiliter  
exeuntem exceptit ; cuius uestigij impressa , cu-  
ijs admirandis operibus nobilitata , cuius sparso  
pro nobis omnibus sanguine irrigata est , ne se-  
dintius patiamini indigna Christi hostium ser-  
uitute

uitute oppressam teneri . Duce olim columnā  
Iudei ex dura ac diuina seruitute extractā  
sunt . Utinam nostris quoque temporibus Iu-  
deae ipsa duce Columna ex multo duriori mul-  
toq. diuina seruitute extrahatur . Proditū  
est litterarum monumentis , imperante Constan-  
tio , Constantini magni filio , uisam esse in caelo  
sub specie crucis ingentem columnam corona-  
tam , quae longe lateq. collucens , a monte olin-  
rum usque ad eum montem ubi Christus pro no-  
bis omnibus morte affectus est pertineret . De-  
clarandum est tibi M. Antonii rebus ac factis ,  
tam insigne prodigium ad te & ad gentem tuam  
pertinere . An uero gentes quaedam antiquis  
temporibus propter uiolata maiorum suorum se-  
pulcra grauissima bella suscepérunt : nos Iesu  
Christi domini ac Dei nostri sepulcrum , mon-  
umentum salutis nostrae , pignus resurrectionis  
nostrae , ab immundis canibis tamdiu teneri ,  
eisq. ludibrio esse patiemur ? Ite potius opti-  
mis omnibus generosae ac fortes animae ; ite ac  
censa diuinæ gloriae studio pectora : continua-  
te uictorias : connectite triumphos : inuidete  
posterioris uestris gloriam eius terrae , ex qua sa-  
lus nostra prodijt , ab immanibus belluis rece-  
ptae ac recuperatae . Ubi melius sanguis spar-  
gi potest ? ubi melius uita deponi ? ubi uerior ac  
solidior gloria comparari ? O Christe , te appell-  
lo



284 M. · ANT · MVR · OR · XX

lo. In tua manu bellum & pax; in tua manu uitoriae; in tua manu regum ac populorum corda sunt. Inspira nostris ardorem pugnandi: da eisdem uim facultatemq. uincendi: immittit eam mentem principibus ac populis, qui nondum in hanc sanctam societatem nomina dederunt, ut id primo quoque tempore facere maturent: non quod tu, qui omnia potes, aut eorum opera aut nostra ad hostes tuos obterendos egeas: sed ut omnes, qui tuo nomine gloriantur, in partem aliquam ueniant eius gloriae, quae ex nominis ac cultus tui propagatione capietur: & quando urbem Romanam imperij sedem ac domicilium, Ecclesiam Romanam religionis firmamentum esse uoluisti: da Pio Quinto Pontifici, da Populo Romano hoc munus, ut in hanc potissimum urbem, & ad hunc potissimum Pontificem partem nobilis uitoriae aliquando nuncius adferatur.

D I X I.



## ORATIO

### VIGESIMA PRIMA

HABITA . ROMAE

IN . AEDE . D . PETRI . IN . VATICANO

V . ID . MAI . ANNO . 80 . D . LXXII

in funere Pij V . Pont . Max .



ICTVRVS ex ueteri consuetudine de Pij Quinti sanctissimi & in omni uirtutum genere summi Pontificis laudibus, in hoc orbis terrarum agustissimo nobilissimoq. confessu, Patres amplissimi, maximopere commouerer ac conturbarer animo, tum ob uirium meorum imbecillitatem, tum ob breuitatem temporis mihi ad me comparandum dati: si existimarem aut ullam in quoquam uim dicendi meritis ipsius parem posse reperiri, aut ullam longitudinem temporis sufficeturam ei, qui tam copiosi ac multiplicis argumenti partes omnes pertractare



re ac persequi uellet. Sed cum & omnibus, &  
nobis praecipue, qui propius illum cognouisti,  
notum exploratumq. sit, ijs illum supra ceteros  
mortales uirtutibus floriisse, quarum praestan-  
tiam, non dicam exaequare dicendo, sed assequi  
cogitando difficile atque arduum sit. ipsa me a-  
nimosiorem, atque alacriorem facit suscepti  
muneris difficultas, cogitantem, quod mihi ne-  
cessario euenerit, ut & multa memoratu dignissi-  
ma praetermittam, & ea ipsa, quae attingam,  
ieunius multo, atque exsilius, quam pro ipso  
rum dignitate, percurrām, idem cuilibet quam-  
libet exercitato, & omnibus rebus addicendum  
instructo homini euenturum fuisse. Ac quo-  
niam auguratur animus, eum iam in aeternas  
illas beatorum sedes euctum, & cum Deo con-  
iunctum, quae hoc tempore a nobis dicuntur,  
quaeq. fiunt, audire atque intueri: eundem in  
hoc munere obeundo modum tenebo, quem tene-  
rem, si ipse, mortali adhuc corpore indutus, prae-  
sens adesset: ut & eo genere orationis utar, quo  
ipsum praecipue oblectari solitum nouimus, non  
pigmentis ac fucis oblito, sed seuero ac solido:  
& ea sola in ipso commendem, quae ipse in re-  
bus humanis sola commendanda ducebat. Qui  
ethnicorum more uixerunt, ethnicorum more  
laudentur: ego tam sancto, tamq. Christiano  
principi nullam laudem conuenire arbitror, nisi  
nere

uere ac proprie Christianam. Itaque in quibus  
exaggerandis, & amplificandis ueteres plurimi  
erant, & a quibus sere huius generis orationum  
principia ducebant, patriae claritatem, quam  
etiam quidam ex illis primam partem felicita-  
tis esse dixerunt, nobilitatem generis, opes, ac  
copias, ea nos, etiam si uere ac copiose id facere  
possemus, in talis tamen uiri laudibus numeran-  
da non duceremus. Quanti haec sint, declara-  
uit ipse Christus, qui, totius orbis dominus, ob-  
scurum & ante id tempus ignobilem pagum, in Matth. 13  
quo nasceretur, elegit: Deus & Dei filius, sa- Marc. 16.  
ber & fabri filius haberi uoluit: rex omnium, Matth. 8  
in paupere tugurio natus, non habuit ubi recli- Luc.  
naret caput. Immo uero ij demum gloriost mi-  
hi praeter ceteros, atque illustres uidentur, et  
iam si haec humanarum rationum momentis ex  
pendere libeat, qui Deo tantum freti, ea, quae in  
ter homines summa habentur, sine ullis eiusmo-  
di praesidijs, sua sibi uirtute pepererunt. Pul-  
chrum est enim ita abundare, ut nemini quid-  
quam debeas; ita illustrare alios, ut nihil ipse  
splendoris ac claritatis ab alijs mutuatus esse di-  
caris. Sed, his omissis, quae semper sapientissi-  
mus quisque contempsit, iam quasi thesaurum  
quendam rerum pulcherrimarum, ac pretiosissi-  
marum aperiens, spectandumq. proponens, e-  
voluam & explicabo uera illa & diuina bona,  
quae



quae semper illum bonis amabilem, improbis formidabilem, utrisque admirabilem reddiderunt. Qui statim ab ipso ineritis aetatis principio, cum, & diuino lumine collistratus, & domestica, ut credibile est, institutione commonefactus, ijs qui in saeculo uiuerent, difficilem esse in caelum uiam iudicasset, impulsu Spiritus Sancti fugit e patria inferiori ac terrestri, ut Abraham; iterq. illud arripuit, quod ad illam superiorem ac caelestem tendenti tutius, atque expeditius esse intelligebat. Fugit ut Loth; neque post tergum respexit; cum sciret, eos, qui manu ad aratrum apposita respiciunt retro, aptos non esse ad regnum Dei. Fugit ut Iacob; & in ea demum terra conqueuit, in qua uidit scalas per quas iter in caelum. Dedit enim nomen in laudatissimam illam D. Dominici sodalitatem, in qua, ut primum instituta est, tamquam in opimo ac fertili agro, eodemq. bene ac diligenter subacto, & exculto, uiri & doctrinae magnitudine, & uitiae sanctitate, praestantes, numquam alijs alijs succrescere, alijs ex alijs continenter propagari ac proseminari desierunt. In ea ita uixit, ut iunioribus, tiro ueteranis, nouitiis exercitatis, tamquam exemplum continentiae, tolerantiae, frugalitatis obedientiae, omnis denique uirtutis proponeretur. Neque uero coepit quidem ita uiuere, sed in eo non perficit; neque perficit;

Gen. 12.

Gen. 19.

Luc.

Gen. 20.

perficit quidem, sed non longius progressus est; neque progressus quidem, sed in medio cursu defatigatus. immo uero totum uitae spatium ita transgit, ut, cum iampridem ad summam uirtutis perfectionem peruenisse iudicaretur, ipse tamen quotidie seipso melior ac perfectior cerneatur. Cum autem alia in hoc uiro admirabilia fuerunt, tum singulare studium conseruandae uerae, ac Catholicae religionis, & aduersus eos, qui illam ulla ex parte labefactare conarentur, implacabile odium semper eluxit. Quibuscum ille perpetuum bellum gerens, ne punctum quidem temporis in uita ab eis uexandis, & exagandis conquieuit. In alijs erratis condonandis atque ignoscendis quamquam, & sui & aliorum severissimus censor, non ita se durum atque inexorablem praebebat: qui ab Ecclesia disciuisserint, nisi aut ipsos erroribus, aut ipsis orbem purgaret, uitam sibi acerbam atque insuauem esse ducebant. Exedebit animum ipsius zelus Ecclesiae: neque quisquam umquam uerius idem, quod olim Dauid, dicere potuit. Non ne qui oderunt te domine oderam, & super inimicos tuos tabescbam? Perfecto odio oderam illos. Ergo cum ei munus in eos inquirendi publice mandatum esset, quas ille potentum inimicitias, quas minas, quae pericula, quas uitiae ac capitis dimicationsi sibi, dum illos modis omnibus persecutur,

T defu-



desfugieendas putauit? quas non potius ultro ac  
cupide appetiit? quam saepe ab illis petitus, a  
Deo mirabiliter seruatus est? ut de eo dici pos-  
sit, quod alicui ait Cyprianus, non animum  
martyrio, sed martyrium animo desuisse. Ob  
haec tanta, ac tam praeclara in Christianam  
Remp. merit a primum creatus Episcopus Ne-  
pesinus, deinde a Paulo IV. in uestrum, Patres am-  
plissimi, Collegium adscitus, atque aggregatus,  
quanta cum dignitate dignitatem illam sustinue-  
rit, quid opus est, praesertim apud uos agentem,  
pluribus uerbis exponere? Quantum ei pruden-  
tiae & acuminis ad uidenda ea, quae uera, &  
recta essent, quantum animi, & libertatis ad ea-  
dem proferenda, quantum auctoritatis ad obti-  
nenda semper fuit? Nihil umquam ille in dicen-  
da sententia aut metui aut gratiae dedit: num-  
quam ad cuiusquam uoluntatem orationem suam  
accommodauit: numquam quidquam ueritate  
prius, aut antiquius habuit. Itaque uulgo et-  
iam dicebant, nihil ab eo precibus peti oportere:  
preces enim apud eum neque ad iusta impe-  
tranda necessarias esse, neque ad iniusta extor-  
quenda efficaces. Quod si quidam ex ueteribus  
Romanis eo nomine felix habitus est, quod ab eo  
nemo ullam rem improbam petere auderet: quid  
bunc dicemus, quem omnes qui quid petituri e-  
rant, in quo uel minimum turpitudinis inesse?

tam-

tamquam scopulum quendam refugiebant? Ve  
autem diuino consilio uestris suffragijs, in Pij  
Quarti locum suffectus est, tanta subito exstitit  
bonorum alacritas, & exultatio, tanta impro-  
borum fuga, & trepidatio, ut neque illi quid-  
quam sibi optatius potuisse contingere, neque hi  
uspiam se iam tuto posse confidere arbitraren-  
tur. Cernere erat bonos hilares & eructos, tri-  
stes improbos & abiectos. illos gaudio trium-  
phantes, hos de conscientia sibi uoluntario exsi-  
lio consilia inter se communicantes: illi gratu-  
latum ad tempula conuolabant, hi adspectum ho-  
minum lucemq. uitabant. illos sublatos in cae-  
lum, hos amandatos infra terram putares. Ne-  
que uero multis edictis aut programmatis opus  
fuit ad pestes quasdam hominum ex urbe pellen-  
das. Ut sol exoriens nebulas disicit, ut uentus  
aream purgat, ita nomen ipsum noui Pontificis  
dissipavit improbos, & urbem taetra illa impu-  
rorum hominum colluione purgauit. Iam in  
ipso Pontificatu qualis fuerit si quis subtilius  
requirere insituat, ita reperiet, multis saecu-  
lis nullum Pontificem fuisse qui ad ueteres illos  
Siluestrum, Gregorium, Leonem, eiusdemq. ge-  
neris alios uiuendi ratione, & consuetudine  
propius accesserit. Primum enim, si priuata  
& domestica spectemus, eadem in uictu cul-  
tuq. parcimoniam retinuit, quibus a princi-

T 2 pio



pio se, cum adhuc in monasterio esset, assuefaverat. Eadem ieiunia erant, eadem preces, eadem statis anni temporibus a certis ciborum generibus abstinentia, eadem interioris nestitus asperitas: neque quisquam umquam interperans tanto studio uoluptates corporis consecutatus est, quanto ille eas perpetuo repudianit. Immo uero, quarum Ecclesiae constitutionum propter senectutem, aut propter imbecillitatem corporis gratia plerunque poterit fieri sollet, ijs ut ipse se solueret, quamquam, & affecta aetate, & corpore admodum imbecillo, numquam tamen adduci potuit. Quotidie fere sacrificabat; si id non poterat, omnino tamen sacrosancto missae sacrificio intererat. Numquam ex eius ore uerbum unum prodijt, quod non aut ad Dei laudem, aut ad eorum qui adherant emendationem pertineret. Sic quamquam adhuc in terra positus, uersabatur in caelo, & cum hic nobiscum uiueret, iam tamen ciuis erat sanctorum & domesticus Dei. Tota quoque eius familia ad exemplum domini composita erat: cumque multis in locis familiares principum sumptuoso uestis genere, arrogantia & contemptu ceterorum, licentia & dicendi & faciendi quidquid collibuit, distingui ab alijs soleant, hic suos ita instituerat, ut nulla re magis quam modestia singulare, & praecipua quadam san-

climonia

climonia uitae a uulgaribus discernerentur. Atque haec priuatum, publice autem quot quantumq. beneficia & in hanc urbem, & in totam Christianam Remp. contulit? Renocauit ueterem ecclesiasticam disciplinam: quae ita iam obsoleuerat, nix ut eius imaginem in ueterum scriptis agnosceremus. Iudiciorum severitatem, quam iam improbissimus quisque, aut eludere, aut perrumpere solebat, renouauit: cumque acrioribus remedijis egere hoc saeculum iudicaret, propositis etiam acerbioribus supplicijs, hominum libidinem audaciamq. frenauit. In quo, si qui sunt, qui eum ut nimis severum, ac rigidum culpare audeant, & ut molles aegroti de medicamentorum amaritie conquerantur, facere id non possunt, quin eadem opera de sua nequitia & leuitate fateantur. Nam si aduersus extraneos tantum severitatem adhucuit, in se autem, & in suos remissus, atque indulgens fuit, tum sane hos reprehensores audiamus: sin & domi, & foris, & in suos, & in alienos sui se similem praebuit, neque quemquam usque eo carum habuit, ut ad eius peccata conniuendum duxerit; fateamur, id quod res est, severitatem illam ab eximio quodam iustitiae studio profectam his temporibus necessariam ac salutarem fuisse. Iam eum & ab omni auaritia ac sordibus longissime absuisse, &

T 3 libe-



294

M · A N T · M V R E T I

liberalitate ac magnificientia excelluisse, & res ipsa loquitur, & ij quoque, qui propter eas quas dixi caussas parum eius gloriae fauent, confitentur. Cui rei argumento est, & innumerablem priuatorum inopia sublenata, & infinita illa uis pecuniarum, qua omnibus prope orbis Christiani partibus aliqua difficultate pressis ac laborantibus sine ulla cunctatione subuenit. Illud uero immortale, & omnium gentium omniumq. saeculorum praedicatione celebrandum beneficium, quo uniuersam Christianam Remp. affectit, inita & constituta cum Philippo Rege uere Catholico, & cum Venetis belli aduersus Turcas gerendi societate, quis umquam satis pro dignitate laudauerit? Quam in societatem, ut ceteros quoque principes Christianos perduceret, cum alia multa molitus est: tum anno superiori, periculosisimo tempore, maximis caloribus, eum quem semper meritissimo unice dilexit, sororis suae nepotem, Michaelem Cardinalem Alexandrinum, sibi sanguinis quidem coniunctione proximum, sed uirtutis imitatione propiorem, in cuius aspectu, ac colloquio acquiescebat, cum quo cogitationes ac consilia sua communicabat, in quo maximum posteritati suae praesidium collocarat, eum igitur legatum in Hispaniam, in Lusitaniam, in Galliam misit: neque eius, quem tantopere amabat,

ORATIO. XXI 295

mabat, uitam in apertum discrimen exponere ueritus est: dum ne quid intentatum relinqueret, quod ad Christi gloriam & ad Christianorum utilitatem pertineret. Haec ego cum laudo, Patres amplissimi, nos laudo. Magna enim uerstra laus est, aliorum quidem, quod ex corpore nostro talem principem elegistis; aliorum uero, quod uos talis princeps in amplissimum ordinem adlegit. Singulares principis nostri uirtutes Deus Optimus Max. singulari felicitate cumulauit, datis ei de duplice genere hostium duabus maximis pulcherrimisq. uictorijs, altera terrestri de ijs qui in Gallia, & a Christo, et a Rege defecerant; altera nauali, cuius recens adhuc memoria est, de sempiterno Christiani nominis hoste, Turcarum tyranno. Sed & haec & alia plurima, quae sciens prudensque, ne longior sim, praetereo, historiarum scriptores monumentis suis commendabunt aeternitati; mihi autem breviter de ipsis exitu, ac migratione ex hac uita dicendum est: ut intelligent omnes, uitam ita laudabiliter actam non minus laudabili fine esse conclusam. Duo sunt, quae, cum ad extremum uitiae uentum est, etiam spectatae uirtutis uiros de gradu deiijcere interdum solent, doloris acerbitas, & mortis metus. Et sunt tamen, qui quamdiu a se mortis periculum abesse confidunt, do-

T 4 lorem



lorem satis forti animo ferunt. Sunt etiam, qui, dum ne graui, & diurno dolore cruentur, imminentem mortis necessitatem satis aequo animo exspectant. Qui autem ntrumque praestet, ut neque doloris acerbitate, ac diurnitate frangatur, neque aduentantis, atque imminentis mortis metu terreatur, ei perpetuus incredibili quadam fortitudine armatum esse ac munitum necesse est. Quae laus si cui umquam merito tributa est, huic certe omnium confessione tribuenda est. Qui cum quadraginta totos dies tantam uim doloris perpessus sit, quanta maxima cadere in hominem potest, numquam tamen ullam uocem parum se dignam emit: sed illud in ore frequentissime habuit, Domine adde sane ad dolorem, dum addas & ad patientiam. Mortem autem sibi ab ipso morbi principio certam, atque exploratam ita non exborruit, ut de ea sine ulla prorsus aut uultus, aut animi perturbatione loqueretur: plaq. ostenderet eam a se, ut Diuus Paulus ait, in lucro ponit. Ac ne cui dubium sit, praesciuisse eum, sibi ex illo morbo moriendum fore, duas apertas, atque illustres eius rei significationes dedit. Vnam, quod Cardinalem Alexandrinum pridie parascenes, hoc est uicissimo nono ante ipsius obitum die, sacrosanctam Eucharistiam sibi porrigentem, & usitata uerborum

borum formula utentem, iussit insistere, & ita uerba concipere, ut in ijs tantum fit, qui sanctissimum illud sacramentum pro uiatico accipiunt, ut paulo post ad aliam uitam commigraturi. Alteram quod cum, ob quandam morbi leuacionem, depulsum ab eo esse mortis periculum, constans opinio esset, septem illa praecipua urbis templa inviseré uoluit, eiusq. itineris, quamquam uiribus morbi grauitate & longinquitate deiectis, magnam partem pedibus conficit, aperte profitens, uelle se eorum reliquias postremum uidere, quos se non multo post iusserum esse speraret in caelo. Mortem autem illius et praecesserunt multa prodigia, terrae fremitus, terraemotus, fluminum inundationes, crebri fulminum iactus, & secuta est tanta populi consternatio, ut eius desiderium uix longo tempore mitigari posse uideatur. Sed nos quidem alienissimo reipub. tempore, optimo & praestantissimo principe orbati sumus: ille autem, ut confidimus, e tenebris, ac uinculis corporis in lucem libertatemq. productus, promissam pijs omnibus possidet hereditatem: ita ut mors ipsius, si sortem nostram respicimus, luctu & lamentationibus; sin ipsum, cultu & gratulacionibus persequenda sit. Vos uero, Patres amplissimi, quos iam unos maesta tanti gubernatoris obitu intuetur Ecclesia, quorum ex auctoritate



298 M · ANT · MVR · OR · XXI

te ac suffragijs, secundum Deum, tranquillitas  
temporum & salus reipub. pendet, consultite  
quam primum rebus afflitis, & ex uestro nobis-  
lissimo corpore ac Collegio aliquem eiusmodi Ec-  
clesiae rectorem deligite, qui & sedare possit  
maerorem ex huius morte conceptum, & uolun-  
tate, prudentia, usu rerum, auctoritate, aptif-  
simus sit ad perficienda pulcherrima ac praefan-  
tissima opera, quae praepropera huius morte im-  
perfecta atque inchoata manserunt.

D · I · X · I ·



## ORATIO VIGESIMASECVNDA

HABITA . ROMAE

X . KAL . IANVAR.

ANNO · ̄ · D · LXXII

**S**i pro cuius quisque propugna-  
tione ac defensione plura pe-  
ricula subiit, plus exceptie  
acerbitatum, pluribus quas  
procellis ac tempestatibus agi-  
tatus est: eo plus gaudij ex-  
ijs quae ad retinendam atque amplificandam il-  
lius dignitatem pertinent, ad eum peruenire cre-  
den dum est: dubitare non potes, Beatissime Pa-  
ter, quin Karolus rex, te Pontifice creato, tan-  
to ceteros reges eximia quadam percepti ex ea  
re gaudij magnitudine superauerit, quanto non  
huius modo memoriae, sed omnium aetatum ac  
saeculorum reges graui ac diurna suscep-  
torum pro Sedis Apostolicae auctoritate laborum  
ac



ac discriminum perpetione superauit. Quo tibi gratiō esse debet ac iucundior gratulatio, quae tibi hodierno die fit eius regis nomine, qui cum, pro incredibili studio atque obseruantia erga te sua, primus omnium hoc officio fungi cuperet: ijs tamen difficultatibus, quae omnibus notae sunt, impeditus, non prius tibi gratulari potuit, quam diuino consilio contigit, ut possis tu quoque ei uicissim uere ac merito gratulari. Etsi autem, quae proxime in Gallia pro religione gesta sunt, propter summam illius regni nobilitatem atque amplitudinem toto iam orbe celebrantur: neque locus, neque regio in terris ultra est, quae non plena sit & laborum ac miseria rum, quas Galli superioribus annis pertulerunt, & uirtutis ac felicitatis, qua nuper usus Karolus rex, maxima ex parte eos in ueterem statum vindicauit: quia tamen neque regis nostri & nomine & re Christianissimi pietas in Deum, quam ipse omnibus notam ac testatam esse uult, ut ex re melius cognosei, neque ullum dicendi argumentum hoc quidem tempore reperiri potest, in quo plus aut dignitatis, aut delectationis inesse uideatur: peto a te, Beatis simme pater, ut hoc temporis, quod mihi ad dicendum tua benignitate conceditur, in harum potissimum rerum tractatione consumi colloca riq. patiaris. Quis igitur in Gallia rerum status fuerit,

ORATIO. XXII 301  
fuerit, quo tempore Karolus nonus ad regni gubernacula morte fratris admotus est, omnes facile recordamur. Nam, quae mali uis iam tum Henrico regnante, in uenis ac uisceribus Galliae concepta ac conclusa latuerat: cuique optimus ille rex, ob perpetuo deplorandum inopinatae mortis euentum, remedium adhibere, cum maxime cuperet, non potuerat: eadem cum se sub Francisco secundo commouere coepisset: & ab eo quoque intempestiu morte praecerto, compressa modo & cohita, non etiam extincta & sublata esset: ad extreum uniuersa se, ingresso regnare Karolo, effudit. Ut autem aquae impetus saxorum lignorumque oppositu diu re tentus ac retardatus, si forte tandem ea quae ob stabant, aut sublata, aut perrupta & desecta sunt, multo maior ac uehementior esse consue uit, ita illi hominum omnia turbare cupientium coetus, quos ad id tempus legum ac regum ter ror tamquam uinculos infrenatosq. tenuerat, fratris postremo repagulis furere ac bacchari per nobilissimum regnum, & in summa impietate sum mam licentiam naucti, diuina humanaq. omnia caedibus & incendijs miscere cooperunt. At que ut antiqui fictis fabulis memoriae prodiderunt, Hercule recens nato, duos ad eum inusitatae magnitudinis angues superne lapsos esse, qui iacentem adhuc in cunis opprimerent: ita hoc



hoc nono Hercule, qui enim adhuc adolescens tot  
iam monstra perdomuerit, mertissimo huius  
nominis honore affici potest, regni habenas tra-  
etare agresso, infinita quaedam non e superio-  
re loco demissa, sed ex inferis emerita extitit an-  
guium uis, qui & pestilenti afflatu suo omnia  
contaminare, & taeterimum uirus suum lon-  
ge lateq. spargentes, non ipsi modo regni ad-  
huc puer & regnum & uitam adimere, sed &  
ex toto regno uerum Dei cultum, quo uno aeter-  
nae uitiae spes continetur, exterminare conaren-  
tur. Qui diuini quidem numinis metu iam pri-  
dem proicito, legum autem & iudiciorum au-  
toritate tum maxime propter infirmam regis  
aetatem contempta ac conculcata, quam stra-  
gem, quas calamitates, quam uastitatem, quot  
inaudita crudelissimorum facinorum exempla  
in Galliam intulerunt? Horret ac refugit ani-  
mus ea memorare, quae post illas pestes ac fu-  
rias ab humani generis hoste immissas contige-  
runt: profanata, euersa, incensa templo: aras  
sacerdotum caede maculatas: abstractas ex sedi-  
bus suis uirgines Deo sacras, direptas urbes,  
campos manantes sanguine, fluiorium cursus  
humanis corporibus impeditos: ludentem excar-  
nificandis hominibus saevitiam, feritatem ne  
conditis quidem mortuorum ossibus ac cineribus  
abstinentem. Quis usque eo Galici, aut potius  
Chri-

Christiani nominis hostis est, qui illa sine lacry-  
mis aspicere potuisset? O Gallia, Gallia, tot ui-  
rorum fortium, tot egregiorum principum, tot  
summorum Pontificum, qui tanta cum laude Ec-  
clesiae dei praesuerunt, parens. Tu ne illa es,  
quae suscepta a Christi et Apostolorum discipu-  
lis fidem numquam postea deserueras? quae non  
a tuis tantum, sed ab aliorum quoque finibus ha-  
reticos aliosq. hostes nominis Christiani tam sae-  
pe depuleras? quae Europam, Africam, Asiam  
gestis pro Christi fide bellis nobilitaueras? quae  
violatam ab alijs Sedis Apostolicae dignitatem  
tam saepe restitueras? tam firmis praesidijs sae-  
peras? tam multis ornamentiis affeceras? quae  
urbem Romanam ab imminenti direptionis et exci-  
dijs periculo tam saepe liberaueras? Vere enim  
hoc, Beatissime pater, uere & sine cuiusquam in-  
iuria gloriari possumus, duabus praecepue laudi-  
bus homines nostros, post Christum natum, supra  
ceteras gentes perpetuo floruisse, quod & Chri-  
stianae religionis non conservandae tantum,  
sed etiam propaganda studiofissimi, & ad acci-  
pienda omnia regum suorum imperia paratis-  
simi semper fuerunt. Omnes autem illarum pe-  
stium conatos co dirigebantur, ut & a Deo, & a  
rege abductam Galliam, carum, quas dixi, lau-  
dum utroque spoliarent. Quod si utrumque con-  
sequi ac perficere non possent, certe quidem ut  
eam



eam a summorum Pontificum cultu, & a Romanae ac catholicae Ecclesiae communione diu ele-  
rent. Hoc praecipue imberant: hoc specta-  
bant: haec eis a principio mens, hoc consilium  
ac propositum fuit. Neque uero dissimulanter  
ferebant, conquieturos se, & ut prius, regis  
imperio parituros, dum Romani Pontificatus au-  
toritas e Gallia tolleretur. Quinetiam si se rex  
ab hac sancta sede dissociare uellet, promptam  
ei & facilem uiam ad fines regni proferendos,  
& ad finitimas prouincias sub imperium suum  
subiungendas ostentabat. Sed magnus & a na-  
tura ipsa ad honestatem conformatus animus,  
nec asperitatibus terner, nec ulla utilitatis spe-  
cie a recto auocari potest. Rex fortissimus &  
maioribus suis dignissimus, qui PIETATIS  
AC IUSTITIAE gloriam ita etiam puer ada-  
masset, ut ipsis earum uirtutum nominibus qua-  
si pro symbolo utatur, omnia sibi prius perferen-  
da statuit, quam quidquam committendum, quo  
earum alterutra uel minima ex parte uiolari ui-  
deretur. Repudiatis igitur omnibus improbo-  
rum consilijs ac suaisionibus, magno ille qui-  
dem cum dolore ac cruciatu animi, sed tamen,  
ut qui corruptas ac uitiatas corporis sui partes,  
alijs omnibus frustra tentatis, urunt postremo,  
aut secant, ne earum contagio ceteris ob sit: cum  
iam in lenioribus remedijs nulla spes esset, ad  
acriora

acriora descendere, & uim quodammodo uisce-  
ribus suis inferre coactus est. Intestinum ac do-  
mesticum bellum, in quo omnia, quae cogitari  
possunt miserrima, insunt, necessario ei aduer-  
sus suos suscipiendum ac regendum fuit: & rui-  
na restinguendus ignis, ne tota Gallia eodem in-  
cendio conflagaret. Commissa multa proelia:  
multa caesa hominum millia: saepe fusi ac pro-  
fligati hostes: rex tamen clementissimus, &  
suos, si qua ratione posset, prolatauotius ad  
sanitatem perducere, quam delere ac perdere cu-  
piens, eis condicioneibus acquieuerat, quas ae-  
quissimas etiam iniquissimi iudicarant. Paca-  
ta ac composita omnia uidebantur: iamq. spes  
erat, plerosq. ex illis miseris agnituros errorem  
suum, & ad Ecclesiae gremium suapte sponte re-  
dituros: Cum illi patriae praedones, ac parrici-  
dae, qui totam prope Galliam insepultis suorum  
corporibus obruerant, quasiq. sepelierant, quo-  
rum ipsi gladij effusæ trucidandis insonti-  
bus, assidue caudem sanguinemq. sitiebant, pa-  
rum se anteactæ uitæ responsuros iudicarunt,  
nisi palmas illas, quarum adhuc cruda & recens  
memoria erat, noni sceleris accessione cumula-  
rent. Agebant illos praecipites, & ad suppli-  
cium rapiebant poenae eorum, quae tam multa  
aduersus Deum & homines impie nefarieq. com-  
miserant: ijs illi agitati, & a mente consilioq.

V deducti,



deducti, ueriti non sunt aduersus illius regis caput ac salutem coniurare, a quo post tot atrocias facinora non modo ueniam consecuti erant, sed etiam benigne & amanter excepti. Qua coniuratione sub id ipsum tempus, quod patrando sceleri dictum ac constitutum erat, diuinitus detexta atque patefacta, conuersum est in illorum scelerorum ac foedifragorum capita id, quod ipsi in regem et in totam prope domum ac stirpem regiam machinabantur. O noctem illam memorabilem & in fastis eximiae alicuius notae adiectione signandam, quae paucorum seditionorum interitu regem a praesenti caedis periculo, regnum a perpetua ciuilium bellorum formidine liberavit. Qua quidem nocte stellas equidem ipsas luxisse solito nitidius arbitror: & flumen Sequanam maiores undas uoluuisse, quo cito illa impurorum hominum cadauera euolueret & exoneraret in mare. Ofelicissimam mulierem Catharinam regis matrem, quae cum tot annos admirabili prudentia pariq. sollicitudine regnum filio, filium regno conseruasset, tum demum secura regnante filium adspexit. O regis fratres ipsos quoque beatos: quorum alter, cum, qua aetate ceteri uix adhuc arma tractare incipiunt, ea ipse quater commisso proelio fraternos hostes fregisset ac fugasset, huins quoque pulcherrimi facti praecipuam gloriam ad se potissimum

mum uoluit pertinere; alter, quamquam aetate nondum ad rem militarem idonea erat, tamen est ad uirtutem indeole, ut neminem nisi fratrem in his rebus gerendis aequo animo sibi passurus fuerit anteponi. O diem denique illum plenum laetitiae & hilaritatis, quo tu, Beatisime pater, hoc ad te nuncio allato, Deoimmortali, & diuino Hludonico regi, cuius haec in ipso pernigilio euenerant, gratias acturus, indicias a te supplicationes pedes obiisti. Quis autem optabilior ad te nuncius adseriri poterat? aut nos ipsi quod felicius optare poteramus principium Pontificatus tui, quam ut primis illis mensibus taetram illam caliginem, quasi exorto sole, discussam cerneremus? Hoc ille nobis portendebat ac praesignificabat dissectus draco, gentis tuae: Beatisime pater, nobilissimum ac pulcherrimum insigne: fore, ut immanis ille draco, aut illa potius multorum capitum hydra, quae non paludem aliquam Lernaeam, sed potentissimum & opulentissimum regnum tamdiu obsederat, te Pontifice dissecaretur. Nunc igitur contemplare quaeso animo nouum illum Davidem, caesi ac prostrati gygantis spolijs ac sanguine decorum; eumque hilari uultu ad genua tua prouolutum, ita tecum loqui existimato. Ego Pater sanctissime atque optime, cum maiores meos, maximos & potentissimos reges, accepissem omnes usque



a Hlodoueo in sinceritate atque integritate religionis Christianae, ne uno quidem excepto, plus mille annos firme ac constanter perstisse: eosdemq. praecipua quadam erga Sedem Apostolicam obseruantia, periculisq. ac laboribus pro illius defensione aditis, & illud, quo nullum pulchrius est, Christianissimorum nomen, & primarium inter reges Ecclesiae filios locum consecutos: statim a puero illud mihi proposui, ut eos potius, aut adaequare, aut etiam, si fieri posset, superare contenderem, quam committem, ut non satis respondere traditae mibi ab illis gloriae iudicarer. Itaque & Pium Quintum dum inter homines fuit sanctissime ac religiosissime colui; &, eo ad meliorem uitam vocato, cumprimum audiui te in locum illius esse suffectum, tanto gaudio affectus sum, quantum percipi, aut cogitari maximum potest. Multa enim iam pridem de tuis in omni genere praeclaris uirtutibus audieram, quae te isto honoris amplissimi fastigio dignissimum reddidissent. Prudentiam, quam nihil fallere; iustitiam, quam nihil infletere; fidem & constantiam erga amicos, quam nulla temporum asperitas imminuere, aut labefactare potuisse. In colendo Deo pietatem sine simulatione; in regendis hominibus severitatem sine superbia; in admirandis negotijs & sine festinatione diligendam,

ORATIO. XXII 309  
tiam, & sine tarditate grauitatem. Monit etiam me subita illa totius Cardinalium Collegij in decernenda tibi summa potestate consensio: quae neque sine certa & explorata opinione uirtutis tuae, neque sine singulari diuinae prouidentiae afflatu potuit contigisse. Magna me spes tenet, fore, ut sub tali Pontifice in ouile Christi gentes, & quae ueram religionem nondum acceperunt, aggregentur; & quae ab ea descuerunt, denuo congregentur. Quam ad rem perficiendam omnes meas & regni mei opes tibi libentissime defero, ea fide, quam rebus in regno meo gestis satis iam & tibi & uniuerso orbi, ut arbitror, approbaui: simulq. tibi & Apostolicae Sedi, quam debedo obedientiam praeflo atque exhibeo, & praefiturum atque exhibitum in perpetuum spondeo. Neque dubito fore, ut a te uicissim quaecumque ad meam & regni mei dignitatem pertinebunt, non tantum intacta & inuiolata conseruentur; sed etiam, ubi occasio tulerit, augeantur. Haec, quae tibi rex ipse, Beatissime pater, praesens dicere cuperes; quia id non poterat, per hunc illustrem uirum Nicolaum Rambolleti dominum, equitem ordinis regij, unum ex intimis consiliarijs suis, custodiarum suarum praefectum, Karoli Cardinalis Rambolletij fratrem & natura & uirtute germanum, significanda censuit. Quam-



310 M. ANT. MVR. OR. XXII  
quam enim facile intelligebat, haec eadem te ex  
praestanti uiro, pariq. dignitate praedito Fran-  
cisco Barone Feralio oratore apud te suo cogni-  
turum; non tamen sibi uisus est suam in te co-  
lendo pietatem satis declaraturus, nisi huius  
rei cauſa propriam ad te legationem desti-  
nasset.

D I X I.



O R A T I O  
VIGESIMATERTIA  
HABITA . ROME  
ANNO . 100 . D . LXXIV  
in funere Karoli IX. Gallorum Regis.

 **O**cigitur unum restabat ad-  
flictis ac paene prostratis in-  
felicis Galliae rebus, ut KA-  
ROLVS Rex, quo se illa re-  
creabat ac solabatur uno, de-  
quo cogitans, in quem in-  
tuens, omnium quas exceptit acerbitatum memo-  
riam deponebat, cum bonorum animos ad ali-  
quam spem quietis erigere coepisset, in ipso ineun-  
tis adolescentiae flore, acerba atque immatura  
morte raperetur? O fallaces hominum spes, o  
incerta uota, o lubrica & ancipitia humanae ui-  
tae curricula. Merito lacrymis oculi omnium  
madent: merito omnia planctibus gemitibusq.  
circumsonant: merito undiq. querellae & lamen-

V 4 tations



tationes exaudiuntur. Tu ipse Beatissime Pater,  
cuius et in prosperis rebus spectata moderatio est,  
& in aduersis animi magnitudo, in tanto casu co-  
hibere dolorem non potes : quasq. lacrymas gra-  
uitas & constantia retinere ac frenare consue-  
rat, eas nobilissimi omnium Regni miseratio, &  
paterna caritas elicit. Planeq. alijs in rebus  
quaerenda est fortitudinis ac constantiae laus :  
in tam graui vulnere, tam dubijs ac formidolosis  
Christianae Rep. temporibus accepto, immanis  
quaedam duritia esset, non flere, non ingemisce-  
re, non commoueri. Qualem enim, quantumq.  
Regem, & quanta, non dicam indole, quod ta-  
men in homine adolescenti satis esse uideretur,  
sed quanta omnium regiarum uirtutum copia  
praeditum amissimus ? Quem cum diuina prou-  
idenzia, annos natum non amplius decem, in illo  
celerrimo maiorum suorum solio collocasset : quan-  
tas ille iam tum, quamq. crebras, in illa aeta-  
te, quae nihil cogitare, nihil loqui, nisi leue, ac  
ludicum, solet, in usitate cuiusdam & inau-  
ditae prudentiae significatio[n]es dedit ? Incre-  
dibile dictu est, quam saepe ille in deliberatio-  
nibus publicis sapientissimorum senum senten-  
tiae puerulus anteuerterit, quaeq. illi dicere in  
animo habebant, ea prior ipse protulerit : nemo  
ut esset, cui non, in tanta annorum immaturi-  
tate, tanta mentis, & consilij maturitas dini-  
num

num potius quiddam, quam humanum, uidere-  
tur. Est certe, est aliqua uis originis ac sanguini-  
nis : quosq. magnis ac nobilibus populis rectores  
destinavit praepotens ille rerum omnium mode-  
rator Deus, in eis plerumque uirtus non exspe-  
ctat annos : sapientiaeq. semina in eorum ani-  
mis & comprehendunt facilius, & tempestiu[m] adolescunt. Iam quae laus in filij p[re]cipua est,  
reuerentia aduersus parentes, & eorum p[re]ce-  
bris ac monitis obtemperatio, ea ille ita p[re]stig-  
tit, ut numquam omnino neque priuatis, neque  
publicis in rebus uoluntas ipsius a sapientissi-  
mae matris consilio disreparit. Quid? in fra-  
tres quanta, quamq. se omni ex parte prodens  
caritas? Quod & semper alias cognitum est, et  
proxime cum ab HENRICI Regis in Poloniam  
proficiscientis amplexu auelli non poterat, seq. a  
uita relinqui, quod ab eo relinquetur, puta-  
bat. De pietate autem in Deum, & de arden-  
tissimo studio, quod semper habuit conseruandae  
ac propagandae Catholicae religionis, quid ego  
nunc plura praedicem, aut quid res in omne ac-  
uum omnium scriptorum ingenia fatigaturas  
exornare in hac mediocritate ingenij, & in his  
temporis angustijs coner? Cui enim ignotum  
est, aut cui notius, quam tibi, Beatissime Pa-  
ter, uobisq. omnibus Patres amplissimi, quos  
ille labores pertulerit, quibus difficultatibus con-  
flictatus



slictatus sit, quae pericula subierit, quibus  
damnis se Regnumq. suum sponte multauerit,  
dum quidnis satius esse dicit, quam ut quidquam  
in Gallia, se uiuo, de Christianae religionis inte-  
gritate minueretur? Qui quot annos regnauit,  
totidem continenter pro fidei defensione pugna-  
uit. Etenim taetra illa ratio perditorum ac pro-  
fligatorum hominum, qui fraudibus ac menda-  
cij suis nuper delapsae de caelo & sibi solis pate-  
factae ueritatis nomen obtendunt: qui, quod ad  
legem Dei cupiditates suas dirigere grauantur,  
legem Dei ad cupiditates suas detorquere conan-  
tut: quorum conspirationes sub Henrico II. ini-  
tae, sub Francisco II. leuiter patescuae, suscep-  
tis a KAROLO Regni habenis, aperite se ac pro-  
palam effundentes, florentissimum, dum per il-  
los licuit, Galliae Regnum omni scelere ac crude-  
litate lacerarunt, non tam id agebat, quamquam  
id quoque, ut Regiam auctoritatem conuelleret,  
quam ut Regnum ab Ecclesiae communione di-  
uelleret. At illi generosi seminis adolescens,  
qui amorem Dei & Ecclesiae cum ipso nutricis  
laete suxisset, totaq. mente penitus combibisset,  
articulatim se prius concidi ac comminui passus  
esset, quam a recta illa regula patriae & uitiae  
religionis abduci. Itaque dum purgare Regnum  
suum illis pestibus nititur, dum illius hydrae &  
in suam & aliorum perniciem contumacis adsi-

due

due renascentia capita amputare conatur: quat-  
tuordecim, tot enim regnauit, annos in perpetuis  
bellorum fluctibus, & in perpetua Regni ac uitiae  
suae dimicatione transegit. Ut, nisi pulcherri-  
num illud CHRISTIANISSIMI cognomen a  
maioribus suis hereditarium accepisset, id ipse si-  
bi posterisq. suis sua uirtute peperisset. Quinet-  
iam, cum capitales quidam ac nefarij homines di-  
cerent, facilem ei esse & expeditam uiam non mo-  
do ad pacandum Regnum suum, sed etiam ad fines  
illius sine ullo labore amplificandos ac proferen-  
dos, si remittere aliquid de tanto illo uetusiae re-  
ligionis conseruanda studio uellet: magno animo  
uersatus ac detestatus illorum consilia, omnes sibi  
coronas, omnia regna, omnia imperia sordere  
dixit prae illa immortalitatis corona, quam sibi  
in caelo repositam esse consideret. Cumq. eum  
exaggeranda hostium multitudine ac uitribus per-  
terrescere uellent: Dominus, inquit, dominus  
ipse eos interficiet spiritu oris sui. Prope super  
vacaneum uideri potest, cum de tam Christiano  
Principe uerba faciam, quanta illius erga Sedem  
Apostolicam obseruantia fuerit, dicere. Quo  
enim quisque Christum ipsum sanctius & religio  
suis colit, eo studiosius & magis ex animo Vica-  
rios ipsos colat, necesse est. Quo modo ille de  
Pio V. cuius memoria in benedictione est, &  
sentiebat, & loquebatur? Quem sibi non homi-  
nem,



nem, sed angelum quandam humana inter mortales specie uersantem uideri dicebat: cuius monitus tamquam caelestia quaedam oracula reuerebatur. Nam de te, Beatissime Pater, qui successor illius omnium uotis expetitus, diuino consilio delectus, tam subita tamq; admirabili totius sacrosancti Collegij consensione declaratus es, quam magnifice in omni sermone praedicare solitus esset, dicerem: si, quam facile praestas, ut ab omnibus uno ore lauderis, tam libenter eos, a quibus laudaris, audires. His ille artibus ita sibi honorum omnium animos uoluntatesq; denin xerat, ut, quamquam ex eius aetate & temperatione corporis probabiliter sperare poterant, diu se illius uirtute fructuros, cuperent tamen omnes, si fieri potuisset, partem aliquam uitae suae conferre ac contribuere, & annis suis uitam illius prorogare. Sed nihil in humanis rebus firmum, nihil stabile, nihil diuturnum reperiri potest. dum condecefacere nos uult Deus, terram nobis, non pro domicilio, sed pro diuersorio datam: banc, quae uita dicitur, non tam uitam esse, quam iter ad uitam: in caelo, non in terra, nobis esse ipsum defigendam ac collocandam: agitat omnia arbitratus suo, & quae solida ac firmis nixa radicibus putantur, ea momento temporis uertit. Cum uexata tot calamitatibus Gallia paullum tolleret oculos, & Dei ac Regis sui perduellibus

duellibus partim fractis ac domitis, partim captis ac comprehensis, tandem aliquando se post tot mala respiraturam sperare inciperet: ecce tibi lenta et omnem fallens medicorum industriam febris, uires adolescentis immortalitate digni, & nati ad relinquendum omnibus bonis perpetuum desiderium sui, ita paullatim attrivit ac labefactauit, ut ad postremum incitabilem ei attulerit ex hac uita migrandi necessitatem. Quod ubi percrebruit, qui tum plangor omnium, quae complorationes, quae lamentationes fuerunt? Alius sibi scindebat capillum, aliis lacerabat genas, aliis pectus & humeros crebris ictibus uerberabat; alij interire amores ac delicias Galiae, alij caedere columen religionis, alij Catholicon praejidium deiici, alij alia, quae diuersis diuersa non diuersus suggerebat dolor, miserabiliter querebantur. Ipse unus interritus, & aquifissimo animo exitum diuinae uoluntatis exspectans, cum matrem, uxorem, fratrem, ceterosq; propinquos ad se conuocari iussisset: primum quidem sacramenta, quibus morituri prae muneri et Deo conciliari solent, omnia & poposicit, & magna cum animi summisione ac diuinae maiestatis ueneratione suscepit: deinde uero contestatus, eo tantum sibi molestam esse mortem, quod fratrem suum, tum Poloniae, mox etiam Galliae Regem futurum, moriens complecti non posset: cetero qui gaudere se, quod tantum successorem habi- turus



turus esset, cuius singulari et tot iam documentis  
comprobata uirtute, non dubitaret fore, ut res  
Gallicae feliciter componerentur: interea obte-  
stari, atque obsecrare matrem, ut Regni guberna-  
cula susciperet, quaq. prudentia Regnum sibi tot  
annos conseruasset, eadem fratri suo conseruaret:  
sese iam tunc omnem potestatem regiam in eam,  
usque ad fratris redditum, transferre: hortari ce-  
teros, ut ipsius primum, deinde fratris, cum reuer-  
tisset, imperio amanter ac fideliter obtempera-  
rent: praecipue, autem, ne quid umquam prius,  
aut antiquius haberent conseruatione Catholi-  
cae religionis: ex ea bona omnia fluere; ea negle-  
cta, collabi ac concidere omnia. Sed iam ualete, in  
quit, et mei memores este: ego enim ad Deum no-  
cor: quem ut aequiorem ac placabiliorum pecca-  
tis meis iudicem experiar, uestrīs me omnium ad  
iuuari precibus postulo. Haec fatus, deficiente  
iam, et moribundauoce, tuum Christe Iesu nomen  
inuocans, tuam sanctissima uirgo apud filium o-  
pem implorans, ad uos, ut confidimus euolauit.  
Ac, si quidem ipsum spectamus, gratulari ei po-  
tius quam lugere debemus. Regnum enim terre-  
stre caelesti, laborem quiete, mortalitatem im-  
mortalitatem mutauit. Quod mortuus est, huma-  
nae fragilitatis est; quod ita mortuus diuinæ cu-  
iusdam felicitatis. Bonum certamen certauit, cur  
sum consummauit, fidē seruauit. Aut iam corona-  
uit eum Deus, aut breui, tuis Beatissime Pater, et  
totius

totius Ecclesiae precibus adductus, coronabit co-  
rona iustitiae, quam promisit diligentibus se. At  
illam tot Regum matrem, toties iam custodem ac  
cōseruatricem Regni, ipsa sua felicitate miseran-  
dam, quo nunc, quo tandem esse animo creditis?  
Quae ex summis honoribus summos dolores con-  
secuta, ter iam, et in uiro & in duobus filijs mor-  
tua, uitae suae superstes, toties ore suo eorum  
clausit oculos, a quibus claudi cupiebat suos; tam  
saepe eis officia praestitit, quae sibi ab eis praesta-  
ri maluisset. Quid illa fortissimarum domina  
gentium Gallia? quae sibi eodem funere cum Re-  
ge suo efferriri uisa est: quae iacet adhuc perculsa  
& attonita tanto uulnere, metuens, ne, illius  
atrocitate, etiam illa, quae consanuisse uideban-  
tur, recrudescant. Pro Deus optime maxime,  
etiam cum ulcisceris, benefice; etiam cum poe-  
nas exigi, misericors: quibus tam grauibus cul-  
pis tam diuturnam in se iram tuam Gallia pro-  
uocauit? Quattuordecim iam anni sunt, & eo  
amplius, cum illud potentissimum & memoria  
nostra florentissimum Regnum perpetua bello-  
rum ciuilium serie ita & ab alienis et a suis ue-  
xatur, ac diripitur, ut de eo iam dici possit, quod  
scriptum est apud prophetam: Residuum erucae  
comedit locusta: & residuum locustae comedit  
bruchus: & residuum bruchi comedit rubigo.  
Atque ut magis intelligatur, id diuina ultione  
fieri, quoties inibi esse uidetur, ut iam iamq. com-  
ponantur



320 M · ANT · MVR · OR · XXIII

ponantur ac tranquillentur omnia, in ipso, ut ita dicam, portu frangitur nauis. Properarat HENRICVS II. pacem cum PHILIPPO Rege Catholico quibuslibet condicionibus facere, ut, expeditus belli curis, huius mali nascentis semina elideret. In ipso eius rei conatu ac molitione, in operata morte sublatuſ est. Sub FRANCISCO II. conſpiratione detecta, ſpes obiecta erat fore, ut, paucorum ſupplicio, ceterorum audacia in perpetuum repremeretur. Ante ipſe mortuus eſt, quam de fontibus comprehenſis ſupplicium ſume retur. Nunc nuper eo rem perduixerat KAROLVS IX. ut omnes instare finem malorum exiftimarent. Aliter Deo uifum eſt: qui HENRICO III. Galliae & Poloniae Regi, quem tam multis tamq. illuſtribus argumentis ſibi cariſſimum eſſe declarauit, hanc felicitatem, ut ſperamus, reſeruare maluit. Neque dubium eſt, hoc ita euenturum, ſi omnes nos a uitijs noſtris auertiſi, quae Dei placandi certiſſima ratio eſt, tota mente convertamur ad Deum, eumq. adſidue obſcremuſ, ut compescat iram ſuam: et, quando KAROLVM in ſtrum, ut ſperamus, ſuum exceptit, HENRICI III. ductu, ſub GREGORIO XIV. raptoreſ quidem lupos interfici, oueſ autem, quae aberrant, in ouile ſuum reduci uelit. Ita eueniat, Ita eueniat, domine Iesu, cui laus omnis & gloria debetur in omnem aeternitatem.

D I X I.

ARISTOTELIS  
ETHICORVM  
AD. NICOMACHVM  
LIBER. QVINCTVS  
IN. QVO

DE. IVSTITIA. ET. IVRE  
ACCVRATISSIME  
DISPVVTATVR

M. Antonia Ferrara interpte

Marcus Antonio Narroto  
Regnante



LIBRTO TOTIA  
M V R E T V S  
AVDITORIBVS. SVS



M. ANTONIVS  
M V R E T V S

A V D I T O R I B V S . S V S

V M hunc Aristotelis librum uobis explicatus essem, multis de causis mihi faciendum putavi, ut eum prius latine a me conuersum ederem. primum quoniam etsi in ceteris libris explicandis conatus eram efficere, ut ne ij quidem qui graecarum litterarum rudes sunt, aditum sibi ad me audiendum peregrinitate sermonis occultum esse quererentur, non obscuris tam multorum sermonibus aures meae quotidie uerberabantur, conquerentium, crebro illo uocum graecarum interiectu retardari intelligentiam suam: planiora sibi multo, & expeditiora omnia fore, si latine dicerentur. horum

21308

a 2 igitur



igitur studio aliquid tribuendum esse  
duxi. deinde submolestem ipsi mihi  
nonnumquam erat , uerum ut fatear ,  
tantum quotidie operae ac temporis in  
reddendis singulis uocibus ponere : ut  
mihi quoque latius uideretur , semel il-  
lo labore defungi . Nam cum singulae  
disputationes nostrae in unius horae cur-  
riculum concludantur , ex eoq. ipso ali-  
quid saepe multis occasionibus delibe-  
tur, ac detrahatur , adhibenda parcimo-  
nia est , uidendumq. omni studio, ut id  
saltem quod datur , quam possumus o-  
ptime & utilissime collocetur . Iam e-  
tam breui tempore non multum potest  
tractandis rebus relinqui , si aliquid ex  
eo singula uerba decerpant . Praecipue  
autem hic liber propter mirificam quan-  
dam rerum ac sententiarum subtilita-  
tem postulare quodammodo uidebatur,  
ut , quo liberiores animi nostri totos se  
ad eas penitus cognoscendas darent, il-  
la altera pars laboris & uobis & mihi de-  
meretur . Fuere & aliae huius mei con-  
silio caussae , quas nihil necesse habeo  
pluribus persequi . Dedi autem ope-  
ram quantum quidem in me fuit, ut Ari-

stotelis

stotelis non sententiam modo exprime-  
rem , sed genus ipsum dicendi , quoad  
liceret, imitarer . Nam cum suo quisque  
modo , & loquatur & scribat , aliosq.  
angusta , pressa , concisa , alios ampla ,  
copiosa , redundans delectet oratio: non  
satis probo consilium eorum, qui , cum  
Aristoteles siccitatem quandam tenui-  
tatemque dicendi , contra Cicero co-  
piam & ubertatem adamauerit , neque  
quidquam tam dissimile sit , quam eo-  
rum inter se dicendi genus , Aristote-  
lem tamen interpretantes , quia se , quam  
possunt Ciceronis simillimos esse cu-  
piunt , quae ab illo & breuiter , & sub  
obscure dicta sunt , ea huius more dilata-  
rant , atque diducunt . Sed suum cui-  
que , ut dicitur . Ego an , quod uolui ,  
assecutus sim , nescio , aut potius id  
non assecutum esse me , scio : certe qui  
dem , quod in hoc genere optimum est ,  
id me fecutum esse , ac propositum ha-  
buisse confido . Neque damno indu-  
striam eorum, qui aut ante me , aut post  
me (si quidem iam duodecim anni sunt ,  
cum huius libri interpretatio mea pri-  
mum edita est ) in his rebus latine tra-

a 3 stan-



ständis elaborarunt: quorum etiam qui  
dam auxilio ad eam rem meo usos esse  
se, non dissentur. Neque tantum, ut  
ille dixit, posterior dies prioris discipu-  
lus est, sed etiam magister. Multa ali-  
ter olim accipiebam, aliter hodie acci-  
pio: graecos etiam libros multo pluri-  
bus locis deprauatos esse video, quam  
tunc arbitrabar. Itaque necesse est, mul-  
ta longe secus in eorum interpretationi-  
bus, quam in mea, legi. De quibus  
non intelligentes modo, sed etiam eos,  
qui sibi tales uidentur, quorum omnis  
actas magnam copiam extulit, iudicatu-  
ros esse prospicio. Horum ego neque  
alteros reijcio, neque alteros extime-  
scio. est eiusdem ingenij, & eruditorum  
admonitiones amare, & indoctorum  
maledicta contemnere. Vbi, & cur a  
ceteris dissenserim, uos quidem quoti-  
die ex me ipso, ceteri autem ex commen-  
tario, quem cum primum licebit, edi-  
turi sumus, intelligent. Romae. Kal. Martij, Anno 90. D. LXV.

-misi. t. 2

deinde



A R I S T O T E L I S  
E T H I C O R V M  
A D . N I C O M A C H V M  
L I B E R . Q V I N C T V S  
M. Antonio Mureto interprete.

**D**E Iustitia autem & iniusti-  
tia quaerendum est: tum cu-  
iusmodi in actionibus sitae  
sint, tum cuiusmodi medio-  
critas iustitia, & ius quarum  
rerum medium sit. In his au-  
tem rebus exquirendis eandem uiam rationemq.  
teneamus, quam in superioribus secuti sumus.  
Videmus igitur omnes iustitiae nomine eiusmo-  
di quandam habitum significare uelle, quo homi-  
nes propensi sunt ad agenda quae iusta sunt, quo-  
que ea & agunt, & uolunt. eodemq. modo iniu-  
stitiam dicere habitum quo res iniustas & agunt  
& uolunt. Quocirca nobis quoque principio po-  
sitatis sint haec ad naturam utriusque adumbran-  
dam. neque enim eodem modo se res habet in

a 4 scientijs



scientijs facultatibusq; & in habitibus : nam sa-  
culta quidem & scientia uidetur eadem contra-  
riorum esse : at non idem habitus contrariorum .  
exempli causa, a bona ualitudine ea tantum effi-  
ciuntur quae ipsi conuenientia sunt, non etiam  
quae contraria . Dicimus enim ualenter ambu-  
lare aliquem, cum ita ambulet, ut is qui bene ua-  
let . Saepe igitur contrarij quidem habitus ex  
contraria, saepe etiam ipsorum habitum ex re-  
bus quae eis subiectae sunt cognitio capitur .  
Nam et si bona corporis habitudo nota sit, ma-  
la quoque nota sit : & ex bene habitis corpori-  
bus bona corporis habitudo, ex ipsaq. uicissim  
bene habita corpora . Si enim bona habitudo est  
carnis soliditas : malam, esse carnis raritatem  
necessa est, & bene habitum id, quod habet nim  
efficiendae soliditatis id carne . consequitur au-  
tem plerumque, si altera pluribus modis dicantur,  
ut & altera quoque . Ut si iustum, etiam in  
iustum . Videtur autem multis modis dici iustitia  
& iniustitia . Sed quia propinqua est homo-  
nymia ipsarum, latet : neque ita, ut in ijs, quae  
longe distant, perspicua est, magna enim est for-  
mae dissimilitudo, ut constat clein uocari homo-  
nymos & iugulum & clavim . Sumptum igitur  
ac positum sit, quot modis dicatur iniustus . Vi-  
detur autem iniustus esse & is qui legi non pa-  
ret, & is qui plus sibi sumit quam par est, ne-

que

3

que conseruat aequalitatem . Vnde constat iu-  
stum quoque fore tum eum qui legi obtemperat,  
tum eum qui conseruat aequalitatem . Quare  
iustum quidem est tum id quod lege praescribi-  
tur, tum id quod aequale est : iniustum autem  
tum id quod aduersum legem committitur, tum  
quod inaequale est . Quando igitur iniustus plu-  
ris quam par est, audiens est, in bonis haec ipsius  
affectione cernetur : non tamen in quibuslibet : sed  
in ijs demum in quibus prospera aduersaque for-  
tuna, quae sunt illa quidem semper simpliciter et  
absolute bona : sed huic aut illi non semper . Homi-  
nes autem ea & optant & persequuntur, at non  
ita oportet, sed optare quidem ut ea quae simpli-  
citer bona sunt, sibi quoq. bona sint : sequi autem  
ea, quae sibi bona sunt . At iniustus non semper id  
quod plus est sequitur, sed et id quod minus, in ijs  
quae simpliciter sunt mala . Verum quoniam uide-  
tur et minus malum quadammodo bonum esse : plu-  
ris autem cupiditatem in bono dicimus, propter  
ea uidetur tum quoque pluris cupidus esse . est au-  
tem iniquus (hoc enim complectitur, et commune  
est) et contra legem facit . Quando autem qui con-  
tra legem facit iniustus est, qui uero ei obtempe-  
rat iniustus : perspicuum est, omnia legitima iusta  
quadammodo esse . nam & ea quae a scientia le-  
gum serendarum definita sunt, legitima sunt, &  
eorum unum quodque iustum esse dicimus . Leges  
autem

25191910



autem omnibus de rebus publice loquuntur spe-  
ctantes, aut id quod communiter omnibus utille  
est, aut id quod optimatibus, ijs ue qui principa-  
lum in ciuitate obtinent, seu propter uirtutem,  
seu quo alio tali modo. Quare uno quidem mo-  
do iusta ea dicimus, quae ad felicitatem eiusq.  
partes ciuili societati conficiendas ac conseruan-  
das ualent. Imperat autem lex & ea facere quae  
sunt fortis uiri, ut non deserere ordinem, neque  
fugere, neque abiucere arma; & quae temperan-  
tis, ut non facere adulterium, neque alienae pudici-  
ciae illudere; & quae mansueti, ut non percu-  
tere, neque maledicere: itidemq. in ceteris uir-  
tutibus ac uitijs illa quidem iubens, haec autem  
prohibens: recte quidem ea quae recte posita est,  
deterius autem ea quae temere inconsiderateque  
lata. Haec igitur iustitia est illa quidem perfe-  
cta uirtus, non tamen simpliciter, sed ad aliud  
relata. Ideoq. saepissime iustitia uirtutum prae-  
stantissima uidetur; ac neque hesperus, neque lu-  
cifer ita admirabilis esse. Et in proverbio est,  
Iustitia in se uirtutem amplectitur omnem. &  
eo maxime perfecta uirtus, quoniam perfectae  
uirtutis usus est, perfecta autem est, quoniam,  
qui ea praeditus est, etiam in aliud uirtute uti  
potest, non tantum ipse secum. Multi enim  
suis quidem in rebus uirtute uti queunt, in ijs  
autem quae ad aliud pertinent, non queunt. &  
propterea

5

propterea recte a Biante diellum uidetur, Magi-  
stratus uirum patescat, nam qui magistratum  
gerit, aliud iam spectat, & in uitiae commu-  
nione uersatur. Atque ob eam ipsam caussam  
iustitia una ex uirtutibus alienum esse bonum ui-  
detur; quoniam ad aliud pertinet ea enim agit,  
quaer alij utilia sint, ut principi, aut communi.  
Ergo pessimus quidem ille est, qui improbitate,  
& in se ipsum, & in amicos; optimus autem,  
non qui in se ipsum, sed qui erga aliud uirtute  
utitur. id enim difficile est. Haec igitur iustitia  
non pars uirtutis, sed tota uirtus est: nec quae ei  
aduersatur iniustitia, pars uitiositatis, sed tota  
uitiositas. Quid autem uirtus, & haec iniusti-  
tia inter se differant, constat ex ijs quae dixi-  
mus. est enim eadem quidem, sed non eadem u-  
triusque ratio: nam qua ratione ad aliud perti-  
net, iniustitia est; qua talis quidam habitus est,  
simpliciter uirtus. Quaerimus autem eam ini-  
stittiam quae pars uirtutis est: est enim quaedam,  
ut dicimus, itidemq. de iniustitia ea, quae pars  
est uitiositatis. Esse autem, id argumento est,  
quod qui agit aliquid eorum quae ad cetera ni-  
tia pertinent, iniuste ille quidem facit, sed ni-  
bil amplius consequitur. Ut is qui clypeum per-  
ignauiam abiecit, aut asperitate ductus est ad  
maledicendum, aut illiberalitate, ne pecunia  
innaret aliud, retardatus. cum autem plus ali-  
quid



6  
quid conseq*uitur*, saepe nullo tali uitio peccat, at ne omnibus quidem, & aliquo tamen. uituperamus enim eum: idque iniustitiae nomine. Est igitur alia quaedam iniustitia, ut pars quaedam totius: & iniustum quoddam, pars illius totius iniusti, quo quidquid contra legem fit continetur. Praetereasi duorum unus quidem lucri causa cum aliena uxore rem habeat, & insuper aliquid mercedis accipiat: alter autem id faciat cum sumptu ac detrimento suo, ut cupiditatem expleat, hic quidem intemperans potius, quam pluris audius, esse uideatur; ille autem iniustus, sed non intemperans. constat autem id ex eo euenire, quod lucrum facit. Praeterea omnia alia iniuste facta referimus semper ad aliquod uitium: ut si quis adulterium fecit, ad intemperantiam; si eum qui sibi proximus erat in acie, deseruit, ad timiditatem; si percussit, ad iram. at si lucrum fecit, ad nullum uitium, praeterquam ad iniustitiam. Vnde constat, praeter totam illam iniustitiam, aliam quandam esse illius partem synonimam, quoniam utriusque definitio in eodem genere est: ambarum enim uis est in quadam relatione ad aliud. sed haec quidem in honore, aut pecunijs, aut salute, aut si quo uno nomine possimus haec omnia complecti, cernitur, & in ea uoluptate quae capitur ex lucro, illa uero in ijs omnibus in quibus

7  
quibus uersatur vir bonus. Non unam igitur esse iustitiam; & esse aliam quandam, praeter eam quae tota uirtus est, constat. quae autem ea, & cuiusmodi sit, intelligendum est. Duo bus modis iniustum dici ostendimus: tum quidquid contra legem fit, tum quod ab aequalitate descendit: itemq. iustum et quidquid ex lege fit, & quod aequale est. Cum igitur iniustum prior illo modo accipimus, tum ea de qua prius dictum est iniustitia exsistit. Quoniam autem ab aequalitate discedere, & contra legem facere non est idem: sed eorum alterum habet eam rationem, quam pars ad totum: ( nam facit quidem contra legem quicumque ab aequalitate discedit: sed non quicumque contra legem facit, ab aequalitate discedit ) fit etiam, ut iniustum, & iniustitia non eadem sint, sed alia ab illis: sintq. haec quidem ut partes; illa uero, ut tota. Pars enim est haec iniustitia totius iniustitiae: eodemq. modo haec iustitia illius iustitiae. Quare de ea iustitia & iniustitia, quae partium rationem obtinent, itidemq. de iusto & iniusto dicendum est. Ergo iustitia illa quidem, quae per totam uirtutem pertinet, & iniustitia, quarum illa omnis uirtutis, haec omnis uity erga alium usus est, omittatur. nam & quae ex eis iusta iniustaq. sunt, quomodo definienda sint, constant. Fere enim pleraque eorum quae praescribuntur legibus,



legibus, sunt ea ipsa officia, quae ex omni vir-  
tute ducuntur. Vnicuique enim virtuti conve-  
nienter uiuere iubet lex; unum quodque otium  
sequuntur. Totius autem virtutis efficientia  
sunt ea praexcepta legum, quibus disciplina ci-  
vium ea quae rem publicam spectat, ad eamq.  
dirigitur, continetur. Sed de priuata cuiusque  
disciplina, qua quis simpliciter & absolute vir  
bonus est, utrum ad ciuilem facultatem, an ad  
aliam quandam pertineat, posterius disputan-  
dum erit. Non enim fortassis idem est bonum  
uirum esse, & bonum ciuem quocumque in loco.  
Iustitiae autem illius quae virtutis est pars, &  
eius quod ex ea iustum dicitur, unum quidem  
genus est, quod cernitur in distribuendo honore,  
aut pecunijs, alijs ue rebus quae diuidi possunt in  
ter eos qui eiusdem reipublicae communione con-  
iuncti sunt. In ijs enim fieri potest, & ut alter  
altero plus minus ue, & ut aequam uterque par-  
tem ferat. alterum quo negotia quae inter se con-  
trahunt homines diriguntur. Huius autem par-  
tes sunt duae. Nam eorum quae inter se ho-  
mines contrahunt, quaedam sponte sunt, quae  
dam invite. Sponte quidem, quae talia sunt, ut  
uenditio, emptio, mutuum, fideiussio, commoda-  
tum, depositum, locatio & conductio. Sponte au-  
tem fieri dicuntur, quoniam talium negotiorum  
principium, sponte instituitur. Eorum autem  
quae

9  
quae sunt invite partim clamdestina sunt, ut fur-  
tum, adulterium, ueneficium, lenocinium, serui  
alieni, circumuentio, aut corruptio, per insi-  
diias allata nex, falsum testimonium; partim  
violentia, ut uerbera, uincula, mors, rapina, de-  
bilitatio, maledictum, contumelia. Quando  
autem & iniustus inaequalis est, & iustum  
inaequale, constat esse & medium aliquid inae-  
qualis. id autem est aequale. Quacumque enim  
in actione est plus & minus, est & aequale. Si  
igitur iniustum, inaequale est, iustum aequale  
esse oportet. quod & uidetur omnibus, etiam si  
ratio, cur ita sit, non afferatur. Cum autem  
aequale medium sit, iustum quoque medium  
quoddam erit. est autem aequale quod minimum  
sit, in duobus. quare necesse est, iustum, quod &  
medium, & aequale est, & ad aliquid referri, et  
aliquibus tale esse. Ac, qua quidem medium est,  
quorundam est, ea uero sunt plus, & minus: qua  
autem aequale est, in duobus cernitur: qua deni-  
que iustum, & quibusdam, & ad alios relatum.  
Necesse igitur est, iustum, quod minimum sit, in  
quattuor uersari. Nam & quibus iustum est,  
duo sunt; & ea in quibus, duo. Eademq. erit ae-  
qualitas, & ijs quibus, & ijs in quibus. ut enim  
altera inter se affecta sunt, sic & altera. Si enim  
aequales non sint, aequalia non habebunt. immo  
uero inde existunt pugnae, & expostulationes,  
cum



10

cum aut qui aequales sunt, non aequalia, aut  
qui non aequales, aequalia ferunt, & ex distri-  
butione consequuntur. Praeterea ex eo quod pro-  
dignitate sit, idem aperte colligitur. Omnes  
enim fateantur in distributionibus, id quod ius-  
tum est, pro dignitate esse oportere. Ipsam ta-  
men dignitatem non eadem in re omnes collo-  
cant. Sed si quidem qui popularem statum re-  
publicae probant, in libertate; qui paucorum  
potentiam, in diuitiis, aut in nobilitate; qui  
optimatum, in uirtute. est igitur iustum ana-  
logum quiddam. analogum enim non tantum  
proprium est numeri monadici, sed omnino, nu-  
meri. analogia enim est aequalitas propor-  
tionum: idq. quod minimum sit, in quatuor. ac  
dijunctam quidem in quatuor esse, manifesto ap-  
paret. sed & continens. uno enim ut duobus uti-  
tur, & bis dicit. exempli causa, ut prima ad se-  
cundam, sic secunda ad tertiam. bis igitur di-  
cta est secunda. Itaque si bis ponatur secunda,  
quatuor erunt analogia. est autem, & iustum,  
quod minimum sit, in quatuor: & eadem ra-  
tio. distant enim similiter quibus & quae. erit  
igitur, ut primum extremum ad secundum, sic  
tertium ad quartum. & uicissim igitur, ut pri-  
mum ad tertium, sic secundum ad quartum. Ita-  
que, & totum ad totum, quod quidem distribu-  
tio copulat. ac si quidem sic componantur, in-

ste

11

ste copulat. copulatio igitur primi extremi  
cum tertio, & secundi cum quarto, est ius illud,  
quod in distributione uersatur, ac medium. ana-  
logum enim medium est. ius autem analogum.  
Vocant autem mathematici talem analogian  
geometricam. in geometrica enim evenit, ut &  
totum ad totum eandem rationem habeat, quam  
utraque pars ad alteram. Non est autem conti-  
nens haec analogia. non enim fieri hic potest, ut  
idem numero sit extremum, cui & quod. Ius  
igitur hoc analogum est: iniustum autem, quod  
non est analogum. est autem alterum plus, al-  
terum minus. quod quidem evenit etiam in re-  
bus ipsis. Nam qui iniuriam facit, plus bo-  
ni consequitur; qui accipit, minus. in malo au-  
tem contra. nam minus malum, comparatum  
ad maius, boni rationem obtinet. est enim mi-  
nus malum magis experendum maiori. experen-  
dum est autem bonum, & magis, maius. Hoc  
igitur unum iuris genus est. Reliquum est alte-  
rum, in corrigendo situm: cui locus est in ijs,  
quae homines inter se tum sponte tum inuiti con-  
trahunt. Huius autem iuris alia quaedam ra-  
tio est, quam superioris. Nam illud quod in re  
rum communium distributione positum est, sem-  
per retinet eam quam diximus analogiam. Et  
enim si communis pecunia distribuenda sit, ea-  
dem proportio seruanda erit, quam inter se ha-

b bent

bent ea quae a quoque illata sunt. & iniustum il-  
lud quod huic iuri aduersatur, est, quod non re-  
tinet proportionem. Hoc autem ius quod in con-  
trahendis negotijs situm est, aequale quidem est  
quiddam, & iniustum, inaequale. non ad illam  
tamen analogiam, sed ad arithmeticam. nihil  
enim resert, uir bonus hominem nibili, an ho-  
mo nibili uirum bonum fraudauerit: neque a-  
dulterium fecerit uir bonus, an is, qui nulli rei  
est. Sed in ipsam tantum damni differentiam  
intuetur lex: utiturq. ijs ut aequalibus: si ille  
quidem iniuriam facit, hic autem iniuria affi-  
citur: & si ille quidem laesit, hic autem laesus  
est. Itaque iniustum illud, cum inaequale sit,  
ad aequalitatem perducere conatur. si quidem,  
& cum hic percussus est, ille percussit, aut et-  
iam interfecit, hic autem mortuus est, diuisa  
est percessio, & actio in partes inaequales. at  
conatur eam damno ad aequalitatem perducere,  
de lucro detrahens. Dicitur enim proprie-  
loquendo etiam in eiusmodi rebus (quamquam qui  
busdam satis proprium, & ad eam rem aptum  
nomen non uidetur) lucrum, ut in eo qui percus-  
sit, & damnum in eo qui percussus est. sed tum  
demum cum dimensa est percessio, vocatur alter-  
um quidem damnum, alterum autem lucrum.  
Itaque pluris, & minoris aequale medium est.  
Lucrum autem & damnum alterum plus est, al-  
terum

terum minus, contrarie. boni quidem plus, &  
mali minus, lucrum: contrarium autem, da-  
num. Inter quae medium est aequale, quod in  
stum esse dicimus. Ergo ius quidem id quod cor-  
rigendi uim habet, medium est inter damnum,  
et lucrum. quocirca cum aliqua de re ambigunt,  
ac controvenerantur, ad iudicem consuagunt. Ire  
autem ad iudicem est, ad ius ipsum ire. Index  
enim, si hoc nomen tueri, ac sustinere uult, est  
quasi ius animatum. & quaerunt iudicem me-  
dium. ac uocant eos nonnulli medianos. ut, si  
medium assequantur, ius suum assecuturi. Ius  
igitur medium quiddam est: si quidem, & in-  
dex. Index autem exaequat: & ut, si linea in  
partes inaequales diuisa sit, quo maior pars di-  
midiam superat, id aufert, & addit ad mino-  
rem partem. cum autem bifariam diuisum est  
totum, tunc aiunt se suum habere, cum aequas  
partes acceperunt. aequale autem medium est  
maioris & minoris ad analogiam arithmeti-  
cam. atque ob id ius a graecis dicitur dicaeon,  
quoniam est, dicha, id est duas in partes aequa-  
les diuisum. ut si quis dicat dichaon, & ab ijs-  
dem index uocatur dicastes quasi dichaest. Si  
enim duorum aequalium ab altero ablatum ali-  
quid sit, & additum ad alterum, fit ut duobus  
tantis maius sit alterum. si enim detraictum  
modo esset, non autem additum, uno tantum ma-



14

ius effet: medio igitur maius est, uno, & medium eo a quo ablatum est, uno: haec igitur nobis nota erit ad cognoscendum, quid tum auferre oporteat ab eo, qui plus habet, tum addere ei qui minus. quo enim quis medium superat, hoc addere oportet ei qui minus habet: quo autem mediū superatur, id auferendum a maximo. Sint tres lineae inter se aequales AA BB CC. ex linea AA detrahatur pars AE, & addatur ad CC, sitque CD. Ita tota linea DCC lineam EA superat parte CD & parte CF. ergo, & lineam BB parte CD.

a            e            a  
b            b  
c            f            c            d

**R**ALATA autem sunt haec nomina damnum, & lucrum ex eo quod sponte contrahuntur. nam habere plus suo, lucrum facere dicitur. minus autem quam principio, damno affici, ut in uenditione, & emptione, alijsq. quae per legem fieri possunt, quod si neque plus neque minus, sed ipsa ex se ipsis effecta sint, sua se habere aiunt, ac neque damnum, neque lucrum facere. Itaque lucri cuiusdam, & damni medium est ius in ijs, quae non sponte

15

sponte contrahuntur: quod tantundem habeat uterque contrahentium posterius, quantum prius habuerat. Videtur autem quibusdam antiponthos, id est talio, sine reciproca quaedam personis, ius esse simpliciter, & absolute, ut Pythagorei dixerunt: definiebant enim simpliciter ius talionem. talio autem neque ad id ius, quod in distribuendo, neque ad id, quod in corrigendo situm est, accommodari potest. quamquam uolunt Rhadamanthys quoque id ius suis fece. Tum fuerit lex recta, serat si quisque quod egit. multis enim locis consonum non est. Ut si quis magistratum habens percussit alium, non oportet eum uicissim percuti. & si quis magistratum percussit, non percuti modo eum oportet, sed & puniri. Praeterea multum interest id, quod sponte fit, & quod inuite. sed in communitatibus rerum ultro citroque permundarum id ius, quod talio dicitur, continet societatem analogia, non autem aequalitate. Factis enim proportione reciprocis manet coniunctio ciuitatis. Aut enim quaerunt, quod sibi mali factum est reponere: sin minus, seruitus esse uidetur: aut quod boni: sin minus tollitur officiorum uicissitudo. officiorum autem uicissitudine sit, ut una maneant. quo circa, & Gratiarum templum in propatulo statuant, ut fit remuneratio. Id enim gratiae proprium est. uicissim enim officio

b 3 cio



16

cio aliquo demereri oportet cum qui gratificatus est, & ipsum denuo aliud gratificandi principium facere. efficit autem remunerationem analogiae consentaneam coniunctio per diametrum. uerbi causa sit architectus ubi A, sutor ubi B, domus ubi C, calceus ubi D.

a	b
Architectus	Sutor
c	d
domus	calceus

 PORTET igitur architectum a suto re opus illius accipere, & uicissim ei suum dare. Ergo si primum exaequa- ra fuerint haec ad analogiam, deinde fiat anti- pethos, id est mutua acceptio, erit quod dicitur: sin minus, non aequum est, neque con- sistere potest. nihil enim prohibet praefantius esse unius opus opere alterius: oportet igitur haec exaequari. hoc autem locum habet etiam in alijs artibus. tollantur enim funditus, nisi & is qui facit, faciat tantum & tale, & is qui accipit, accipiat huc, & tantum, & tale. non enim ex duobus medicis constat societas, sed ex medieo & agricola, omninoq. alijs, & non aequali-

17

aequalibus. sed eos exaequari oportet. quare oportet omnia, quorum permutatio est, quodammodo comparabilia esse, cuius rei cauſa nummus in usum uenit: qui quodammodo men- sura efficitur omnium rerum. omnia enim meti- tur. Ergo, & quanto quaeque res pluris mi- noris uenit: & quot calcei domum, aut alimen- tum adaequent. Oportet igitur quam rationem habet architectus ad sutorum, tot calceos cum domo aut alimento comparari. nisi enim id fiat, non erit permutatio, neque communitas. id au- tem non erit, nisi quodammodo aequalia sint. quare oportet unam aliquam esse communem o- mnium rerum mensuram, ut prius dictum est. ea autem est reuera quidem indigentia, quae o- mnia continet: si enim nullius rei indigeant, aut non similiter, aut non erit permutatio, aut non eadem. Successit autem nummus quasi compa- rho in indigentiae locum: ob idq. uocatur no- misma, quod non natura, sed nomen, id est, le- ge, ualeat, & in nobis est mutare cum, atque inu- tilem efficere. erit autem mutua illa acceptio, cum exaequata erunt omnia, ut quam rationem habet agricola ad sutorum, eandem habeat o- pus sutoris ad opus agricolae. In figuram au- tem analogiae ducendi sunt, cum permutaturi erunt. alioqui alterum extremum utranque exsu- perantiam habebit. sed cum sua habent, sic ta-

b 4 men



18

mens sunt aequales, & ad communitatem apti:  
quoniam haec aequalitas in ipsis effici potest.

agricola      sutor  
a                b

alimentum      opus sutoris adequatum  
c                d      (cum alimento)

**S**VLATA autem bac accipiendi uicissi-  
tudine, tolleretur uite communio.  
Indigentia autem contineri societa-  
tem hominum, ac si unum quiddam sit, ex eo in-  
telligi potest, quod cum aut uterque, aut alter  
altero non indiget, non permuntant: ut cum eius,  
quod quis habet, alter indiget, uerbi caussa, ui-  
ni, exportandi frumenti sit potestas, hoc igi-  
tur exaequari oportet. In permutationem au-  
tem futuram si nunc non indiget, fore eam, si  
indiguerit, nobis quasi sponsor est nummus.  
Oportet enim, hunc ferenti, licere id quo eget  
accipere. Idem autem accidit etiam nummo.  
neque enim semper tantundem ualeat. stabilior  
tamen uidetur esse. Quare oportet esse omni-  
bus rebus pretia constituta. Ita enim semper  
erit permutatio, & quae eam consequitur, com-  
municatio. Nummus igitur symmetra omnia  
efficiens,

19

efficiens, adaequat. Neque enim communica-  
tio sine permutatione, neque permutatio sine ae-  
qualitate, neque aequalitas, sine symmetria esse  
potest. Reuera igitur ea, quae tantopere di-  
stant, symmetra fieri non queunt, sed quantum  
ad usum satis est, queunt. Vnum igitur aliquid  
esse oportet, idq. hominum instituto, unde, &  
nomisma vocatur. Id enim omnia efficit symme-  
tra, cum omnia metiatur. Sit domus pretium  
quinque minae: lecti autem mina una: lectus  
igitur ipsius domus quincta pars erit. Quare con-  
stat, quot lecti domum exaequent: nempe quin-  
que. Hanc autem ante nummi usum fuisse ra-  
tionem permundandi, perspicuum est. nihil inter-  
est enim, dentur ne lecti quinque pro una domo,  
an quanti sunt lecti quinque. Quid igitur iu-  
stum iniustumq. sit, & mutua illa perpessio, quae  
antipeponthos dicitur, quemadmodum ad iustum  
affecta sit, dictum est. His autem definitis, con-  
stat iustum actionem facienda & accipienda in  
iuriae medianam esse. alterum enim est plus habe-  
re, alterum minus. Iustitia autem mediocritas  
est, non eodem modo, quo uirtutes illae, de qui-  
bus antea disputauimus, sed quia medij est, ini-  
ustitia autem extremorum. Et iustitia quidem est  
habitus, ex quo iustus dicitur propensus ad con-  
sulto agendum id quod iustum est, & ad ius tri-  
buendum tum sibi, si cum altero contrahat, tum  
alteri



alteri cum altero contrahenti, non ita, ut sibi plus eius quod expetendum est, minus autem alteri, & eius quod noxiū est, contra, sed & sibi, & aliis id quod ad analogiam aequum est. Contra iniustitia ad id quod iniustum est. Id autem est nimium, & parum commodi et danni non servata proportione. Itaque iniustitia est nimium & parum: quia est & eius quod nimium est, & eius quod parum. In sua quidem causa nimium sibi tribuens eius, quod simpliciter utile est, eius quod noxiū est, parum. in aliorum autem negotio, generaliter quidem, eodem modo: discedit autem proportione nunc in hanc, nunc in illam partem. Iniuriae autem minus extrellum est iniuriam accipere: maius iniuriam facere. De iustitia igitur & iniustitia, quae utrinque natura sit, itemq. de iusto & iniusto, hoc modo a nobis uniuerso disputationum sit. Quando autem fieri potest, ut quis iniustum quiddam faciat, ne que dum tamen iniustus sit, quae nam sunt illae iniustae actiones, quas qui suscipit, iam iniustus est in uno quoque iniustiae genere, ut fur, aut adulter, aut latro? an sic quidem nihil intererit: nam & fieri potest, ut quis cum muliere aliqua rem habeat, sciens quaenam ea sit, neque tamen a suscepto sic agendi consilio, sed a libidinis motu actio illa tamquam a principio fluxerit. Ille igitur facit quidem iniustum quiddam, neque

21

neque tamen iniustus est: ut neque fur, & si furatus est: neque adulter, & si adulterium fecit. eodemq. modo in ceteris. non est autem ignorandum, totam hanc quaestionem esse de eo iure quod simpliciter ius est, id est de iure ciuili. id autem est inter eos qui uitae societatem inierunt, ne quare ad uiuendum necessaria egerent, liberi & aequales, aut ad analogiam, aut ad numerum. Itaque quibus hoc non est, eis inter se non est ius ciuale: sed ius quoddam & tantum ex quadam similitudine ita vocatum. est enim ius inter eos quos inter etiam lex. lex autem inter eos in quibus iniustiae locus est. indicium enim iusti & iniusti disceptatio est. In quos autem cadit iniustitia, ij etiam iniuste facere possunt. Id autem est plus sibi tribuere eorum quae simpliciter bona sunt, minus eorum quae simpliciter mala. Quare non hominem imperare sinimus, sed rationem. quoniam sibi ipsi id facit, & efficitur tyrannus. est autem magistratus custos iuris. quod si iuris, & aequalitatis. Quoniam autem nihil ex eo uidetur amplius consequi, si quidem iustus est: neque enim plus sibi tribuit eius quod simpliciter bonum est, nisi sibi proportione debeat, ideo alij laborat. ac propter eam causam aiunt iustitiam alienum bonum esse: ut & antedictum est. Danda igitur ei aliqua merces. ea uero honor est & decus. Quicumque autem ijs



22

ius contenti non sunt, hi tyranni fiant. Ius autem domini in seruos, & patris in liberos non idem est atque haec, sed simile. neque enim proprius dicitur iniustitia in ea quae sua cuiusque sunt. Mancipium autem & filius usque eo dum adoleuerit, seiunctusq. sit, tamquam pars patris est. iam nemo est qui laedere se consulto uelit, quare nullius in se ipsum iniustitia est. ergo ne iniuria quidem, neque ius ciuale. lege enim constat, & in ijs est qui eam naturam habent, ut inter ipsos communis lex esse possit. Eos autem esse dicebamus quibus est inter ipsos imperandi & parendi aequalitas. Quare magis cum uxore, quam cum liberis & cum seruis, est iuris comunitas. Id enim est ius oeconomicum: quod tamen ipsum quoque alius est a ciuili. Ciuale autem ius partim naturale est, partim legitimum. Naturale quidem quod ubicumq. terrarum idem ualeat, non quod ita statutum sit aut secus. legitimum autem, quod a principio quidem nihil interest sic fiant an secus: ubi autem constitutum fuerit, interest. ut mina redimi captiuos, aut capram Ioui immolare non oves, & quae praeterea de singulis rebus lege sanciunt. ut Brasidae sacra facere, & quaecumque populi suffragij scientia sunt. Videntur autem quibusdam omnia talia esse. quia quod naturale est, immobile est, & quocumque in loco eandem uim habet. ut ignis urit

23

urit & hic & apud Persas. iura autem mutari uident. neque tamen omnino id ita se habet: sed aliqua tantum ex parte. quamquam apud Deos quidem fortassis nulla ex parte ita se habet, apud nos autem est quidem aliiquid naturale mobile, non tamen omne, sed nihilo minus aliud natura ualeat, aliud non natura. Quod autem eorum, quae aliter habere se possunt, naturale sit, quodque non natura, sed lege & consensu hominum ualeat, etiam si utraque peraeque mutabilia sint, constat. eademq. distinctio etiam ad alias res accommodari poterit. Natura enim dextra manus fortior est: et si euenire potest ut omnes homines aequa utraque manu utantur. Ea autem iura quae ex consensu, & utilitate naturae sunt, similia sunt mensuris. non enim omnibus in locis aequales sunt uini frumentiq. mensurae: sed ubi quidem emunt, maiores: ubi autem uendunt, minores. Eodem modo quae iura non naturalia sed humana sunt, non quocumque in loco sunt eadem. quando ne reipublicae quidem status. et si unus tantum est omnibus in locis natura optimus. Vnum quodque autem ius, & unumquodque legitimum eandem rationem habet, quam uniuersum ad singula. nam ea quidem quae aguntur multa sunt. illorum autem unumquodque unum. uniuersum enim est. Differunt autem iniuria & iniustum: itidemq. dicacoma, id est,



24

est, iuste factum & iustum: nam iniustum quidem est aut natura, aut lege. id autem ipsum postquam factum est, iniuria est. prius autem quam fiat, nondum, sed iniustum. Similiter etiam dicaeoma. sed tamen commune nomen quo quidquid iuste factum est vocatur, est potius dicaeopragema; dicaeoma autem proprie est, correctio iniuriiae. Horum autem singula quas quotque species habeant, & cuiusmodi uersentur in rebus, posterius quaerendum erit. Cum iusta iniustaq. sint ea quae diximus, tum demum quis in iuste agit, & iuste, cum ea sponte facit. at cum in uitus, neque iniuste, neque iuste facit, nisi casu & ex consecutione quadam. ea enim agunt, quibus ut iusta iniusta ue sint, accidit. iniuriam autem & iuste factum id demum esse definiuimus, quod sponte fit. si enim sponte factum sit, tunc demum uituperatur, simulq. iniuria est. Quare erit quidem aliquid iniustum, neque tamen iniuria: nisi illud quoque adsit, ut sponte fiat. Sponte autem fieri dico, ut supra dictum est, quod quis eorum quae in sua potestate sita sunt, agit, sciens, neque ignorans, neque quem, neque quo quasi instrumento, neque cuius rei causa: ut quem uerberet, & quo, & quam ob causam. atque eorum quodque non ex consecutione quadam, neque per uim. ut si quis apprehensa alicuius manus alium uerberet, is, cuius est manus, non agit sponte.

25

te. neque enim in ipso situm est. Fieri autem potest, ut pater sit is qui percutitur: qui autem percutit, sciat quidem hominem esse, aut esse aliquem eorum qui adsunt, sed patrem esse ne- sciat. eademq. distinctio adhibita intelligatur, & in fine ad quem dirigitur actio, & in tota denique actione. Quod igitur ignoratur, aut non ignoratur quidem, sed in ipso situm non est, immo per uim fit, iniuite fit. Multa enim eorum etiam quae natura fert, scientes & agimus & patimur, quorum nihil neque sponte nostra, neque nobis iniuitis fieri dicendum est: qualia sunt senescere, aut mori. Ut autem iniusta, ita iusta quoque multa sunt non proprie ac per se, sed ex quadam tantum consecutione. Nam & si quis iniuitus ac metu depositum reddat, neque iustum facere, neque iuste facere dicendus est, nisi ex euentu: & eodem modo is qui necessitate subactus atque iniuitus depositum non reddit, ex euentu tantum decendus est iniuriam inferre, & iniustum facere. Eorum autem quae sponte fiunt, partim capto prius consilio facimus; partim non capto. ac capto quidem consilio ea, de quibus prius deliberauimus; non capto autem, cum deliberatio nulla antecessit. Cum igitur trium generum sint ea damna, quae in societatibus inferuntur: ea quidem, quae cum ignorantia coniuncta sunt uocamus errata: cum quis neque



neque scit quem, neque quid, neque quo instrumento, neque cuius gratia se quid facere putabat, id evenit, sed quod non putasset. exempli causa, non ut vulneraret, sed ut pungeret: aut non illum, aut non illo modo. Cum igitur praeter opinionem damnum illatum est, infortunium est: cum autem non praeter opinionem quidem, sed tamen sine malitia, erratum. aberrat enim, cum in ipso est principium causae. infortunatus autem est, cum extra. Cum autem sciens quidem, sed nulla antegressa deliberatione, iniuria est. ut quaecumque per iram aliosq. omnes animi motus necessarios, aut naturales eveniunt hominibus. Nam qui eis impulsi laedunt alium, ac peccant, iniuriam illi quidem faciunt: suntq. talia facta iniuriae, nondum tamen propterea iniusti, neque improbi sunt. neque enim damnum est per improbitatem datum. Qui autem capto consilio laedit, iniustus est, & improbus. Quocirca bene quae per iram facta sunt non indicantur facta consulto. non enim prior laedit, qui per iram facit, sed qui irascendi causam dedit. Praeterea uero ne ambigitur quidem factum sit nec ne sit, sed an infra factum. Ira enim opinione iniustiae commonetur. Neque in ijs quae per iram facta sunt in controversiam uenit, factum sit nec ne: ut in contractibus, ubi necesse est alterum improbum

probum esse, nisi oblitii id faciant: sed cum de facto inter ipsos conueniat, de iure tota contentio est. At qui consulto, & cogitato aliquid fecit, non ignorat. Quod si quis capto consilio alium laedit, iniuriam facit: & qui tales iniurias facit, iniustus iam est: cum aut ab analogia discedit, aut ab aequalitate. Itidemq. iniustus est, qui capto ita agendi consilio id, quod iustum est, facit. Ut autem iustum aliquid facere dicatur, satis est si sponte faciat. Iam eorum quae iniuitae sunt, quaedam uenia digna sunt, quaedam non sunt. Nam quaecumque non inscientes tantum, sed etiam per inscientiam peccant homines, ignoscenda sunt: quae autem non per inscientiam, sed inscientes quidem, per aliquam tamen affectionem animi, neque humana, ignoscenda non sunt. Quod si satis iam distinet a nobis de accipienda inferendaq. iniuria disputatum est, dubitare posset aliquis, primum quidem, sit ne ita ut dixit Euripides, cuius illud est sane admirabile, & abhorrens ab opinioni communis:

Genitricem ut interficerim, breui eloquar.  
Sponte utrinque, aut ipsius, sed non mea.

V T R V M enim reuera fieri potest, ut quis suapte sponte accipiat iniuriam, an non potest?

c sed



28

sed ut quisquis iniuriam facit, sponte facit, ita quicumque accipit, iniuitus accipit? & numquid, ut omnis iniuria sponte fit, ita de accipienda iniuria uniuersae alterutrum dicere possumus, aut omnem sponte accipi, aut omnem ab iniuitis: an quaedam sponte accipiuntur, quae-dam ab iniuitis? eademque dubitari possunt de ratione obtainendi iuris sui. Nam quisquis agit iuste, sponte agit. quare consentaneum est, eorum, quae utrique opponuntur, similem esse rationem: ut aut & sponte accipient iniuriam homines, & sponte ius suum obtineant, aut utrumque iniulti. Sed illud admirabile uideri potest, si quisquis ius suum obtinet, sponte illud obtinere dicatur. sunz enim quibus ius suum non sane sua sponte tribuitur. Nam id quoque dubium esse alicui possit, utrum quisquis iniusti aliquid perfert, ei fiat iniuria: an ut in agendo, sic in perpetiendo quoque se res habeat. In utroque enim potest aliquis ex euentu tantum quodam iusti particeps esse, similisq. iniusti ratio est. neque enim idem est, iniustum aliquid face-re, & iniuriam facere; neque iniustum aliquid perpeti, & iniuriam accipere. idemque dicendum est de ratione iuste agendi, & obtainendi ius suum. Fieri enim non potest ut quis afficiatur iniuria, nisi sit qui iniuriam facit; neque ut quis ius suum obtineat, nisi sit qui iuste agat.

Quod

29

Quod si iniuriam facere nihil aliud est, quam sponte aliquem laedere: sponte autem laedit, qui scit, & quem, & quo, & quomodo: incontinentis autem sponte ipse se laedit: sequitur, ut & sponte accipiat iniuriam, & ut quis ipse sibi iniuriam facere possit. est autem hoc quoque unum ex ijs quae in quaestionem uocari solent, fieri ne possit, ut quis ipse se iniuria afficiat. praeterea potest quis suapte sponte propter incontinentiam suam ab alio laedi, qui sponte eum laedit: ut sponte iniuriam accipere posse uideatur. An uero recta non est ea, quam supra posuimus, definitio: sed ad illa, laedere ita, ut scias, & quem, & quo, & quomodo: addendum praete-re a est, praeter eius qui laeditur uoluntatem? laeditur ergo aliquis, & iniustum aliquid perfert suapte sponte: sed sua sponte iniuriam accipit nemo. nemo enim id uult, ne incontinentis quidem: sed praeter uoluntatem suam agit. neque enim uult quisquam, quod bonum esse non censet. at incontinentis id agit, quod agere non oportere indicat. Qui autem sua dat; ut Homerus ait Glaucum dedisse Diomedi aurea pro aereis, quaeq. centum bobus aestimarentur, pro ijs, quae nouem, ei nulla sit iniuria. In ipsis enim arbitrio est dare. iniuria autem affici non in ipso est, sed esse oportet qui iniuriam faciat. in iniuriam igitur sponte quidem non accipi constat.

c 2 Restant



30

Restant duo explicanda ex ijs, quae proposuimus: Ut tandem iniuriam faciat, is ne qui praeter dignitatem plus tribuit, an qui plus habebet: & possit ne quis sibi metipsi iniuriam facere, nam si illud est, quod priore loco diximus, facitq. iniuriam, non qui plus habet, sed qui tribuit: sequitur, ut si quis sciens, & sponte plus alteri, quam sibi tribuat, iniuriam ipse faciat sibi, quod quidem moderati homines facere nidentur. etenim uir bonus facile de suo iure decedit. An ne hoc quidem simplex est? fieri enim non potest, ut alterius boni plus consequatur, ut gloriae, aut eius, quod simpliciter honestum est. Praeterea dissoluitur hoc ea, quam tradidimus, facienda iniuria definitio- ne. nihil enim patitur praeter suam uoluntatem. Quare iniuria non afficitur propterea: sed, si forte, laeditur solum. Constat autem fieri iniuriam ab eo qui distribuit, non semper ab eo, qui plus habet. neque enim, ut cuique inest, quod iniustum est, is iniuriam facit: sed in quo inest sponte id facere: id est, unde est actionis prin- cipium, quod quidem est in eo, qui distribuit, non in eo qui accipit. Praeterea quando face- re multis modis dicitur: & quodammodo et- iam inanima interficiunt, & manus, & seruis eius qui mandauit: haec iniuriam quidem non faciunt, etiam si res iniustas faciant. Prae- terea

31

terea si quis ignorans indicauit, non facit iniu- riam, quod ad ius legitimum attinet, neque iniustum iudicium est: sed tamen quodammodo iniustum. Aliud enim est ius legitimum, aliud primum. at si sciens iudicauit iniuste, plus i- pse quoque consequitur, dum aut amico gratifi- catur, aut inimicum ulciscitur. Ut igitur, si quis partem ferret eius, quod iniuste tribuit, ita is quoque, qui ea in indicando secutus est plus habet. Nam, & in illis, qui agrum adiudica- uit, non agrum, sed pecuniam accepit. Homi- nes autem in sua potestate positum esse putant iniuste agere: quocirca, & facile esse, iniustum esse. id autem secus est. Nam facile quidem est, & in ipsis situm, cum uxore uicini rem habe- re, & percutere alterum, & manu pecuniam da- re: sed certo quodammodo affectos haec facere, neque facile est, neque in ipsis situm. Eodem quoque modo nullam magnam sapientiam pu- tant esse, nosse quae iusta, quaeq. iniusta sint: quia ea, de quibus loquuntur leges, intelligere difficile non est. At ea iusta non sunt nisi ex consecutione: sed ita demum iusta, si certo quo- dam modo fiant, & certo quodam modo tribuan- tur. Id autem operiosus est, quam quae salu- bria sunt nosse. Nam illic quoque mel, & ui- num, & elleborum, & ustionem, & sectio- nem facile est nosse: at nosse quomodo haec ad

c 3 sanit-



sanitatem adhibenda sint, & cui, & quando, ita difficile est, ut medicum esse. Ob id autem ipsum etiam iusti hominis esse existimant nihilominus minus iniuste agere. quoniam nihilominus, ac magis etiam, potest iustus eorum unumquodque facere. nam & rem habere cum muliere, & per cutere. & uir fortis clypeum abiucere, & in fugam uersus utramlibet in partem currere. At timide agere, & iniuste agere, non haec facere est, nisi ex consecutione: sed ea facere certo quodam modo affectum. Ut medicare & sanare, non aut secare, aut non secare, aut medica menta adhibere, aut non adhibere est, sed certo quodam modo ea facere. In ijs autem iura locum habent, qui participes esse possunt eorum quae simpliciter bona sunt, quique praeterea eorum & plus & minus quam sat est, consequi possunt. Nam alijs quidem nimium tribui non potest, ut fortasse dijs: alijs autem nulla eorum particula utilis est, ut insanabilibus, & malis: immo eis obsunt omnia. alijs autem usque ad aliquem modum. idque humanum est. Se quitur ut de aequitate, & de aequo bono, quam rationem aequitas ad iustitiam, quam aequum bonum ad ius habeat, differamus. Insipientibus enim neque idem omnino, neque aliud generre uidetur. Atque interdum quidem id quod aequum bonum est, & eiusmodi hominem laudamus.

damus. Itaque Graeci nomen epijces, quod nos aequum bonum dicimus, etiam ad alia quae lant transferunt, & epijces uocant quod bonum est, & nomine epijestrion significant aliquid melius esse. Interdum autem rationem sequenti bus mirum atque absurdum uidetur, si aequum bonum, cum sit quiddam biuersum a iure, laudabile est. aut enim ius bonum non est, aut epijces non est bonum, si aliud est: aut si utrumque bonum est, idem est. Haec igitur sere sunt, quae de aequo bono dubitari solent. Quae omnia quodammodo uere dicuntur, neque inter se dis sident. Nam & aequum bonum ita quodam iure melius est, ut ipsum quoque ius sit: neque ita est iure melius, ut sit aliud quoddam genus. Idem igitur & ius est, & aequum. Cumque ambo sint bona, melius est aequum bonum. Inde autem oritur dubitatio, quod aequum bonum, ius quidem est; non tamen ius legitimum, sed legiti mi iuris correctio. Cuius rei haec causa est, quod lex omnis generalis est. Quibusdam autem de rebus uniuersè & generaliter recte prae cipi non potest. Quibus igitur in rebus genera liter loqui necesse est: id autem recte fieri non potest, accipit lex id, quod plerumq. sit, non illa quidem peccati nescia. ac nihilominus recta est. culpa enim non in lege, neque in legis latore, sed in ipsa rei natura est. Iam enim talis est rerum



34

agendarum materia. Cum igitur lex quidem uniuerso loquitur, accidit autem postea aliquid praeter generale illud, tunc rectum est, qua parte praetermisit aliquid legislator, atque aberrauit, uniuerso locutus, corrigere quod omissum est: quod & legislator ipse diceret si praesens adesset, & si sciuisse, lege cauisset. Quare ius quidem est, & iure aliquo melius. non tam iure simpliciter. sed eo peccato quod ex generali sermone natum est. Atque haec est natura aequi boni, correctio legis, qua parte manca est, quia generaliter loquitur. Nam haec causa est cur non omnia legibus comprehensa sint: quod de quibusdam lex ferri non potest. Quocirca psephismate opus est. Interminatae enim rei interminata est & regula: ut & aedificatio-  
nis Lesbiae regula plumbea. nam transfertur,  
& inflebitur ad figuram lapidis, neque eadem  
manet: quomodo & psephisma ad ea quae aguntur.  
Quid igitur sit aequum bonum, & quid ius, & quo iure melius, constat. Ex quo perspicuum etiam est, quis sit iur aequus & bonus.  
qui enim talia consulto sectatur, agitque, neque summum ius in deteriorem partem persequitur,  
sed de suo concedit, tamenetsi lex a se facit, ae-  
quus est: & habitus ille aequitas, quae iustitia  
quaedam est, non aliis aliquis habitus. Ecquid  
autem sibi metipsi aliquis iniuriam facere pos-  
sit,

35

sit, necne possit, ex ijs, quae diximus, constat.  
Nam eorum, quae iusta sunt, partim quidem  
omni uirtuti conuenientia legibus constituta  
sunt. exempli causa, lex non iubet, quemquam  
sibi mortem consciscere; quae autem non iubet,  
uetat. Praeterea cum quis cui contra legem no-  
cet, neque uicissim nocet, & sponte nocet, iniuri-  
am ei facit, sponte autem, qui seit, & cui, &  
quomodo. At qui se per iram interficit, sponte  
id facit, contra rectam legem, quod lex non si-  
nit. iniuriam igitur facit. at cui? an non sibi,  
sed ciuitati? sponte enim patitur. iniuria au-  
tem sponte afficitur nemo. Quare etiam eum ci-  
uitas multat: & ignominia quaedam inuritur  
ei, qui sibi necem consciuit: ut qui ciuitatem in-  
iuria afficerit. Praeterea qua ratione iniustus  
est is tantum, qui iniuriam facit, non qui omni-  
no uitiosus est, fieri non potest, ut se quis iniur-  
ia afficiat. est enim hoc aliud ab illo iniustiae  
genus: quo qui iniustus est, ita uitiosus est, ut  
ignarus: non ut qui omni uitio contaminatus  
est. Ne in hoc quidem igitur genere iniuriam  
facit. Sequeretur enim, ut idem eidem simul &  
detrabi, & adiici posset. quod fieri nequit. sed  
semper in pluribus esse iustum & iniustum neces-  
se est. Praeterea ut quis iniuriam facere dica-  
tur, & sponte faciat oportet, & capto consilio,  
& prior. qui enim, quod sibi factum est, idem ui-  
cissim



cissim facit, iniuriam facere non uidetur. at qui ipse se laedit, eadem simul & patitur & facit. Deinde sequeretur fieri posse, ut quis suapte spon te acciperet iniuriam. Accedit, quod nemo iniuriam facit, quin certam aliquam iniuriam faciat. at nemo cum uxore sua adulterium facit, nemo parietem suum perfodit, nemo sua furatur. Denique dissoluitur hoc, sibi quemquam iniuriam facere, ijs quae iam definita & constituta sunt de eo, posset ne quis sua sponte iniuriam accipere. Constat autem, utrumque malum esse, & accipere iniuriam, et facere alterum enim est minus, alterum plus medio habere: quod quidem est, ut in medicina salubre, in arte exercen dorum corporum bene habitum. Sed tamen peius est iniuriam facere. est enim cum improbitate coniunctum, & uituperandum, & aut cum improbitate absoluta, & proprie dicta, aut ei finitima. Non enim quidquid sponte fit cum iniustitia coniunctum est. at accipere iniuriam, sine improbitate & sine iniustitia est. Quare per se quidem minus malum est iniuria affici: ex consecutione attem nihil prohibet, quin sit maius malum, sed de hoc ars non laborat. quin immo lateris dolorem maiorem morbum esse dicit, pedis offensione. Etsi contra interdum euenire potest ex consecutione: si eueniat, ut is qui alicubi offendit, propterea quod ceciderit, capia tur ab

tur ab hostibus, & moriatur. Translatione autem quadam et similitudine est ius quoddam non quidem alicui erga se ipsum, sed partibus quibusdam ipsius inter se. neque uero quodlibet ius: sed quale est quo dominus in seruum, aut pater familia in familiam suam utitur. His enim rationibus distat ea pars animi quae ratione praedita est, ab ea quae caret. quae intuentibus uide tur esse aliqua iniustitia erga se ipsum. quod in ijs fieri potest, ut aliquid alienum ab appetitiis suis perferat. Ut igitur imperanti, & parenti, sic his quoque ius inter se quoddam est. De iniustitia igitur, ceterisque uirtutibus moralibus hoc modo explicatum fit.

F I N I S





